


সিপাহীযুদ্ধের ইতিহাস



শ্রীরজনীকান্ত গুপ্ত প্রণীত ।



Calcutta :

PRINTED BY JADU NATH SEAL,
HARE PRESS :

46, BECHU CHATTERJEE'S STREET.

PUBLISHED BY GURUDAS CHATTERJEE,

* BENGAL MEDICAL LIBRARY : 201, CORNWALLIS STREET.

1392.

মূল্য ১১০ দেড় টাকা ।

R.M. T. H. Y.	
Acc No	22335
Class	
Date	
FC	
	Rg
Bk. Card	✓
Checked	✓

সূচী ।

প্রথম অধ্যায় ।

লর্ড কানিংয়ের উদ্যোগ—কলিকাতায় জনসাধারণের মধ্যে আশঙ্কাবৃদ্ধি—
নি সেনাপতির সহিত গবর্নর জেনেরলের পত্রলেখালেখি—সখের সৈনিক-
াংগঠনের প্রস্তাব—সাহায্যকারী সৈনিকদলের আগমন—কর্ণেল নীল—
তর অপরাধে অভিযুক্ত ব্যক্তিদিগের শাস্তিবিধান জন্ত অভিনব ব্যবস্থার
য়ন ১-১৯ ।

দ্বিতীয় অধ্যায় ।

প্রধান সেনাপতির কার্যশিথিলতা—প্রধান সেনাপতির মৃত্যু—সেনাপতি
াদের অধীনে সৈন্যদিগের দিল্লিতে যাত্রা—শিখভূপতিদিগের অবস্থা—
কীরক্ষার বন্দোবস্ত—কর্ণেল স্মিথ—হিন্দল নদীর তীরে যুদ্ধ—বদলিকা
ই নামক স্থানে যুদ্ধ—দিল্লীর পুরোভাগে ইঙ্গরেজ সৈন্যের অব-
ত ২০-৪৯ ।

তৃতীয় অধ্যায় ।

উত্তরপশ্চিম প্রদেশ—বারাণসী—আজিমগড়ের সিপাহীদিগের মধ্যে
যোগ—সেনাপতি নীলের উপস্থিতি—জোনপুর—এলাহাবাদ—কাণ-
... .. ৫০-১২৮ ।

চতুর্থ অধ্যায় ।

কাণপুর—স্মার হিউ হইলর—ইউরোপীয়দিগের আশঙ্কা—সিপাহীদিগের
জনা—মুৎপ্রাচীরবেষ্টিত স্থান—নানা সাহেব—সিপাহীদিগের সমুখান—
রজদিগের আত্মরক্ষার চেষ্টা—তাঁহাদের আত্মসমর্পণ—গঙ্গার ঘাটে
—হতাবশিষ্টদিগের পলায়ন—বিবিঘর ১২৯-২২৩ ।

পঞ্চম অধ্যায় ।

সেনাপতি হাবেলকের কাণপুরে যাত্রা—সেনানায়ক রেণ্ডের সহিত হাবেলকের সন্মিলন—ফতেহপুরের যুদ্ধ—ফতেহপুরের অধিবাসীদিগের উত্তেজনা—ইঙ্গরেজসৈন্তের প্রতিহিংসা—আওঙ্গগ্রামের যুদ্ধ—বিরিঘরে হত্যা —কাণপুরের যুদ্ধ—কাণপুরে হাবেলকের আগমন—নানা সাহেবের পলায়ন— ইঙ্গরেজসৈন্তের অত্যাচার—বিঠুরে নানা সাহেবের প্রাসাদধ্বংস—সেনাপতি নীলের কাণপুরে উপস্থিতি—নীলের প্রতিহিংসা—কাণপুররক্ষার উদ্দেশ্য বিধান—হাবেলকের লক্ষ্যযাত্রা ২২৪-২৬১
পরিশিষ্ট ২৬২-২৬৮

সিপাহিযুদ্ধের ইতিহাস ।

তৃতীয় ভাগ ।

প্রথম অধ্যায় ।

লর্ড কানিংগ্লেব উদ্যোগ—কলিকাতায় জনসাধাবণের মধ্যে আশঙ্কারূদ্ধি—প্রধান সেনাপতির সহিত গবর্নর জেনেবলেব পত্র লেখালেখি—সখিব সৈনিকদলসংঘটনের প্রস্তাব—সাহায্যকারী সৈন্যদলের আগমন—প্রধান সেনাপতির মৃত্যু—কর্ণেল নীল—গুরুতর অপরাধে অভিযুক্ত ব্যক্তিদিগের শাস্তিবিধান জন্ত অভিনব ব্যবস্থার প্রণয়ন ।

দিল্লীর দুর্গতির সংবাদ যখন লর্ড কানিংগ্লেব নিকট উপস্থিত হইল, তখন তিনি ঐ আকস্মিক বিপদের গতিরোধ করিতে উদ্যত হইলেন । উত্তর-পশ্চিম প্রদেশের যে সকল জনপদ অবক্ষিত অবস্থায় ছিল, সে সকল জনপদ ক্রোধোন্মত্ত সিপাহিগণের আবাসস্থল হইতেছিল, গবর্নর জেনেবল প্রথমে সেই সকল স্থান সুরক্ষিত ও নিরাপদ করিতে কৃতসঙ্কল্প হইলেন । তিনি বোর্ড অব কন্ট্রোলের সভাপতিকে লিখিলেন :—“বঙ্গদেশের অন্তর্গত বারাকপুর হইতে উত্তর-পশ্চিম প্রদেশের আগ্রা পর্য্যন্ত ভূখণ্ডই, অধিকতর আশঙ্কার বিষয় হইয়া উঠিয়াছে । এই সাড়ে সাত শত মাইলের মধ্যে কেবল দানাপুরে একদল ইউরোপীয় সৈন্য আছে ; বারাণসীতে একদল শিখসৈন্য আছে বটে, কিন্তু কোন ইউরোপীয় সৈন্য নাই ; এলাহাবাদেও তাই । এই সকল স্থানে ভাবতবর্ষীয় সৈন্যদলের প্রতি সন্দেহ জন্মিয়াছে । যদি ইহারা শুনিতে পায় যে, দিল্লী এখন পর্য্যন্ত উন্নত সিপাহিদিগের হস্তগত রহিয়াছে, তাহা হইলে গবর্নরমেণ্টের অধিকৃত দুর্গ বা ধনাগার আক্রমণ করিতে

ইহাদের আগ্রহ বাড়িয়া উঠিবে । এই জন্ত, আমি দিল্লী হইতে বিদ্রোহীদের নিষ্কাশন ও ইউরোপীয় সৈন্তের একত্রীকরণ, এই দুই বিষয়ে বিশেষ মনোযোগী হইয়াছি” । লর্ড কানিং নানাস্থান হইতে ইউরোপীয় সৈন্তের সংগ্রহ জন্ত যাহা করিয়াছিলেন, তাহা উপস্থিত গ্রন্থের দ্বিতীয় খণ্ডে বিবৃত হইয়াছে । তিনি এখন অল্প বিষয়ে কার্যতৎপরতার পরিচয় দিতে অগ্রসর হইলেন । সিপাহিদিগের অস্ত্রাঘাতে, মিরাতে ইউরোপীয়দিগের শোণিতশ্রোত প্রবাহিত হইয়াছিল । সিপাহিদিগের আক্রমণে ইউরোপীয়গণ দিল্লী হইতে পলাইয়া অপরিচিত ও অজ্ঞাত স্থানে যাতনার একশেষ ভুগিতেছিল । দিল্লীতে ইন্সপেক্টরের প্রাধান্য ও ইন্সপেক্টরের ক্ষমতা বিলুপ্ত হইয়া গিয়াছিল । সিপাহিরা বৃদ্ধ মোগলের প্রভুত্ব প্রতিষ্ঠিত করিয়া আপনাদের কৃতকার্যতায় আপনারা পবিতৃপ্ত হইতেছিল । লর্ড কানিং এই সঙ্কটকালে আপনাদের বিলুপ্ত প্রাধান্যের পুনরুদ্ধারে উদ্যত হইলেন ।

এসময়ে ব্রিটিশ ভারতের রাজধানী কলিকাতায় বড় গোলযোগ উপস্থিত হইয়াছিল । এই স্থানে খ্রীষ্টীয়ধর্মাবলম্বী বহুসংখ্যক নর ও নারী, বালক ও বালিকা একত্র হইয়াছিল । ইহারা দীর্ঘকাল নিকৃৎসে ও নিরাপদে বাস করিয়া আসিতেছিল । এজন্ত ইহাদের জীবন ও সম্পত্তি রক্ষার নিমিত্ত কোন চেষ্টা ছিল না । দীর্ঘকাল সুখশান্তিতে অতিবাহিত করিতে, ও দীর্ঘকাল আপনাদের নিরীহভাবে পরিচয় দেওয়াতে, ইহাদের চিত্তবৃত্তিও নিস্তেজ হইয়া পড়িয়াছিল । কলিকাতার অপরাপর অধিবাসিগণও সবল ও সাহসসম্পন্ন ছিল না । ইহারা নিশ্চিন্ত মনে উদরানের সংগ্রহে তৎপর থাকিত, নিকৃৎসে গোষ্ঠীবদ্ধ হইয়া বাস করিত এবং নিরাপদে আপনাদের অবলম্বিত কার্য সম্পন্ন করিয়া তুলিত । ইহাদের আত্মরক্ষার কোন অবলম্বন ছিল না । উক্ত ইন্সপেক্টর ইহাদের উপর অনেক সময়ে অত্যাচার করিত । যৌবনমূলভ তেজস্বিতায়, অদূরদর্শিতামূলক আত্মসুরিতায় ও অমানুষোচিত আত্মপ্রাধান্যমত্ততায়, ইহারা কলিকাতার সাধারণ অধিবাসীদেরকে নিপীড়িত করিয়া, আপনাদের নিকৃষ্টতর স্থখে আপনারা পবিতৃপ্ত থাকিত । বেসরকারী ইন্সপেক্টরসম্প্রদায় ক্রয়বিক্রয়ে আপনাদের ক্ষতিলাভগণনাতে নিযুক্ত থাকিতেন । এই কার্যপ্রসঙ্গে

স্থানীয় অধিবাসীদিগের সহিত তাঁহাদের যতটুকু মিশিবার প্রয়োজন হইত, তাঁহারা কেবল ততটুকু মিশিতেন। সুতরাং সাধারণ অধিবাসীদিগের সহিত তাঁহাদের তাদৃশ সমবেদনা ছিল না। এই সকল অধিবাসীর রীতিনীতি, আচার, ব্যবহার ও মানসিক ভাব প্রভৃতিতে তাঁহারা সম্পূর্ণ অনভিজ্ঞ ছিলেন। তাঁহারা রাজধানীর সুরম্য প্রাসাদ পরিত্যাগ করিয়া কোথাও যাইতে ইচ্ছা করিতেন না, জনসাধারণের মনোগত ভাব বুঝিয়া মানব প্রকৃতির পরিজ্ঞানের সীমাবদ্ধি করিতেও চেষ্টা করিতেন না, এবং আপনাদের অবলম্বিত বাণিজ্যব্যবসায়ের ক্ষতি করিয়া দূরতর প্রদেশের কোন বৃহৎ ব্যাপারের পর্যালোচনাতেও ব্যাপৃত হইতেন না। সুতরাং তাঁহারা মহাবাঈধ্বংসের সঙ্কীর্ণ সীমাতে আবদ্ধ থাকিয়া আপনাদের ব্যবসায়ের শ্রীবৃদ্ধিসাধনেই তৎপর থাকিতেন। ইহারা এইসময়ে মহারাষ্ট্র-খাতবাসী বলিয়া অভিহিত হইতেন। রেলওয়ে হওয়াতে ইন্ড-রেজেরা সময়ে সময়ে কলিকাতার বাহিরে যাইতেন বটে, কিন্তু তাহাতে তাঁহাদের বহুদর্শিতা অধিকতর প্রসারিত হইত না। তাঁহারা অধিকাংশ সময়ই বাণিজ্য-প্রধান মহানগরে বাস করিয়া বাণিজ্যলক্ষীর প্রসাদে আপনাদের সৌভাগ্য বৃদ্ধির স্বপ্ন দেখিতেন। সমগ্র পৃথিবীর সম্বন্ধে চীনদেশে মানচিত্রকারক-দিগের যেরূপ ধারণা ছিল, সমগ্র ভারতের সম্বন্ধে তাঁহাদিগের ধারণা উহা পেক্ষা বড় বেশী ছিল না। চীনের মানচিত্রকারক যেমন চীন সাম্রাজ্যকে সমগ্র পৃথিবী বলিয়া মনে করিতেন, উল্লিখিত ইন্ড-রেজ সম্প্রদায়ও তেমনই ভারতের সুদৃশ প্রাসাদময়ী রাজধানীকে সমগ্র ভারতের প্রতিক্রম বলিয়া বিবেচনা করিতেন।

উত্তর-পশ্চিম প্রদেশে সিপাহিদিগের অভ্যুত্থানের ভয়ঙ্কর সংবাদে এই শ্রেণীর লোকে যে, সন্ত্রস্ত হইবে, তাহা কিছু বিচিত্র নয়। যাহা ঘুরাটে ঘটিয়াছে, দিল্লীতে যাহার বিকাশ দেখা গিয়াছে, বাঙ্গলাতেও যে, তাহাই ঘটিবে, এই শ্রেণীর লোকে কেবল ইহা ভাবিয়াই সর্কদা শঙ্কিত হইত। এইরূপ শঙ্কিতহৃদয়ে ইহারা আপনাদের ধনপাণ রক্ষার জন্ত গবর্নমেন্টের দিকে চাহিয়া থাকিত। প্রাণের দায়ে ইহাদের একরূপ উদ্ভ্রান্তহওয়াও কিছু বিচিত্র নয়। ইহারা দীর্ঘকাল নিরুদ্বেগে ও নিরাপদে বাস করিয়া আসিতে

ছিল, নিরুদ্বেগে ও নিরাপদে আপনাদের বৈষয়িক কার্যে অভিনিবিষ্ট থাকিত ; সুতরাং আপনাদিগকে নিরাপদ ভাবিয়াই পরাজিত, পরাধীন জাতিকে অবজ্ঞার চক্ষে চাহিয়া দেখিত । এই দীর্ঘকালে ইহারা কোনরূপ আশঙ্কা বা উদ্বেগের আবর্তে পড়িয়া ঘুরিয়া বেড়ায় নাই । যে জাতির প্রতি ইহারা এই দীর্ঘকাল অবজ্ঞার ভাব দেখাইয়া আসিতেছিল, সেই জাতি হইতে যে, ইহাদের সমূহ বিপদ ঘটিবে, তাহা ইহারা কখন স্বপ্নেও ভাবে নাই । কিন্তু এখন ঘাতের প্রতিঘাত আরম্ভ হইল । উত্তর-পশ্চিম প্রদেশে সংবাদ অতিবঞ্জিত হইয়া, ভয়ঙ্করভাবে ইহাদের সমক্ষে উপস্থিত হইতে লাগিল । ইহারা এই সংবাদে ভীত হইয়া চারি দিকে আপনাদিগকে বিপদে পবিবেষ্টিত বলিয়া মনে করিতে লাগিল । মহানগরীর খ্রীষ্টধর্মাবলম্বী সম্প্রদায়ের মধ্যে এই বিষয়ে গুরুতর আন্দোলন উপস্থিত হইল । ফিবিঙ্গী ও পর্ভুগীজেরা ইহাতে অধিকতর ভীত হইয়া উঠিল ; ইঞ্জরেজরাও ভয়ের হস্ত হইতে একেবারে নিষ্কৃতি পাইলেন না । অনেকে আপনাদের নিরাপদ করিবার জন্ত জাহাজে যাইয়া বাস করিতে লাগিলেন । কেহ কেহ দুর্গে আশ্রয় গ্রহণ করিলেন, কেহ কেহ বা অন্ধকারময় গোপনীয় স্থানে লুকায়িত থাকিয়া আপনাদিগকে সর্বপ্রকার বিঘ্নবিপত্তি হইতে বিমুক্ত বলিয়া, মনে করিতে লাগিলেন । কেহ কেহ নগর পবিত্যাগ করিয়া নিকটবর্তী পল্লীতে অবস্থিতি করিতে লাগিলেন । কেহ কেহ ইঞ্জলেণ্ডে যাইবার জন্ত জাহাজ ভাড়া করিলেন, কেহ কেহ বা বন্দুক ও পিস্তল কিনিয়া সশস্ত্র ও সশস্ত্র হইয়া রহিলেন * । এই সময়ে মহামতি লর্ড ক্যানিংয়ের

* ইউরোপীয় ও ফিবিঙ্গীদিগের এইরূপ অবস্থা মে মাসে ঘটিয়াছিল । জুন মাসে ইহারা অধিকতর ভীত হয় । যাহাহউক, মে মাসে ইহাদের যেকোন আশঙ্কা হয়, তৎসম্বন্ধে একখানি সংবাদপত্র এইরূপ লিপিত হইয়াছিল :—“অনেকে আপনাদের গাড়ীতে পিস্তল লইয়া যাইতেন এবং আপনাদের বেহাবাদিগকে ঐ পিস্তল শীঘ্র শীঘ্র ভরিতে ও ছুড়িতে শিখাইতেন । ভাগীরথীতে যে সকল জাহাজ ছিল, তৎসমুদয় রাত্রিকালে ইউরোপীয়গণে পরিপূরিত হইয়া উঠিত । শত্রুপক্ষ রাত্রিতে আক্রমণ করিবে ভাবিয়া, ইউরোপীয়গণ ঐ সকল জাহাজে আশ্রয় গ্রহণ করিতেন । তাহারা সকল স্থানে ও সকল সময়েই আপনাদিগকে বিপদাপন্ন মনে করিতেন । যখন সহসা কোন বিপদ ঘটে, তখন মনের একরূপ ভাব হওয়া অস্বাভাবিক নয় ।”—*Friend of India, May 28, 1857.*

স্বাভাবিক ধীরতার কিছুমাত্র ব্যতিক্রম ঘটে নাই। কোনরূপ হুশ্চিন্তা বা কোনরূপ গভীর আশঙ্কা তাঁহাকে পবিত্র কর্তব্যপথ হইতে অনুমাত্রও বিচলিত করিতে সমর্থ হয় নাই। তাঁহার প্রশান্ত মুখমণ্ডলে এ সময়েও প্রশান্তভাব বিরাজ করিতেছিল। প্রশান্ত ললাটফলক এসময়েও উদ্বেগের আবিলতা হইতে বিমুক্ত ছিল। কলিকাতার খ্রীষ্টধর্মাবলম্বিগণ এ সঙ্কটকালেও ভারতের সর্বপ্রধান রাজপুরুষের ধীর ও প্রশান্তভাব দেখিয়া অসম্বৃত্ত হইলেন, এবং অসন্তোষের সহিত তাঁহাকে স্বশ্রেণীর ও স্বধর্মের লোকের রক্ষায় উদাসীন ও উপস্থিত সময়ে গুরুতর রাজকীয় কার্যের অযোগ্য বলিয়া মনে করিতে লাগিলেন।

কলিকাতাপ্রবাসী ও ইউরোপীয় ফিরিঙ্গিগণ যে, অकारणे ভীত হইয়াছিল, তাহা বলা যায় না। তাহাদের ভয়ের অনেকগুলি কারণ ছিল। যে সকল সিপাহি পূর্বে কোম্পানির প্রধান সহায় হইয়া অন্তঃশত্রু ও বহিঃশত্রু হইতে এই বিপুল সাম্রাজ্য রক্ষা করিতেছিল, তাহারাই এখন সহসা কোম্পানির বিরুদ্ধে সমুথিত হইয়া ইন্ড্রিজের শোণিতে আপনাদের প্রতিহিংসার পরিতর্পণে অগ্রসর হইয়াছে। কলিকাতার নিকটবর্তী বারাকপুরে বহুসংখ্য সিপাহি অবস্থিতি করিতেছিল। ইহারা এক রাত্রিতে কলিকাতায় উপস্থিত হইয়া ইউরোপীয়দিগের পরাক্রম পর্যুদস্ত কবিত্তে পারিত। কলিকাতার দুর্গ আক্রমণ, কারালয়ের অপরাধীদিগের বিমুক্তীকরণ, ইহাদের অসাধ্য কার্যের মধ্যে পরিগণিত ছিল না। মিরাতে ও দিল্লীতে যাহা ঘটিয়াছিল, কলিকাতাতেও তাহা ঘটিবার সম্ভাবনা ছিল। সুতরাং কলিকাতার ইউরোপীয়গণ ভীত হইয়া, মুহূর্তের মধ্যে মহাবিপ্লবের পূর্ণ মূর্তি ভাবিতে লাগিল, এবং আপনারা প্রাণসর্বস্ব হইবে মনে করিয়া ধনপ্রাণ রক্ষার জন্ত কাতবভাবে গবর্ণমেন্টের দিকে চাহিয়া রহিল।

লর্ড কানিং বিশেষ না ভাবিয়া সহসা কোন কার্যে হস্তক্ষেপ করিতেন না। তিনি অটল পর্বতের গায় অটলভাবে থাকিয়া ও ধীরতার সহিত সমস্ত বিষয়ের পর্যালোচনা করিয়া গুরুতর কার্যে হস্তক্ষেপ করিতেন। যখন ব্রিটিশ সাম্রাজ্যের রাজধানীতে ইউরোপীয়দিগের মধ্যে আশঙ্কার পূর্ণ বিকাশ হইয়াছিল, আতঙ্ক ও উদ্বেগের তরঙ্গে ইউরোপীয় ও ফিরিঙ্গিগণ যখন

সমভাবে মুহূর্তে মুহূর্তে আন্দোলিত হইতেছিল, তখনও লর্ড কানিংয়ের ধীরতার কিছুমাত্র ব্যত্যয় হয় নাই। দিনের পর দিন অতিবাহিত হইতে লাগিল, লর্ড কানিং প্রতিদিন ধীরভাবে বিপদাপন্ন স্থানের সংবাদ সংগ্রহ করিয়া ধীরতার সহিত উপস্থিত বিপদ নিরাকৃত করিতে যত্ন, উদ্যম ও চেষ্টার একশেষ দেখাইতে লাগিলেন। ইঞ্জরেজসম্প্রদায় এই সময়ে ভাবিয়াছিলেন যে, গবর্নরজেনেরল বিপদের পূর্ণমূর্তির ধারণা করিতে পারিতেছেন না। যেহেতু, তিনি ব্রিটিশ সাম্রাজ্যের রাজধানীর অদৃষ্টে কি ঘটবে, ভাবিয়া এখনও বিচলিত হন নাই। কলিকাতা আক্রান্ত ও বিধ্বস্ত হইলে ইউরোপীয়দিগের দশা কি ঘটবে, তাহা তিনি ভাবিতেছেন না; ইউরোপীয়দিগের আশঙ্কা যে, কিরূপ বলবতী হইয়াছে, তাহাদের হৃদয় যে, কতদূর অধীর হইয়া উঠিয়াছে, সর্ববিধ্বংসভাবনার করাল ছায়া যে, তাহাদিগকে কিরূপ আচ্ছন্ন করিয়া তুলিয়াছে, তাহা তিনি বুঝিতে পারিতেছেন না। কিন্তু এ সময়ে গবর্নরজেনেরলের মুখমণ্ডল যদিও প্রশান্তভাবে শোভিত ছিল, তথাপি উপস্থিত বিপদের পূর্ণভাব বুঝিতে তাঁহার কিছুমাত্র ঔদাসীন্য় হয় নাই * ।

দূরতর প্রদেশে যাহারা বিপদাপন্ন হইয়াছেন, যাহাদের জীবন ও সম্পত্তি ভয়াবহ বিপ্লবের সংঘাতে ধ্বংসোন্মুখ হইয়া উঠিয়াছে, লর্ড কানিং তাঁহাদের প্রতি গভীর সমবেদনা দেখাইতে কিছুতেই বিমুখ হন নাই। এই সকল বিপদাক্রান্ত জনপদ রক্ষা করিতে, তিনি হৃদয়ের সহিত চেষ্টা করিতেছিলেন। যাহারা অপেক্ষাকৃত নিরাপদ স্থানে থাকিয়া বিপ্লবের সংবাদ অতিরঞ্জিত করিয়া, আপনাদিগকে আপনাই বিনষ্টপ্রায় মনে করিতেছিল, গবর্নর-জেনেরল তাহাদিগের প্রতিও সমবেদনা দেখাইতে কাতর হন নাই। তিনি

* লর্ড কানিং এই সময় যে সকল চিঠিপত্র লিখিয়াছিলেন, তৎসমুদয়ে ইহার ভূরি ভূরি প্রমাণ পাওয়া যায়। তিনি বিশপ উইলসনকে এ সময়ে যে পত্র লিখেন তাহার ভাব এই :— “আকাশ ঘোরতর কুম্ববর্ণ হইয়া উঠিয়াছে, তথাপি উহা পরিস্কৃত হইবার চিহ্ন অস্পষ্টরূপে লক্ষিত হইতেছে। গবর্নমেন্ট ধীরতা ও স্থায়পরতার সহিত কার্য আরম্ভ করিয়াছেন। যথোচিত পূর্বসাবধানতা ও শক্তির সহিত কার্য করিতে কখনও ঔদাসীন্য় দেখান হইবে না। আগ্রা, দিল্লী ও বারাণসীতেই বিপদ অধিকতর প্রবল হইয়াছে। এই সকল স্থানে প্রভূত শক্তিসম্পন্ন প্রতিভাশালী ব্যক্তিগণ রহিয়াছেন। আমার বিলক্ষণ আশা আছে যে, আমরা সম্পূর্ণ কৃতকার্য হইব।”—*Kaye, Sepoy War. Vol II. p. 116, note.*

কাতরতার সহিত তাহাদের গভীর আশঙ্কার কারণ বুঝিয়াছিলেন বটে, কিন্তু কর্তব্যসম্পাদনবিষয়ে তাহাদের সহিত একমত হইতে পারেন নাই। বিপদাক্রান্ত জনপদ রক্ষা করাই অগ্রে তাঁহার প্রধান কর্তব্য হইয়া উঠিয়াছিল। তিনি এই কর্তব্যসম্পাদনে বিশেষ মনোযোগী হইয়াছিলেন। অগ্রে কলিকাতা রক্ষা করার সুবন্দোবস্ত না করাতে, যাহারা তাঁহার বিদেষী হইয়া উঠিয়াছিল, তাহারা তদীয় হৃদয়গত মহান্ ভাব বুঝিতে পারে নাই। গবর্ণর-জেনেরল যে স্থানে অবস্থিতি করিতেছিলেন, সেস্থান অপেক্ষা অগ্ৰাণ্ স্থানে ভয়ঙ্কর বিপ্লবের করাল ছায়া পূর্ণমাত্রায় বিস্তৃত হইয়াছিল। গবর্ণরজেনেরল ঐ সকল স্থানের রক্ষায় তৎপর হইয়াছিলেন। কলিকাতার ইঙ্গরেজ সম্প্রদায় ইহা না বুঝিয়া গবর্ণরজেনেরলেব নিন্দা করিতে লাগিলেন, এবং তাঁহার প্রতি ঘৃণার ভাব দেখাইয়া আপনাদিগকে নিঃসহায় ও নিরবলম্ব ভাবিতে লাগিলেন। যেহেতু, গবর্ণরজেনেরল তাঁহাদের ত্রায় সমগ্র ব্রিটিশ সাম্রাজ্য মহারাষ্ট্রখাতের অন্তর্ভুক্ত বলিয়া মনে করেন নাই।

মে মাস অতিবাহিত হইতে না হইতে কলিকাতায় ইউরোপীয়দিগের আশঙ্কা অধিকতর বলবতী হইয়া উঠিল। ইউরোপীয়গণ সখের সৈনিকদল-ভুক্ত হইবার জন্ত চেষ্টা করিতে লাগিল। কলিকাতার বণিকসমিতি প্রভৃতি প্রধান প্রধান সভা হইতে এ সম্বন্ধে লর্ড কানিংয়ের নিকট আবেদন হইতে লাগিল। ফরাসী, আমেরিকাবাসী প্রভৃতি অগ্ৰাণ্ বৈদেশিক জাতিও এ বিষয়ে ইঙ্গরেজদিগের সহিত সমবেদনা দেখাইতে লাগিল। আবেদনকারীরা সকলেই সৈনিকদিগের ত্রায় যথানিয়মে সজ্জিত ও শিক্ষিত হইবার ইচ্ছা প্রকাশ করিল। কিন্তু লর্ড কানিং এ সময়ে ব্রিটিশ সাম্রাজ্যের রাজধানীরক্ষার জন্ত সখের সৈনিকদল সংগঠিত করিবার বিশেষ প্রয়োজন দেখিলেন না। তিনি আবেদনকারীদিগকে এই উত্তর দিলেন যে, তাঁহারা বিশেষ কনষ্টেবলরূপে নিযুক্ত হইতে পারেন। গবর্ণরজেনেরলের এই উত্তরে ইঙ্গরেজসম্প্রদায় অধিকতর বিরক্ত হইয়া উঠিলেন। তাঁহারা অপরিসীম বিরাগ ও ক্ষোভের সহিত মনে করিতে লাগিলেন যে, গবর্ণরজেনেরল তাঁহাদিগকে সম্মুখে বিনষ্ট করিতে কৃতসঙ্কল্প হইয়াই, তাঁহাদের কাতর প্রার্থনায় উপেক্ষা দেখাইয়াছেন।

গবর্ণরজেনেরল যে, আবেদনকারীদিগের প্রতি তাচ্ছল্য দেখাইয়া তাহাদের আবেদন অগ্রাহ্য করিয়াছিলেন, তাহা বোধ হয় না। এ সময়ে বাহিরে সাধারণের সমক্ষে আপনাদের গভীর আশঙ্কার চিহ্ন প্রকাশ করা তাঁহার অভিপ্রেত ছিল না। এরূপ করিলে হয় ত, সাধারণের হৃদয় অধিকতর উত্তেজিত হইয়া উঠিত, ইঙ্গরেজদিগকে সকল বিষয়ে আটঘাট বাধিতে দেখিয়া, সাধারণে, হয় ত আপনাদের জাতিনাশ ও ধর্মনাশের আশঙ্কার অধিকতর বিচলিত হইয়া উঠিত। লর্ড কানিং সম্প্রদায় বা শ্রেণীবিশেষের শাসন-কর্তার পদে অধিষ্ঠিত ছিলেন না। তিনি সমগ্র ব্রিটিশ ভারতের সকল শ্রেণীব, সকল সম্প্রদায়ের ও সকল জাতিরই শাসন, পালন ও রক্ষণকার্যে ব্রতী হইয়াছিলেন। তাঁহার ধারণা ছিল যে, নিজ কলিকাতা ও সহরতলীতে সকলেই যার পর নাই ভীত হইয়া উঠিয়াছে। এই সকল স্থানে বিভিন্ন ধর্মের, বিভিন্ন বর্ণের ও বিভিন্ন শ্রেণীর লোক বাস করিয়া থাকে। ইহাদের এক শ্রেণীকে শান্ত ও নিরুদ্ধেগ করিবার জন্ত যাহা করা যাইবে, হয় ত, তাহাতে অত্র শ্রেণীর লোক অধিকতর ভীতিগ্রস্ত হইয়া উঠিবে। যাহাতে সকলেই শান্ত হয়, সকলেই সর্বব্যাপী আশঙ্কা হইতে বিমুক্ত হইতে পারে, উপস্থিত সময়ে তাহাই করা উচিত। এ সময়ে ভারতবর্ষীয়গণও ভয়ের প্রবল আক্রমণে যার পর নাই অস্থির হইয়া উঠিয়াছিল। ইহারা আপনাদের জাতি নাশ হইবে বলিয়া মুহূর্তে মুহূর্তে ভয়ঙ্করী বিভীষিকায় বিচলিত হইতেছিল, আপনাদের জীবন বিনষ্ট হইবে ভাবিয়াও মুহূর্তে মুহূর্তে বিকম্পিত হইয়া উঠিতেছিল। নানাবিধ বিশ্বয়কণ বাজার গুজব সকল বিছাদ্বেগে চারি দিকে ব্যাপ্ত হইতেছিল। যাহাতে লর্ড কানিং প্রকাশ্য ঘোষণাপত্র দ্বারা ঐ সকল কাহিনীর অমূলকত্ব সপ্রমাণ করেন, তজ্জন্ত ইঙ্গরেজসম্প্রদায় বিশেষ আগ্রহ প্রকাশ করেন। লর্ড কানিং ২০এ মে লিখেন—“বাজারে গুজব উঠিয়াছে যে, আমি হিন্দুদিগের ধর্মনাশের জন্ত, যে সকল পুষ্করিণীতে হিন্দুগণ স্নান করেন, তৎসমুদয়ে গোমাংস ফেলিয়া দিতে আদেশ দিয়াছি, জনসাধারণকে অপবিত্র খাদ্যগ্রহণে বাধ্য করিবার জন্ত, মহারাণীর জন্মদিনে সমস্ত মুদী দোকান বন্ধ করা হইবে বলিয়া ঘোষণা করিয়াছি। যে সকল লোকের এ সময়ে ধীরভাবে বুঝিয়া চলা উচিত, তাহারাও আগ্রহের সহিত বলিতেছেন যে, এই

সকল গুজব যেমন বাজারে প্রচারিত হইবে, অমনি প্রকাশ্য ঘোষণাপত্র দ্বারা তৎসমুদয় অলীক বলিয়া বিজ্ঞাপিত করা উচিত। এইরূপ করা হইতেছেনা বলিয়া, ঐ সকল লোক পিস্তল লইয়া সজ্জিত হইতেছে। এই রূপ জনরবের অলীকত্ব সপ্রমাণ করিবার জন্ত, আমার বিবেচনায়, যাহা যুক্তি-সঙ্গত বোধ হইয়াছে, আমি তাহাই অবলম্বন করিয়াছি। আমার আশা আছে ধীরতা ও দৃঢ়তাব সহিত চলিলে, সাধাবণের হৃদয় শান্ত হইবে।” মহামতি লর্ড কানিং, এইরূপে ধীরভাবে সকল বিষয়ের আলোচনা করিয়া কর্তব্য কার্যের অনুষ্ঠান করিতেছিলেন এবং সম্প্রদায়বিশেষের কটুক্তি ও উত্তেজনার মধ্যে, দৃঢ়তা হইতে অনুমাত্র বিচলিত না হইয়া, শান্তভাবে শান্তির রাজ্য অব্যাহত রাখিতে চেষ্টা পাইতেছিলেন।

২৫এ মে, মহাবাগীর জন্মদিনের উৎসব পূর্ববৎ আড়ম্বরের সহিত যথানিয়মে সম্পন্ন হইল। লর্ড কানিং, এ সময়ে, জনসাধাবণের রাজভক্তির উপর, যাহাতে কোনরূপ সন্দেহ প্রকাশ না হয়, তদ্বিষয়ে বিশেষ মনোযোগী ছিলেন। কেহ কেহ, তাঁহার শরীররক্ষক এতদেশীয় সৈনিকদিগেব স্থলে, ইউরোপীয় সৈনিক রাখিবার প্রস্তাব করিয়াছিলেন; কিন্তু লর্ড কানিং সে প্রস্তাবে সম্মত হন নাই। মহাবাগীর সম্মানার্থ তোপধ্বনি রহিত করিবারও, কেহ কেহ প্রস্তাব করেন, কিন্তু সে প্রস্তাবও পরিত্যক্ত হয়। এই উৎসবে অভিনব টোটা ব্যবহার করিতে, পাছে সিপাহিদিগের কোনরূপ অসম্মতি হয়, এজন্ত একদল সিপাহি পুৰাতন টোটা আনিতে বারাকপুরে গমন করে। রাত্রিকালে গবর্নমেন্ট প্রাসাদে যে ‘বল’ (নৃত্য) হয়, তাহাতে অনেকে গমন করেন বটে, কিন্তু কেহ কেহ তথায় উপস্থিত হইতে সাহসী হন নাই। যেহেতু তাঁহাদের আশঙ্কা ছিল যে, ঐ ‘বল’ উপলক্ষে গবর্নমেন্ট প্রাসাদে অনেক ইউরোপীয় স্ত্রীপুরুষ সমবেত হইলে, বিপক্ষগণ, একস্থানে ইউরোপীয় স্ত্রীপুরুষগণকে একীভূত দেখিয়া, উক্ত প্রাসাদ আক্রমণ করিতে পারে*। এই সময়ে মুসলমানদিগের ইদ্নামক একটি প্রধান উৎসব সম্পন্ন

* একটি ইঙ্গরেজ রমণী এই সময়ে লিখিয়াছিলেন যে, দুইটি যুবতী “বলে” যাইতে অসম্মত হন। তাঁহারা এতদূর ভীত হইয়াছিলেন যে, এক একটি বাগ হাতে করিয়া পলায়ন জন্ত প্রস্তুত হইয়া বসিয়াছিলেন। যে পর্যন্ত তাঁহাদের পিতা ‘বল’ হইতে প্রত্যাগত না হইয়াছিলেন,

হইয়াছিল। এজন্য ইঙ্গরেজদিগের আশঙ্কা ছিল যে, কলিকাতা ব্যতীত অগ্রান্ত স্থানেও মুসলমানেরা গবর্ণমেন্টের বিপক্ষে সমুথিত হইবে। কিন্তু কলিকাতায় কোনরূপ গোলযোগ দেখা গেল না। ইঙ্গরেজসম্প্রদায় গভীর আশঙ্কাগ্রস্ত হইয়া, প্রতিমুহূর্ত্তে জনসাধারণের আক্রমণের বিভীষিকায় বিচলিত হইলেও* কলিকাতায় শান্তির কোন ব্যাঘাত দেখা গেল না। লর্ড কানিং দিল্লীর উদ্ধারসাধন ও উত্তরপশ্চিমপ্রদেশের রক্ষার জন্ত, আপনাব মন্ত্রিবর্গের সহিত পরামর্শ করিতেছিলেন। উপস্থিত সময়ে এই উভয় কার্য্য একসঙ্গে সম্পন্ন করা সহজ ছিল না। ইউরোপীয় সৈনিক অতি অল্প ছিল ; এজন্য এই সঙ্কটকালে কোম্বিলের সদস্যেরা ভিন্ন ভিন্ন মত প্রকাশ করিতে লাগিলেন। যে সকল সিবিল কর্মচারী কোম্বিলের সদস্য ছিলেন, তাঁহারা বোধ হয়, ইউরোপীয় সৈনিকবলের অল্পতা দেখিয়া ভাবিয়াছিলেন যে, ইউরোপীয় সৈনিকগণ দিল্লীর পুনরুদ্ধারে নিযুক্ত হইলে অপরাপর প্রদেশ রক্ষকশূন্য হইয়া পড়িবে, বিপক্ষগণ সমগ্র জনপদ আক্রমণ করিয়া ভয়াবহ কাণ্ডের উৎপত্তি করিবে। ইহা ভাবিয়া, উক্ত সদস্যেরা দিল্লীর পুনরুদ্ধার করিতে কিছুদিন বিলম্ব করিবার পরামর্শ দেন। কিন্তু অগ্রতম সদস্য দূরদর্শী স্মার জন্ লো, এবিষয়ে সম্মতি না দিয়া, যত শীঘ্র সম্ভব, প্রগল্ঠ নগর উদ্ধার করিবার পরামর্শ দিলেন। গবর্ণরজেনেবলও ইহাতে সম্মত হইলেন। তিনি স্থির করিলেন যে, বিপক্ষদিগের হস্ত হইতে দিল্লী উদ্ধার করাই অগ্রে কর্তব্য। দিল্লী উদ্ধার না করিলে রাজনৈতিক অংশে গুরুতর ভ্রম হইবে। সাধারণে

সে পর্য্যন্ত তাঁহারা এইভাবে থাকেন। আর একটি কুলকম্বা দুইটি ইউরোপীয় নাবিক আনিয়া আপনার বাটীতে বসাইয়া রাখিয়াছিলেন। উক্ত কুলকম্বা কাল্পনিক শত্রুর ভয়ে ইহাদিগকে বাটীতে রাখেন বটে, কিন্তু ইহারাও তাঁহাকে ভয় দেখাইতে ক্রটি কবে নাই।

/ * কলিকাতাপ্রবাসী ইঙ্গরেজদিগের নস্রাসম্বন্ধে উক্ত রমণা উল্লেখ করিয়াছেন যে, আমি একদা রাত্রি দুই ঘটিকার সময় তোপধ্বনির স্মার কোন শব্দে জাগরিত হই। ইহাতে অনেকে অনুমান করেন যে, আলিপুরের জেল ভাঙ্গিয়া কয়েদীরা বাহির হইয়াছে। অনেকে পিস্তলাদি লইয়া সজ্জিত হন ; এবং গাড়ী প্রস্তুত করিয়া মহিলাদিগকে দুর্গে পাঠাইতে উদ্যত হইয়া উঠেন। আমি বারান্দায় ঘাইয়া দেখি যে, অদূরে বাজি পোড়ান হইতেছে। ইহা দেখিয়া আমি ঈশ্বরকে ধন্যবাদ দিই। এই বাজীর শব্দে মহা গোলযোগ ঘটয়াছিল। মহাশূরের রাজবংশীয় এক ব্যক্তির বিবাহ উপলক্ষে ঐ বাজি হইয়াছিল।—*Kaye, Sepoy War. Vol II. p. 119, note.*

যখন দেখিবে যে, ব্রিটিশ গবর্নমেন্ট, মোগল সম্রাটের রাজধানী হস্তগত করিতে উদাসীন রহিয়াছেন, এদিকে সিপাহিরা দিল্লীতে ইঙ্গরেজের প্রাধান্য নষ্ট করিয়া আপনাদের আধিপত্য স্থাপন করিয়াছে, দিল্লীর বৃদ্ধ ভূপতি সমগ্র ভারতের সম্রাটের পদে অধিষ্ঠিত হইয়া আবার প্রভুত্ব বিস্তারে উদ্যত হইয়াছেন, গবর্নমেন্ট সিপাহিদিগের এই ক্ষমতা বিনষ্ট করিতে পারিতেছেন না, তখন হয় ত তাহারা উত্তেজিত সিপাহিদিগের সহিত সশ্লিষ্ট হইয়া, গবর্নমেন্টের বিপক্ষতা করিবে। ইহাতে হয় ত সমগ্র ভূখণ্ডে সার্বজনীন বিপ্লব ঘটয়া ইঙ্গরেজের শাসনভিত্তি বিচলিত করিয়া তুলিবে। সুতরাং যত শীঘ্র দিল্লী উদ্ধার করিতে পারা যায়, ততই ভাল। দিল্লীর উদ্ধার হইলে, তাহারা গবর্নমেন্টের বিরুদ্ধাচরণ করিতেছে, তাহাদের হৃদয়ে আশঙ্কা জন্মিবে, গবর্নমেন্টের কার্য-তৎপত্তা ও ক্ষমতা দেখিয়া, তাহারা হয় ত, ক্রমে সাহসশূন্য হইয়া পড়িবে। ইহাতে ভয়ঙ্কর বিপ্লবের মূলগ্রাণ্ডি শিথিল হইলেও হইতে পারে।

গবর্নরজেনেরল এইরূপ বিবেচনা করিয়া দিল্লীর উদ্ধারসাধনে উদ্যত হইলেন। এবিষয়ে তিনি আর কোনরূপে কালবিলম্ব করিতে ইচ্ছা করিলেন না। প্রতিদিন, টেলিগ্রাফে প্রধান সেনাপতির নিকট দিল্লীর উদ্ধারের সম্বন্ধে আদেশ প্রেরিত হইতে লাগিল। এই সময়ে উত্তরপশ্চিমপ্রদেশে বেশী ইউরোপীয় সৈন্য ছিল না। কিন্তু ঐ প্রদেশের উত্তরে কয়েকদল ইউরোপীয় সৈনিক অবস্থিত করিতেছিল। লর্ড কানিং এফণে ঐ সকল সৈনিকদল একত্র করিয়া দিল্লীর উদ্ধার করিবার ইচ্ছা করিলেন। তিনি এই সময়ে মোগলের রাজধানী হইতে প্রায় হাজার মাইল দূরে অবস্থিত করিতেছিলেন। সুতরাং স্বয়ং ঘটনাস্থলে উপস্থিত থাকিয়া, কার্যপ্রণালী সুব্যবস্থিত করিবার পক্ষে, তাঁহার সুযোগ ছিল না। কিন্তু প্রধান সেনাপতির উপর, উত্তরপশ্চিম প্রদেশের লেফটেনেন্ট গবর্নরের উপর এবং পঞ্জাবের প্রধান কমিশনারের উপর, তাঁহার প্রগাঢ় বিশ্বাস ছিল। তিনি এই সকল সুদক্ষ কর্মচারীর উপর নির্ভর করিয়া সঙ্কল্পসাধনে উদ্যত হইলেন। মিরাতের ঘটনার পরে তিনি বিলাতে এই ভাবে পত্র লিখিয়াছিলেন :—“আমি ঘটনাস্থল হইতে নয় শত মাইল দূরে রহিয়াছি ; এজন্য, দিল্লীর বিপক্ষদিগকে পরাজিত করিবার জন্ত, যাহা করা উচিত, তৎসম্পাদনে আমার কিছু অল্পবিধা ঘটিয়াছে।

এই সময়ে যতদূর করিতে পারা যায়, সৈন্যদল একত্র করা হইতেছে। লেঃ গবর্নর কলবিনের কার্যের উপর আমার বিলক্ষণ বিশ্বাস আছে। সকলেই যতদূর সাধ্য, আপনাদের কর্তব্যপালনে ব্রতী হইবেন। আমি প্রধান সেনাপতিকে বাঙ্গালা ও উত্তরপশ্চিমাঞ্চলের বিষয়, এবং শীঘ্র শীঘ্র কার্য আরম্ভ করা যে উচিত, তাহা জানাইয়াছি। সকল বিষয়ই সময়সাপেক্ষ; দিল্লী একবার অধিকৃত হইলে এবং বিপক্ষদিগকে পবাজিত করিয়া কঠোর দৃষ্টান্ত প্রদর্শিত করিলে, আমাদিগকে আর অধিক অসুবিধা ভোগ করিতে হইবে না।” লর্ড কানিং যে আশায় এই পত্র লিখিয়াছিলেন, তাহা কতদূর ফলবতী হইয়াছিল, পরে জানা যাইবে।

গবর্নরজেনেবল এখন ইউরোপীয় সৈন্যসংগ্রহে মনোনিবেশ করিলেন। যে সকল স্থান বিপক্ষগণকর্তৃক আক্রান্ত হইবার বিশেষ সম্ভাবনা ছিল, সংগৃহীত সৈন্যদ্বারা সেই সকল স্থান রক্ষা করাই তাঁহার প্রধান উদ্দেশ্য হইল। উপস্থিত সময়ে, এই উদ্দেশ্যসাধনে তাঁহাকে অনেক বিঘ্নবিপত্তির সহিত সংগ্রাম করিতে হইয়াছিল। রাজধানীতে ও তাহার নিকটবর্তী স্থানে এই সময়ে দুই দল মাত্র ইউরোপীয় সৈন্য ছিল। ইহাদের এক দল—৫৩ গণিত পদাতিক কলিকাতার দুর্গে অবস্থিত করিতেছিল, আর একদল (৮৪ গণিত) চুঁচুড়ায় ছিল। এই দুই দল মাত্র ইউরোপীয় সৈন্যের উপর সমগ্র বাঙ্গালার অদৃষ্ট নির্ভর করিতেছিল। কলিকাতা হইতে ৪০০ মাইল দূরবর্তী দানাপুর ব্যতীত বাঙ্গালার নিকটবর্তী আর কোন স্থানে অত্র কোন ইউরোপীয় সৈনিকদল ছিল না। লর্ড কানিং, উক্ত দুই দল ইউরোপীয় সৈনিকের উপর নির্ভর করিয়াই, প্রথমে কার্যক্ষেত্রে অবতীর্ণ হইতে ইচ্ছা করিলেন। নানা কারণে ব্রিটিশ সাম্রাজ্যের রাজধানীতে ইউরোপীয় সৈনিকদল রাখা নিতান্ত আবশ্যিক হইয়া উঠিয়াছিল। কলিকাতার দুর্গে নানাবিধ অস্ত্রশস্ত্র পরিপূর্ণ একটি প্রধান অস্ত্রাগার ছিল। উহার কিয়দূর উত্তরে কাশীপুরে বন্দুক ও কামানের কারখানা ছিল। ইছাপুরে বারুদাগারে বারুদ প্রস্তুত হইত; দমদমায় বিবিধ যুদ্ধাস্ত্রপূর্ণ একটি অস্ত্র শিক্ষালয় ছিল। চৌরঙ্গির নিকট আলিপুরের কাবাগার, বহুসংখ্যক দুর্গচরিত্র কয়েদীগণে পরিপূর্ণ ছিল। এতদ্ব্যতীত গবর্নরমেন্টের কাপড়ের গুদামে সৈনিকদিগের

নানাবিধ পরিচ্ছদ রক্ষিত হইতেছিল। টাকশালা, ধনাগার, ব্যাঙ্ক সমস্তই বহু অর্থে পরিপূর্ণ ছিল। স্মৃতবাং কলিকাতা ও উহার নিকটবর্তী স্থানে বিপক্ষদিগের করণীয় অনেক বিষয় ছিল। বিপক্ষেরা সহসা উত্তেজিত হইয়া, আলিপুরের কয়েদীদিগকে বিমুক্ত করিয়া আপনাদের দল পরিপুষ্ট করিতে পারিত, অজ্ঞাগার, বারুদাগার প্রভৃতি হস্তগত করিয়া গবর্নমেন্টের সমূহ অনিষ্টসাধনে সমর্থ হইত, এবং টাকশালা, ব্যাঙ্ক প্রভৃতির টাকা লুটিয়া আপনাদের দলবৃদ্ধির সহিত বলবৃদ্ধির উপায় করিতে পারিত। এই সকল কারণে কলিকাতায় ইউরোপীয় সৈন্য রাখা আবশ্যিক হইয়া উঠিয়াছিল।

কেহ কেহ *লর্ড কানিংগের প্রতি এই বলিয়া দোষাবোপ করিয়াছিলেন যে, কানিংগ সময়ের গুরুত্ব বুঝিতে পারেন নাই। যদি তিনি পূর্বেই কলিকাতা-প্রবাসী ইউরোপীয়দিগকে সখের সৈনিকদলভুক্ত করিতেন, বারাকপুরে সিপাহীদিগকে অস্ত্রশস্ত্র হইতে বিচ্যুত ও সৈনিকদল হইতে নিষ্কাশিত করিয়া ফেলিতেন, দানাপুরের সিপাহীদিগের প্রতিও ঐরূপ দণ্ড বিহিত করিতে আদেশ দিতেন, বাঙ্গালার ইউরোপীয় সৈন্যদিগকে বিশেষ সত্বরতার সহিত বিপত্তিপূর্ণ স্থানে পাঠাইতেন, তাহা হইলে ঘোবতর দুর্ঘটনা ও বিপদের অনেক শাস্তি হইত। অবশ্য একরূপ অনেক বিষয় ছিল যে, তৎসমুদয় মে

* রেড্ পাম্ফ্লেট্ নামক একখানি ক্ষুদ্র গ্রন্থের লেখক, এবং সিপাহীবিরোধের ইতিহাস-প্রণেতা মীড্ সাহেব এ অংশে লর্ড কানিংগের প্রতি দোষাবোপ করিয়াছেন। প্রথমোক্ত লেখক কহিয়াছেন, বণিকনির্মিত প্রভৃতির আবেদন গ্রাহ্য করিলে গবর্নমেন্টের অন্ততঃ একদল ইউরোপীয় সখের সৈনিকের সাহায্য পাইতেন। শেষোক্ত লেখক এই ভাবে গবর্নমেন্টের কার্যশৈথিল্যের নির্দেশ করিয়াছেন :—“বিরোধের সংবাদ প্রচারিত হইবার এক সপ্তাহ পূর্বে গবর্নমেন্টের অধীনে এক হাজার সখের ইঞ্জরেজ পদাতিক সৈন্য, চারি শত অশ্বারোহী ও দেড় হাজার জাহাজী নাবিক ছিল। * : সৈন্য, কামান প্রভৃতি পাঠাইবার জন্য রেলওয়ে ও রাস্তার অবস্থা ভাল ছিল। রেলওয়ে কলিকাতা হইতে ১২০ মাইল দূরে রাণীগঞ্জ পর্যন্ত গিয়াছিল। প্রতি ট্রেনে দুই দল কবিয়া সৈন্য এই স্থানে অনায়াসে প্রেরিত হইতে পারিত। এ দিকে সখের সৈনিকেরা বন্দুক ছুড়িতে শিগিহেছিল। জাহাজী নাবিকেরাও কামান পরিচালনে অভ্যস্ত হইতেছিল। রাণীগঞ্জ হইতে কাণপুরের পথে গবর্নমেন্ট প্রতি পাঁচ মাইল অন্তর ঘোড়া গরু ইত্যাদি রাখিবার আড়ডা স্থাপন করিতে পারিতেন। * * * গবর্নমেন্ট ১৪ই জুন যাত্রা করিতে বাধ্য হন, পনের দিন পূর্বে যদি তাহা করিতেন, তাহা হইলে ঐ মাসের ১লা দুই হাজার সশস্ত্র ইউরোপীয় সৈন্য রাণীগঞ্জে আসিয়া থাকিতে পারিত।”—*Meal, Sepoy Revolt. p. 81-82.*

মাসে সম্পন্ন করিলে, ব্রিটিশ গবর্নমেন্টের পক্ষে অনেক সুবিধা হইত। কিন্তু মানুষ বর্তমান ঘটনা দেখিয়াই কার্যক্ষেত্রে অগ্রসর হয়। ভবিষ্যতের উপর নির্ভর করিয়া এবং অনিশ্চিত বিষয় সম্মুখে রাখিয়া, কার্য করিতে ইচ্ছা করে না। আজ বাহা প্রত্যক্ষীভূত হইতেছে, তাহার বিষয় বিবেচনা করিয়া, মানুষ যদি ধীরভাবে কার্য করে, তাহা হইলেই তাহার প্রশংসা হয়। কল্যাণ কি ঘটবে, হয় ত মানুষ তাহা বুঝিতে পারে না। কল্যাকার আলোকে তাহার কর্তব্যপথ কতদূর আলোকিত হইবে, সেই কর্তব্যপথ অবলম্বন করিলে, তাহার সফল কতদূর সিদ্ধ হইয়া উঠিবে, মানুষ হয় ত অদ্য তাহা বুঝিতে পারে না। কল্যাকার আলোক সম্মুখে প্রসারিত হইলে, বারাকপুর ও দানাপুরের সিপাহিদিগের নিরস্ত্রীকরণ আশু কর্তব্য বলিয়া স্থির হইত; কিন্তু লর্ড কানিংগ ভবিষ্যৎকাল ছিলেন না। ভবিষ্যতে বাহা ঘটবে, বর্তমানে তাহা চিন্তা করিয়া, কর্তব্যপথ স্থির করেন নাই। মে মাসের মধ্যভাগে বারাকপুরের সিপাহিরা আপনাদের প্রভুভক্তির পরিচয় দিতেছিল। ইহার গবর্নমেন্টের স্বপক্ষে যুদ্ধ করিতে যথোচিত আগ্রহ প্রকাশ করিয়াছিল। দানাপুরের সিপাহিদিগের অধিনায়ক লয়ড সাহেবও আপনার অধীনস্থ সৈন্যদিগকে ঐরূপ রাজভক্ত বলিয়া বিশ্বাস করিয়াছিলেন*। এ সময়ে ভারতের বিভিন্ন প্রদেশের সৈনিকদল বোধ হয়, দিল্লীর উপরই দৃষ্টি রাখিয়াছিল; মোগলের প্রসিদ্ধ রাজধানী পুনর্বার গবর্নমেন্টের হস্তগত হয় কি না, সোৎসুকচিত্তে তাহা চাহিয়া দেখিতেছিল। দুবদর্শী লর্ড কানিংগ এই জন্মই বিশেষ সতর্কতার সঞ্চিত দিল্লী পুনরধিকার করিতে উদ্যত হন। অবস্থাবিশেষে সৈন্যদিগের নিরস্ত্রীকরণ সঙ্গত হইলেও উপস্থিত সময়ে বাঙ্গালার সমস্ত সিপাহিকে নিরস্ত্রীকৃত করা

* ২রা জুন, সেনাপতি লয়ড লর্ড কানিংগকে লিখিয়াছিলেন :—“সাধারণতঃ এতদেশীয় সৈনিকদিগের উপর যত্ন ও এখন কেহই বিশ্বাস স্থাপন করেন না, তথাপি আমার বিশ্বাস, এস্থানের সৈন্যগণ ধীর ও শাস্ত্রভাবে থাকিবে। যাবৎ ইহার কোনও গুরুতর উত্তেজনার আকৃষ্ট না হয়, তাবৎ ইহাদের শাস্ত্রভাবের বাতায় হইবে না; ঐরূপ উত্তেজনা ঘটিলে ইহাদের উপর বিশ্বাসস্থাপন করা যাইতে পারিবে না। * * *”—*Ms. Correspondence, Kaye, Sepoy War. Vol II. p. 124, note.*

অসম্ভব ছিল। লর্ড কানিং এই সময়ে লিখিয়াছিলেন “যেস্থানে সম্ভব, সেস্থানে সৈনিকদিগের নিরস্ত্রীকরণে অনেক ফললাভ হইতে পারে। কিন্তু বাঙ্গালায়—যেস্থানে বারাকপুর হইতে কানপুর পর্য্যন্ত ১৫ দল সিপাহি সৈন্তের মধ্যে আমাদের কেবল এক দল মাত্র ইউরোপীয় সৈন্ত আছে—সেস্থানে নিরস্ত্রীকরণ অসম্ভব। একরূপ স্থলে উহাতে বিপরীত ফল ফলিতে পারে*।”

উপস্থিত সময়ে সিপাহিদিগের উত্তেজনা অনেক পরিমাণে বৃদ্ধি পাইয়াছিল বটে, কিন্তু স্থলবিশেষে কোন কোন সৈনিকদল একরূপ শান্তভাবে দেখায় যে, কর্তৃপক্ষ তাহাতে সন্তোষ প্রকাশ করিতে ক্রটি করেন নাই। তাড়িতগর্তী নিয়ত গবর্নরজেনেরলের সম্মুখে এইরূপ শান্ত ভাবের সংবাদ আনিয়া দিতেছিল। ১৯এ ও ২০এ মে বারাণসী হইতে সংবাদ আইসে :—“কোন বিষয়ে কোন গোলযোগ নাই, সৈন্তগণ স্থিরভাবে রহিয়াছে।” ঐ তারিখে স্যার হেনরি লরেন্স লঙ্কো হইতে তাহা সংবাদ পাঠান :—“নগরে, সৈনিকনিবাসে এবং সমস্ত প্রদেশে কোনরূপ গোলযোগ দেখা যাইতেছে না।” ঐ দিন কানপুরে স্যার হিউ হইলাবের নিকট হইতে সংবাদ আইসে :—“এখানে কোন গোলযোগ নাই; সাধারণের উত্তেজনা কমিয়া আসিয়াছে।” ঐ দিন এলাহাবাদ হইতে সংবাদ পাইতেছে :—“সৈন্তগণ শান্তভাবে রহিয়াছে ও ভাল ব্যবহার করিতেছে।” উত্তর পশ্চিমাঞ্চলের লেফটেনেন্টগবর্নর আগ্রা হইতে গবর্নরজেনেরলকে এই বলিয়া আশ্বস্ত করেন যে, “সমস্ত বিষয় এখন সন্তোষজনক বলিয়া বোধ হইতেছে; দিল্লীতে অগ্রসর হইতে কিছু বিলম্ব হইবে। সাধারণের বিশ্বাস, দিল্লী পুনরধিকৃত হইবে। সিপাহিবিপ্লবও অধিকদূর বিস্তৃত হইবে না।” ইহার পরেও নানা স্থান হইতে একরূপ আশ্বাসজনক সংবাদ পাইতে থাকে। কেবল আলিগড় হইতে সিপাহিহাঙ্গামার সংবাদ আইসে; কিন্তু উহার অব্যবহিত পরে পুনরায় আলিগড় হইতে সংবাদ আইসে যে, ঐ স্থান অধিকার করিবার জন্ত বিশেষ বন্দোবস্ত করা হইয়াছে।

* Kaye, Sepoy War. Vol II. p. 124, note.

মে মাসে এইরূপে লর্ড কানিংগের নিকট নানাস্থান হইতে সংবাদ পঁহুঁতেছিল। ঐ সকল সংবাদে কোনরূপ গোলযোগের আভাস পাওয়া যায় নাই। সকলেই শান্তির মনোরম দৃশ্য দেখিয়া লর্ড কানিংগকে শান্তভাবে সন্তুষ্ট করিতেছিলেন। সুতরাং লর্ড কানিংগের হৃদয় ভয়ঙ্কর বিপ্লবের পূর্ণায়তন মূর্ত্তি ধারণ করিয়া বিচলিত হয় নাই। কলিকাতার ত্রায় দূরবর্ত্তী স্থানে থাকিয়া, গবর্নরজেনেরলকে ঐ সকল কথার উপর নির্ভর করিয়া কার্য্য করিতে হইয়াছিল। একপ অবস্থায় শান্তভাবে যাহা করা উচিত, তাহা করিতে গবর্নরজেনেরল কখন উদাসীন হন নাই। তাঁহার আদেশে ভিন্ন ভিন্ন স্থান হইতে ইউরোপীয় নৈত্তদল আসিতেছিল। তিনি ঐ সকল সৈন্ত, বিপদের নিবারণ জন্ত, ভিন্ন ভিন্ন স্থানে রাখিবার বন্দোবস্ত করিতেছিলেন। লর্ড ডালহৌসীর দূষিত রাজনীতিতে, যে অগ্নি এতদিন তুষানলের ত্রায় অলক্ষ্যভাবে গতি নিস্তার করিতেছিল, তাহা যে, স্থলবিশেষে প্রজ্জ্বলিত হইয়া উঠিতেছে, ধীরপ্রকৃতি লর্ড কানিংগ তদ্বিষয় বুদ্ধিতে অসমর্থ ছিলেন না। শান্তভাবে সকল দিক দেখিয়া উপস্থিত বিষয়ে কর্তব্য অবধারণ করাই, তাঁহার প্রধান নীতি ছিল। তিনি এই নীতির অনুসরণ করিয়াই কার্য্যক্ষেত্রে অবতীর্ণ হইয়াছিলেন। ভাবী বিপদের ভয়ঙ্করী বিভীষিকায় চমকিত হইয়া, সাধারণকে উত্তেজিত করিতে, তিনি নিতান্ত অনিচ্ছুক ছিলেন। তাঁহার ধারণা ছিল যে, শান্তভাবে থাকিয়া কার্য্যবিশেষদ্বারা সাধারণকে আশ্বস্ত ও গবর্নমেন্টের প্রতি বিশ্বাসযুক্ত করিতে পারিলে অনেক কাষ হইতে পারে। তিনি বুদ্ধিরাছিলেন যে, স্থানান্তর হইতে ইউরোপীয় সৈনিকদল আনিতে পারিলে, এবিষয়ে অনেক ফল হইবে। যেহেতু, সাধারণে ইহাতে বুদ্ধিতে পারিবে যে, ইঙ্গরেজেরা সাগর অতিক্রম করিয়া আপনাদের বিপন্ন স্বদেশীয়দিগের উদ্ধারার্থ দলে দলে সমাগত হইতেছে। এইবার ইঙ্গরেজের অস্ত্রে গবর্নমেন্টের বিপক্ষগণ পরাজিত ও সমূলে বিধ্বস্ত হইয়া যাইবে। সুতরাং জনসাধারণে ইঙ্গরেজের শক্তির বিষয় ভাবিয়া আপনা হইতেই সমস্ত বিদ্বেষভাব পরিত্যাগ করিবে। লর্ড কানিংগ, এইরূপ ভাবিয়াই ইউরোপীয় সৈন্তসংগ্রহে উদ্যত হন। তাঁহার কার্য্যকলাপ নিষ্ফল হয় নাই। সাগর অতিক্রম পূর্কক একজনসাহসী সেনাপতি, এক দল তেজস্বী সৈন্ত লইয়া,

কলিকাতায় পদার্পণ করেন। তাঁহার আগমনে ভয়ব্যাকুল ইউরোপীয়-দিগের হৃদয়ে আশাভরসা উদ্দীপ্ত হইয়া উঠে।

কর্ণেল নীল মাদ্রাজের ইউরোপীয় সৈন্যদলের অধিনায়ক হইয়া কার্যক্ষেত্রে অগ্রসর হন। ২৩এ মে এই সেনাপতি আপনার সৈন্যদলের একাংশ লইয়া কলিকাতা হইতে যাত্রা করেন। ক্রমে তাঁহার অবশিষ্ট সৈন্য জাহাজ হইতে নামিয়া, উত্তরপশ্চিম প্রদেশেব অভিমুখে প্রস্থান করে। এই সময়ে রেলওয়ে রাণীগঞ্জ পর্য্যন্ত ছিল। গবর্ণমেন্ট সৈন্য পাঠাইবার জন্ত ঘোড়া গরু প্রভৃতি ক্রয় করিতে উদ্যত থাকেন নাই। ঘোড়ার গাড়ী, গরুর গাড়ী সংগৃহীত হইয়াছিল। এতদ্ব্যতীত জলপথে ও ষ্টিমারে সৈন্য প্রেরিত হইয়াছিল। কর্ণেল নীল আপনার সৈন্যদল লইয়া হাবড়া রেলওয়ে ষ্টেশনে উপস্থিত হইলেন। নানা অসুবিধা প্রযুক্ত, গাড়ী ছাড়িবার নির্দিষ্ট সময়ে তাঁহার সমস্ত সৈন্য ষ্টেশনে উপস্থিত হইতে পারিল না। এজন্য, ষ্টেশনমাষ্টার বিরক্ত হইয়া উচ্চৈশ্বরে বলিতে লাগিলেন যে, সমুদয় সৈন্য আসিতে বিলম্ব হইতেছে ; ঐসকল সৈন্যের প্রতীক্ষায় গাড়ী আর রাখা হইবে না। সেনাপতি এ কথায় গুরুতর আপত্তি করিতে লাগিলেন। কিন্তু রেলওয়ে কর্মচারিগণ ঐ আপত্তিতে কর্ণপাত করিলেন না। তাঁহাদের একজন কর্ণেল নীলকে ভৎসনা পূর্বক কহিলেন যে, তিনি কেবল সৈন্যদলের অধ্যক্ষতামাত্র করিতে পারেন, রেলওয়ের উপর কর্তৃত্ব করিবার তাঁহার কোন ক্ষমতা নাই, গাড়ী, আর তাঁহার প্রতীক্ষায় না রাখিয়া এখনই ছাড়া হইবে। তেজস্বী ও দৃঢ়প্রতিজ্ঞ সেনাপতি ইহাতে কিছুমাত্র বিচলিত হইলেন না। তিনি উক্ত কর্মচারীদিগকে ঘোরতর বিশ্বাসঘাতক ও গবর্ণমেন্টের ঘোরতর বিরোধী বলিয়া ভৎসনাপূর্বক কহিলেন যে, তিনি তাঁহাদের আর কোন কথার সংশ্রবে থাকিবেন না। ইহা বলিয়াই, নীল, গাড়ীর পরিচালককে আপনার সৈন্যদ্বারা আটক করিয়া রাখিলেন, পরিচালক এইরূপে আবদ্ধ হইয়া রহিল। এই অবসরে নীলের সমস্ত সৈন্য আসিয়া গাড়ীতে উঠিল। নিয়মিত সময়ের দশ মিনিট পরে, গাড়ী নীলের সাহসী সৈন্যগণে পরিপূর্ণ হইয়া হাবড়া ষ্টেশন পরিত্যাগ করিল। সেনাপতি নীলের এইরূপ দৃঢ়তা ও কার্যতৎপরতার কথা গবর্ণর-জেনারেলের গোচর হইল। কথা ক্রমে অনেক স্থানে অনেকের শ্রুতিপ্রবিষ্ট

হইতে লাগিল। শুনিয়া, ইউরোপীয়গণ ভাবিতে লাগিলেন যে, উপযুক্ত ব্যক্তির হস্তে উপযুক্ত কার্যভার সমর্পিত হইয়াছে; এই তেজস্বী পুরুষের ক্ষিপ্রকারিতায় উপস্থিত বিপদের অবসান হইবে।

মে মাস যেনম অতিবাহিত হইতে লাগিল, তেমনই উত্তরপশ্চিম প্রদেশে ভয়ঙ্কর বিপ্লবের পূর্ণভাব বিকাশ পাইতে লাগিল। ইঙ্গরেজের রাজনীতিতে যাহা উত্তেজিত হইয়াছিল, ইঙ্গরেজের বিধিব্যবস্থায় যাহাদের মর্মে আঘাত লাগিয়াছিল, আপাততঃ মনোহারিণী মরীচিকায় উদ্ভাস্ত হইয়া, কল্পনার নেত্রে ভবিষ্যতের দৃশ্য সম্মোহন ভাবে আঁকিয়া, যাহারা ভাবতের মানচিত্র হইতে লোহিত রেখা অপসারিত করিতে কৃতসঙ্কল্প হইয়াছিল, তাহারা সকলেই এখন ইঙ্গরেজের শাসনের প্রতিকূলে দলবদ্ধ হইয়া ভয়ঙ্কর কাণ্ডের অবতারণা করিতে লাগিল। মে মাস অতিবাহিত হইতে না হইতে বুঝা গিয়াছিল যে, সমগ্র উত্তরপশ্চিম প্রদেশের এক প্রান্ত হইতে অপব প্রান্ত পর্য্যন্ত ভীষণ সিপাহিযুদ্ধের রঙ্গভূমি হইয়া উঠিল। মিবার্টের ইউরোপীয়েরা নির্জিত, নিপীড়িত ও নিহত হইয়াছিল। দিল্লী, ইঙ্গরেজের হস্তদ্রষ্ট হইয়া পড়িয়াছিল। বৃদ্ধ মোগল ভূপতি আকবর, শাহজহাঁ প্রভৃতির মহিমামিত পদে অধিষ্ঠিত হইয়া আগনার কল্লিত ক্ষমতার, আপনি তৃপ্তিমুখ অনুভব করিতেছিলেন। উত্তরপশ্চিম প্রদেশের অনেকস্থলে ইঙ্গরেজের প্রাধান্য ও ক্ষমতা বিচলিত হইয়াছিল। গবর্নমেন্ট এই সময়ে আপনাদের প্রাধান্যরক্ষায় বদ্ধপরিকর হইলেন। অপরাধীদিগের শাস্তিবিধানার্থ কঠোরতর দণ্ডবিধি প্রণীত হইতে লাগিল। ৩০এ মে গবর্নর জেনারেলের মন্ত্রিসভার একটি আইন বিধিবদ্ধ হইল। এই আইনে, যেখানে সিপাহিহাঙ্গামা ঘটবে, সেই স্থানেই সাধারণের জীবন-মরণের ভার, শাসনবিভাগের যে কোন শ্রেণীর, যে কোন বয়সের বা যে কোন ক্ষমতার কর্মচারীর হস্তে সমর্পিত হইবে। গবর্নমেন্ট এই আইনানুসারে সাধারণ্যে ঘোষণা করিলেন, যে কোন ব্যক্তি মহারাণী বা গবর্নমেন্টের বিরুদ্ধে যুদ্ধ করিবে, অথবা যুদ্ধের জন্ত চেষ্টা পাইবে, কিংবা কোনরূপ ষড়যন্ত্রে লিপ্ত থাকিবে, তাহাদের জীবনদণ্ড, নির্বাসন অথবা কারারোধ হইবে। যে কোন বিভাগে কোনরূপ হাঙ্গামা ঘটবে, সেইস্থানেই এই আইনানুসারে কার্য

হইবে। যে সকল ব্যক্তি গবর্নমেন্টের বিপক্ষতা, কিংবা নরহত্যা, অথবা চুরি ডাকাতি, বা অন্য কোনরূপ গুরুতর অপরাধে অভিযুক্ত হইবে, গবর্নমেন্ট কমিশনদ্বারা তাহাদের বিচার করিবেন। এইরূপ ক্ষমতা প্রাপ্ত কমিশনের বা কমিশনরগণ, সকল স্থানে বিচারকার্য্য নিৰ্ব্বাহ করিতে পারিবেন। উকীল বা আসেসার উপস্থিত না থাকিলেও, ইহারা, উক্তরূপ অপরাধীদিগের প্রতি প্রাণদণ্ড, নিৰ্ব্বাসন অথবা কারারোধের আদেশ দিতে পারিবেন। ইহাদের আদেশই চূড়ান্ত বলিয়া পরিগণিত হইবে। এই আদালত কোন সদর আদালতের অধীন থাকিবে না। এই আইনের পাণ্ডুলিপি গবর্নর জেনেরলের অনুমোদিত হইলে, ইহা ৮ই জুন বিধিসিদ্ধ ব্যবস্থা বলিয়া পরিগণিত হয়। প্রত্যেক ইঙ্গরেজই এই আইনের বনে অসাধারণ ক্ষমতা প্রাপ্ত হন। কিন্তু ইহাতে কেবল বিচারবিভাগের কর্মচারীদিগের হস্তেই অসাধারণ ক্ষমতা সমর্পিত হইয়াছিল। এজন্ত মন্ত্রিসভাধিষ্ঠিত গবর্নরজেনেরলের আদেশানুসারে এই স্থির হয় যে, বহুদিনের, অথবা যে কোন শ্রেণীর সৈনিক কর্মচারীরা, বাঙ্গালা প্রেসিডেন্সির যে কোন সৈনিকনিবাসে, ইউরোপীয় কিংবা এতদেশীয়, অথবা এতদুভয়ের পাঁচ জন লোক লইয়া একটি সাধারণ সামরিক বিচারালয় প্রতিষ্ঠিত করিতে পারিবেন। এই বিচারালয়েই অপরাধীদিগের দণ্ড বিহিত হইবে।

দ্বিতীয় অধ্যায় ।

প্রধান সেনাপতির কার্যা শিথিলতা—প্রধান সেনাপতির মৃত্যু—সেনাপতি বার্গাডের অধীনে সৈন্যদিগের দিল্লীতে যাত্রা—শিখভূপতিদিগের সদ্যবহার—মীরাটের অবস্থা—রুডকীরক্ষার বন্দোবস্ত—কর্ণেল স্মিথ—হিন্দন নদীর তীরে যুদ্ধ—বদলিকাসরাই নামক স্থানে যুদ্ধ—দিল্লীর পুরোভাগে ইঙ্গরেজ সৈন্যের অবস্থিতি ।

উপস্থিত সময়ে ভাবতের প্রধান সেনাপতি আন্সন সিমলায় অবস্থিতি করিতেছিলেন । সিপাহিদিগের উত্তেজনা হইতে যে, ভয়ঙ্কর কাণ্ডের উৎপত্তি হইবে, তাহা তিনি বুঝিতে পারেন নাই । ঐ বিপ্লব যে, সর্বব্যাপী হইয়া, ব্রিটিশ শাসনের মূলভিত্তি বিচলিত করিয়া তুলিবে, তাহাও তিনি অনুধাবন করিয়া দেখেন নাই । আন্সন ভবিষ্যতের বিষয় না ভাবিয়া, নিদাঘকালে হিমালয়ের স্নেহস্পর্শ সমীরণসেবনে পরিতৃপ্ত হইতেছিলেন । কিন্তু তিনি দীর্ঘকাল এই তৃপ্তিসুখ অনুভব করিতে পারিলেন না । ১২ই মে সহসা অঘণ্টা হইতে একজন তরুণবয়স্ক সংবাদবাহক উপস্থিত হইয়া, তাঁহার নিকট একখানি পত্র সমর্পণ করিল । ঐ পত্রে দিল্লীর ঘটনার বিষয় অস্পষ্টভাবে লিখিত ছিল । প্রধান সেনাপতি পত্র পাইয়া, বুঝিতে পারিলেন যে, মীরাটের সিপাহীগণ গবর্ণমেন্টের বিপক্ষ হইয়া উঠিয়াছে । এক ঘণ্টা পরে তাঁহার নিকট আর একখানি পত্র পহুঁছিল । এই দ্বিতীয় পত্র যদিও অস্পষ্টভাবে লিখিত ছিল, তথাপি প্রধান সেনাপতির উহাতে বোধ হইল যে, মীরাটের সিপাহিরা উত্তেজিত হইয়া উঠিয়াছে, যে সকল অশ্বারোহী সৈনিক পুরুষ কারারুদ্ধ হইয়াছিল, তাহারা বিমুক্ত হইয়াছে এবং দলে দলে দিল্লীতে যাইয়া মীরাট ও দিল্লী, উভয় স্থানের ইউরোপীয়দিগকে হত্যা করিয়াছে । যখন এই সংবাদ প্রথমে প্রধান সেনাপতির নিকট পহুঁছিল, তখনও তিনি উহার গুরুত্ব সম্যক অনুধাবন করিতে পারিলেন না । তিনি যে কর্তব্যসম্পাদনে ব্রতী হইয়াছিলেন, যে দায়িত্বভার তাঁহার উপর সমর্পিত ছিল, তিনি সে কর্তব্য, সে দায়িত্বের বিষয় ভাবিয়া তখনও বিচলিত

হইলেন না। কিন্তু তিনি বুঝিলেন যে, এখন স্থিরভাবে বসিয়া থাকিলে চলিবে না; সিপাহিদিগের উত্তেজনার গতিনিরোধজন্য অবশ্যই তাঁহাকে কিছু করিতে হইবে। দিল্লী এখন উত্তেজিত সিপাহিদিগের হস্তগত হইয়াছিল; তদ্রূপ ইউরোপীয়গণ এখন উন্নত সিপাহিদিগের উৎপীড়নে ও নিষ্পেষণে নিপীড়িত, নির্জিত বা নিহত হইয়াছিল। সুতরাং এখন নিকটে যত ইউরোপীয় সৈন্যসংগ্রহ করা যাইতে পারে, তৎসমুদয় যথাস্থলে পাঠাইয়া দেওয়া উচিত বলিয়া, প্রধান সেনাপতির বোধ হইল। প্রধান সেনাপতি ইহা ভাবিয়াই ঐ দিন (১২ই মে) মার্সৌরী নামক স্থানে আপনার এক জন এডিকং পাঠাইলেন। উক্ত স্থানে ৭৫গণিত ইউরোপীয় সৈনিকদলকে অস্থায়ী পাঠাইয়া দিতে ঐ এডিকংকে আদেশ দেওয়া হইল। এতদ্ব্যতীত অগ্ন্যস্ত্র স্থলে যে সকল ইউরোপীয় সৈন্য ছিল, তাহাদিগকেও নির্দিষ্ট স্থানে যাইবার জন্ত প্রস্তুত থাকিতে বলা হইল। প্রধান সেনাপতি সৈন্য পাঠাইবার এইরূপ বন্দোবস্ত করিলেন বটে, কিন্তু স্বয়ং সিমলা পরিত্যাগ করিলেন না। তিনি লর্ড ক্যানিংকে লিখিলেন যে, উপস্থিত বিষয়ের আনুপূর্বিক বিবরণ জানিতে তাঁহার সাতিশয় কৌতূহল জন্মিয়াছে। যদি সংবাদ মন্দ হয়, তাহাহইলে তিনি অস্থায়ী যাইতে প্রস্তুত আছেন। এই পত্র পাঠাইবার অব্যবহিত পরেই তাড়িত বার্তাবহ তাঁহার নিকট আর একটি সংবাদ উপস্থিত করিল। এইবার তিনি মিরাতে'র ঘটনার বিশদ বিবরণ জানিতে পারিলেন। প্রধান সেনাপতি এখনও অবিচলিতভাবে ছিলেন, অবিচলিতভাবে থাকিয়া এখনও হিমগিরির প্রাকৃতিক শোভায় এবং তুষারসম্পাতে সমীরণের স্নিগ্ধতার সুখানুভব করিতে ছিলেন। তাঁহার সম্মুখে যে উৎকট কার্যক্ষেত্র প্রসারিত হইয়াছে, তাহা তিনি এখনও স্পষ্ট বুঝিতে পারেন নাই, অথবা বুঝিতে পারিয়াও তদনুরূপ কার্যপদ্ধতি অবলম্বনে সত্বর হন নাই। ক্রমে অনেক ভাবিয়া তিনি উপস্থিত বিপদের গুরুত্ব বুঝিতে পারিলেন। দুইদল ইয়ুরোপীয় সৈনিককে অস্থায়ী যাইবার আদেশ দেওয়া হইল। সিমুরের গুরুত্ব সৈন্যদলও দেয়া হইতে মিরাতে যাইতে আদেশ প্রাপ্ত হইল। প্রধান সেনাপতি প্রথমে ভাবিয়াছিলেন যে, দিল্লীর প্রসিদ্ধ অস্ত্রাগার উত্তেজিত সিপাহিদিগের হস্তগত হইয়াছে। ইহা ভাবিয়া তিনি অগ্ন্যস্ত্র স্থানের অস্ত্রাগার রক্ষার্থে সৈন্য পাঠাইয়া

দেন। এই উদ্দেশ্যে তিনি গবর্নরজেনারলকে লিখেন যে, ফিরোজপুরের দুর্গ ৬১ গণিত পদাতিকদল কর্তৃক রক্ষিত হইবে। গোবিন্দগড় ৮১ গণিত সৈন্যদল রক্ষা করিবে। জলন্ধর হইতে ৮ গণিত দুইদল সৈন্য যাইয়া ফিলোরের দুর্গরক্ষায় নিযুক্ত থাকিবে। অধিকন্তু ফিলোরে কামান সকল সজ্জিত থাকিবে। নান্দৌরীর গুরুথা সৈন্যদল এবং ৯ গণিত অশ্বারোহী, ঐ সকল কামানের রক্ষক হইয়া অস্থায়ী যাইবে।

এইরূপ আদেশ দিয়া প্রধান সেনাপতি ১৪ ই মে অস্থায়ী যাত্রা করেন। পরদিন প্রাতঃকালে তিনি তথায় উপনীত হন। এই স্থানে তাঁহার নিকট নানারূপ গোলবোণের সংবাদ উপস্থিত হইতে লাগিল। তাঁহার বোধ হইল যে, পঞ্জাবের এতদেশীয় সৈন্যগণ গবর্নমেন্টের বিরুদ্ধ পক্ষ অবলম্বন করিয়াছে, অথবা অবলম্বন করিতে চেষ্টা পাইতেছে। সুতরাং ইহাদের নিকট তিনি কোনরূপ সাহায্যের আশা করেন নাই। এই সঙ্কটকালে তাঁহাকে গুরুতর বিঘ্নবিপত্তির প্রতিকূলতা করিতে হইয়াছিল। অভিযানের দ্রব্যাদি ও কামান সকল পাঠাইবার কোনরূপ সুবিধা ছিলনা; উপস্থিত সময়ে এই অসুবিধা তাঁহার নিকট গুরুতর হইয়া উঠিয়াছিল। তিনি কিঞ্চিদধিক একবৎসর কাল ভারতবর্ষে অবস্থিতি করিতেছিলেন। ইহার মধ্যেই তাঁহাকে সর্কাপেক্ষা সঙ্কটময় এবং সর্কাপেক্ষা ভয়াবহ শত্রুর প্রতিকূলে সজ্জিত হইতে হয়। তাঁহার সহযোগীদিগের নিকট তিনি সমুচিত উৎসাহ প্রাপ্ত হন নাই। পঞ্জাবের এতদেশীয় সৈনিকদের উপরেও তিনি আশাভরস স্থাপন করিতে পারেন নাই। এতদ্ব্যতীত তাঁহার শারীরিক শক্তি ক্ষীণতর ছিল। অসুস্থতায় তিনি দুর্বল, এবং আপনার অবলম্বিত কার্যের অনভিজ্ঞতায়, তিনি শৃঙ্খলাশূন্য ছিলেন। যখন পঞ্জাবের এতদেশীয় সৈনিকদল হইতে সাহায্যপ্রাপ্তির কোন আশা ছিল না, তখন প্রধান সেনাপতি এই সময়ে অস্থায়ী সিপাহিদিগকে নিরস্ত্র করিতে পারিতেন। পঞ্জাবের প্রধান কমিশনার স্মার জন লরেঞ্জ (পরে লর্ড লরেঞ্জ) ও তাঁহাকে এইরূপ করিতে পরামর্শ দিয়াছিলেন। স্মার জন লরেঞ্জ ঐ সৈনিকদলকে নিরস্ত্র করিয়া দিল্লীর অভিমুখে অগ্রসর হইতে প্রধান সেনাপতিকে অনুরোধ করেন; কিন্তু প্রধান সেনাপতি স্মার জন লরেঞ্জের নির্দিষ্ট কার্যপ্রণালীর অনুমোদন

করেন নাই। যেহেতু, অস্থালার সৈনিক বিভাগের কর্তৃপক্ষ এই কার্যপ্রণালীর বিপক্ষে দণ্ডায়মান হন। তাঁহারা সিপাহিদিগকে, নিরস্ত্রীকরণের অবমাননা হইতে রক্ষা করিতে প্রতিজ্ঞা করিয়াছিলেন। এখন সকলেই এই প্রতিজ্ঞাপালনে উদ্যত হন। প্রধান সেনাপতি ইহাদের অমতে কোন কার্য করেন নাই। তিনি অস্থালার এই সৈনিকদলকে সঙ্গে করিয়া লইয়া যাইতে পারিলেন না, এবং রাখিয়া যাইতেও সমর্থ হইলেন না। এদিকে উক্ত সৈনিকদলের অফিসরেরা বলিতে লাগিলেন যে, সিপাহিদিগের নিকট যেরূপ অঙ্গীকার করা হইয়াছে, তাহা ভঙ্গ করা উচিত নয়। নিরস্ত্রীকরণে ঐ অঙ্গীকার ভঙ্গ হইবে। প্রধান সেনাপতি ঐ কথা উপর নির্ভর করিয়া অস্থালার সিপাহিদিগকে নিরস্ত্র করিলেন না। তাহাদের প্রভুক্তি ও বিশ্বস্ততার দিকে চাহিয়া তিনি তাহাদিগকে পূর্ববৎ অবস্থায় রাখিলেন। সুতরাং অস্থালার সিপাহিরা পূর্বের স্থায় অস্ত্রশস্ত্র ব্যবহার করিতে লাগিল; কিন্তু তাহারা প্রধান সেনাপতির স্থায় সহিষ্ণুতা দেখায় নাই। সেনাপতি আন্সন্ অফিসরদিগের কথায় নির্ভর করিয়া যেরূপ সহিষ্ণুতা দেখাইয়াছিলেন, তাহারা আবার সেইরূপ অসহিষ্ণু হইয়া কিছুদিনের মধ্যেই গবর্নমেন্টের প্রদত্ত অস্ত্রই গবর্নমেন্টের শ্বেতকর্মচারীদের বিরুদ্ধে সঞ্চালিত করে। প্রধান সেনাপতি অস্থালার সৈনিকদলের অফিসরদিগের কথাতেই এইরূপ করিতে বাধ্য হইয়াছিলেন। পঞ্জাবের প্রধান কমিশনার স্যার জন লরেন্স তাঁহাকে যে কার্যপ্রণালীর অনুসরণ করিতে পরামর্শ দিয়াছিলেন, তিনি সে কার্যসম্পাদনে অগ্রসর হন নাই। এই সময়ে দুইজন রাজপুরুষ প্রধান সেনাপতির প্রধান সহায় হইয়াছিলেন। অস্থালার ডেপুটি কমিশনার ফরসিৎ সাহেব এবং শতদ্রুতীরবর্তী প্রদেশের কমিশনার জর্জ বার্নেস সাহেব উত্তেজিত সিপাহিদিগের আক্রমণ নিবারণ জন্ত কার্যক্ষেত্রে অগ্রসর হইলেন। দিল্লীর বিপ্লবের সংবাদ শুনিয়াই ফরসিৎ সাহেব বার্নেসকে আত্মরক্ষার সমুদয় বন্দোবস্ত করিতে পত্র লিখেন। বার্নেস এই সময়ে কোশলী নামক স্থানে অবস্থিতি করিতেছিলেন। তিনি প্রথমে অস্থালারক্ষার জন্ত একদল শিখ পুলিশ সৈন্য প্রস্তুত করেন। ইহার পর শতদ্রুতীরবর্তী প্রদেশরক্ষার জন্ত বন্দোবস্ত হইতে থাকে। শতদ্রু হইতে যমুনা পর্য্যন্ত বিস্তৃত ভূখণ্ডে অনেকগুলি শিখ

ভূপতির আধিপত্য আছে। উপস্থিত সময়ে ইহারা ইঙ্গরেজের পক্ষসমর্থনে নিশ্চেষ্ট থাকেন নাই। সিপাহিবিপ্লবের ইতিহাস স্পষ্টাক্ষরে নির্দেশ করিতেছে যে, উত্তেজিত সিপাহিগণ যখনই গবর্নমেন্টের সক্ষীর্ণ নীতির দোষে ইঙ্গরেজের বিরুদ্ধে অস্ত্রধারণ করে, তখন তাহাদের স্বদেশীয়গণ ইঙ্গরেজের পক্ষসমর্থন জ্ঞাত তাহাদেরই বিরুদ্ধে দণ্ডায়মান হয়। ইঙ্গরেজ গবর্নমেন্ট যখন এই ভয়ঙ্কর বিপ্লবের প্রচণ্ড তরঙ্গের আঘাতে অধীর হইয়াছেন, তখন ভারতের ভিন্ন ভিন্ন প্রদেশের অধিপতিগণ তাহাদের পক্ষসমর্থন করিতে অগ্রসর হইয়াছেন। সিপাহিগণ গভীর উত্তেজনায় অধীর হইয়া, যখন অসহায় ইঙ্গরেজ মহিলা বা নিরাশ্রয় ইঙ্গরেজ শিশুদিগের শোণিতে আপনাদিগের অসি কলঙ্কিত করিতে উদ্যত হইয়াছে, তখনই সেই সিপাহিদিগের স্বদেশী-য়েরাই, আপনাদের জীবন সঙ্কটাপন্ন করিয়া, তাহাদের প্রাণরক্ষা করিয়াছে। ভারতবাসীর সাহায্য না পাইলে বোধ হয়, ইঙ্গবেজ সিপাহিবিপ্লবের জ্ঞাত একটি সর্বব্যাপী ভয়াবহ বিপ্লবের অভিঘাত হইতে আত্মরক্ষা করিতে সমর্থ হইতেন না। এসময়ে ভারতের ভূপতিগণ যেমন গবর্নমেন্টের সাহায্য করিয়াছেন, ভারতের বীরপুরুষগণ যেমন আপনাদের স্বদেশীয়দিগের বিরুদ্ধে অস্ত্রচালনা করিয়া গবর্নমেন্টের প্রাধাত্য রক্ষার চেষ্টা পাইয়াছেন, শিক্ষিত জনগণ যেমন গবর্নমেন্টের মঙ্গলের জ্ঞাত সিপাহিদিগের বিরোধী হইয়া রাজভক্তির একশেষ দেখাইয়াছে, ভারতের অশিক্ষিত দরিদ্র জনসাধারণও তেমনি ইঙ্গরেজের উপকারের জ্ঞাত অকাতরে আপনাদিগের জীবন উৎসর্গ করিয়াছে। সিপাহিগণ যখন প্রথমে গবর্নমেন্টের শাসন উচ্ছেদের জ্ঞাত অস্ত্র পরিগ্রহ করে, মিরাতের ইউরোপীয়গণের অনেকে যখন তাহাদের আক্রমণে নিহত এবং অনেকে সম্ভ্রান্তভাবে পলায়িত হয়, দিল্লী যখন তাহাদের পদানত হইয়া উঠে, তখন ভারতবর্ষীয়েরা দয়া ও হিতৈষিতার কোমল হস্ত প্রসারণ করিয়া ইঙ্গরেজদিগকে ঘোরতর বিপদ হইতে বিমুক্ত করিতে উদ্যত হয়। জর্জ বার্নেস যে সময়ে আপনার শাসনাধীন প্রদেশ রক্ষা করিবার বন্দোবস্ত করিতেছিলেন, সেই সময় ফরসিৎ সাহেব পাতিয়ালা ও কিন্দের রাজার নিকট সাহায্য প্রার্থনা করেন। পাতিয়ালা রাজ অবিলম্বে একদল সৈন্য থানেখরে পাঠাইয়া দেন। এই সৈন্য কর্ণালে যাইবার পথে নিযুক্ত

হয় । যেহেতু, অম্বালা হইতে সৈন্যদল আসিয়া, কর্ণালে সমবেত হইতেছিল । এদিকে ঝিন্দের রাজী দিল্লীর সংবাদ পাইয়াই, অম্বালার কর্তৃপক্ষের নিকট, উপস্থিত সময়ে কি করিতে হইবে, জিজ্ঞাসা করেন । পরে বার্ণেস সাহেবের অনুবোধে কর্ণালরক্ষার বন্দোবস্ত কবিত্তে উদ্যত হন । কর্ণালেব নবাবও নিশ্চেষ্ট থাকেন নাই । তিনি ইঙ্গরেজের উপকারার্থ আপনার সৈন্য, আপনার অর্থ ও আপনার অনুচর, সমস্তই দিতে প্রতিশ্রুত হন । এইরূপে বিপ্লবের প্রারম্ভেই ভারতের ভূপতিগণ ভারতে ব্রিটিশ সিংহের আবিপত্যাক্ষার জন্ত, আপনাদের সম্পত্তি ও সৈন্য, উভয়ই অকাতবে উৎসর্গ করেন ।

বার্ণেস ১৩ইমে অম্বালার উপস্থিত হন । মির্জাট ও দিল্লীর ঘটনায় ত্বরিত জনসাধারণের মনে যে উত্তেজনার আবির্ভাব হইয়াছিল, কমিশনারের আগমনে তাহা নিবারিত হয় । বার্ণেস যমুনার সেতু পাহারা দিবাব বন্দোবস্ত করেন, এবং স্থানীয় রাজা ও জায়গীরদারদিগের সৈন্য পাঠাইয়া সেই বিভাগে শান্তিরক্ষার উপায় করিয়া দেন । ইহার পর বার্ণেস ও তাহার সহযোগী ফরসিং, উভয়েই প্রধান সেনাপতির সৈন্যদলের জন্ত, যান ও অশ্রাণ আবশ্যক দ্রব্যাদির সংগ্রহে যত্নশীল হন । এই সময়ে কুঠীঅওলা, আড়ংদার, কন্ট্রাক্টর, কুলী প্রভৃতি সকলেই, কোম্পানির মুন্সুর্ক নষ্ট হইবে, এই আশঙ্কায় গবর্ণমেন্টের কার্য করিতে ইতস্ততঃ করিয়াছিল । কিন্তু বার্ণেস ও ফরসিংয়ের চেষ্টায় সৈন্যদিগেব অভিযানের দ্রব্যাদি সংগৃহীত হয় ।

উচ্চতর সিবিল কর্মচারীর যত্নে যখন প্রধান সেনাপতির এইরূপ সুবিধা হইতেছিল, তখন সহসা আর একটি গোলযোগে বিস্তর অসুবিধা ঘটে । এক সপ্তাহ যাইতে না যাইতে অম্বালায় সংবাদ আইসে যে, মসৌরীও গুরখা সৈন্যদল সাতিশয় অসম্বষ্ট ও উত্তেজিত হইয়া উঠিয়াছে । তাহারা কামান লইয়া ফিলোরে যাইতে অসম্মত হইয়াছে এবং প্রধান সেনাপতির দ্রব্যাদি লুণ্ঠ করিয়া সিগলা আক্রমণ করিবার উপক্রম করিতেছে । উপস্থিত সময়ে কর্তৃপক্ষের বিশেষ সাবধানতাব সহিত কার্য করা উচিত ছিল । কোন বিষয়ে কিছু অসাবধান হইলে, কাহাবও কোনরূপ

অভিযোগশ্রবণে অনুমাত্র অনবহিত হইলে, কাহারও কোনরূপ অনুবিধা দূর করিতে ঔদাসীন্য় দেখাইলে, উহার ফল পরিণামে ভয়ঙ্কর হইবার সম্ভাবনা ছিল। কিন্তু কর্তৃপক্ষ পূর্বে একপ সতর্ক হন নাই। সম্প্রদায়-বিশেষেব অসন্তোষের কারণ দূর করিতেও উদ্যোগী হইয়া উঠেন নাই। যখন ভয়াবহ বিপ্লবেব সূচনা হইল মিরাত ও দিল্লীতে যখন ভয়ঙ্কর কাণ্ড অনুষ্ঠিত হইতে লাগিল তাড়িতবার্ত্তাবহ যখন ঐ দুর্ঘটনার বিষয় চারিদিকে প্রচার করিয়া দিল, তখন ইঙ্গরেজেরা ভয়ে অভিভূত হইয়া পড়িলেন। তাঁহারা ভারতবর্ষের সম্প্রদায়বিশেষেব সকল কার্যেই সর্ববিধ্বংসের করাল ভাব অঙ্কিত দেখিতে পাইলেন। যখন কেহ কোন কারণে তাঁহাদের প্রতি অসন্তোষ প্রকাশ করিল, কেহ কোন কারণে বিরুদ্ধ হইয়া তাঁহাদের আদেশপালনে অসম্মত হইল, তখনই তাঁহারা ভাবিতে লাগিলেন যে, ইহাদের হস্তে তাঁহাদিগকে সর্বস্বান্ত হইতে হইবে। ঐ অসন্তোষ বা অবাধ্যতার কারণ অনুসন্ধানে তাঁহাদের মনোযোগ ছিল না। তাঁহারা মুহূর্ত্তে মুহূর্ত্তে করাল সংহাবমূর্ত্তির বিভীষিকায় চকিত হইয়া চারিদিকে কেবল মহাপ্রলয়ের মহাবিভ্রম দেখিতেছিলেন। ঘোরতর বিপদ যেন বাতাসের উপর ভর করিয়া, তাঁহাদের সম্মুখে আসিয়া পড়িতেছিল। সিমলার নিকটবর্ত্তী স্থানে যে গুরুথা সৈন্তদল ছিল, তাহাদের অবাধ্যতার সংবাদে সিমলাব ইঙ্গরেজসম্প্রদায়ও এইরূপে চারিদিকে বিকট সংহার-মূর্ত্তির করাল ছায়া দেখিতে পাইয়াছিলেন। যে কারণে সৈন্তদল অসন্তোষ প্রকাশ করিয়াছে, তাঁহারা সে কারণের পর্যালোচনা করেন নাই। ঘটনাচক্রে তাঁহাদের মতিবিভ্রম ঘটিয়াছিল। উপস্থিত সময়ে তাঁহারা পরিণামदर्শিতায় পরিচালিত হন নাই। সন্ধিবেচনা বা ধীরতা তাঁহাদিগকে সুপথ দেখাইয়া দেয় নাই। মিরাত ও দিল্লীর ইঙ্গরেজেরা উত্তেজিত সিপাহি-দিগের হস্তে যেরূপ নিপীড়িত ও নিগৃহীত হইয়াছিলেন, তাঁহারা ভাবিয়া ছিলেন যে, তাঁহাদিগকে গুরুথাদিগের হস্তেও ঐরূপ বিপন্ন হইতে হইবে। এই সময়ে অনেক ইউরোপীয় স্ত্রীপুত্র লইয়া ঐস্থানে অবস্থিতি করিতেছিলেন। নির্দাঘের প্রচণ্ডতাপ হইতে নিষ্কৃতি পাইবার আশায় তাঁহারা সুদূরবিস্তৃত হিমালয়ের আশ্রমে কালান্তিপাত করিতেছিলেন। সিন্ধু পার্কত্য সমীরণ

এসময়ে স্পর্শে স্পর্শে তাঁহাদের হৃদয়গ্রস্থি অমৃতরসে অভিষিক্ত করিতে ছিল। তাঁহারা হিমগিরির তুষারসম্পাতে প্রচণ্ড নিদাঘের আশ্রয়ভ্রাণা ভুলিয়া শান্তভাবে শান্তিসুখ উপভোগ করিতেছিলেন। কিন্তু সহসা তাঁহাদের শান্তিসুখ অন্তর্হিত হইল। তাঁহারা গুরুখাদিগের আক্রমণভয়ে উদ্ভ্রান্ত হইয়া চারিদিকে পলাইতে লাগিলেন। পূর্বে উক্ত হইয়াছে যে, গুরুখারা অকারণে অসন্তুষ্ট হয় নাই। তাহাদের অসন্তোষের কারণ এই, তাহাদের বেতন বাকী পড়িয়াছিল। এদিকে তাহাদিগকে যখন কিলোরে যাইতে আদেশ দেওয়া হইয়াছিল, তখন তাহাদের পরিবারবর্গকে রক্ষাকরিবার কোন বন্দোবস্ত করা হয় নাই। সামান্য চাপরাণীদিগের উপর তাহাদের স্ত্রীপুত্র-প্রভৃতি পরিবারবর্গের তত্ত্বাবধানের ভার সমর্পিত হইয়াছিল। একরূপ অব্যবহিততায় সাহসী পার্শ্বত্যাগ সৈনিকদিগের অপরিমিত ক্রোধ ও বিরাগের সঞ্চার হয়। ক্রোধ ও বিরাগেব আবেগে তাহারা সেনাপতি মেজর ব্যাগটের সমক্ষে অশিষ্টতা প্রকাশ করে। অধিকন্তু তাহাদের বাকী বেতনের জন্ত পীড়াপীড়ি করিতে থাকে এবং নির্দিষ্ট কর্মস্থলে যাইতে অসম্মত হয়। গুরুখাদিগের এই অবাধ্যতার সংবাদ চারিদিকে প্রচারিত হয়। সিমলায় এইরূপ সংবাদ পছ'ছিল যে, যুতোগ নামক স্থানে ইউরোপীয়গণ নিহত হইয়াছে, এদিকে গুরুখারা সিমলা আক্রমণ করিতে অগ্রসর হইতেছে। এই সংবাদে সিমলার ইউরোপীয়গণ আত্মরক্ষার জন্ত অস্থির হইয়া পড়েন। যে স্থান এক দিন পূর্বে সুখ ও শান্তিপূর্ণ বলিয়া বোধ হইয়াছিল, তাহাই আজ নৈরাশ্র, আতঙ্ক ও বিষাদে পরিপূর্ণ হইয়া উঠিল। সকলেই প্রাণের দায়ে চারিদিকে ছুটাছুটি করিতে লাগিল। ইউরোপীয় মহিলারা শিশুসন্তানদিগকে ক্রোড়ে করিয়া আপনাদিগের সম্মুখে প্রতি মুহূর্ত্তে মৃত্যুর বিকট মূর্ত্তি ভাবিতে লাগিলেন। গুরুখাদিগের উপস্থিতির সংবাদ জানিবার জন্ত গির্জার উচ্চ চূড়ায় পরিদর্শক রাখা হয়। বালক, বৃদ্ধ, যুবক, যুবতী সকলেই মনস্তভাবে গৃহ পরিত্যাগ করিয়া আত্মরক্ষার্থ ব্যাঙ্কে সমবেত হয়। ব্যাঙ্কের নিকট দুইটি কামান সজ্জিত করিয়া রাখা হয়। এই স্থানে চারিশত ব্যক্তি সমবেত হইয়াছিল। ইহাদের সকলের মুখেই আশঙ্কার চিহ্ন প্রকাশ পাইতেছিল। সকলেই মুহূর্ত্তে মুহূর্ত্তে পার্শ্বত্যাগ সৈনিকদিগের ভীষণ

আক্রমণের প্রতীক্ষা করিতেছিলেন। প্রতি মুহূর্তেই যেন সর্বসংহারক কাল করালছায়া বিস্তার করিয়া তাহাদিগকে অভিভূত করিতেছিল। এই সময়ে সিমলায় ইউরোপীয় সৈনিকদল ছিল না*। সুতরাং যাঁহারা এসময়ে সিমলায় ছিলেন, তাঁহাদিগের ভয় দ্বিগুণ হইয়া উঠিয়াছিল। এইরূপ ভয়-ব্যাকুল চিত্তে ইউরোপীয়গণ সেই ব্যাঙ্কে অবস্থিতি করিতে লাগিলেন। নাবীগণ আপনাদিগের শিশুসন্তানদিগের জন্ত গভীর আশঙ্কায় অধীর হইয়া উঠিলেন, অধীরহৃদয়ে কম্পান্বিতকলেবরে তাঁহারা অন্তর্ভাগী ভগবানের নিকট কুশল প্রার্থনা করিতে লাগিলেন।

শেষে এই আশঙ্কা অমূলক বলিয়া প্রতিপন্ন হইল। যে গভীর সন্ত্রাসে সিমলার ইউরোপীয় প্রাসঙ্গিক অধীর হইয়া উঠিয়াছিলেন, তাহা ধীরে ধীরে অন্তহিত হইয়া গেল। গুরুত্বাধীন বিশেষ কারণে অসদৃষ্ট ও অবাধা হইলেও ইউরোপীয়দিগকে বিনাশ করিতে ইচ্ছা করে নাই। যে যে বিষয়ে তাঁহাদের অভিযোগ ছিল, যখন তৎসমুদায়ের প্রতিবিধান করা হয়, তখন তাঁহারা পুনর্বার প্রভুব অনুরক্ত ও বিশ্বস্ত হইয়া নিদ্রিষ্ট কার্য-সাধনে অগ্রসর হইতে থাকে। যাঁহারা কিছুকাল পূর্বে ভয়াতুর হইয়া আপনাদের অধুসিত গৃহ পরিত্যাগ পূর্বক ব্যাঙ্কে আশ্রয় গ্রহণ করিয়া-ছিলেন, তাঁহারা এখন সলজ্জ ভাবে গৃহে প্রত্যাগত হইলেন। কিছু কাল পূর্বে যাঁহারা কল্পনার নেত্রে আপনাদিগের গৃহ প্রচণ্ড হতাশনে ভস্মী-ভূত হইতে দেখিতেছিলেন, গৃহস্থ দ্রব্যাদি উত্তেজিত জনসাধারণ কর্তৃক চূর্ণীকৃত বাহিতস্ততঃ বিক্ষিপ্ত ভাবিয়াছিলেন, তাঁহারা ফিরিয়া আসিয়া দেখিলেন

* কেব্রাউন স্বপ্রণীত গ্রন্থে উল্লেখ করিয়াছেন যে, যখন প্রধান সেনাপতি অখা-
রোহণে সিমলা হইতে প্রস্থান করেন, তখন সেই স্থানের মেইনামক ধর্মযাজক তাঁহাকে
কহেন যে, “উপস্থিত সময়ে এস্থান বড় বিপদজনক হইয়াছে, বাজারে অনেক বদ-
মায়েস জুটিয়াছে। অতএব কেবলজন ইউরোপীয় সৈন্য এস্থলে পাঠান উচিত। প্রধান
সেনাপতি কহিলেন, উপস্থিত সময়ে তিনি কাহাকেও পাঠাইতে পারেন না। “তাঁহা
হইলে কুলনারীদিগের দশা কি হইবে?” ধর্মযাজক এই কথা জিজ্ঞাসা করেন। প্রধান
সেনাপতি উত্তর করিলেন “তাঁহারা যাহা ভাল বুঝেন, তাহাই করিতে পারেন।”
Brown, Panjab and Delhi in 1857, Vol. I. p. 197.

যে, তাঁহাদের গৃহ যথাবৎ অবস্থায় রহিয়াছে। দ্রব্যাদি যে ভাবে রাখা হইয়াছিল, ঠিক সেই ভাবেই আছে। ইউরোপীয়গণ ইহা দেখিয়া আপনাদের সাহসহীনতাব্য আপনাই লজ্জিত হইলেন এবং আপনাদের কল্পনাকে শতবার ধিক্কার দিয়া শাস্তভাবে গৃহে প্রবেশ করিলেন।

যখন ইউরোপীয় সৈন্যগণ হিমালয়ের পার্বত্য প্রদেশ হইতে যাত্রা করিতে-
ছিল, তখন প্রধান সেনাপতি আন্সন পঞ্জাবের প্রধান কমিসনের স্মার জন্
লরেন্সের সহিত যুদ্ধের প্রণালী অবধারণে ব্যাপৃত ছিলেন। অল্পসংখ্যক
সৈন্য লইয়া দিল্লী অধিকারে যাত্রাকরা, প্রধান সেনাপতির অভিপ্রেত
ছিল। তিনি আপাততঃ শতদ্রু ও যমুনার মধ্যবর্তী স্থানে সংগৃহীত সৈন্য
সকল রাখিয়া অপরপর সাহায্যকারী সৈন্যদলের প্রতীক্ষা করিতে ইচ্ছা
করিয়াছিলেন। তিনি ১৭ ই মে এসম্বন্ধে স্মার জন্ লরেন্সকে যাহা লিখেন
তাহার সারাংশ এই :—যে স্বল্পমাত্র ইউরোপীয় সৈন্য এখানে আছে, তাঁহা-
দিককে দিল্লীর যুদ্ধে বিপদাপন্ন করা উচিত কি না, তদ্বিষয়ে আপনি বিবেচনা
করিবেন। আমার বিবেচনায় উচিত নয়। আমার মতে এই সৈন্য দিল্লী
অধিকার করার পক্ষে পর্যাপ্ত নহে। বড় বড় কামানের সাহায্যে নগরের
প্রাচীর বিনষ্ট করা যাইতে পারে, অতি সামান্যরূপ বলপ্রয়োগ করিলে নগর
প্রবেশের পথ উন্মোচিত হইতে পারে। কিন্তু যে একটি বড় নগরে বহু সঙ্কীর্ণ
পথ রহিয়াছে, বহুসংখ্যক অস্ত্রধারী লোক ঐ সকল পথের অন্ধিসন্ধি সমস্তই
অগত আছে, তাহাতে একরূপ অল্পসংখ্যক লোক প্রবেশিত করা, আমার
বিবেচনায় বড় বিপদজনক। যদি ছাশত কিংবা সাতশত লোক অসমর্থ
হইয়া পড়ে, তাহাহইলে আর কিছুই অবশিষ্ট থাকিবে না। যদি আমাদের
চতুর্দিকবর্তী সমগ্রপ্রদেশ বিরুদ্ধপক্ষ অবলম্বন করে, তাহা হইলে কি আমরা
উহা বশে রাখিতে পারিব? আমার মতে এখন সাবধানতার সহিত সৈন্য
ও অস্ত্রশস্ত্র সংগ্রহ করা উচিত। এখন যুদ্ধের যে সকল অপকৃষ্ট দ্রব্য
আছে, তৎসমুদয়ের উপর নির্ভর করা যাইতে পারে না। ঐ সকলের
পরিবর্তে ভাল দ্রব্যাদি হস্তগত হইলে আমাদের হতাশাস হইবার আর
কোন কারণ থাকিবে না। তখন আমরা যেখানে যাইব, সেই খানে কৃত-
কার্য হইতে পারিব। আমি এস্থানে মেজর জেনেবল, ব্রিগেডিয়ার জেনেবল

প্রতীতি যে সকল সৈনিক কর্মচারীদের সহিত পরামর্শ করিয়াছি, তাঁহারাও এই মত প্রকাশ করিয়াছেন * ।”

কিন্তু লর্ড লবেন্স, সেনাপতির এ প্রস্তাবে সন্মত হন নাই। এখন আর কোন বিষয় কালবিলম্ব করিবার সময় ছিল না। অতি অল্প মাত্র বিলম্ব, অতি অল্পমাত্র অসাবধানতা ও অতি অল্পমাত্র শৈথিল্য হইলেই, বিষম বিপৎপাতের সম্ভাবনা ছিল। লর্ড কানিং কলিকাতা হইতে এবং স্যার জন্ লরেন্স পঞ্জাব হইতে প্রধান সেনাপতিকে অবিলম্বে দিল্লী অধিকার করিতে যাত্রা করিবার জন্ত, অনুরোধ করিতে লাগিলেন। স্যার জন্ লরেন্স স্পষ্ট বুদ্ধিতে পাইয়াছিলেন যে, যদি মোগল সম্রাটের রাজধানী দীর্ঘকাল সিপাহিদিগের অধিকৃত থাকে, তাহাহইলে, হয়ত, সাধারণে ভাবিবে যে, ইঙ্গরেজদিগের প্রাধান্য ও ক্ষমতা অস্তুহিত হইয়াছে। সাধারণে ইহাতে, হয়ত, উত্তেজিত সিপাহিদিগের পরিপোষক হইয়া উঠিবে। সুতরাং যে কোন প্রকারে হউক, অগুনাত্র সময় নষ্ট না করিয়া দিল্লী পুনরধিকার করিতে চেষ্টা করা উচিত। অন্তথা ব্রিটিশ নাম ও ব্রিটিশ ক্ষমতার উপর ছরপনের কলঙ্ক স্পর্শিবে। তিনি প্রধান সেনাপতিকে অবিলম্বে দিল্লী অধিকার করিতে যাত্রা করিবার জন্ত অনুরোধ করিয়া যে পত্র লিখেন, তাহার একস্থলে তাঁহার মনোগত ভাব এইরূপে পরিব্যক্ত হইয়াছিল :—“একবার ভারতের ইতিহাসের বিষয় অনুধাবন করিয়া দেখুন, যখন আমরা কোন কার্যে উঠিয়া লাগিয়া পড়িয়াছি, তখন কোথায় আমরাইগকে অকৃতকার্য হইতে হইয়াছে? সাহস ও উৎসাহশূন্য লোকের পরামর্শে যখন পরিচালিত হইয়াছি, তখন কোথায় আমরা কৃতকার্য হইয়াছি? ক্লাইব তাঁহার প্রধান প্রধান সেনানায়কদিগের অমতে ১২ শত লোকের সহিত পলাশীর ক্ষেত্রে যুদ্ধ করিয়া ৪০,০০০ লোক পরাজিত পূর্বক বাঙ্গালা অধিকার করিয়াছিলেন। চম্বল হইতে সেনাপতি মন্সনকে পশ্চাৎ হটিয়া যাইতে হয়। আগ্রা অধিকার করিবার পূর্বে তাঁহার

* Unpublished Memoir by Colonel Baird Smith, quoted by Kaye, Vol. II p. 140, note. Comp. Bosworth Smith, Life of Lord Lawrence. Vol. II. p. 28. and Holmes, Indian Mutiny, p. 121.

সৈন্যদল বিশৃঙ্খল ও অংশতঃ বিনষ্ট হইয়া গিয়াছিল । কাবুলের ঘটনার প্রতি দৃষ্টিপাত করুন, একাগ্রতা ও সাহসের সহিত কার্য্য হইলে এই ঘটনার আবির্ভাব হইত না । যে সকল বিদেশীয় বেতনভোগী লোক আমাদের পক্ষে আছে, তাহারা যে, আমাদের জন্ত সর্বস্ব ত্যাগ করিবে, তাহা কিরূপে বোধ হইতে পারে ? তাহারা যে, আমাদের পক্ষে থাকে তাহার কারণ আছে । তাহারা জানে যে, আমরা যে কার্য্যে প্রবৃত্ত হই, তাহাতেই কৃতকার্য্য হইয়া থাকি । আমাদের অধীনে কার্য্য করিতে কোন কষ্ট নাই । ইহার পর বিবেচনা করুন, প্রত্যেকেই আপনার মঙ্গলের দিকে দৃষ্টি রাখিয়া থাকে । পঞ্জাবের অনিয়মিত সৈন্যদল বিশেষ উৎসাহিত চিত্তে, যুদ্ধে নিয়মিত সৈন্যদল অপেক্ষা, আপনাদের প্রাণাত্ম দেখাইবার জন্ত অগ্রসর হইতেছে । তাহারা ইউরোপীয় সৈন্যদলের সহিত একত্র দণ্ডায়মান হইয়া যুদ্ধ করিতে প্রস্তুত আছে । তাহারা যদি উপস্থিত হইয়া দেখে যে, ইউরোপীয়গণ যুদ্ধে পিছু রহিয়াছে, তাহাহইলে তাহারা ভাবিবে যে, কোম্পানির পরাজয় হইয়াছে । ইহার পর মনে করুন, যে কয়েকদিন আমরাদিগকে বসিয়া থাকিতে হইবে, সে কয়েকদিনের মধ্যে হয়ত, উদ্ভেজিত সিপাহিদিগের চর প্রতি দৈনিক নিবাসে যাইতে পারে ; এবং চিঠিপত্র দ্বারা প্রতি দৈনিক নিবাসের লোকদিগকে আমাদের বিপক্ষে উদ্ভেজিত করিতে পারে । এখন অনেক স্থলে ভাল ফসল জন্মিয়াছে, অথলাও মিরাতের মধ্যে আমাদের জন্ত অনেক শস্ত সংগৃহীত হইবে ; দেশের অধিকাংশ স্থলে কৃষিকার্য্য উত্তমরূপে হইয়াছে । আমরা বিনাকষ্টে দেশের সর্বত্র সৈন্য পাঠাইতেছি । পাতিয়ালা ও ঝিন্দের মহারাজ এবং সাধারণতঃ এই প্রদেশের উপর আমাদের বিশ্বাস স্থাপন করা উচিত । যেহেতু, তাহারা যে আমাদের পক্ষে আছেন, ইহার প্রমাণ পাওয়া যাইতেছে । কিন্তু সিপাহিদিগকে বিশ্বাস করা উচিত নয় । * * * * *
 যদি পঞ্জাবের কোন সেনানায়ককে আপনি চাহেন, তাহা হইলে অল্পগ্রহ পূর্বক অবিলম্বে আমাকে জানাইবেন । * * * 22, 335

পঞ্জাবের প্রধান কমিশনার এইরূপ ধীরতা অথচ এইরূপ একাগ্রতা ও কার্য্যতৎপরতার সহিত প্রধান সেনাপতিকে দিল্লীর অভিমুখে যাইতে লিখিয়াছিলেন । তাহার লিপি ওজস্বিতায় অলঙ্কৃত হইলেও ঘটনার যথার্থ ভাবে

পূর্ণ নহে। তিনি সে পলাশী যুদ্ধের উল্লেখ করিয়া আপনাদের সাহসিকতা ও গৌরব প্রতিষ্ঠিত করিতে অগ্রসর হইয়াছিলেন, সে যুদ্ধ প্রকৃত মহাযুদ্ধের সম্মানিত নামে অভিহিত হইবার যোগ্য নয়। ঘোরতর বিশ্বাসঘাতকতা ও প্রভুদ্রোহিতায় বলসম্পন্ন না হইলে, লর্ড ক্লাইব বোধ হয়, সাহস ও একাগ্রতার পবিচয় দিবাব সুযোগ পাইতেন না। মীরজাকর প্রভৃতির বিশ্বাসঘাতকতাব জন্মই লর্ড ক্লাইব পলাশীর যুদ্ধে বিজয়ী হইয়াছিলেন এবং ঐ বিশ্বাসঘাতকতার জন্মই তাঁহার সাহস, তাঁহার পরাক্রম ও তাঁহার কার্যতৎপরতা পরস্পর একীভূত হইয়া সমরে সমর-লক্ষীর প্রসাদলাভের আশায় পবিষ্ফুট হইয়াছিল। যাহাহউক, স্মার জন্ লরেন্স উপস্থিত সময়ে সাহস ও দৃঢ়তার বলে কার্যসিদ্ধির জন্ম ব্যস্ত হইয়াছিলেন। অতীত ইতিহাসের নিগূঢ় সত্যের দিকে তত দৃষ্টি রাখেন নাই। বিশাল ভারতে তিনি আপনার স্বজাতীয়দিগের যেখানে যে কিছু কার্যতৎপরতার আভাস পাইয়াছিলেন, তাহাবই উল্লেখ করিয়া প্রধান সেনাপতিকে উত্তেজিত করিতে ব্যগ্র হইয়াছিলেন।

প্রধান সেনাপতি অবশেষে প্রধানতম গবর্নমেন্টের মতানুসারে কার্য করিতে বাধ্য হইলেন। যদিও তিনি সৈনিকবিভাগে সর্বপ্রধান পদে অধিষ্ঠিত ছিলেন, তথাপি তাঁহার স্পষ্ট ধারণা ছিল যে, তিনি সমগ্র ভারতের সর্বপ্রধান রাজশক্তির পরিচালকের মতের বিরুদ্ধে কার্য করিতে সমর্থ নহেন। যখন গবর্নরজেনরলের অভিমত তাঁহার গোচর হইল, তখন তিনি আর ইতস্ততঃ না করিয়া দিল্লীতে যাইতে প্রস্তুত হইলেন। সেনাপতি আনসন্ ২৩এ মে গবর্নরজেনরলকে লিখিলেন, “দিল্লীতে শীঘ্র শীঘ্র উপস্থিত হইবার সম্ভাবনা অতি অল্প। আপনি তারের সংবাদে উল্লেখ করিয়াছেন যে, দিল্লী শীঘ্র পুনরধিকার করা কর্তব্য। পর্যাপ্তসংখ্যক ব্রিটিশ সেনা দ্বারা এই কার্য করিতে হইবে। কিন্তু তদনুরূপ ব্রিটিশ সৈন্য এ স্থানে নাই। আমরা যতদূর পারিয়াছি, সংগ্রহ করিয়াছি। এক ঘণ্টা কালও বৃথা ব্যয় কবা হয় নাই। যে ব্রিটিশ সৈন্য সংগৃহীত হইয়াছে, তাহা আপনি দিল্লী আক্রমণের পক্ষে পর্যাপ্ত বলিয়া বিবেচনা করেন কি না, জানিতে ইচ্ছা করি।” প্রধান সেনাপতি এই সময়ে সংগৃহীত সৈন্যের সংখ্যা ও তৎসম্বন্ধে আনুপূর্বিক বিবরণ, মিরাতের সেনাপতি হিউটের নিকট লিখিয়া পাঠান।

প্রধান সেনাপতি যখন অস্থানা হইতে এই পত্র লিখিতেছিলেন, তখন গবর্নরজেনেরল আগ্রার লেফ্‌টেনাণ্ট গবর্নর দ্বারা তাঁহাকে টেলিগ্রাফে জানান যে, যত শীঘ্র সম্ভব, দিল্লীর অভিমুখে অগ্রসর হইতে হইবে। তিনি এঅংশে সাধামত তাঁহার সাহায্য করিতে প্রস্তুত আছেন। কিন্তু এদিকে প্রধান সেনাপতি, সৈন্যসংগ্রহ ও অভিযানের সম্বন্ধে নানা প্রতিবন্ধকের কথা বলিতে লাগিলেন, তাহাতে গবর্নরজেনেরল স্থির থাকিতে পাবিলেন না। মে মাসের শেষ দিন, তিনি আবার প্রধান সেনাপতির নিকট টেলিগ্রাফে লিখিলেন :—“অদ্য আমি শুনিলাম যে, আপনি ৯ই জুনের পূর্বে দিল্লীতে উপস্থিত হইতে পারিবেন না। কিন্তু এই সময়ের মধ্যে কাণপুর ও লক্ষ্মোতে বড় গোলযোগ ঘটবে ; এবং দিল্লী হইতে কাণপুর পর্য্যন্ত সমস্ত স্থান বিদ্রোহীদিগের হস্তগত হইবে। এই গোলযোগ নিবারণ করা অত্যন্ত আবশ্যিক। কাণপুর উদ্ধার করিতে বিশেষ চেষ্টা করা উচিত। আপনাব যে কাগানরক্ষক সৈন্য আছে, তাহাতে নিশ্চয়ই দিল্লীর কাজ হইবে। এজন্য আমার মতে একদল ইউরোপীয় পদাতিক এবং ইউরোপীয় অশ্বারোহী সৈন্য দিল্লীর দক্ষিণে পাঠাইয়া দেওয়া উচিত। ইহাতে আধিগড় ও কাণপুর শীঘ্র শীঘ্র উদ্ধার করা হইবে।”

এই সময়ে এক শ্রেণীর সম্ভ্রান্ত, সঙ্গতিপন্ন ও প্রভূত ক্ষমতাসালী লোক সাহায্য করিবাব জন্ত ব্রিটিশ গবর্নমেন্টের পার্শ্বে দণ্ডায়মান হইলেন। যমুনা ও শতদ্রব মধ্যবর্তী ভূখণ্ডে কতিপয় ভূপতি আধিপত্য করিতেছিলেন। ইহারা গবর্নমেন্টের রক্ষিত ও গবর্নমেন্টের মিত্রবাজমধ্যে পরিগণিত ছিলেন। ঊনবিংশ শতাব্দীর প্রারম্ভে যে অলোকসাধাবণ তেজস্বী পুরুষ পবিত্র পঞ্চনদে আপনার আধিপত্য বিস্তার করিয়া, যখন সকলকে চমকিত করিয়া তুলেন, তখন এই সকল ভূপতি ইঙ্গবেজের আশ্রয়ে থাকিয়া, সেই অসাধারণ বীরপ্রবরের অধীনতাপাশ হইতে আপনাদের স্বতন্ত্রতা রক্ষা করিতে সমর্থ হন। পঞ্জাবকেশরীর হস্ত হইতে মুক্ত হইয়া, পাতিয়ালারাজ তরুণবয়স্ক চালস্‌মট্‌কাফের হস্তে আপনার দুর্গের চাবি দিয়া কহিয়াছিলেন যে, তাঁহার অধিকাংশে বাহা কিছু আছে, সমস্তই ব্রিটিশ গবর্নমেন্টের জন্ত প্রস্তুত রহিয়াছে। এই সময় হইতে মিত্ররাজগণ আপনাদের পবিত্র মিত্রতা রক্ষা করিয়া

আসিতেছিলেন । সিপাহিগণ যখন গভীর উত্তেজনায় গবর্ণমেন্টের বিরুদ্ধে দলবদ্ধ হইতেছিল, পল্লীতে পল্লীতে, নগরে নগরে গুপ্তচরগণ যখন চিরন্তন ধর্মহানির সম্বন্ধে নানা কথা বলিয়া, কোতূহলপর লোকদিগকে আতঙ্কগ্রস্ত করিয়া তুলিতেছিল, ভারতের আকাশে যখন করাল কাদম্বিনী আবির্ভূত হইয়া মুহূর্তে মুহূর্তে মহাপ্রলয়ের সূচনা করিতেছিল, তখন শতক্রর প্রশাস্তসলিলবিধৌত ভূখণ্ডের মিত্ররাজগণ গবর্ণমেন্টের পক্ষ-সমর্থনে ক্রটি করেন নাই । বিন্দু ও নাভাব ভূপতিগণ, পাতিয়ালার অধিপতির দৃষ্টান্তের অনুসরণ করেন । এই সময়ে অস্থলা হইতে কর্ণাল পর্য্যন্ত রাস্তা রক্ষাকরা বিশেষ আবশ্যক হইয়া উঠিয়াছিল । যেহেতু, অস্থলা হইতে সৈন্তগণ শেষোক্ত স্থানে অগ্রসর হইতেছিল, দিল্লী হইতে যাহারা পলায়ন করিয়াছিলেন, তাঁহারা ঐ শেষোক্ত স্থানে সমবেত হইয়া আপনাদেব লুপ্ত প্রায় গৌরবেব পুনরুদ্ধারের চেষ্টা পাইতেছিলেন । এতদ্যতীত, কর্ণাল গবর্ণমেন্টের অধীনে থাকিলে অস্থলা ও মিরাতের মধ্যে সহজে সংবাদ আদান প্রদানের সুবিধা ছিল । গবর্ণমেন্টের সৌভাগ্যক্রমে এই সঙ্কটকালে রক্তক্ষেত্রে আর একটি হিতৈষী পুরুষের আবির্ভাব হয় । কর্ণালের নবাব গবর্ণমেন্টের পক্ষে থাকিয়া যথাশক্তি সাহায্য করিতে প্রস্তুত হন । যখন বিন্দুর রাজা কর্ণালে সৈন্ত প্রেরণ করেন, তখন, সেই স্থানে জনসাধারণ গবর্ণমেন্টের বিরুদ্ধে সমুথিত হইবে বলিয়া, যে আশঙ্কা জন্মিয়াছিল, তাহা নিবারিত হয় । অল্প দিকে পাতিয়ালার রাজা অস্থলা ও কর্ণালের মধ্যবর্তী থানেখর আপনার অধীনে গাথেন । এইরূপে গবর্ণমেন্টের হিতৈষী মিত্র রাজগণের সহায়তায় এই সকল স্থানে সংবাদ আদানপ্রদানের পথ সুরক্ষিত হয় ।

কর্ণাল ষ্টেশনের কয়েক মাইল দূরে ভারতের ইতিহাসে চিরপ্রসিদ্ধ পাণিপথ অবস্থিত । এই স্থানের বিস্তৃত ক্ষেত্রে তিনবার ভারতের অদৃষ্ট-চক্র পরিবর্তিত হয় । তিনবার প্রসিদ্ধ যুদ্ধবীরগণ বহুসংখ্যক সৈন্তের অধিনায়ক হইয়া ভারতের রাজলক্ষ্মী অধিকারের আশায় এই সুবিস্তৃত ক্ষেত্রে সমরচাতুর্যের একশেষ প্রদর্শন করেন । যে ক্ষেত্রে বাবরের ছয়বস্থা দূর হইয়াছে, আকবর যে ক্ষেত্রে পিতার প্রনষ্টরাজ্য উদ্ধারে সমর্থ

হইয়াছেন, শেষে অহম্মদ শাহ যে ক্ষেত্রে মহা পরাক্রান্ত মহারাষ্ট্রীয়দিগের শেষ আশা ভরসা নিশ্চূর্ণ করিয়া ফেলিয়াছেন, সে ক্ষেত্রের কাহিনী ব্রিটিশ বীরপুরুষদিগের স্মৃতি হইতে কখন অন্তর্হিত হয় নাই। এই খানে বিন্দের সাহায্যকারী সৈন্তের অধিকাংশ অবস্থিতি করিল। অস্থানা হইতে আর একদল সৈন্ত কর্ণালে যাত্রা করিল। ঐ সৈন্তদিগের অগ্রগামী দল অতি সত্বরতার সহিত পাণিপথে আসিয়া পহুছিল। অস্থানাতে যে ইউরোপীয় সৈন্ত ছিল, প্রধান সেনাপতি তাহাদিগকে লইয়া ২৫এ মে অস্থানা হইতে যাত্রা করিলেন। কিন্তু তাঁহার আয়ুষ্কাল পূর্ণ হইয়া আসিয়াছিল। তিনি যে গুরুতর কর্তব্যসাধনে ব্রতী হইয়াছিলেন, সে কর্তব্যভারে তাঁহাকে আর প্রেীড়িত হইতে হইল না। তাঁহার সম্মুখে যে সঙ্কটময় কার্যক্ষেত্র প্রসারিত হইয়াছিল, সে কার্যক্ষেত্রের সমস্ত ভার তিনি অপরের জন্ত রাখিয়া চিরবিদায়গ্রহণে উদ্যত হইলেন। সেনাপতি আন্সন্ ২৫এ মে অস্থানা পরিত্যাগ করেন, ২৬এ তিনি কর্ণালে মৃত্যুশয্যা শায়িত হন। পর দিন আর হেনরি বার্ণার্ড নিশীথসময়ে তাঁহার শিবিরে উপস্থিত হইলেন। এই সময়ে প্রধান সেনাপতি ধীরে ধীরে মৃত্যুর ক্রোড়শায়ী হইতেছিলেন। তিনি তাঁহার বন্ধুকে চিনিতে পারিয়া অতি ক্ষীণস্ববে কহিলেন,—“বার্ণার্ড, আমি তোমার হস্তে সৈন্তপরিচালনের ভার সমর্পণ করিতেছি, তুমি কহিবে যে, আমি আমার কর্তব্য কার্য সম্পাদন করিতে কিরূপ ব্যগ্র ছিলাম। আমি আর আরোগ্যলাভ করিতে পারিব না। আমি প্রার্থনা করি, তুমি উপস্থিত বিষয়ে কৃতকার্য হও। ঈশ্বর তোমার মঙ্গল করুন। এখন বিদায় গ্রহণ করি।” ইহার এক ঘণ্টার মধ্যে আন্সন্ সকলের প্রশংসা বা নিন্দার হাত এড়াইয়া অন্তিম অন্ত শান্তিব ক্রোড়ে আশ্রয় গ্রহণ করিলেন।

এইরূপে ভীষণ বিপ্লবের প্রারম্ভে ভারতের প্রধান সেনাপতি দুর্ভাগ্য ওলাউঠা রোগে ইহলোক হইতে অন্তর্হিত হইলেন। তিনি যে গুরুতর কার্যে ব্রতী হইয়াছিলেন, যে দায়িত্বভার তাঁহার স্বক্কে সমর্পিত হইয়াছিল, সে কার্যসম্পাদনে ও সে দায়িত্বপরিচ্ছানে তিনি কতদূর যোগ্য ছিলেন, তাহা এস্থলে বিশেষ করিয়া বলিবার প্রয়োজন নাই। কেবল ইহাই বঙ্গিলে পর্যাপ্ত হইবে, যে, তিনি ভারতে কার্যক্ষেত্রে প্রবেশ করিয়া সকলকে

সমভাবে সঙ্কষ্ট করিতে পারেন নাই। তিনি সাহসী ও সরলহৃদয় হইতে পারেন, কিন্তু কার্যক্ষেত্রে তাঁহার স্বল্পদর্শিতা বা একাগ্রতা পরিস্ফুট হয় নাই। চারিদিকে যখন ভয়াবহ বিপ্লবের আভাস পাওয়া যাইতেছিল, সিপাহিগণ যখন মুহূর্তে মুহূর্তে উত্তেজিত হইয়া ফিরিঙ্গির শোণিতে আপনাদের বিদ্রোহবুদ্ধিব পবিতর্পণ করিতে আগ্রহ প্রকাশ করিতেছিল, তখন প্রধান সেনাপতি তাদৃশ কার্যপব্যায়ণতা ও দৃঢ়তার পরিচয় দিতে পারেন নাই। তিনি ষটনাশ্বলে উপস্থিত থাকিলে মিরাটের যুদ্ধোন্মত্ত সিপাহিগণ বোধ হয়, দিল্লীর সিপাহিদিগের সহিত সশ্লিলিত হইতে পাবিত না। মিব্যাট যখন উন্নত সৈনিকদলের রক্ষক্ষেত্র হইয়া উঠিয়াছিল, দিল্লী যখন উর্গাদেব ভয়াবহ আক্রমণে গবর্ণমেন্টের শাসন হইতে স্থলিত হইয়া পড়িয়াছিল, তখন প্রধান সেনাপতি হিমালয়ের শীতল সমীরসেবনে পুলকিত হইতেছিলেন। মেজব জেনেরল টুকের নামক একজন সৈনিক পুরুষ এই সময়ে লিখিয়াছিলেনঃ—“আমি সাহস পূর্বক বলিতেছি যে, অনুসন্ধান করিলে জানা যাইবে, তিনি (আনসন) এ সময়ে কার্যসম্পাদনে সম্পূর্ণ অযোগ্য ছিলেন। যিনি শাস্ত্র, ধীর ও শিষ্ট; তাহার হৃদয়ের দুর্বলতায় সম্বন্ধে কোন কথা বলা কষ্টকর হইলেও দেশের জন্ত এবং যাহাদেব পুত্র, কন্যা ও আত্মীয় স্বজন ভারতে আপনাদেব জীবন উৎসর্গ করিয়াছে, তাহাদের জন্ত বলা উচিত যে, কেবল সুপারিসের জোরে এইরূপ প্রধান পদ সকল দেওয়া হইয়া থাকে*।” আব একজন কর্মচারী এসম্বন্ধে লিখিয়াছিলেন,—“মৃত্যু সেনাপতি আনসনকে ঘাতকের হস্ত হইতে বিমুক্ত করিয়াছে। সৈন্যগণ তাঁহাকে ঘৃণা করিত। তাহার তাঁহার তাম্বু পোড়াইয়া ফেলিয়াছিল। তিনি আপনার কার্যে সম্পূর্ণ অযোগ্য ছিলেন। ঘোড়া ও ক্রীড়াকৌতুকই তাঁহার প্রধান লক্ষ্য ছিল।” † এইরূপে অনেকেই সেনাপতি আনসনের সম্বন্ধে আপনাদের মত ব্যক্ত করিয়াছেন। কেহ কেহ সেনাপতির গুণ-গোবব প্রকাশ করিয়াছেন বটে, কিন্তু সে গোরবকাহিনী সর্বসম্মত হয় নাই। স্বল্প বিচারকের কঠোর সমালোচনার সে প্রশংসাবাদ সাধারণের

* *Martin, Indian Empire, Vol. II. p. 180.*

† *Ibid, p. 180.*

তৃপ্তিকর হইয়া উঠে নাই। প্রধান সেনাপতি সহদয় ও শাস্তস্বভাব ছিলেন। শিষ্ট ব্যবহারে সাধুসমাজে আপনার প্রতিপত্তি রক্ষা করিতে জানিতেন। কিন্তু একমাত্র কার্যকারিতাশক্তির অভাবে তিনি আপনার পদ-গৌরব সম্পূর্ণরূপে রক্ষা করিতে পারেন নাই এবং গবর্ণমেন্টের কর্মচারীদিগকে সমভাবে সন্তুষ্ট করিতে সমর্থ হন নাই।

পূর্বে উক্ত হইয়াছে যে, প্রধান সেনাপতি মৃত্যুশয্যাতে সেনাপতি বাগাঁড়ের হস্তে সৈন্যপরিচালনের ভার সমর্পণ কবিয়াছিলেন। বাগাঁড় এখন আপনার গুরুতর দায়িত্ব বৃদ্ধিয়া দিল্লীর অভিমুখে সৈন্যপরিচালনের উদ্যোগ করিতে লাগিলেন। অবিলম্বে সৈন্যদল অস্থলা হইতে দিল্লী উদ্ধারার্থ যাত্রা করিল। নিদাঘের প্রচণ্ড তপন চারিদিকে অনল-কণা বিকিরণ করিতেছিল, ইউরোপীয় সৈন্যগণ এইজন্ত দিবসে যাইতে পারিত না। দিবা অবসানে আতপ-তাপের শাস্তি হইলে, ইহাদের অভিযান আরম্ভ হইত। যখন রাত্রি প্রভাত হইত, পূর্বাকাশ যখন ধীরে ধীরে অরুণ-রঞ্জিত হইয়া চরিত্রিক আলোকে উদ্ভাসিত করিয়া তুলিত, তখন ইউরো-পীয় নৈনিকদলের হৃদয়ে গভীর আতঙ্ক উপস্থিত হইত। ইহার পর সূর্যের উত্তাপ বাড়িয়া উঠিলে পরিশ্রান্ত সৈনিকদল আপনাদের পটবাসে প্রবিষ্ট হইত। এই আশ্রয়স্থানেও তাহাদিগের শাস্তি ছিল না। নির্দয় তপন পটাশ্রম যেন শতছিদ্র করিয়া প্রতি মুহূর্তে জলন্ত বহি ইহাদের গাত্রে ফেলিয়া দিত। প্রথর আতপতাপে এইরূপ নিপীড়িত হইয়া, ইহারা চারি দিকে অবরুদ্ধ তাষু মধ্য মৃতবৎ পড়িয়া থাকিত। শেষে যখন সূর্য পশ্চিম আকাশে গড়াইয়া পড়িল, আতপের তেজ যখন ক্রমে মন্দীভূত হইয়া আসিত, তখন ইহাদের মধ্যে আবার জীবনী শক্তির সঞ্চার দেখা ধাইত। তখন ইহারা আপনাদের তাষু হইতে বাহিরে আসিত এবং স্ব স্ব দ্রব্যজাত লইয়া আবার অভিযানের জন্ত প্রস্তুত হইত। এইরূপে সায়ন্তন সময়ই ইহাদের নিকট কার্যক্ষেত্রে প্রবেশের দ্বারস্বরূপ ছিল। ইহারা এই সময়ে যাত্রা করিয়া রাত্রির নিস্তরুতা ভঙ্গ পূর্বক দিল্লীর অভিমুখে অগ্রসর হইত। তারকাময়ী বিভাবরী এখন ইহাদের নিকটে বিশেষ প্রীতিপ্রদ ছিল। কিন্তু যদিও ইহারা শাস্তিময়ী রাত্রিতে দিল্লীর অভিমুখে যাত্রা করিত, তারকাখচিত প্রশান্ত আকাশ

যদিও ইহাদের সম্মুখে প্রশান্ত ভাব বিস্তারিত করিয়া দিত, তথাপি ইহাদের হৃদয়ে শান্তি ছিল না। দুর্দমনীয় প্রতিহিংসায় উত্তেজিত হইয়া, ইহারা অশান্ত ভাবে পশ্চিমমুখেই অনেক অকার্য্যের অনুষ্ঠান করিতেছিল। দিল্লী হইতে যে সকল ইউরোপীয় পলায়ন করিয়াছিল, পথে তাহাদের অনেকে ছুরবস্থায় পড়িয়াছিল। দিল্লীযাত্রী সৈনিকদল এখন আপনাদের গন্তব্য পথের পার্শ্ববর্তী পল্লীবাসীদিগকে ঐ দুর্দশার হেতু মনে করিয়া তাহাদের উপর কঠোর ভাবে বৈরনির্ঘাতনে প্রবৃত্ত হইল। ইহারা তাহাদের অনেককে ধরিয়া আনিল, এবং আপনারাই তাহাদিগকে দোষী সাব্যস্ত করিয়া অতিশয় নিষ্ঠুর ভাবে হত্যা করিতে লাগিল। ইহাদের আফিসরেরাও এই কার্য্যের অমুমোদনে ক্রটি করিলেন না। এক জন সহৃদয় লেখক এই শোচনীয় দৃশ্যের এইরূপ চিত্র দিয়াছেন,—“সৈন্যদিগের ভয়ঙ্কর উগ্রভাব প্রত্যহই বৃদ্ধি পাইতেছিল, সমভিব্যাহারী ভৃত্যদিগের নিকট ইহারা সর্বদাই ঐ ভয়ঙ্করভাবের পরিচয় দিত; এজন্য অনেক চাকর পলাইয়া গিয়াছিল। বন্দিগণ কয়েক ঘণ্টা অর্থাৎ তাহাদের বিচার ও বিনাশের মধ্যে যতটুকু সময় ছিল, সেই সময়ের মধ্যে ইহাদের হস্তে যারপর নাই নিগৃহীত হইত। ইহারা তাহাদের চুল ধরিয়া টানিত, সঙ্গীন দিয়া খোঁচাইত এবং জোব জববদস্তি করিয়া গোমাংস খাওয়াইয়া দিত। ইহাদের আফিসরণ পার্শ্বে দাঁড়াইয়া এই কার্য্যের অমুমোদন করিতেন।”*

নরশোণিতলোলুপ সৈন্যদল এইরূপে পশ্চিমমুখে আপনাদের রাক্ষসভাবের পরিচয় দিতে দিতে দিল্লীর দিকে অগ্রসর হইতে লাগিল। ইহাদের কার্য্যক্ষেত্র আর অধিক দূরে ছিল না। ইহাদের সকলেরই বিশ্বাস জন্মিয়াছিল যে, ইহারা একদিনেই আপনাদের কার্য্য সম্পন্ন করিয়া তুলিবে। এক যুদ্ধেই বিদ্রোহী সৈনিক দল বিধ্বস্ত হইয়া যাইবে। ইহারা প্রাতঃকালে যুদ্ধ করিবে এবং রাত্ৰিকালে নিরুপদ্রবে দিল্লীতে বসিয়া মদিরাপানে আমোদিত হইবে। তাহুর মধ্যে যাহারা পীড়িত ছিল, তাহারাও আপনাদিগকে স্মৃষ্ বলিয়া প্রকাশ করিতে লাগিল। রোগবজ্রণা কোনরূপে গোপন করিয়া,

* Kaye, Sepoy war, Vol. II. p. 170, note.

তাহারা ক্ষীণস্বরে কহিতে লাগিল যে, তাহাদিগকে শীঘ্রই পীড়িতের শয্যা হইতে ছাড়িয়া দেওয়া হউক। যেহেতু তাহারা শত্রুদিগেব সহিত যুদ্ধ করিবে। কিন্তু সেনাপতি বার্ণাডের সৈন্যগণ এরূপ বলসম্পন্ন ছিল না। যদিও ইহারা শত্রুগণের সম্মুখীন হইতে আগ্রহ প্রকাশ করিতেছিল, তথাপি আর এক দল সাহায্যকারী সৈন্য, এই সময়ে বিশেষ আবশ্যক হইয়া উঠিয়াছিল। সেনাপতি উইলসনের সৈন্যগণ মিরাত হইতে ইহাদের সাহায্যের জন্ত আসিতেছিল। সেই ১০ইমের স্মরণীয় রাত্রিব পর হইতে এই শেষোক্ত সৈনিক-দল কি করিতে ছিল, তাহা পরে বিবৃত হইতেছে।

যে রাত্রিতে মিরাতের সিপাহিগণ উত্তেজিত হইয়া ইঙ্গরেজদিগের বিরুদ্ধে অস্ত্রধাবণ করে, তাহার পর দিন ইঙ্গরেজ কর্তৃপক্ষ হতাবশিষ্ট ইউরোপীয়দিগকে এক স্থানে সমবেত করিতে যত্নবান্ হন। ইহাদের চেষ্টায় সকলে মিরাতের প্রশস্ত সামরিক বিদ্যালয়ে একত্র হয়। কলেক্টরী হইতে টাকা কড়িও এই স্থানে আনিয়া রাখা হয়। এই সময়ে মিরাতে যেকপ গোলযোগ ঘটয়াছিল, তাহা পূর্বে বর্ণিত হইয়াছে। ইউরোপীয়দিগের কাহারও জীবন বা সম্পত্তি নিরাপদ ছিল না। উত্তেজিত সিপাহিদিগেব অস্ত্রাঘাতে, কাবাগারবিমুক্ত উচ্ছ্বল কয়েদীদিগেব অত্যাচারে বা উন্নত গুজরদিগের আক্রমণে, অনেকেই হতজীবন বা হতসর্কস্ব হইয়াছিল। কথিত আছে, পণ্ডিকেরা এই সময়ে প্রকাশ্যপথে অবরুদ্ধ হইয়াছিল। ডাক বিলুপ্ত হইয়া গিয়াছিল। অনেকের গৃহ আক্রান্ত ও গৃহস্বামী সপরিবারে নিহত হইয়াছিল*। কর্তৃপক্ষ সিপাহিদিগেব এই আকস্মিক সমুখান ও তৎপ্রযুক্ত ভয়াবহ ঘটনা দেখিয়া উপস্থিত বিপ্লবের

* এই সময়ে সবকাবী বিজ্ঞাপনীতে প্রকাশ যে, রামদয়াল নামক এক ব্যক্তির অনেক খাজনা বাকী পড়ে। সে উহা না দেওয়াতে দেওয়ানী আদালতে অভিযুক্ত হয়। বিচারে রামদয়ালের কারাবাস ঘটে। যখন ১০ই মে মিরাতে সিপাহিগণ উত্তেজিত হইয়া, ইউরোপীয়দিগকে আক্রমণ করে, ইউরোপীয়দিগের গৃহ সকলে আগুন লাগাইয়া দেয় এবং কাবাগারের সমস্ত কয়েদীদিগকে বিমুক্ত করে। সেই সময়ে রামদয়ালও অন্যান্য অপরাধীদিগের সহিত কাবাগার হইতে মুক্তি লাভ করে। সে বিমুক্ত হইয়াই আপন্যার বাসগ্রাম ভোজপুরে যায়; এবং ১০ইমে রাত্রিতে ও তৎপরদিন প্রাতঃকালে একদল লোক সংগ্রহ করিয়া যে মহাজন তাহার নামে নালিস করিয়া ডিগ্রী করিয়াছিল, তাহাব গাটীতে যাইয়া তাহাকে ও তাহার পরিবারের আর ৬ জনকে হত্যা করে।—*Kaye, Sepoy war. Vol. II. p. 173, note.*

প্রচণ্ড ভাব বৃদ্ধিতে পারিয়াছিলেন। তাঁহারা আপনাদিগকে নিরাপদ করিবার জন্ত সামরিক আইন প্রচার করিয়াছিলেন। কিন্তু এই আইনে শ্রায়েব সম্মান রক্ষা হয় নাই। কেবল সন্দেহের উপর নির্ভর করিয়া অনেককেই অকারণে ফাঁসি দেওয়া হয়। সিপাহিদিগের অক্রমণে ইউরোপীয়দিগের জীবন যেমন সঙ্কটময় হইয়াছিল, এই সামরিক আইনে জনসাধারণের জীবনও তেমনি বিপত্তিপূর্ণ হইয়া উঠিয়াছিল। কর্তৃপক্ষ গভীর মর্শ্বেদনায় অধীর হইয়া শ্রায়াশ্রায়েব দিকে ততটা দৃষ্টি রাখেন নাই। যাহাকে সম্মখে পাইয়াছেন, সন্দেহের মন্ত্রণায় তাহাবই জীবন হরণ পূর্বক ছরস্তু প্রতিহিংসার পরিতর্পণ করিয়া সঙ্কষ্ট হইয়াছেন।

মিরাট হইতে ৬০ মাইল দূরে গঙ্গার তটে রুডকি অবস্থিত। এইস্থানে দেশের সর্ব প্রধান ইঞ্জিনিয়ারিং কলেজে এতদেশীয়গণ ইউরোপীয় স্থপতিবিদ্যার আলোচনা করিয়া থাকেন। রুডকির এই টমাসন্ কলেজের কারখানা বিবিধ যন্ত্রাদিতে পরিপূর্ণ। কল কারখানার কার্যো এইস্থান শ্রায় জীবন্ত ভাবে থাকিত। খালের জলসেচনের প্রধান কার্যালয় ও এই স্থানে অবস্থিত। এই কার্যালয় হইতে যে সকল নিয়ম বাহির হয়, তদনুসারে ক্ষেত্র সমুদয়ে জল সেচন করিয়া উহা শস্যশালী করা হয়। এতদ্ব্যতীত এই স্থানে এতদেশীয় শিক্ষিত সামরিক ইঞ্জিনিয়ারগণ ইউরোপীয় অফিসরদিগের অধীনে অবস্থিতি কবেন। স্মৃতবাং রুডকি জনবহুল ও জীবন্ত-ভাবপূর্ণ স্থান ছিল। মে মাসের প্রারম্ভে এইস্থানে শান্তিব কোনরূপ বাঘাত দেখা যায় নাই। বিদ্যালয়েব অধ্যাপকগণ শান্তভাবে শিক্ষার্থীদিগকে স্থপতিবিদ্যার উপদেশ দিতেছিলেন। শিক্ষার্থীগণ শান্তভাবে ঐ উপদেশ গ্রহণ করিতেছিল। ইঞ্জিনিয়ারবেবা শান্তভাবে আপনাদের মানচিত্র ও যন্ত্রাদি লইয়া দৈনন্দিন কার্যো ব্যাপ্ত ছিলেন। কোথাও কোনরূপ আকস্মিক গোলযোগ বা অধীরতার চিহ্ন দেখা যায় নাই। কর্নেল বেরার্ড স্বিথ এই স্থানের প্রধান পদে অধিষ্ঠিত ছিলেন। তিনি যখন জীবন ও সম্পত্তিরক্ষার সম্বন্ধে এই স্থান পৃথিবীর মধ্যে নিরাপদ বলিয়া আত্মাদ প্রকাশ করিতেছিলেন, তখন মিরাটের দুর্ঘটনার সংবাদ ঐ নিরাপদ ও শান্তিপূর্ণ স্থানে উপস্থিত হইল। পূর্বোক্ত সামরিক ইঞ্জিনিয়ারদিগের অধ্যক্ষ মেজর ফ্রেসার, মিরাটের সেনাপতির সিকট হইতে

আদেশ পাইলেন যে, তাঁহাকে অবিলম্বে অধীনস্থ দলের সহিত অতি সত্বর মিরাতে উপস্থিত হইতে হইবে। যেহেতু, তত্রত্য সিপাহিগণ প্রকাশ্যভাবে যুদ্ধোন্মুখ হইয়াছে। কর্ণেল বেয়ার্ডস্মিথের নিকট যখন এই সংবাদ পৌঁছিল, তখন তিনি, কর্ণেল ফ্রেজারের নিকটে, গঙ্গার খাল দিয়া নৌকাপথে সৈন্ত পাঠাইবার প্রস্তাব করিলেন। ফ্রেজার এই প্রস্তাবে তৎক্ষণাৎ সন্মত হইলেন। তিনি ছয় ঘণ্টার মধ্যে, হাজার লোক পাঠাইবার উপযোগী কতকগুলি নৌকা সংগ্রহ করিলেন। রুড়কিতে কেবল ৭১৩ জন মাত্র সৈনিক ইঞ্জিনিয়ার ছিল। এই সকল লোক মিরাতে যাইবার জন্ত প্রস্তুত হইল। ইহার মধ্যে মিরাত হইতে আবার সংবাদ আসিল যে, রুড়কি রক্ষার জন্ত দুই দল লোক রাখিয়া, অবশিষ্ট লোক মিরাতে পাঠাইতে হইবে। সুতরাং ৭১৩ জনের মধ্যে ৫০০ শত লোক সজ্জিত হইয়া ফ্রেজারের অধীনে, মিরাতে যাত্রা করিল। *

ইহার পরে দিল্লীস্থিত ইউরোপীয়দিগের হত্যার সংবাদ রুড়কিতে পৌঁছিল। বেয়ার্ডস্মিথ ইঞ্জিনিয়ারিং কলেজের কারখানারকার জন্ত বিশেষ বন্দোবস্ত করিতে লাগিলেন। তিনি উত্তরপশ্চিম প্রদেশে খালের জলসেচন-বিভাগের প্রধান তত্ত্বাবধায়ক ছিলেন। এই কার্যে তাঁহার বিশেষ দক্ষতা ছিল। সামরিক উত্তেজনা বা গোলাবোমের সহিত এই কার্যের কোন সংশ্রব ছিল না। প্রধান তত্ত্বাবধায়ক, শান্তভাবে শাস্তিময় পথে থাকিয়া আপনার কর্তব্য কার্য সম্পন্ন করিতেন। কিন্তু এখন সে শান্ত্যাব অপসারিত হইল। সে শাস্তিময় পথ কণ্টকিত হইয়া উঠিল।

* কর্ণেল বেয়ার্ডস্মিথ এ সম্বন্ধে লিখিয়াছেন,—“প্রাতঃকাল আমি মিরাতের সিপাহিদিগের সমুখান ও ইউরোপীয়দিগের হত্যার সংবাদ প্রাপ্ত হই। যখন আমি প্রাতঃসময়ের জন্ত অর্থে আরোহণ করতে গৃহদ্বারে উপনীত হই, তখন দেখি যে, ভূত্বশাস্ত্রের অধ্যাপক মেড্‌লিকট্‌ তথায় বসিয়া রহিয়াছেন। কোন দুর্বৃত্তের সংবাদে তাঁহাকে উদ্ভিগ্ন ও বিরক্ত বোধ হইল। আমি কারণ জিজ্ঞাসিলে তিনি কহিলেন যে, মিরাতের সৈন্তাধ্যক্ষ ফ্রেজারকে তাঁহার সৈন্তদলের সহিত অতি দ্রুতগতি তথায় যাইতে আদেশ দিয়াছেন। প্রায় এক ঘণ্টা পূর্বে, এই সংবাদ পৌঁছিয়াছে। আমি তৎক্ষণাৎ পদব্রজে অতি দ্রুত যাইবার পরিবর্তে, গঙ্গার খাল দিয়া যাইবার প্রস্তাব করিলাম। যেহেতু, পদব্রজে যাইতে সৈন্তগণ লাভ হইয়া পড়িবে। সুতরাং তাহারা কার্যকূলে পরিশ্রম করিতে সমর্থ হইবে না।” * *Ms. Correspondence of Colonel Baird Smith. Comp. Kaye, Sepoy War. Vol. II. p. 175, note.*

প্রধান তত্ত্বাবধায়ক স্থপতিবিদ্যার পরিবর্তে সামরিক কার্যে অভিনিবিষ্ট হইলেন। রুড়কি এখন তাঁহার রক্ষাধীন হইল। বেয়ার্ডস্মিথ বিশেষ সত্বরতার সহিত আঙ্গুরক্ষার বন্দোবস্ত করিতে লাগিলেন। ১৬ই মে কলেজের কারখানায় ইউরোপীয় মহিলা ও বালকবালিকাদিগকে লইয়া যাওয়া হইল। ইহাদের সংখ্যা কিঞ্চিৎদূন ১০০ শত ছিল, পুরুষের সংখ্যা স্ত্রীলোক ও বালক বালিকাদিগের অপেক্ষা কিছু বেশী ছিল। ইহাদের অধিকাংশ কেরাণিগিরি করিত, সুতরাং অস্ত্রধারণে তাদৃশ পটু ছিল না। ৫০ জন শিক্ষিত সৈন্য ও ৮১০ জন অফিসার ছিল। বেয়ার্ডস্মিথ ইহাদের অধিনায়ক হইয়া রুড়কি রক্ষায় উদ্যত হইলেন।

রুড়কিতে যে সকল সৈনিক ইঞ্জিনিয়ার ছিল, বেয়ার্ডস্মিথ তাহাদিগকে সম্পূর্ণ বিশ্বস্ত ও প্রভুভক্ত বলিয়া মনে করেন নাই। নানাপ্রকার বাজার গুজবে তাহারা ক্রমে অধীর হইয়া উঠিয়াছিল। অস্থিচূর্ণমিশ্রিত ময়দাব কথা তাহাদের মধ্যেও প্রচারিত হইয়াছিল। অপরাপর সিপাহিদের গ্রায় তাহারাও ভাবিতেছিল যে, গবর্ণমেন্ট তাহাদিগকে নিরস্ত্র করিয়া সমূলে বিনষ্ট করিয়া ফেলিবেন। তাহারা প্রতিমুহূর্ত্তেই আক্রমণের বিতীষিকা দেখিতে ছিল। প্রতি মুহূর্ত্তেই আপনাদের সামরিক পরিচ্ছদ ও অস্ত্রশস্ত্রের অপসারণের চিত্র কল্পনা করিয়া আতঙ্কে বিহ্বল হইতেছিল। সুতরাং মনে তাহাদের শাস্তি ছিল না—হৃদয়ে তাহাদের রাজভক্তি ছিল না—কর্তব্য কার্যে তাহাদের অভিনিবেশ ছিল না। তাহারা আশঙ্কায়—উদ্বেগে আকুল হইয়া, আপনাই আপনাদের সম্মুখে সংহারিণী মূর্ত্তির উৎকট ভাব দেখিতেছিল। এই সময়ে তাহারা শুনিতে পাইল যে, মেজর রিডের অধীনে একদল গুরখা সৈন্য দেবাদুন হইতে আসিতেছে। ইহা শুনিয়া তাহারা ভাবিল যে, তাহাদের বিরুদ্ধে সৈন্যদল আসিতেছে। সুতরাং তাহাদের আশঙ্কা অধিকতর বলবতী হইল। বেয়ার্ডস্মিথ ইহা বুদ্ধিতে পারিয়া অবিলম্বে রিডকে লিখিয়া পাঠাইলেন যে, তিনি যেন আপনার সৈন্যদল লইয়া রুড়কিতে উপস্থিত না হন। রিড এই প্রস্তাব অনুসারে কার্য করিতে সম্মত হইলেন। তিনি রুড়কিতে না গিয়া, একবারে গঙ্গার খাল দিয়া নৌকাযোগে মিরাতের অভিমুখে প্রস্থান করিলেন।

এদিকে ফ্রেজারের অধীনে সিপাহিরা মিরাটের অভিমুখে যাইতে-
ছিল। তাহারা পথে কোনরূপ বিশৃঙ্খলা বা বিরোধের নিদর্শন দেখায় নাই।
শান্তভাবে আপনাদের অধিনায়কের আজ্ঞাবহ হইয়া তাহারা, নির্দিষ্ট স্থানে
উপনীত হইল। কিন্তু মিরাট তাহাদের শান্ত্যাব দীর্ঘস্থায়ী হইল না।
সৈন্যধাক্ক তাঁহাদের অস্ত্রশস্ত্র বারুদ প্রভৃতি তাহাদের তত্ত্বাবধানে রাখিতে
প্রস্তুত হইয়াছিলেন। কোন বিষয়ে তাহাদের উপর অবিশ্বাস জন্মিতে
পারে, এরূপ কার্য্য করিতে তাঁহার ইচ্ছা ছিল না। গোলাব আঘাত
সহিতে পারে, এমন একটি সুদৃঢ় গৃহ তাঁহাকে দেওয়া হইয়াছিল। তিনি ঐ
গৃহেই আপনার সৈন্যদিগের বারুদপ্রভৃতি রাখিবার ইচ্ছা করিয়াছিলেন।
যদি এই অভিপ্রায় তাহাদিগকে বুঝাইয়া দেওয়া হইত, তাহারা বাঙনিষ্পত্তি
না করিয়া ঐ প্রস্তাবে সম্মতি প্রকাশ করিত। কিন্তু সৈন্যদিগকে পূর্বে
উক্ত বিষয়ের কিছুই বলা হয় নাই। স্মৃদর্শিতা ও ভবিষ্যদৃষ্টির অভাবে
অনেক সময়ে নানা অনর্থ ঘটয়া থাকে। উপস্থিত বিষয়েও পদে পদে
স্মৃদর্শিতা ও ভবিষ্যদৃষ্টির অভাব দেখা যাইতেছিল। কর্তৃপক্ষ সিপাহি-
দিগের কোতূহল চরিতার্থ করেন নাই। তাহারা অনেক সময়ে মনে মনে
এরূপ ভাবিয়া কার্য্যক্ষেত্রে অবতীর্ণ হইতেন, সন্দিগ্ধ সিপাহিরা তাঁহাদের
কার্য্য অনুরূপ মনে করিয়া, তাঁহাদিগকে গুরুতব শত্রু বলিয়া স্থির করিত।
উপস্থিত ক্ষেত্রে এইরূপ ঘটয়াছিল। মিরাটে পঁছছিবার পব দিন তাহারা
দেখিল যে, তাহাদের বারুদ প্রভৃতি সহসা স্থানান্তরিত হইতেছে। অধি-
নায়কের অভিপ্রায় তাহারা কিছুই জানিত না। স্মতরাং তাহাদের হৃদয়
সন্দেহে আকুল হইয়া উঠিল। তাহারা ঐ কার্য্য ঘোরতর বিশ্বাসঘাতকতা
মনে করিয়া, বোঝাই গাড়ী অবরোধ করিল, এবং গভীর উত্তেজনায়
মিরাটের সিপাহিদিগের দৃষ্টান্তের অনুবর্তী হইল। একজন আফগান
সিপাহি পশ্চাৎ দিক হইতে সেনাপতির প্রতি বন্দুক ছুড়িল। ফ্রেজার
পৃষ্ঠদেশে আহত হইয়া, ভূতলে শায়িত হইলেন। সেনাপতিকে হত্যা করিয়া
উত্তেজিত সিপাহিগণ ছত্রভঙ্গ হইয়া ইতস্ততঃ ধাবমান হইল। একদল
ইউরোপীয় সৈন্য, তাহাদের বিরুদ্ধে যাত্রা করিল। অনেকেই পলায়ন
করিয়াছিল, কেবল পঞ্চাশ জন মাত্র ধৃত হইল। ইহাদের কেহই পরিত্রাণ

পাইল না। সকলেই উত্তেজিত ইউরোপীয় সৈনিকদিগের হস্তে নির্দয়রূপে নিহত হইল।

২৭এ মে সেনাপতি উইলসনের অধীনে মিরাতের সৈন্যদল দিল্লীঘাটী সৈন্যদিগের সাহায্যার্থ অগ্রসর হইল। গ্রিথেড্ সাহেব দেওয়ানী কর্মচারী-রূপে ইহাদের সহিত যাত্রা করিলেন। প্রথম দুই দিন ইহাদের সহিত প্রতিদ্বন্দ্বী সিপাহিদিগের সাক্ষাৎ হইল না। গ্রিথেড্ ভাবিলেন যে, দিল্লীর প্রাণীরের সম্মুখবর্তী না হইলে বোধ হয়, প্রতিদ্বন্দ্বীদিগের সাক্ষাৎ পাওয়া যাইবে না। কিন্তু ৩০এ মে গ্রিথেডের অনুমান অলীক বলিয়া প্রতিপন্ন হইল। উইলসন, এই সময়ে হিন্দন নদীর তীরবর্তী গাজি উদ্দীন নামক নগরে উপস্থিত হইয়াছিলেন। দিল্লীর সিপাহিবা ইউরোপীয়দিগকে তাড়িত করিয়া, ব্রিটীশ শাসন বিপর্যস্ত করিবার জন্ত আগ্রহযুক্ত হইয়াছিল। তাহারা ইঙ্গরেজের সমক্ষে, আপনাদের প্রাধান্য রক্ষা করিয়াছিল, ইঙ্গরেজের আধিপত্য দূর করিয়া বৃদ্ধ মোগল ভূপতিকে হিন্দুস্থানের সম্রাট্ বলিয়া অভিনন্দন করিয়াছিল, এবং সমগ্র দিল্লীতে অকুতোভয়ে ও অক্ষুণ্ণভাবে আপনাদের প্রভুত্ব পরিচালনা করিতেছিল। এইরূপ কৃত-কার্য্যতায় তাহাদের সাহস বৃদ্ধি পায়। তাহারা আপনাদের বাহুবলের উপর নির্ভর করিয়া দিল্লীর বাহিরে আইসে; এবং অস্থানার সৈন্যদিগের সহিত সম্মিলনের পূর্বে মিরাতের সৈন্যদিগকে পরাভূত করিবার জন্ত অগ্রসর হইতে থাকে। তাহারা আপনাদের সন্নিবেশিত স্থানের দক্ষিণভাগে কয়েকটি কামান স্থাপিত করিয়া বিপক্ষদিগের প্রতি গোলাবর্ষণ করিতে থাকে। ইঙ্গরেজ সৈন্যও তাহাদিগকে লক্ষ্য করিয়া কামানের গোলাবৃষ্টি করিতে আরম্ভ করে। এই সঙ্গে বন্দুকধারী ইঙ্গরেজ সৈন্যগণ ক্রমে অগ্রসর হইয়া সিপাহিদিগের সম্মুখবর্তী হয়। কিছুকাল উভয়পক্ষে যুদ্ধ চলিতে থাকে। সিপাহিরা এই যুদ্ধে সাহস ও বীরত্বের পরিচয় দিতে বিমুখ হয় নাই। কিন্তু শেষে তাহাদের পরাক্রম পর্য্যুদস্ত হয়। তাহারা ছত্রভঙ্গ হইয়া চারি দিকে ধাবিত হইতে থাকে। কেহ কেহ নিকটবর্তী গ্রামে উপনীত হয়, অনেকে দিল্লীর দিকে গমন করে, তাহাদের ৫টি কামান ইঙ্গরেজদিগের হস্তগত হয়। এই যুদ্ধে ইঙ্গরেজেরাও ক্ষতি স্বীকার করেন। একজন সিপাহির অসাধারণ

সাহসে ও তেজস্বিতায় সিপাহিদিগের বারুদের এক থানি গাড়ী জলিয়া উঠে । ঐ গাড়ীর বারুদ যে কামানে ভরা হইতে ছিল, একজন ইঙ্গরেজ সেনানায়েক যখন একদল সৈন্য লইয়া, সেই কামান অধিকার করেন, তখন ১১ গণিত দলের একজন সিপাহি গুরুতর যুদ্ধের মধ্যে যথোচিত একাগ্রতার সহিত উক্ত বারুদ বোঝাই গাড়ীতে বন্দুক ছুড়িতে থাকে । বন্দুকের আগুনে বারুদ, গাড়ীসমেত জলিয়া উঠে । সেই মুহূর্তেই সিপাহির প্রাণবিয়োগ হয় । ইঙ্গরেজ সেনানায়েকও কয়েকজন অনুচবের সহিত নিহত হন । আরও কতকগুলি আহত হইয়া যুদ্ধস্থল হইতে নীত হয় । সিপাহি আপনার প্রাণ তুচ্ছ জ্ঞান করিয়া এইরূপ সাহসের পরিচয় দিয়াছিল, এবং আপনাদের পরাজয় অবশ্যম্ভাবী হইলেও বিপক্ষদিগের বলক্ষয় করিতে এইরূপ কার্যক্রমতার পরিচয় দিয়াছিল । উত্তেজিত সিপাহিদিগের মধ্যে এইরূপ সাহস ও বীরত্বসম্পন্ন যোদ্ধার অভাব ছিল না । ইহারা স্বাধীনতার জন্ত আত্ম প্রাণ উৎসর্গ করিতেও বিমুখ হয় নাই । উপস্থিত ইতিহাসের অনেক স্থলে ইহাদের বীরত্ব ও সাহসের পরিচয় পাওয়া যায় । জাতীয় জীবন ও স্বাধীনতায় অনুপ্রাণিত হইলে, বীরপুরুষ কিরূপে আপনার সাহসের পরিচয় দিতে পারে, তাহা এই সিপাহিদিগের বিবরণে বুঝা যায় । ইহাদের অনেকের বীরত্বকীর্তি উপস্থিত ইতিহাসের অনেক স্থল উজ্জল করিয়া রাখিয়াছে । অনেকের কীর্তিকাহিনী আবার ইতিহাসেও স্থান পরিগ্রহ করে নাই । বিদেশী ঐতিহাসিক অনেকস্থলে, বিদেশীয়েদের বিপক্ষের জলন্ত কীর্তির পরিচয় দিতেও বিমুখ হইয়াছেন । ইউরোপে হইলে এই সকল বীরপুরুষদিগের বীরত্বকীর্তি ঘোষিত হইত । সকলেই আজ পর্য্যন্ত সাধারণের সমক্ষে যেন জীবন্ত ভাবে বিচরণ করিত । কিন্তু এই হতভাগ্য দেশে ইহাদের নাম পর্য্যন্ত ইতিহাসে পাওয়া যায় না । অনন্ত কালের অভিঘাতে, অতীত স্মৃতির সস্তাড়নে সমস্তই নিঃসন্দেহে নির্মূল হইয়া গিয়াছে ।

সিপাহিরা দিল্লীতে উপনীত হইলে বিপক্ষদিগকে আবার বাধা দিবার জন্ত আয়োজন হইতে লাগিল । যে সকল সিপাহি হাটিয়া আসিয়াছিল, তাহারা আবার আপনাদের অদৃষ্ট পরীক্ষা করিবার জন্ত উৎসাহের সহিত অগ্রসর হইল । তাহারা হিন্দনের তীরে আসিয়া বিপক্ষদিগের উপর কামানের

গোলা চালাইতে লাগিল। ইঙ্গরেজপক্ষের কামানরক্ষক সৈন্যগণ অগ্রসর হইয়া সম্মুখীন শত্রুদিগের অগ্রভাগে আপনাদের কামান সকল সজ্জিত করিল। দুই ঘণ্টাকাল উভয় পক্ষে কামানে কামানে যুদ্ধ হইল। মে মাসের শেষ দিন এই যুদ্ধ ঘটে। সূর্যের প্রথর উত্তাপে ইঙ্গরেজ সৈন্যের ছরবস্ত্র একশেষ হইল। অনেকে নিদারুণ পিপাসায় অত্যন্ত কাতর হইয়া পড়িল। এদিকে সিপাহিদিগের সহিত যুদ্ধে অনেকে প্রাণ হারাইল। অনেকে পথে পরিশ্রান্ত ও পিপাসার্ত হইয়া যুদ্ধ করিতে অসমর্থ হইল। কেহ কেহ পরিশ্রান্তির সময়ে জল পান করিয়া অনস্ত নিদ্রায় নিদ্রিত হইল। বিপক্ষদিগকে ক্রমাগত অগ্রসর হইতে দেখিয়া, সিপাহিরা দিল্লীতে ফিরিয়া যাইতে উদ্যত হইল। ইঙ্গরেজপক্ষের অগ্রগামী দলের প্রতি অনবরত গুলি বৃষ্টি করিতে করিতে তাহারা বিশেষ শৃঙ্খলার সহিত হটিয়া গেল। তাহাদের কামান, বারুদ ও গোলাগুলি প্রভৃতি কিছুই বিপক্ষদের হস্তগত হইল না। সিপাহিরা আপনাদের সমুদয় অস্ত্রশস্ত্র লইয়া দিল্লীতে উপনীত হইল। প্রথর উত্তাপে নিদারুণ পিপাসায়, ইহাব উপর অনশনে কাতর হওয়াতে, ইঙ্গরেজ সৈন্য পশ্চাৎকাল সময়ে সিপাহিদিগের কোনরূপ অনিষ্ট করিতে সমর্থ হইল না।

দিল্লীর উদ্ধারার্থ অম্বালা হইতে যে সৈন্যদল আসিতেছিল, তাহাদের সাহায্যের জন্ত কেবল মিরাত হইতে সৈন্যদল প্রেরিত হয় নাই। বুলন্দসহর হইতে ও ৫০০ শত গুরুখা সৈন্য মেজর চার্লস্ রিডের অধীনে আসিতেছিল। ইঙ্গরেজ সেনাদল দূর হইতে ইহাদিগকে বিপক্ষ সৈন্য ভাবিয়া উদ্বিগ্ন হইয়াছিল। কিন্তু শেষে যখন ইহাদিগকে আপনাদের সহযোগী বলিয়া বুঝিতে পারিল, তখন তাহাদের আফ্লাদের অবধি রহিল না। তাহারা উল্লাসের সহিত অভিনন্দন করিয়া তাহাদের সহিত সন্মিলিত হইল।

৫ই জুন বার্গাডের সৈন্যদল দিল্লীর পাঁচ মাইল দূরবর্তী আলিপুর নামক স্থানে উপনীত হয়। মিরাতের সাহায্যকারী সৈন্যের উপস্থিতি না হওয়া পর্য্যন্ত, তাহারা তথায় অবস্থিতি করে। ৬ই জুন সেনাপতি উইলসন বাঘপথের নিকটে যমুনা পার হন। ঐ দিন বড় বড় কামান সকল আসিয়া পহুঁছে।

৭ই জুন মিরাতের সৈনিকদল আলিপুরে যাত্রা করে। পর দিন বেলা

১টার সময়ে তাহারা দিল্লীর অভিমুখে অগ্রসর হয়। তাহারা চরমুখে শুনিতে পায় যে, দিল্লীর সিপাহিগণ তাহাদের গতিরোধজন্ত নগরের সম্মুখে সমজ্ঞ রহিয়াছে। ইঙ্গরেজের সৈন্যদল আপনাদের বিলুপ্ত গৌরব উদ্ধারে কৃতসঙ্কল্প হইয়া, পরাক্রান্ত বিপক্ষের অভিমুখে অগ্রসর হইতে থাকে। দিল্লীর ছয় মাইল দূরে বুদলিকাসরাই নামক স্থানে সিপাহিগণ অবস্থিতি করিতেছিল। এই স্থানে অনেকগুলি প্রাচীন অট্টালিকা ও প্রাচীরবেষ্টিত বাগান ছিল। মোগলের আধিপত্যসময়ে এই স্থানে দরবারের অমাত্যগণের কেহ কেহ অবস্থিতি করিতেন। প্রাচীন অট্টালিকা ও বৃক্ষ বাটিকাসকল তাহারই নিদর্শনস্বরূপ বিরাজ করিতেছিল। সেনাপতি বার্ণাড এই স্থানের নিকটবর্তী হইতে লাগিলেন। ৮ই জুন প্রাতঃকালে সিপাহিদিগের কামান সকল হইতে, তাহার সৈন্যদলের উপর গোলাবৃষ্টি হইতে লাগিল। সিপাহিগণ প্রথমে আপনাদের কামানের উপর নির্ভর করিয়া যুদ্ধ আরম্ভ করিল। ইঙ্গরেজ সৈন্য প্রধানতঃ চারিদলে বিভক্ত হইয়াছিল। সেনাপতি বার্ণাড যখন সিপাহিদিগকে আক্রমণ করেন, তখন অত্র একজন সেনানায়ক সিপাহিদিগের বাম ভাগে আপনাদের সৈন্যদল পরিচালনা করেন। অপর দিকে অত্র এক সেনানায়ক স্বীয় সৈন্যদল লইয়া বিপক্ষের অভিমুখে আসিতে থাকেন। সিপাহিরা এইরূপে প্রায় সকল দিকেই আক্রান্ত হয়। এরূপ অবস্থাতেও তাহাদের পরাক্রম বিলুপ্ত হয় নাই, সাহস পর্য্যুদস্ত হইয়া যায় নাই, বীরত্ব অন্তর্ধান করে নাই। ইঙ্গরেজ সৈন্যনায়কগণ যখন প্রভূত বিক্রমের সহিত অগ্রসর হইতে লাগিলেন, তখন তাহারা আপনাদের কামানের পার্শ্বে থাকিয়া সাহস ও পরাক্রমের একশেষ দেখাইতে লাগিল। তাহাদের অনেকে কামান ছাড়িয়া একপদও পশ্চাৎপদ হটিল না। তাহারা য মন্ত্রসাধনে দীক্ষিত হইয়াছিল, আপনাদের কামানের পার্শ্বে থাকিয়া, যপূর্ব বিক্রমের পরিচয় দিতে দিতে সেই মন্ত্রের জন্ত দেহপাত করিতে কৃত-নশ্চয় হইল। ইঙ্গরেজের সঙ্গিন তাহাদের হৃদয়ে বিদ্ধ হইল, তথাপি তাহারা কামান পরিত্যাগ করিল না। সঙ্গীনে বিদ্ধ হইল, তাহারা সেই কামানের পার্শ্বে প্রকৃত বীরের গায় অনস্ত নিদ্রায় অভিভূত হইল।

সেনানায়ক গ্রেব্‌স যখন সিপাহিদিগের বাম পার্শ্ব আক্রমণ করেন,

তখন অপর সেনানায়ক আপনার অশ্বারোহী ও কামানরক্ষক সৈনিকদল লইয়া শত্রুপক্ষের সম্মুখে আসিয়া উপস্থিত হন। সিপাহিরা এইরূপে নানাদিকে আক্রান্ত হইয়া, শেষে পশ্চাৎ হটিয়া যাইতে উদ্যত হয়। প্রথমে তাহারা শৃঙ্খলার সহিত পশ্চাৎ গমন করে, শেষে গোলযোগে উদ্ভ্রান্ত হওয়াতে ছত্রভঙ্গ হইয়া নগরের অভিমুখে ধাবমান হয়। তাহাদের কামান বারুদ প্রভৃতি বিপক্ষের হস্তগত করে। বুদ্ধলিকাসরাই হইতে দিল্লীর গন্তব্য পথ দুই শাখায় বিভক্ত হইয়াছে। এক শাখা সবজীমন্দিরের দিকে ও আর এক শাখা ইঙ্গরেজদিগের পুরাতন সেনানিবাসের দিকে গিয়াছে। সেনাপতি বার্গাড প্রথম শাখাপথে একজন সৈন্যাদ্যক্ষকে পাঠাইয়া স্বয়ং অপর পথে অগ্রসর হইতে লাগিলেন। এই দুই পথেও সিপাহিরা তাড়িত হইল। তাহারা আর নগরের বহির্ভাগে না থাকিয়া নগরের অভ্যন্তরভাগে গমন করিল। এইরূপে ৮ই জুনের যুদ্ধ শেষ হইল। ইঙ্গরেজের ইতিহাসে প্রকাশ যে, এই যুদ্ধে সাড়ে তিন শত সিপাহি নিহত হয়। পক্ষান্তরে ইঙ্গরেজপক্ষে চারি জন অফিসর ও ৪৬জন সৈনিক মানবলীলা সংবরণ করে। এতদ্ব্যতীত ১৩৪ জনের কতকগুলি আহত হয় এবং কতকগুলির কোন সংবাদ পাওয়া যায় নাই। ইঙ্গরেজ সৈন্যদলের আড্জুট্যান্ট জেনেরল কর্ণেল চেষ্টর এই যুদ্ধে নিহত হন। কর্ণেল চেষ্টর নিহত হওয়াতে ইঙ্গরেজপক্ষে বিস্তর ক্ষতি হয়। ইঙ্গরেজেরা কেবল আপনাদের স্বজাতীয় ও স্বধর্মের লোক লইয়া এই যুদ্ধে বিজয়ী হন নাই। সেনানায়ক রিডের অধীনে গুরখারা এই সময়ে তাহাদের সহায়তা করিয়াছিল। তাহারা যেরূপ বিক্রমে সিপাহিদিগকে আক্রমণ করে, যেরূপ সাহসে সিপাহিদিগের বাহভেদ করিতে তৎপর হয়, তাহাতে ইঙ্গরেজ সৈনিকেরা অপরিসীম সন্তোষের সহিত তাহাদিগকে সাধুবাদ দিতে থাকে। গুরখা সৈন্য ব্যতীত মিরাতের এতদেশীয় সৈনিকগণ, বিনের রাজার সৈন্যদল এবং জাফ্‌ফান্ খাঁ নামক একজন আফগান সেনাপতির একদল এতদেশীয় অশ্বারোহী সৈন্য, ইঙ্গরেজপক্ষ সমর্থন করিয়াছিল। এতদেশীয়দিগের বাহুবলের উপর নির্ভর করিয়া ইঙ্গরেজ প্রথমে এদেশে আপনাদের আধিপত্যভিত্তি প্রতিষ্ঠিত করেন। লর্ড ক্লাইব সিপাহিদিগের সাহায্যে দক্ষিণাপথের যুদ্ধে বিজয়ী হন, এবং পলাশীর ক্ষেত্রে

হতভাগ্য সিরাজউদৌলার দৰ্প চূর্ণ করিয়া, বাঙ্গালা, বিহার, উড়িষ্যার আপনাদের শাসন-দণ্ড স্থাপিত করেন । এইরূপে ইঙ্গরেজ প্রতি যুদ্ধেই এতদেশীয়দিগের সাহায্যে বিজয়শ্রীর অধিকারী হইয়াছেন । এ সময়ে, যখন সিপাহিরা ইঙ্গরেজশাসনের বিরুদ্ধে সমুথিত হইয়াছিল, তখনও এতদেশীয়েরা ইঙ্গরেজের সহায়তা করিতে বিমুখ হয় নাই । এতদেশীয়েরা এ মঙ্কটসম্মুখে আপনাদের স্বজাতির, স্বদেশের ও স্বধর্মের লোকের বিরুদ্ধে অস্ত্রচালনা করিয়া, ইঙ্গরেজের হস্তে বিজয়শ্রী আনিয়া দেয় । প্রধানতঃ ইহাদের সহায়তাবলে ইঙ্গরেজ এই ভীষণ বিপ্লব হইতে মুক্তি লাভ করেন ।

বার্ণার্ড বিজয়ী হইয়া দিল্লীর কাওয়াজের প্রশস্ত ক্ষেত্রে সৈন্য নিবেশ করিলেন । এক মাস পূর্বে দিল্লীর অধিবাসীরা যে স্থান হইতে ফিরিঙ্গীদিগকে প্রাণভয়ে ইতস্ততঃ পলাইতে দেখিয়াছিল, এখন সেই স্থানে ফিরিঙ্গীগণ আবার দলবলের সহিত উপস্থিত হইল । ফিরিঙ্গীর পতাকা তৈমুর-বংশীয়দিগের রাজধানী হইতে দৃষ্টিগোচর হইতে লাগিল । সেনাপতি বার্নার্ড এইরূপে এক সাধনার সিদ্ধি লাভ করিলেন । সিপাহিরা নগরপ্রাচীরের বহির্ভাগে আবার ফিরিঙ্গীদিগকে দলবদ্ধ দেখিতে পাইল । কিন্তু তাহারা এসময়েও, সাহসে জলাঞ্জলি দিয়া, শত্রুপক্ষের নিকট মস্তক অবনত করিতে অগ্রসর হইল না । তাহাদের আশা অন্তর্হিত হইল না, পরাক্রমও একবারে পর্য্যুদস্ত হইয়া গেল না । তাহারা আবার ফিরিঙ্গীদিগের সম্মুখে আপনাদের প্রাধান্যরক্ষার আশায়, ভবিষ্যতের উপর নির্ভর করিয়া রহিল ।

তৃতীয় অধ্যায় ।

উত্তরপশ্চিম প্রদেশ—বারানসী—আজিমগড়ের সিপাহিদিগের মধ্যে গোলঘোপ—সেনাপতি নীলের উপস্থিতি—জোনপুর—এলাহাবাদ—কাণপুর ।

মহামতি লর্ড কানিংগ যখন দিল্লী পুনরধিকার করিতে সেনাপতিদিগকে নিয়োজিত করিতেছিলেন, তখন তিনি গঙ্গা ও যমুনার তীরবর্তী নগর-সমূহের বিষয় ভাবিয়া সাতিশয় উদ্বিগ্ন হন। এই সকল নগর, ইউরোপীয় সৈনিকগণকর্তৃক সুরক্ষিত ছিল না। কেবল দানাপুরে একদল ইউরোপীয় সৈনিক ছিল। এতদ্ব্যতীত কতিপয় কামানরক্ষক ইউরোপীয় সৈনিক পুরুষ ইঞ্জরেজের পক্ষসমর্থন করিতেছিল। এই সকল সৈন্য ব্যতীত, গঙ্গা ও যমুনার উভয় পার্শ্ববর্তী স্থানসমূহে কোন ইউরোপীয় সৈন্যদল ছিল না। এখন এই সকল স্থানের উপর লর্ড কানিংগের দৃষ্টি পড়িল। যদি উত্তেজিত সিপাহিরা এই সকল স্থান আক্রমণ করে, তাহা হইলে তত্রত্য ইউরোপীয়দিগের জীবন যে, বিপত্তিপূর্ণ হইয়া উঠিবে, তাহা লর্ড কানিংগ স্পষ্ট বুদ্ধিতে পারিলেন। মিরাতে যখন ভয়ঙ্কর কাণ্ড ঘটে, দিল্লী যখন সিপাহিদিগের হস্তগত হয়, যদি তখনই গঙ্গা ও যমুনার তীরবর্তী নগরের সমস্ত সিপাহি একবারে ইঞ্জরেজদিগকে আক্রমণ করিত, তাহা হইলে ইঞ্জরেজ, একসময়ে সর্ববিধবংশের বিকট মূর্তিতে স্তম্ভিত ও কর্তব্য-বিমুখ হইয়া পড়িতেন। ইউরোপীয়েরা যখন প্রাণের দায়ে মোগলের রাজধানী হইতে ইতস্ততঃ পলাইতে থাকেন, তখন অগ্ন্যাগ্ন সৈনিকনিবাসে বিপ্লবের ভয়াবহ মূর্তি পরিদৃষ্ট হয় নাই। অগ্ন স্থানের আকস্মিক হুঁটনায় গবর্ণমেন্টকে অধিকতর বিব্রত হইতে হয় নাই। কিন্তু বাজারে, সৈনিক-নিবাসে, সকলের মধ্যেই গভীর উত্তেজনাব চিহ্ন দেখা যাইতেছিল। এই উত্তেজনা হইতে যে, ভয়ঙ্কর কাণ্ড ঘটিবে, তাহা স্পষ্ট বুঝা যাইতেছিল। কয়েক সপ্তাহের মধ্যে এই ঘটনার আবির্ভাব দেখা গেল, এবং উহা দেখিতে দেখিতে অধিকতর ভয়ঙ্করভাবে সমগ্র উত্তরপশ্চিম প্রদেশে সর্বসংহারক কালের বিকট ছায়া বিস্তার করিয়া দিল।

কলিকাতা হইতে কিঞ্চিদধিক ৪০০ মাইল দূরে উত্তরপশ্চিম প্রদেশে হিন্দুর পবিত্র তীর্থ বারাণসী অবস্থিত। এই স্থান হিন্দুসমাজে যেমন তীর্থের মধ্যে চিরপ্রসিদ্ধ, সেইরূপ জ্ঞানগরিমার জন্ম জ্ঞানিসমাজে চিরকাল সমাদৃত। পূণ্যসলিলা গঙ্গা হইতে এই স্থান অতি রমণীয় দেখায়। ইহার অসংখ্য দেবমন্দির, বিভিন্ন সময়ে বিভিন্ন সম্প্রদায়কর্তৃক গঠিত হওয়াতে, বৈচিত্র্যজনক হইয়াছে। ইহার সমুন্নত প্রস্তরময় প্রাসাদাবলী শ্রেণীবদ্ধ থাকাতে আলেখ্যবৎ রমণীয়তা অধিকতর বর্দ্ধিত করিয়া দিতেছে, এবং ইহার ঘাটসমূহের সোপানরাজি গঙ্গার তটভাগের শোভা দ্বিগুণিত করিয়া তুলিতেছে। হিন্দুর শিল্পচাতুরী ব্যতীত এই স্থান হিন্দুর ধর্ম ও হিন্দুর শাস্ত্রের জন্ম আপনার প্রাধান্য রক্ষা করিয়া আসিতেছে। গঙ্গাতটে স্নাত ব্যক্তিদিগের শতসহস্র কণ্ঠ হইতে যখন “হর হর শিব শিব” ধ্বনি সমুখিত হর, সাংসময়ে যখন সামবিৎ, সংযতচিত্ত ব্রাহ্মণগণ বিশ্বেশ্বরের আরতিতে ভক্তি-রসার্দ্ৰ-হৃদয়ে সমস্বরে সামগান করেন, তখন হিন্দুর হৃদয়ে গভীর উদাত্ত ভাবের সঞ্চার হইয়া থাকে। বহু শতাব্দী অতীত হইয়াছে, অদ্যাপি এই পবিত্র তীর্থের পবিত্রতার রেখামাত্রও বিচলিত হয় নাই। ভারতের শেষ প্রতাপাব্যাহিত মোগল সম্রাটের নির্মিত মসজিদ, হিন্দুর দেবালয়ের পার্শ্বে রহিয়াছে, খ্রীষ্টধর্ম প্রচারকদিগের বিদ্যালয় ও ভজনালয় স্থানে স্থানে স্থাপিত আছে, তথাপি পবিত্র বারাণসী তীর্থে পবিত্র হিন্দুধর্মের মহিমা বিচলিত হয় নাই। স্কুমারমতি ব্রাহ্মণ বালকগণ আজ পর্য্যন্ত ইহার সর্বস্থানে কোমলকণ্ঠে সামগান করিয়া বেড়াইতেছে। তৎসঙ্গে ব্রাহ্মণগণ আজ পর্য্যন্ত এখানে বেদ বেদান্ত প্রভৃতি শাস্ত্রের আলোচনা করিয়া, সাধারণের শ্রদ্ধা ও প্রীতি আকর্ষণ করিতেছেন। পাশ্চাত্য বিজ্ঞান ও পাশ্চাত্য সভ্যতায়, ইহার চিরস্তন খ্যাতি বিলুপ্ত হয় নাই। মৌলবী ও মিশনরীদিগের চেষ্টায়, ইহার পণ্ডিত ও পুরোহিতগণ, আপনাদের চিরস্তন প্রথায় জলাঞ্জলি দেন নাই।

উপস্থিত সময়ে এই পবিত্র তীর্থের অধিবাসিগণ শান্তভাবে কালাতিপাত করে নাই। যে উত্তেজনা মিরাতবাসীদিগের মধ্যে দেখা গিয়াছিল, দিল্লীর অধিবাসীদিগের মধ্যে যাহা পরিস্ফুট হইয়াছিল, তাহা এখন বারাণসীর লোকদিগের মধ্যে দেখা ফাইতে থাকে। ১৮৫৭ অব্দে গ্রীষ্মকালে খাদ্য দ্রব্য

সাতিশয় ছুম্বল্য হয়। সাধারণ লোকের বিশ্বাস জন্মে যে, ফিরিঙ্গীদিগের শাসনদোষে তাহাদের আহারসামগ্রী ছুম্বল্য হইয়াছে। এজন্য জনসাধারণ, ক্রমে ব্রিটিশ শাসনের উপর বিরক্ত হইয়া উঠে। এতদ্ব্যতীত অন্য কারণে সাধারণের উত্তেজনার বৃদ্ধি পাইয়াছিল। দিল্লীর রাজবংশীয়গণের অনেকে, বারাণসীতে অবস্থিতি করিতেছিলেন। ইহাদের মঙ্গল এ সময়ে একবারে ব্যর্থ হয় নাই। জাতীয় সম্মান ও জাতীয় ধর্মের বিলোপভয়ে, ইহার উপর খাদ্য দ্রব্যের মূল্যবৃদ্ধিতে, বারাণসীর হিন্দু ও মুসলমান, অনেকেই গভীর উত্তেজনার আবেগে ব্রিটিশ শাসনের বিরুদ্ধে ষড়যন্ত্র করিতে থাকে। নগরের তিন মাইল দূরে শিক্রোল নামে একটি স্থান আছে। ইউরোপীয়গণ এই স্থানে বাস করিয়া থাকেন। এই স্থানে ইঙ্গরেজের সৈনিক নিবাস, আদালত, কারাগার, গির্জা, গবর্ণমেন্ট কলেজ, হাসপাতাল, ভ্রমণোদ্যান প্রভৃতি সমস্তই রহিয়াছে। সৈনিক নিবাসে উপস্থিত সময়ে তিন দল এতদেশীয় পদাতিক ও কতিপয় ইউরোপীয় কামানরক্ষক সৈন্য ছিল। এই তিন দল এতদেশীয় সৈন্তের এক দল ৩ গণিত পদাতিক, আর এক দল লুইয়ানার শিখসৈন্য এবং অপর দল ১৩ গণিত অশ্বারোহী। সর্বসমেত প্রায় ২০০০ হাজার সৈনিক পুরুষ এই তিন দলে ছিল। ইঙ্গরেজ কামানরক্ষকের সংখ্যা ত্রিশ; জর্জ পন্সনবি এই সকল সৈন্তের রক্ষণাবেক্ষণ করিতেছিলেন। হেনরি টুকর এই সময়ে বারাণসীর কমিশনার, ফ্রেডারিক গবিন্স জজ ও লিও সাহেব মাজিষ্ট্রেট ছিলেন। ইহার মিরাত ও দিল্লীর শোচনীয় ঘটনার সংবাদ পাইয়া, আপনাদের শাসনাধীন জনপদ নিরাপদ রাখিতে বিশেষ তৎপর হন। কিন্তু ইহাদের যত্ন সফল হয় নাই। যে ঘটনা মিবাটে ও দিল্লীতে ঘটিয়াছিল, বারাণসীতেও তাহা সংঘটিত হয়।

জুন মাসের প্রারম্ভে সিপাহিদিগের কতকগুলি শূণ্য গৃহ অগ্নিতে দগ্ন হয়। ইহার পরে বারাণসীর ৬০ মাইল দূরবর্তী আজিমগড় হইতে সংবাদ আইসে যে, তথাকার ১৭গণিত সিপাহিরা গবর্ণমেন্টের বিরুদ্ধে সমুখিত হইয়াছে। আজিমগড়ের এই সৈনিকদল মেজর বরোস্ নামক এক জন সৈনিক পুরুষের অধীন ছিল। এই সৈনিক পুরুষ তাদৃশ ভেজস্বী ছিলেন না। তিনি সিপাহিদিগের উত্তেজনার গতিরোধ করিতে অসমর্থ হইলেন

মে মাসের শেষে সিপাহিদিগকে যে অতিরিক্ত টোটা দেওয়া হয়, তাহারা ব্যবহার করিতে অসম্মতি প্রকাশ করে। এই সময়ে নিদারুণ অর্থলোভ তাহাদিগকে অধিকতর উত্তেজিত করিয়া তুলে। ৫,০০,০০০ টাকা, ১৭গণিত দলের কতিপয় সিপাহি ও ১৩ গণিত দলের কতিপয় অশ্বারোহীর তত্ত্ববধানে গোরক্ষপুর হইতে আসিতেছিল। লেপ্টেন্যান্ট পালিসর্ এই সকল সৈন্যের অধিনায়ক ছিলেন। ঐ টাকা আজিমগড়ে পহঁছিলে আজিমগড়ের উদ্ভূত দুই লক্ষ টাকার সহিত বারাণসীতে পাঠাইয়া দেওয়ার বন্দোবস্ত হয়। একবারে সাত লক্ষ টাকা নিকট পাইয়া, সিপাহিবা উহার জন্ত সাতিশয় লোলুপ হয়। তাহারা প্রকাশভাবে আজিমগড় হইতে টাকা পাঠাইবার প্রতিকূলতা করিতে থাকে। এই প্রতিকূলতা কিছু সময়ের জন্ত দূর হয়। মুদ্রারক্ষকগণ ওরা জুন উক্ত সাত লক্ষ মুদ্রা লইয়া, আজিমগড় হইতে যাত্রা করে। কিন্তু স্থানীয় কর্তৃপক্ষ বুদ্ধিতে পারিলেন যে, ইহাতে বিপদের শাস্তি হইল না। উত্তেজিত সিপাহিরা এক সময়ে প্রকাশভাবে গবর্নমেন্টের বিরুদ্ধে সমুখিত হইতে পারে। একদা আফিসরেরা আপনাদের পরিবারবর্গের সহিত ১৭ গণিত সৈনিক দলের লাইনে আহার করিতেছিলেন, এমন সময়ে তাঁহারা অদূরে কামানের ধ্বনি শুনিতে পাইলেন। এই শব্দ যে, কাওয়াজের প্রশস্ত ক্ষেত্রের দিকে হইতেছে, ইহা তাঁহাদের স্পষ্ট বোধ হইল। মুহূর্তমধ্যে রণবাদ্য বাজিয়া উঠিল; স্মতরাং ব্যাপার কি, বুদ্ধিবার জন্ত সংবাদবাহকের কোন প্রয়োজন হইল না। তাঁহারা স্পষ্ট বুদ্ধিতে পারিলেন যে, সমস্ত সিপাহি তাঁহাদের বিরুদ্ধে সমুখিত হইয়াছে। ইউরোপীয়দিগের মধ্যে গভীর সন্দ্রাস উপস্থিত হইল। ইউরোপীয় মহিলাগণ ও সামরিক কার্যে অনভ্যস্ত পুরুষেরা তাড়াতাড়ি কাছারিতে প্রস্থান করিল। জেলার মাজিষ্ট্রেট ও তাহার সহযোগীগণ কাছারিগৃহ সুরক্ষিত করিয়াছিলেন। ইউরোপীয়েরা কুলনারীগণের সহিত এই স্থানে আসিয়া আশ্রয় লইলেন, এদিকে সিপাহিরা আপনাদের কোয়ার্টার মাষ্টার ও কোয়ার্টার মাষ্টার সার্জনকে হত্যা করিল; কিন্তু অন্যান্য আফিসরদিগের কোন ক্ষতি করিল না। এই ধোরতর উত্তেজনার সময়েও, সিপাহিরা আপনাদের আফিসরদিগের বিরুদ্ধে অস্ত্র

সামান্য করে নাই। তাহারা ধনসম্পত্তি বিলুপ্তি করিয়াছে, কারাগারের কয়েদীদিগকে ছাড়িয়া দিয়াছে, ইউরোপীয়দিগের অধুসিত গৃহ সকল অলস্ত হত্যাগনে দগ্ধ করিয়া ফেলিয়াছে, এইরূপে সর্বত্রই তাহাদের ভয়াবহ উত্তেজনার চিহ্ন বিকাশ পাইয়াছে, কিন্তু তাহারা আপনাদের আফিসরদিগের সহিত সদয় ব্যবহার করিতে পরাভুত হয় নাই। আজিমগড়ের সিপাহিরা আফিসরদিগকে হত্যা না করিয়া, যে টাকা বারানসীতে যাইতেছিল, তাহা হস্তগত করিবার জন্ত ধাবিত হইল। সেনানায়ক পালিসর রক্ষণীয় সম্পত্তির রক্ষায় সমর্থ হইলেন। সমস্ত টাকা সিপাহিদিগের হস্তগত হইল। কিন্তু সিপাহিদিগের আফিসরেরা প্রাণে বিনষ্ট হইলেন না। ১৩ গণিত সিপাহিরা এই সময়ে আফিসরদিগের প্রতি সদয় ব্যবহারের একশেষ দেখাইয়াছিল। তাহারা আপনাদের আফিসরদিগকে পরিবেষ্টন করিয়া কহে যে, তাহাদের কেশাগ্রও স্পর্শ করা হইবে না, তাহারা তাঁহাদিগকে আসন্ন বিপদ হইতে রক্ষা করিবে। উত্তেজিত সিপাহিদিগের কেহ কেহ, কোন কোন আফিসরকে হত্যাকরিতে প্রতিজ্ঞাবদ্ধ হইয়াছে, একত্র গাড়ীতে উঠিয়া, সকলের তাড়াতাড়ি প্রস্থান করা উচিত। আফিসরেরা কহিলেন, “এখন কিরূপে আমাদের গাড়ী পাওয়া যাইবে?” সিপাহিরা কহিল, “না পাওয়া যায়, আমরা আপনাদিগকে পছঁছাইয়া দিব।” ইহা কহিয়া, তাহাদের কয়েকজন আফিসরদিগকে সঙ্গে করিয়া ষ্টেশন হইতে গাজীপুরের দিকে দশ মাইল পর্য্যন্ত গেল। তাহারা, যে টাকা হস্তগত করিয়া ছিল, তাহা হইতে আফিসরদিগের এক মাসের বেতন দিতে চাহিয়াছিল। এ সময়ে সিপাহিরা আপনাদের আফিসরদিগের প্রতি এইরূপ দয়া ও সৌজন্য দেখাইয়াছিল*। তাহারা অতীষ্ট অর্থ লইয়া আজিমগড়ে ফিরিয়া আসিল। তাহাদের কেহ কেহ আফিসরদিগকে নিরাপদ স্থানে পছঁছাইয়া দিবার জন্ত সঙ্গে গেল। ইহার মধ্যে আজিমগড়ের ইউরোপীয়েরা গাজীপুরে পলায়ন করিল। সিপাহীরা আসিয়া দেখিল, আজিমগড়ে কোন ইউরোপীয় নাই, কাছারি, সৈনিকনিবাস, সমুদয় শূন্য পড়িয়া রহিয়াছে, তাহারা বিজয়লাভে আড়ম্বরের সহিত কৈজাবাদের অভিমুখে প্রস্থান করিল।

* *Martin, Indian Empire. vol. II. p. 280.*

আক্রমণের সংবাদ বারাণসীতে পহঁছিল। বারাণসীর কর্তৃপক্ষ আত্ম-রক্ষায় বন্ধপরিকর হইলেন। এদিকে তাঁহাদের সাহায্যার্থ সেনাপতি নীল সৈন্তদল লইয়া আসিতে লাগিলেন। নীল, রেলওয়েতে রাণীগঞ্জ পর্যন্ত আসিয়া, ঘোড়ার ডাকে বারাণসীতে উপস্থিত হন। নীল ও তাঁহার সমভি-ব্যাহারী মাদ্রাজী সৈন্তদল ব্যতীত দানাপুর হইতে এক দল ইউরোপীয় পদাতি আইসে। এইরূপে যখন সাহায্যকারী সৈন্তদল উপস্থিত হইল, কর্ণেল নীল যখন আপনাদের প্রাধাত্যরক্ষায় উদাত হইলেন, তখন কর্তৃপক্ষ সুযোগ বুঝিয়া, বারাণসীর সিপাহিদিগকে নিরস্ত্র করিতে কৃতনিশ্চয় হইয়া উঠিলেন।

নিরস্ত্রীকরণের সম্বন্ধে কর্তৃপক্ষের মধ্যে প্রথমে এই স্থির হইয়াছিল যে, সিপাহিদিগকে পরদিন প্রাতঃকালে কাওয়াজের প্রশস্ত ক্ষেত্রে সমন্বিত করিয়া, অস্ত্র পরিত্যাগ করিতে আদেশ দেওয়া যাইবে। কিন্তু কেহ কেহ প্রাতঃকাল পর্যন্ত অপেক্ষা করিতে, অসম্মতি প্রকাশ করিতে লাগিলেন। তাঁহাদের মধ্যে একঘণ্টা মাত্র বিলম্ব করা, ঘোরতর অনিষ্টকর বলিয়া বোধ হইতে লাগিল। উপস্থিত সুময় যাহা করিতে হইবে, তাহা তৎক্ষণাৎ সম্পন্ন করিতে, তাঁহারা বন্ধপরিকর হইয়া উঠিলেন। আজিমগড়ের সংবাদ বারাণসীতে পহঁছিয়াছিল; এই সংবাদে বারাণসীর সিপাহিরা উত্তেজিত হইয়া, দ্রুত প্রাতঃকালেই সকলকে আক্রমণ করিতে পারে; সুতরাং নিরস্ত্রীকরণে আর কালবিলম্ব করা বিধেয় নহে বলিয়া, তাঁহারা আত্মপক্ষ সমর্থন করিতে লাগিলেন। পন্সনবি বারাণসীর প্রধান সেনানায়ক ছিলেন; নিরস্ত্রীকরণের আদেশ দিবার ভার, তাঁহারই উপরে ছিল। শিখসৈন্তদলের আফিসর গর্ডন, পন্সনবিকে জানাইলেন যে, সহরের বদমাইস্দিগের সহিত সিপাহিদিগের কথাবার্তা চলিতেছে। ইহারা উভয়ে, কমিশনর ও জজের সহিত নিরস্ত্রীকরণের সম্বন্ধে পরামর্শ করিতে লাগিলেন। কিছুক্ষণ পরে ইহাদের সহিত কর্ণেল নীলের সাক্ষাৎ হইল*। নীল অবিলম্বে সিপাহিদিগকে নিরস্ত্র করিবার প্রস্তাব

* পন্সনবি ও নীল, ইহাদের মধ্যে কে, কাহার সহিত দেখা করেন, তৎসম্বন্ধে মতভেদ আছে। পন্সনবি বলেন, তিনি ও গর্ডন, যখন অজ গবিল সাহেবের গৃহে ছিলেন, তখন নীল সেই স্থানে উপস্থিত হন। পক্ষান্তরে নীল কহেন যে, পন্সনবি ও গর্ডন উভয়েই, তাঁহার

করিলেন। কিছুক্ষণ বিচারবিতর্কের পর, পন্সনবি, সিপাহিদিগকে অপরাহ্ন ৫টার সময়ে কাওয়াজের ক্ষেত্রে সমবেত করিতে সম্মত হইলেন। সম্মত হইয়াই, তিনি নিরস্ত্রীকরণের বন্দোবস্ত করিতে লাগিলেন।

অনন্তর পন্সনবি গর্ডনের সহিত তাঁহার আবাসগৃহে গমন করিলেন। ৩৭ গণিত সিপাহিদলের অধ্যক্ষ মেজর বারেটের সহিত তাঁহাদের সাক্ষাৎ হইল। মেজর বারেট সিপাহিদিগের বিশেষ অমুরক্ত ছিলেন; সিপাহিদিগের সাধুতা, সিপাহিদিগের প্রভুভক্তি ও সিপাহিদিগের কর্তব্যপরায়ণতায়, তাহাদের উপর তাঁহার অটল বিশ্বাস জন্মিয়াছিল। তিনি নিরস্ত্রীকরণের বিরুদ্ধে গুরুতর আপত্তি প্রকাশ করিতে লাগিলেন। যেহেতু, ইহাতে সিপাহিরা নিদারুণ আঘাত পাইবে, এবং দুঃসহ মনোষাতনায় অধীর হইয়া বৈরনির্ঘাতনে বন্ধ-পরিকর হইয়া উঠিবে। কিন্তু পন্সনবি ইহাতে কর্ণপাত করিলেন না। তিনি কহিলেন যে, স্থানীয় জজের নিকট, তিনি যাহা গুনিয়াছেন, তাহাতে নিরস্ত্রীকরণ ব্যতীত, আর কোন পথ অবলম্বন করিতে পারেন না। সুতরাং বারেট বাধ্য হইয়া অফিসরদিগকে ৫ টার সময় কাওয়াজের জন্ত প্রস্তুত হইতে কহিলেন। কিয়ৎক্ষণেব মধ্যে প্রধান সেনানায়কের ঘোটক আনীত হইল। পন্সনবি ও গর্ডন, উভয়ে অশ্বারূঢ় হইয়া কাওয়াজের ক্ষেত্রে গমন করিলেন। ইহার পূর্বে পন্সনবি রোগগ্রস্ত হইয়াছিলেন। রোগপ্রযুক্ত শীর্ণতা এখন পর্য্যন্তও দূর হয় নাই। এখন তাঁহার শরীর ও মন, দুইই অসুস্থ হইয়া উঠিল। তিনি এইরূপ অসুস্থশরীরে ও অসুস্থমনে, ইউরোপীয় সৈনিকনিবাসের অভিমুখে গমন করিলেন। এইস্থানে তিনি দেখিলেন, কর্ণেল নীল তাঁহার ইউরোপীয় সেনাগণের সহিত প্রস্তুত হইয়াছেন। কামান সকলও প্রস্তুত রহিয়াছে। পন্সনবি উপস্থিত মত আদেশ প্রচার করিলেন; কিন্তু তিনি বুঝিতে পারিলেন যে, তাঁহার সম্মুখে যে গুরুতর কার্য্য বহিয়াছে, উপস্থিত সময়ে তিনি সেই কার্য্যের সম্পূর্ণ উপযুক্ত নহেন। ইঙ্গরেজ সেনাপতিগণ, যে কার্য্যসাধনে অগ্রসর হইলেন, তাহাতে গুরুতর বিপদের সম্ভাবনা ছিল।

আবাসস্থানে আসিয়া সাক্ষাৎ করিয়াছেন। বারাণসীর জয়েন্টম্যাড্রিষ্ট্রেট টেলার সাহেব লিপিয়াছেন যে, পন্সনবি বধন গর্ডনের গৃহ হইতে প্রস্থান করেন, তখন নীলের সহিত তাঁহার সাক্ষাৎ হয়। বাহাইউক, উপস্থিত মতভেদ তাদৃশ গুরুতর ঘটনার মতো গণ্য নয়।

এই সময়ে বারাণসীতে দুই হাজার সিপাহী অবস্থিতি করিতেছিল। পক্ষান্তরে ইউরোপীয়গণ আড়াই শতের অধিক ছিল না। এই দুই হাজার সিপাহী সমভাবে উত্তেজিত হইয়া উঠিয়াছিল। ইঙ্গরেজ সেনাপতি এখন এইরূপ উত্তেজিত সেনাদিগকে নিরস্ত করিতে উদ্যত হইলেন। যখন নিরস্ত্রীকরণের আদেশ প্রচার হইল, তখন সেনাপতি ও তাহার সহযোগীরা কাওয়াজের ক্ষেত্রে ৩৭গণিত সিপাহীগণের নিকটে গমন করিলেন। ৪১৪ জন সৈনিক পুরুষ এই সময়ে কাওয়াজের ক্ষেত্রে সমবেত হইয়াছিল। ইহারা সেনাপতির সমক্ষে কোনরূপ অবাধ্যতা প্রকাশ করিল না। সেনাপতির আদেশে ধীরে ধীরে একে একে অনেকেই আপনাদের অস্ত্র পরিত্যাগ করিতে লাগিল। ইহাদের সম্মুখে কামান সকল স্থাপিত হইয়াছিল, ইউরোপীয় সৈনিকদল সঙ্গীন ধরিয়া অদূরে দণ্ডায়মান ছিল, শিখ সেনারা অস্ত্রপরিগ্রহ পূর্বক এই সৈনিকদলের পক্ষসমর্থন করিতেছিল, এইরূপে ইহারা সেই ভীষণ অস্ত্র-বিসর্জ্জন-ভূমিতে ভীষণতর অস্ত্রের সম্মুখে থাকিয়া, আপনাদের জীবনের শোচনীয় পরিণাম চিন্তা করিতেছিল। তাহাদের সন্দেহ হইয়াছিল, হয় ত এই সকল কামানের গোলায় তাহাদের প্রাণবায়ুর অবসান হইবে, ইউরোপীয় সৈনিকগণ, হয় ত তাহাদের পরিত্যক্ত অস্ত্র লইয়া তাহাদিগকেই আক্রমণ করিবে। এইরূপ সন্দেহে বিচলিত হইলেও তাহারা কোনরূপ ঔদ্ধত্যপ্রকাশ করেন নাই। কর্ণেল স্পটিস্‌উড যখন তাহাদিগকে অস্ত্র পরিত্যাগ করিতে আদেশ করিলেন, তখন তাহারা ধীরভাবে সেই আদেশপালন করিতে লাগিল। কিন্তু সহসা তাহাদের ভাবান্তর উপস্থিত হইল, সহসা তাহাদের সেই গভীর সন্দেহ গভীরতর হইয়া উঠিল। অদূরবর্তী ইউরোপীয় সৈনিকগণ যখন তাহাদের পরিত্যক্ত অস্ত্রসংগ্রহ করিবার নিমিত্ত নিকটে আসিতে লাগিল, তখন তাহারা স্থির থাকিতে পারিল না। ইউরোপীয় সৈনিকদিগকে সম্মুখবর্তী হইতে দেখিয়া, তাহারা ভাবিল, ভয়ঙ্কর সময় উপস্থিত হইয়াছে, এখনই তাহাদিগকে কামানের মুখে জীবনবিসর্জ্জন করিতে হইবে। তাহারা পূর্বেই গভীর সন্দেহে বিচলিত হইয়াছিল, এখন গভীরতর উত্তেজনার উন্মত্তপ্রায় হইয়া, আপনাদের পরিত্যক্ত অস্ত্রপরিগ্রহ পূর্বক আপনাদেরই অধিনায়কদিগকে আক্রমণ করিল।

উপস্থিত সময়ে কোন বিষয়ে একটু অসাবধানতা ঘটিলেই বিপদ অনিবার্য

হইয়া উঠিবার সম্ভাবনা ছিল। সিপাহীরা একেই উত্তেজিত হইয়া উঠিয়াছিল; ইহার উপর কর্তৃপক্ষ কিঞ্চিৎ অধীরতা বা অসাবধানতা দেখাইলে তাহারা যে, অধিকতর উত্তেজিত হইয়া উঠিবে, তাহা বিচিত্র নহে। বারাণসীর কর্তৃপক্ষ যদি এ সময়ে অধীরতার পরিচয় না দিতেন, অথবা ভয়-প্রদর্শনে অগ্রসর না হইতেন, তাহা হইলে বোধ হয়, সিপাহীরা বিনা গোলযোগে ও বিনা বাধায় আপনাদের অস্ত্র পরিত্যাগ করিত*। কিন্তু কর্তৃপক্ষ ধীরতাপ্রকাশে উদ্যত হইয়া উঠেন নাই, শাস্তভাবে শান্তিময় কার্যেরও সূত্রপাত করেন নাই। নিরস্ত্রীকরণসময়ে তাঁহারা সিপাহীদিগের সম্মুখে কামান সকল স্থাপিত করিয়া ছিলেন, অদূরে সশস্ত্র সৈনিকদিগকে দণ্ডায়মান রাখিয়াছিলেন, আপনারা নিষ্কাশিত তরবারি হস্তে লইয়া ভীষণভাবের পরিচয় দিতে ছিলেন; সিপাহীরা পূর্বেই উত্তেজনার আবেগে অধীর ও সন্দেহের তরঙ্গে আন্দোলিত হইয়াছিল, এখন সন্নিহিত শমনসদৃশ যুদ্ধাস্ত্রের সমাবেশ দেখিয়া অধিকতর উত্তেজিত, অধিকতর সন্দিগ্ধ ও অধিকতর শঙ্কিত হইয়া, ইউরোপীয়দিগকে আক্রমণ করিল। ধূমায়মান বহি সামান্ত ফুৎকারেই প্রজ্জ্বলিত হইয়া উঠিল।

কর্ণেল স্পটিস্‌উড্‌ কহিয়াছেন, “কাওয়াজের ক্ষেত্রে যে ৪১৪ জন সৈন্য একত্র হইয়াছিল, তাহারা সকলেই যে, কথার অবাধ্য ও গবর্ণমেন্টের বিদ্বেষী হইয়া উঠিয়াছিল, তাহা, সেই ৪ঠা জুনের অপরাহ্নেও আমার স্পষ্ট বোধ হয় নাই। আমি দলস্থিত লোকের মুখে শুনিয়াছিলাম, উদ্ধত ও বিদ্বেষী লোকের সংখ্যা ১৫০ শতও নহে। যেহেতু, যখন সকলকে অস্ত্রপরিত্যাগ করিতে আদেশ করিলাম, তখন অনেকেই বিনা গোলযোগে সেই আদেশপালন করিতে লাগিল। * * * দুই তিন জন বলিল, “আমাদের আফিসরেরা আমাদের প্রতারিত করিয়াছেন।” ইউরোপীয় সৈন্য সহজে আমাদের প্রতি গুলি করিতে পারে, এই জন্য তাঁহারা আমাদের অস্ত্র পরিত্যাগ করিতে কহিতেছেন।” আমি কহিলাম, “এ কথা মিথ্যা।” অনন্তর ত্রিশ বৎসরেরও অধিককাল, যে সকল এতদেশীয় আফিসরের সহিত পরিচিত

* *Martin, Indian Empire, vol II. p. 284.*

ছিলাম, আমি দলস্থ কাহারও সহিত কখনও প্রতারণা করিয়াছি কি না, তাঁহাদিগকে জিজ্ঞাসা করিলাম; তাঁহারা অনেকেই একবাক্যে কহিলেন, ‘কখনও না; আপনি সদাশয় পিতার আশ্রয় আমাদের সহিত সদ্যবহার করিয়াছেন।’ যাহাহউক, আমি দেখিলাম, ইউরোপীয় সৈন্তের উপস্থিতিতে সিপাহীরা সাতিশয় উত্তেজিত হইয়া উঠিয়াছে। এজন্য ঐ সকল সৈন্তকে অগ্রসর হইতে নিষেধ করিবার জন্ত সেইদিকে অশ্চালনা করিলাম*।”

সেনাপতি পন্সন্বির আদেশে ইউরোপীয় সৈন্ত সিপাহীদিগের অভিমুখে অগ্রসর হইতেছিল; স্পট্‌উড্ এই সৈন্তদিগকে অগ্রসর হইতে নিবারণ করিতে গিয়াছিলেন। সেনাপতি সিপাহীদিগকে স্নেহের সহিত কহিয়াছিলেন, “তোমাদিগকে অস্ত্র পরিত্যাগ করিতে আদেশ করা হইয়াছে, যদি তোমরা ধীরভাবে এই আদেশ পালন কর, তাহাহইলে তোমাদের কোন অনিষ্ট করা হইবে না।” এই কথা বলিবার সময়ে তিনি বিশ্বাস জন্মাইবার জন্ত একজন সিপাহীর স্বন্ধে হস্তার্পণ করিয়াছিলেন। সিপাহী তাঁহাকে বলিয়াছিল, “আমরা কোন অপরাধ করি নাই”; পন্সন্বি হিন্দীতে উত্তর করিয়াছিলেন, “না, কোন অপরাধ কর নাই। কিন্তু যখন তোমাদের সহযোগিতা আপনাদের প্রতিজ্ঞাভঙ্গ করিয়াছে, এবং যে সকল আফিসর তাহাদের কখনও কোন অনিষ্ট করেন নাই, তাঁহাদিগকেও নিহত করিয়াছে, তখন তোমাদিগকে যেরূপ আদেশ দেওয়া হইয়াছে, তোমাদের সেইরূপ করা আবশ্যিক।” সেনাপতি যখন এই কথা বলিতেছিলেন, তখন তাঁহার পার্শ্ববর্তী সিপাহীরা সমধিক উত্তেজিত হইয়া আক্রমণের উদ্যোগ করিল। একদল হইতে দুই একটি গুলি আসিয়া, ইঙ্গরেজ আফিসরদিগের মন্যে পড়িল। পরক্ষণেই সকলে পরিত্যক্ত বন্দুক পরিগ্রহ করিল এবং তৎসমুদয়ে গুলি ভরিয়া ইউরোপীয়দিগের সহিত যুদ্ধে প্রবৃত্ত হইল। সহসা গুলিবৃষ্টিতে ইঙ্গরেজ আফিসরেরা বিপন্ন, বিত্রস্ত ও বিঘ্নসঙ্কুল অবস্থায় উদ্ভ্রান্ত হইয়া পড়িলেন। সাত আট জন ইউরোপীয় সৈনিক নিহত হইল। আফিসরেরা কামানের সাহায্যে আক্রমণ নিরস্ত করিতে উদ্যত হইলেন। মেজর বারেট নিরস্ত্রী-

* *Martin Indian Empire, vol II p. 285.*

করণের একান্ত বিরোধী ছিলেন। তিনি এই আকস্মিক ব্যাপারে স্তম্ভিত হইলেন। তাঁহার গতিরোধ হইল। তিনি একপদও অগ্রসর না হইয়া, সেই বিপক্ষ সৈনিকদিগের মধ্যে আপনার অদৃষ্টের উপর নির্ভর করিয়া, প্রশান্তভাবে দণ্ডায়মান রহিলেন। সিপাহীরা উত্তেজিত হইলেও প্রভুক্তির অবমাননা করিল না, ইঙ্গরেজের শোণিতপাতে অগ্রসর হইলেও আপনাদের হিতৈষী ইঙ্গরেজ অধিনায়কের অনিষ্টসাধনে উদ্যত হইল না, এবং কর্তৃপক্ষের অবিচারে ও অদূরদর্শিতায় মর্মান্বিত হইয়া, বিদেশী ও বিধর্মীর বিরুদ্ধে অস্ত্রধারণ করিলেও সেই বিদেশী ও বিধর্মীর প্রতিও সমুচিত প্রীতি-প্রকাশে নিরস্ত থাকিল না। সদাচারে ও স্নিগ্ধ ব্যবহারে যে প্রীতি ও শ্রদ্ধার উৎপত্তি হইয়াছিল, তাহা এ সময়েও অটলভাবে রহিল। সিপাহীরা মেজর বারেটকে নিরাপদ স্থানে লইয়া গিয়া তাঁহার জীবন রক্ষা করিল।

সিপাহীদিগকে এইরূপ উত্তেজিত ও যুদ্ধোদ্যত দেখিয়া ইঙ্গরেজ সৈনিকেরা কামান সকল সজ্জিত করিয়া, গোলাবৃষ্টি আরম্ভ করিল। সিপাহীরা কামানের সম্মুখে থাকিতে না পারিয়া, আপনাদের গৃহাভিমুখে ধাবিত হইল। গৃহের পশ্চাৎ থাকিয়া, তাহারা ইঙ্গরেজদিগের উপর তীব্রবেগে গুলি চালাইল। কিন্তু ইঙ্গরেজ সেনানায়কেরা কামান বন্ধ রাখিলেন না। কামানের গোলায় কয়েকজন সিপাহী নিহত হইল। অবশিষ্ট সিপাহীদিগের অনেকে নগরের মধ্যে নিক্ষিপ্ত হইয়া পড়িল, অনেকে অদূরবর্তী লোকালয়ে যাইয়া ভবিষ্যতে বলবতী প্রতিহিংসার তৃপ্তিসাধনের সুযোগ দেখিতে লাগিল।

ইহার মধ্যে, একদল এতদেশীয় অস্বারোহী ও একদল শিখ কাওয়ারাজের ক্ষেত্রে উপস্থিত হইল। ইহারাও পূর্বোক্ত সিপাহীদিগের আয় সন্দিগ্ধ ও শঙ্কিত হইয়াছিল। ইহাদের সন্দেহ ও আশঙ্কা তিরোহিত হইল না। অস্বারোহীদিগের একজন উত্তেজিত হইয়া, আপনাদের সেনানায়ককে গুলি করিল, আর একজন তাঁহাকে নিক্ষেপিত তরবারি দ্বারা দ্বিখণ্ড করিতে চেষ্টা করিল। শিখেরা নিস্তরুণভাবে এই ব্যাপার দেখিতে লাগিল। তাহারা পূর্বে ব্রিটিশ গবর্নমেন্টের বিরুদ্ধে অস্ত্রপরিগ্রহ করিবার সঙ্কল্প করে নাই। সেই কাওয়ারাজের ক্ষেত্রেও তাহারা ধীরতার পরিচয় দিতেছিল। কর্তৃপক্ষ যদি সে সময়ে তাহাদের রাজতন্ত্রের উপর

সন্ধিহান না হইতেন, তাহাদের বিশ্বস্ততার উপর বিশ্বাসস্থাপন করিতেন, এবং তাহাদিগকে প্রকৃত উদ্দেশ্য ধীরভাবে বুঝাইয়া দিতেন, তাহা হইলে বোধ হয়, শিখসৈন্য উত্তেজিত হইয়া উঠিত না। কিন্তু সে সময়ে একরূপ ধীরতার পরিচয় দেওয়া হয় নাই, একরূপ সরলতা দেখাইয়াও অধীন সৈন্যদিগকে শাস্ত্রভাবে শাস্তিময় পথে পরিচালিত করিবার চেষ্টা করা হয় নাই। শিখেরা যখন ধীরভাবে পার্শ্ববর্তী অশ্বারোহী সৈনিকদিগের যুদ্ধোদ্যোগ দেখিতেছিল, তখন ইঙ্গরেজ সেনানায়কেরা তাহাদের উপরও সন্দেহ প্রকাশ করিতে লাগিলেন, এবং শিখ ও অশ্বারোহী সিপাহী, সকলকেই একসূত্রে আবদ্ধ ও একবিধ কার্যসাধনে উদ্যত ভাবিয়া আশ্রয়কার জন্ত কামানের আশ্রয়গ্রহণ করিলেন। তাহাদের এইরূপ অধীরতা দেখিয়া, একজন শিখ একজন ইঙ্গরেজ সেনানায়কের উপর গুলিনিক্ষেপ করিল, অমনি তাহার দলস্থ আর একজন সেই সেনানায়কের প্রাণরক্ষার্থ অগ্রসর হইল। শিখ সৈনিকদের একজনের উত্তেজনার গতিরোধে আর একজন যখন যত্নশীল হইতেছিল, একজনের বিদ্রোহবৃদ্ধির নিবারণ জন্ত আর একজন যখন অটল বিশ্বস্ততার পরিচয় দিতেছিল, তখন সহসা ধূমায়মান বহি প্রজ্জ্বলিত হইয়া উঠিল। ইঙ্গরেজ সৈনিকেরা সহসা এতদেশীয় সৈনিকদিগকে স্নাততায়ী মনে করিয়া অস্ত্রধারণ করিল। অমনি এতদেশীয় সৈনিকেরা ইউরোপীয় সৈনিকদিগকে লক্ষ্য করিয়া গুলিবৃষ্টি করিতে লাগিল। এই সময়ে কামান সকল অরক্ষিত অবস্থায় ছিল। কামানরক্ষক ইউরোপীয় সৈনিকগণ পূর্বেকৃত ৩৭ গণিত সিপাহীদিগের পশ্চাদ্ধাবিত হইয়া, তাহাদের আবাস গৃহ পর্য্যন্ত গিয়াছিল। যদি এতদেশীয় পদাতিক ও শিখসৈনিকেরা অগ্রসর হইয়া কামান সকল অধিকার করিত এবং শৃঙ্খলার সহিত দলবদ্ধ হইয়া ঐ কামানের সাহায্যে ইঙ্গরেজদিগকে আক্রমণ করিতে উদ্যত হইত, তাহা হইলে বারাণসী নিঃসন্দেহ ইঙ্গরেজের হস্তভ্রষ্ট হইয়া পড়িত। কিন্তু যখন সিপাহীদিগের মধ্যে একরূপ শৃঙ্খলা ছিল না। অভীষ্ট কার্যসাধনের কোনরূপ উৎকৃষ্ট প্রণালীও ছিল না। সিপাহীরা কোন দূরদর্শী অধিনায়কের আদেশানুসারে পরিচালিত হয় নাই। কোন বিচক্ষণ যুদ্ধবীর তাহাদের সমক্ষে কর্তব্যপথ নির্দিষ্ট করিয়া দেন নাই। তাহারা যখন উত্তেজনায়

অধীর হইয়া আপনাদের মধ্যে আপনাই বিষম কোলাহল করিতেছিল, অধীরভাবে আপনাই আপনাদিগকে সর্বময় কর্তা বলিয়া ভাবিতেছিল, এবং আপনাই আপনাদিগকে সর্বোৎকৃষ্ট বীরপুরুষ মনে করিয়া গর্বসহকারে ও যথেষ্টভাবে অস্ত্রপরিচালনপূর্বক বিজয়ের আশা করিতেছিল, তখন একজন ইংরেজ সেনানারক বিদ্যাহেগে আসিয়া কামান সকল অধিকার করিল। অমনি উত্তেজিত সিপাহীদিগের মধ্যে গোলাবৃষ্টি হইতে লাগিল। সিপাহীরা আর সে অগ্নিময় পিণ্ডের গতিরোধে সমর্থ হইল না। তাহারা গোলযোগে উদ্ভ্রান্ত হইয়া চারি দিকে পলায়ন করিল। বারাণসীর কাওয়াজের ক্ষেত্রে ইংরেজের প্রাধান্য অপ্রতিহত রহিল।

নিরস্ত্রীকরণব্যাপারে যখন এইরূপ গোলযোগ ঘটিতেছিল, কর্তৃপক্ষের অবিচার ও অসাবধানতাদোষে যখন সিপাহীদিগের এক দলের পর আর এক দল, ব্রিটিশ গবর্ণমেন্টের বিরুদ্ধে সমুথিত হইতেছিল, তখন বারাণসীর ইংরেজ সেনাপতি নিরতিশয় অবসন্ন হইয়া পড়িলেন। তাঁহার সমক্ষে যে, উৎকট কার্যক্ষেত্র প্রদারিত হইয়াছিল, সে ক্ষেত্রে অবিক দূর অগ্রসর হইবার আর তাঁহার সামর্থ্য রহিল না। নিদাঘতপন আপনার প্রথর রশ্মি সংঘত করিয়া ধীরে ধীরে অস্ত্রচলশায়ী হইতেছিল, তাহার পরিম্লান জ্যোতিঃ জগতের সমক্ষে অবস্থার পরিবর্তনশীলতার পরিচয় দিতেছিল। সাক্ষাসমীরণ ধীরে ধীরে প্রবাহিত হইয়া জীবহৃদয়ের শান্তিসম্পাদন করিতেছিল। রোগশীর্ণ ও জরাজীর্ণ সেনাপতিও অস্ত্রগমনোন্মুখ সূর্যের ত্রায় পরিম্লান হইলেন। স্নিগ্ধ সমীরণ তাঁহার হৃদয়ের শান্তিবিধানে সমর্থ হইল না। তীব্র মনোঘাতনায় ও দুঃসহ দুঃখে তিনি আপনার কার্যভার কর্ণেল নীলের হস্তে সমর্পিত করিলেন। নীল এখন বারাণসীর সেনাপতি হইয়া বলবতী প্রতিহংসার পরিতর্পণে উদ্যত হইলেন। যে সকল সিপাহী আপনাদের আবাসগৃহে আশ্রয় হইয়াছিল, তাহারা তাড়িত ও নিহত হইল। তাহারা নির্জন কুটীরে আত্মগোপন করিয়াছিল, তাহারা সেই সকল কুটীরের সহিত ভস্মীভূত হইয়া গেল।

উপস্থিত সময়ে সিপাহীদিগকে এইরূপে নিরস্ত্র করিবার উদ্দেশ্যে করা সঙ্গত হয় নাই। পূর্বেই উক্ত হইয়াছে, সিপাহীরা তত্ত্ব বা দূরদর্শী নহে। তাহাদের

সমক্ষে কোন বিষয়ে অসাবধানতা বা অধীরতা প্রকাশ করিলে, তাহারা সহজেই সন্দিগ্ধ, অসন্তুষ্ট ও উত্তেজিত হইয়া উঠে। বারাণসীর কর্তৃপক্ষ যদি সিপাহীদিগকে কাওরাজের ক্ষেত্রে সমবেতনা করিতেন, এবং তাহাদের সমক্ষে ইউরোপীয় সৈনিক পুরুষ ও কামান সকল সজ্জিত করিয়া, তাহাদিগকে অস্ত্র পরিত্যাগ করিতে আদেশ না দিতেন, তাহা হইলে, বোধ হয়, সিপাহীরা সহসা ইঙ্গরেজদিগকে আক্রমণ করিত না। তাহাদের প্রতি স্নিগ্ধভাব প্রকাশ করিলে তাহারাও আপনাদের সেনানায়কদিগকে স্নিগ্ধভাবে দেখিত, এবং তাহাদের প্রতি বিশ্বাসস্থাপন করিলে তাহারাও সেনানায়কদিগের বিশ্বস্ত হইয়া উঠিত। যখন তাহারা উত্তেজিত হইয়া ইউরোপীয় সৈনিকদিগের উপর অবিচ্ছেদে গুলিবৃষ্টি করিতেছিল, তখনও বলবতী জিঘাংসার তাহাদের শ্রদ্ধা ও প্রীতি বিলুপ্ত হয় নাই। তাহারা তখনও আপনাদের অমুরক্ত সেনানায়ক মেজর বারেটকে নিরাপদ স্থানে লইয়া গিয়া তাঁহার জীবন রক্ষা করিয়াছিল। মেজর বারেটের ত্রাণ যদি সকলেই সিপাহীদিগের প্রতি প্রীতি ও স্নেহ প্রকাশ করিতেন, তাহা হইলে তাহারা তাঁহাদের শোণিতপাতে অগ্রসর হইত না। বিশেষতঃ, শিখ সৈনিকদিগের প্রতি বিশ্বস্ততা দেখাইলে তাহারা নিঃসন্দেহ কর্তৃপক্ষের অমুরক্ত থাকিত। নিরস্ত্রীকরণসম্বন্ধে বারাণসীর কমিশনের সাহেব ৬ই জুন গবর্ণর জেনেরলকে লিখিয়াছিলেন, “আমার বোধ হয় সিপাহীদিগের নিরস্ত্রীকরণে সাতিশয় গোলযোগ ও বিশৃঙ্খলা ঘটয়াছিল। সেই সময়ে অনেকেই নিরস্ত্র হইয়াছিল। আপনাদের এই নিরস্ত্র সহযোগীদিগকে আক্রমণ করা হইবে ভাবিয়া সশস্ত্র সিপাহীরা নিরতিশয় মর্মান্বিত হইয়াছিল। এ বিষয়ে একজন সিভিল কর্মচারীর মতামত প্রকাশ করা উচিত নহে, কিন্তু সাধারণের মতে উপস্থিত কার্য ধীরভাবে ও স্মৃঙ্খলার সহিত সম্পন্ন হয় নাই।” এ অংশে লর্ড কানিংও কমিশনের সাহেবের সহিত একমত হইয়াছিলেন। তিনি কমিসনের পত্রপ্রাপ্তির এক পক্ষ পরে বিলাতে ভারতবর্ষশাসনসমিতির অধ্যক্ষকে লিখিয়াছিলেন, “বারাণসীর সিপাহীদিগকে বড় তাড়াতাড়ি ও অবিবেচনাপূর্বক নিরস্ত্র করা হইয়াছিল। একদল শিখ সৈন্যকে টানিয়া আনিয়া বিপক্ষতায় প্রবর্তিত করা হয়, ইহাদের সহিত সন্ধ্যাবহার করিলে, আমার দৃঢ় বিশ্বাস যে, ইহারাও

আমাদের প্রতি বিশ্বস্ত থাকিত ।” ইহার ১৬ মাস পরে, যে সকল দেওয়ানী কর্মচারীর উপর উপস্থিত বিষয়ের আনুপূর্বিক বিবরণ লিখিবার ভার দেওয়া হইয়াছিল, তাঁহারাও স্বল্প অমুসন্ধানের পর এই মত প্রকাশ করিয়াছিলেন যে, “যখন শিখ সৈনিকদল কাওয়াজের ক্ষেত্রে উপস্থিত হইয়াছিল, তখন তাঁহাদের সহজে কি করা হইবে, তাহা তাঁহারা কিছুই জানিতে পারে নাই, সমস্ত ব্যাপারই তাহাদিগকে যারপরনাই, বিশ্বয়ে অভিভূত করিয়া তুলিয়াছিল। এই সৈনিকদল রাজভক্ত ছিল, যদি ইহাদের প্রতি কঠোরতা প্রদর্শিত না হইত, তাহা হইলে ইহারা আমাদের পক্ষসমর্থন করিত।” দূরদর্শী বিচারকগণ উপস্থিত বিষয়ের স্বল্প বিচার করিয়া এইরূপ মত প্রকাশ করিয়াছেন। যাহারা ধীরপ্রকৃতি ও সমীক্ষাকারী, তাঁহাদের নিকট কখনও এই মত উপেক্ষিত হইবে না। কিন্তু উপস্থিত সময়ে অনেক ইঙ্গরেজ রাজপুরুষ এই মতানুসারে পরিচালিত হইয়াছেন নাই! যে স্থলে ধীরতা ও উদারতা দেখাইলে সফলের উৎপত্তি হইত, সেই স্থলে তাঁহারা অধীরতা ও অমুদারতার একশেষ দেখাইয়াছেন, সিন্ধু ভাব ও সদয় ব্যবহার যে স্থলে আশ্রিত ও প্রতিপালিতদিগকে তাঁহাদের সহিত শ্রীতি স্বত্রে আবদ্ধ করিত, তাঁহারা সেই স্থলেই কঠোরতা দেখাইয়া সেই আশ্রিত ও অনুগতদিগকে তাঁহাদের ঘোরতর শত্রু করিয়া তুলিয়াছেন। এ সময়ে তাঁহাদের হৃদয়ে কোমল বৃত্তির বিকাশ দেখা যায় নাই, তাঁহারা সংহারিণী ভীষণ বৃত্তির বশবর্তী হইয়াই কার্যক্ষেত্রে অবতীর্ণ হইয়াছিলেন। তাঁহাদের কার্যপটুতা ছিল, শ্রমশীলতা ছিল, একাগ্রতা ছিল, কিন্তু একমাত্র ধীরতা ও সহিবেচনার অভাবে তৎসমুদয়ই বিপত্তিজনক হইয়া উঠিয়াছিল। তাঁহার কেবল তরবারির সাহায্যে আত্মরক্ষার সহিত সাম্রাজ্যরক্ষায় উদ্যত হইয়াছিলেন। তাঁহাদের বিশ্বাস ছিল, ভারতবর্ষ তরবারির বলে রক্ষিত হইবে, তাঁহাদের প্রাধান্য ও তাঁহাদের ক্ষমতাও এই তরবারির বলেই অক্ষুণ্ণ থাকিবে। কিন্তু তাঁহাদের এই বিশ্বাস শেষে অমূলক বলিয়া প্রতীক্ষিত হইয়াছিল। তাঁহারা যে স্থলে তরবারির সাহায্যগ্রহণ করিয়াছিলেন, সেই স্থলেই ভয়াবহ বিপ্লবের বিকাশ হইয়াছিল। ভারতবর্ষীয়গণ তাঁহাদের অমুরক্ত ও তাঁহাদের সহিত শ্রীতিস্বত্রে আবদ্ধ না হইলে তাঁহাদের জীবন

নিরাপদ ও তাঁহাদের রাজ্য শান্তিপূর্ণ হইত না। তাঁহারা অমুরক্ত ও স্নিগ্ধ-প্রকৃতি ভারতবর্ষীয়ের অল্পম স্নিগ্ধভাবেই উপস্থিত বিপদ হইতে বিমুক্ত হইয়াছিলেন। তাঁহাদের স্বদেশীয় শাসকবর্গের লোকরঞ্জনক্ষমতা না থাকিলে ভারতবর্ষে তাঁহাদের আধিপত্যের পুনঃপ্রতিষ্ঠা হইত না।

উত্তেজিত সিপাহীরা কাওয়াজের ক্ষেত্র হইতে তাড়িত হইলেও বারাণসীর কর্তৃপক্ষ নিশ্চিন্ত ও নিরুদ্বেগ হইলেন না। রজনীসমাগমে নগরের ছবৃত্ত অধিদাসিগণ পলায়িত সিপাহীদিগের সহিত সম্মিলিত হইয়া পাছে নানা অনর্থ ঘটায়, এই আশঙ্কা তাহাদের হৃদয়ে বলবতী হইয়া উঠিল। সৈনিক-নিবাস ও নগরের মধ্যভাগে একটি প্রকাণ্ড টাকশালা ছিল। অনেক ইউরোপীয় ঐ গৃহে আশ্রয় লইলেন। খ্রীষ্টধর্মপ্রচারক ইউরোপীয়েরা চূনারে যাইবার জন্ত রামনগরের অভিমুখে ধাবিত হইলেন। সিবিল কর্মচারিগণ পরিজনবর্গের সহিত কলেক্টর সাহেবের কাছারিতে আশ্রয় গ্রহণ করিলেন*। এই সময়ে খাজাঞ্চিখানারক্ষার ভার কতিপয় শিখ সৈনিকের উপর সমর্পিত ছিল। ইহাদের স্বদেশীয়গণের অনেকে সৈনিক নিবাসে নিহত হইয়াছিল, ইহারাও এজন্ত উত্তেজিত হইয়া, ধনাগারবিলুপ্তন কবিত্তে পারে, কর্তৃপক্ষ এই আশঙ্কায় বিচলিত হইয়াছিলেন; কিন্তু একজন প্রশাস্তপ্রকৃতি শিখ সর্দারের অবিচলিত রাজভক্তি ও দৃঢ়তার অধ্যবসায়ের গুণে উক্ত আশঙ্কা দূর হইল। এই রাজভক্ত শিখ সর্দারের নাম সুরত সিংহ।

যখন দ্বিতীয় শিখযুদ্ধের অবসান হয়, লর্ড ডালহৌসির আদেশে যখন পঞ্জাবকেশরীর বিস্তৃত রাজ্য ব্রিটিশসাম্রাজ্যের সহিত সংযোজিত হইয়া যায়, তখন সর্দার সুরত সিংহকে পঞ্জাব হইতে বারাণসীতে আনিয়া আবদ্ধ করা হয়। পঞ্জাব ব্রিটিশ গবর্নমেন্টের অধীন হইয়াছিল, সুরত সিংহও ব্রিটিশ গবর্নমেন্টের বন্দী হইয়াছিলেন। কিন্তু তিনি ইঙ্গরেজের বন্দী হইয়াও হৃদয়ের ধর্ম হইতে অণুমাত্র বিচ্যুত হইলেন না; যখন বারাণসীর কর্তৃপক্ষ ধনাগার বিলুপ্ত হইবে ভাবিয়া চিন্তিত হইতেছিলেন, এবং রজনীসমাগমে অবশ্যাবী বিপ্লবের ভয়াবহ চিত্র হৃদয়ে অঙ্কিত করিয়া প্রতি মুহূর্তে বিচলিত হইয়া

* কমিশনার সাহেব ইহাদের মধ্যে ছিলেন না। তিনি টাকশালে গিয়াছিলেন।

উঠিতেছিলেন, তখন এই বর্ষীয়ান্ শিখ সর্দার অটলসাহসে ও অতুল্য তেজস্বিতাসহকারে গুলিপূর্ণ বন্দুক স্কন্ধে লইয়া ইঞ্জরেজদিগকে কাছারিগৃহে লইয়া গেলেন। ইঞ্জরেজের প্রতি তাঁহার এইরূপ গভীর অনুরাগ ও বিশ্বাসের পরিচয় পাইয়া, ধনরক্ষক শিখ সৈনিকদিগের উত্তেজনা তিরোহিত হইল। এই ধনাগারে তাহাদের নির্কাসিতা মহারাণী বিন্দনের মণিমুক্তা প্রভৃতি ছিল। স্বদেশের শোচনীয় অধঃপতনের বৃত্তান্ত এ সময়েও তাহাদের স্মৃতিতে জাগরুক ছিল। অপ্রাপ্তবয়স্ক দলীপ সিংহ যেরূপে পিতৃসিংহাসন হইতে বিচ্যুত হইয়াছিলেন, তেজস্বিনী মহারাণী যেরূপে পবিত্র পঞ্চনদ হইতে নিষ্কাশিত হইয়াছিলেন, তাঁহার ধনরত্নসমূহ যেরূপে কোম্পানির ধনাগারে স্থানপরিগ্রহ করিয়াছিল, তৎসমুদয়ের মর্ম্মস্পর্শী বিবরণ এ সময়েও তাহা-দিগকে প্রতি মুহূর্ত্তে বিচলিত করিয়া তুলিতেছিল, ইহার উপর তাহারা সৈনিকনিবাসে তাহাদের স্বদেশীয়গণের শোচনীয় হত্যাকাণ্ডে অধিকতর উত্তেজিত হইয়াছিল। ভয়ঙ্কর কার্যসাধনের সময়ও তাহাদিগের সমক্ষে উপস্থিত ছিল। তাহারা যখন ঐ কার্যে জীবন উৎসর্গ করিবার সঙ্কল্প করিতেছিল, তখন বর্ষীয়ান্ শিখ সর্দারের প্রশান্তভাবে তাহাদের হৃদয়ের আশান্তি দূর হইল। তাহারা কোনরূপ বিরাগের চিহ্ন না দেখাইয়া ধীরভাবে গবর্ণমেন্টের অর্থ ও লাহোরের মণিমুক্তা প্রভৃতির রক্ষার ভার ইউরোপীয়-দিগের হস্তে সমর্পিত করিল। কর্তৃপক্ষ এই সম্পত্তি অধিকতর নিরাপদ স্থানে লইয়া গেলেন। এইরূপ দীর্ঘতা ও বিশ্বস্ততার জন্ত কমিশনর সাহেব পরদিন প্রাতঃকালে দশ হাজার টাকা ধনরক্ষক শিখ সৈনিকদিগকে পারিতোষিক দিলেন।

এই হিতৈষী ও উদারপ্রকৃতি শিখ সর্দারই কেবল উপস্থিত সঙ্কটসময়ে হিতৈষিতা ও উদারতার পরিচয় দেন নাই। ৩৬৬ তরবারিগর্ভের চিরপবিত্র আশ্রয়ভূমির অনেক ধর্ম্মনিষ্ঠ হিন্দুও এ সমতোও এই তরবারীয়া করিয়া-ছিলেন। পণ্ডিত গোকুলচাঁদ উচ্চ শ্রেণীর ব্রাহ্ম অমূলক বলিদানসীতে যেরূপ সঙ্কলের সম্মানভাজন ছিলেন, সেইরূপ উদারতা ও দীর্ঘতার জন্ত সকলের আদরনীয় হইয়া উঠিয়াছিলেন। গোকুল চাঁদ জজ আদালতের নাজির ছিলেন, সুতরাং জজ সাহেবের সহিত তাঁহার ঘনিষ্ঠতা ছিল। তিনি

রাত্রিদিন অবিচ্ছিন্ন উদ্যম ও পরিশ্রমসহকারে বিপন্ন ইউরোপীয়দিগের সহায়তা করেন। ইঙ্গরেজের সমর্থনরাও তাঁহার ঋণ স্বজাতীয়ের উদ্ধার জন্ত উদ্যমশীলতার পরিচয় দিতে পারেন নাই। পণ্ডিত গোকুলচাঁদের প্রয়াস বিফল হয় নাই। তাঁহার অপরিসীম যত্নে বিপন্ন ইউরোপীয়েরা আসন্ন বিপদ হইতে মুক্তিলাভ করেন। পণ্ডিত গোকুলচাঁদ ব্যতীত আর এক জন সদাশয় ধনী পুরুষ ইউরোপীয়দিগের সাহায্যার্থ অগ্রসর হইয়াছিলেন। ইহার নাম রাও দেবনারায়ণ সিংহ। ইনি গবর্নমেন্টের পক্ষসমর্থন জন্ত অকাতরে অর্থব্যয় করিয়াছিলেন। ইহার মহানুভাবতায়, ইহার দয়ায়, সর্বোপরি ইহার দূরদর্শিতায় বারাণসীর ইউরোপীয়েরা . . . কতদূর উপকৃত হইয়াছিলেন, তাহা বলিয়া শেষ করা যায় না। এক জন ইঙ্গরেজ ঐতিহাসিক (স্মার জন কে) স্পষ্টাক্ষরে লিখিয়াছেন যে, ইহার (দেব. নারায়ণের) কার্যের সম্বন্ধে যাহা কিছু বলা যায়, তাহার কোন কথাই অতিশয়োক্তিতে দূষিত হইতে পারে না। রাজভক্ত কর্মচারী ও সম্পত্তিশালী বিষয়ী, উভয়েই এই সঙ্কটকালে পরার্থপরতার পরিচয় দিয়া ইঙ্গরেজের প্রশংসাভাজন হইয়াছিলেন। বারাণসীর মহারাজ ঈশ্বরীপ্রসাদ সিংহ এ সময়ে ইঙ্গরেজের সাহায্য করিতে উদাসীন থাকেন নাই ; তিনি রাত্রিকালে নিরাশ্রয় ইউরোপীয় খ্রীষ্টধর্মপ্রচারকদিগকে আশ্রয় দিয়াছিলেন, এবং আপনার অর্থ ও অনুচরবর্গ সমস্তই, কর্তৃপক্ষের হস্তে সমর্পিত করিয়া রাজ-ভক্তির একশেষ দেখাইয়াছিলেন। পবিত্র বারাণসীর পবিত্রস্বভাব হিন্দুর সাহায্যে ইউরোপীয়েরা এইরূপে নিরাপদ হইলেন। যাহারা এই স্থান খ্রীষ্টধর্ম-লোকে আলোকিত করিবার জন্ত বাস করিতেছিলেন, বিধর্মীর অপরিসীম দয়াই এ সময়ে তাঁহাদিগের জীবনরক্ষার অবলম্ব হইয়াছিল। তাঁহারা হিন্দুর এইরূপ পরার্থপরতা দেখিয়া বিস্মিত হইয়াছিলেন, এবং বিশ্বয়সহকারে হিন্দুর অপূর্ব মহত্ত্বের গুণানুবাদ করিয়াছিলেন। সুরত সিংহের কার্য-তৎপরতায় কাছারিগৃহে ইঙ্গরেজেরা নিরাপদ ছিলেন, এবং টাকশালায় ইউরোপীয়েরা পরিজনবর্গের সহিত অবস্থান করিতেছিলেন। রাত্রি দুইটার সময় কতিপয় ইঙ্গরেজ কাছারি হইতে টাকশালে গমন করেন। এই স্থানে তাঁহাদের সকলকেই সবিশেষ কষ্টভোগ করিতে হইয়াছিল। তাঁহাদের দ্বী,

পুত্র, দাস দাসী, সকলেই একস্থানে স্তূপীকৃত দ্রব্যের আয় রাখিয়াছিল। যে সকল ইউরোপীয় এই গৃহ রক্ষার জন্ত নিম্নতলে অবস্থিতি করিতেছিলেন, তাঁহারা সকলেই দিবসের গুরুতর শ্রমে অবসন্ন হইয়া পড়িয়াছিলেন; গৃহের অগ্নে, গাড়ি, পাঙ্কি, ঘোড়া প্রভৃতি বিশৃঙ্খলভাবে অবস্থিত ছিল। ইউরোপীয়েরা এইরূপে কষ্টে সমস্ত রাত্রি অতিবাহিত করিলেন, প্রতি মুহূর্তে তাঁহারা সম্মুখে সর্ববিধবৎসের বিকট চিত্র দেখিতেছিলেন, প্রতি মুহূর্তে তাঁহাদের আশঙ্কা পরিবর্দ্ধিত, হৃদয় অবসন্ন ও নিদ্রা অন্তর্হিত হইতেছিল; ক্রমে রাত্রি প্রত্যাত হইল, তাঁহারা নিরাপদে ও অক্ষতশরীরে রহিলেন। প্রভাতসময়ে সমগ্র নগর শান্তভাব অবলম্বন করিল। বিপন্ন ইউরোপীয়গণ এইরূপ প্রশান্ত ভাবে আশ্বস্ত হইলেন। তাঁহাদের অধ্যুষিত গৃহ সকল গভীর রজনীতে গভীরতর শান্তভাবের পরিচয় দিতেছিল, তাঁহাদের বাগলা, তাঁহাদের কাছারি, সমস্তই পূর্ববৎ অবস্থায় ছিল, প্রভাতে তাঁহারা দেখিলেন, নগরে কোনরূপ গোলযোগ নাই, অধিবাসিগণ নিকদেগে ও ধীরভাবে আপনাদের কার্য-সম্পাদন করিতেছে, ইহা দেখিয়া তাঁহারাও নিঃশঙ্কচিত্তে কর্তব্যানুষ্ঠানে মনোনিবেশ করিলেন।

ইউরোপীয়েরা ভাবিয়াছিলেন যে, বারাণসী যেরূপ হিন্দুপ্রধান স্থান, হিন্দুগণ চিরন্তন ধর্মনাশের আশঙ্কায় যেরূপ উত্তেজিত হইয়া উঠিয়াছে, তাহাতে এই স্থানে তাঁহাদের নিঃসন্দেহ সর্বনাশ ঘটবে। কিন্তু তাঁহারা যাহা ভাবিয়াছিলেন, কার্যে তাহার বিপরীত ঘটিল। হিন্দুপ্রধান বারাণসী খ্রীষ্টধর্মাবলম্বীর শোণিত-প্রবাহে কলঙ্কিত হইল না। কমিশনার সাহেব এজ্ঞ গবর্ণর জেনেরলের নিকট বিশ্বয়প্রকাশ করিয়া পত্র লিখিয়াছিলেন। কিন্তু ইংরেজ যদি হিন্দুর চরিত্র বুঝিতেন, তাহা হইলে তাঁহাদের বিশ্বয়ের অবির্ভাব হইত না। হিন্দু বিপন্নের উদ্ধারে উদাসীন নহে, রাজভক্ত প্রজার ধর্মপালনেও কাতর নহে, এবং প্রতিহিংসার পরিতর্পণ জন্ত দয়াধর্মের জলাঞ্জলি দিতেও অগ্রসর নহে। ঘোরতর উত্তেজনার সময়েও ম্লেহ ও প্রীতির সম্মোহন ভাব দেখিলে, হিন্দু আপনা হইতেই তাহার নিকট আনত হয়। ইংরেজ তাহা ভেদে বিধর্মী ও বিজাতি ভাবিয়া আপনাদের শত্রুর শ্রেণীতে নিবেশিত করিতে পারেন, সর্বদা তাহার আক্রমণের ভয়ে আত্মহারা হইতে পারেন, কিন্তু

হিন্দু বিপদের সময়ে তাঁহার প্রত্নাপকারে উদাসীন নহে। ইঙ্গরেজ যদি হিন্দুর জাতীয় চরিত্রে অভিজ্ঞতা লাভ করিতে পারিতেন, তাহা হইলে এই বিপ্লব সর্বব্যাপী হইয়া ভয়ঙ্কর কাণ্ডের উৎপত্তি করিত না, এবং ভারতের এক প্রান্ত হইতে আর এক প্রান্ত পর্য্যন্ত গভীর আশঙ্কার বিকট ছায়াও প্রসারিত হইত না, ইঙ্গরেজ যে স্থলে হিন্দুর প্রতি স্নেহ ও প্রীতি দেখাইয়াছেন, সেই স্থলেই হিন্দু তাঁহার জন্ত আত্মপ্রাণ উৎসর্গ করিয়াছে। ইঙ্গরেজ ইহা না বুঝিয়া অশুভক্ষণে তরবারির আশ্রয় গ্রহণ করিয়াছিলেন, এবং সমবেদনা, সদাশয়তা ও স্নেহশীলতা, সমস্তই দূরীভূত করিয়া কঠোরভাবে কঠোরতর শাসনদণ্ডের পরিচালনার সহিত আত্মপ্রাধাণ্যরক্ষায় উদ্যত হইয়াছিলেন। তাঁহাদের এই কঠোর নীতিও পরিণামে অমৃতের বিনিময়ে গরলধারা উদ্দীর্ণ করিয়াছিল।

হিন্দুদের নিদর্শনভূমি বারাণসী হিন্দুর চিরপ্রসিদ্ধ প্রশান্তভাবে পরিচয় দিল। ইঙ্গরেজ আপনাদিগকে নিরাপদ মনে করিলেন। কিন্তু ইহাতে ইঙ্গরেজের ক্রোধের শাস্তি হইল না, এবং বলবতী প্রতিহিংসারও বিলয় দেখা গেল না। সিপাহীদিগের উত্তেজনায় বারাণসীর ইঙ্গরেজেরা এক সময়ে আপনাদিগকে প্রগণ্ডসর্বস্ব মনে করিয়াছিলেন; সেই উত্তেজিত সিপাহীদিগের অনেকে নিহত ও অনেকে ইতস্ততঃ পলায়িত হইয়াছিল, ইঙ্গরেজ এখন নিরাপদ হইয়া, বারাণসীবিভাগের অধিবাসীদিগের সর্বনাশে উদ্যত হইলেন। ৯ই জুন এই বিভাগে সামরিক আইন প্রচারিত হইল। সৈনিক কর্মচারিগণ উপস্থিত আইনের বলে অবাধে সংহারকার্য সম্পন্ন করিতে লাগিলেন। পল্লীতে পল্লীতে বেত্রাঘাত, ফাঁসী কিছুই বাকী রহিল না। ছোট বড়, সকলেই ক্ষিপ্ত শৃগাল বা কুকুর অথবা বিষাক্ত সর্পের দ্বারা নির্দয়তাসহকারে নিহত হইতে লাগিল। ইউরোপীয়গণ উত্তেজিত লোকের আক্রমণভয়ে যে রাত্রিতে কাছারিগৃহ ও টাকশালায় আশ্রয়গ্রহণ করেন, সেই রাত্রি প্রভাত হইলে তাঁহারা দেখিলেন, সারি সারি ফাঁসিকাঠ সকল গাজান রহিয়াছে। প্রতিদিনই এই সকল ফাঁসিকাঠে অনেকের প্রাণবায়ুর স্রবসান হইতেছে। এক জন খ্রীষ্টধর্ম প্রচারক লিখিয়াছেন যে, কোমলপ্রাণা ইঙ্গরেজ মহিলারাও হতভাগ্যদিগের হত্যাকাণ্ডে সন্তোষ প্রকাশ করিতে ক্রটি

করেন নাই* । এই সময়ে বারাণসীর অধিবাসীরা ইউরোপীয় সৈনিকদিগকে মানবাকারের দুর্দান্ত অসুর বলিয়া মনে করিয়াছিল । এই অসুরদিগের হস্তে কেহই পরিত্রাণ পায় নাই, ইহারা যাহাকে ধরিত্যাছে তাহারই জীবন বিনষ্ট হইয়াছে । অনেকে উপস্থিত হত্যাকাণ্ড সেনাপতি নীলের অনুমোদিত ও অনুষ্ঠিত বলিয়া নির্দেশ করিয়াছেন† ।

এই সময়ে কয়েকটি বালক ক্রীড়াকৌতুকচ্ছলে বিপক্ষ সিপাহীদিগের পতাকা উড়াইয়া ও টম্ টম্ বাজাইয়া যাইতেছিল, এই অপরাধে নৈনিক বিচারালয়ে ইহাদের বিচার হয় । একজন বিচারক কোমলপ্রাণ বালকদিগের কাহুরতা দেখিয়া অশ্রুসংবরণ করিতে পারিলেন না । বিচারে বালকদিগের মৃত্যুদণ্ড হইল । উক্ত দয়ার্দ্র বিচারক এই অসহায়, বিপন্ন ও সর্ক্যাংশে শিরীহস্বভাব শিশুদিগের প্রতি করুণাপ্রদর্শন করিতে প্রধান সেনাপতিকে অশ্রুপূর্ণনয়নে অনুরোধ কবিলেন । কিন্তু তাঁহার অনুরোধ রক্ষিত হইল না । কোমলমতি বালকেরা প্রাণের দারে উচ্চৈঃস্বরে রোদন করিতে লাগিল, তাহাদের করুণ রোদনধ্বনিতে বিচারকদিগের পাষণ্ডহৃদয় দ্রবীভূত হইল না । বারাণসীর কঠোরপ্রকৃতি সেনাপতি সর্কসংহারক মহাকালের ত্রায়, অবিচলিতভাবে সর্কসংহারকার্যের অনুমোদন করিতে লাগিলেন । এই বিধ্বংসব্যাপারে জন্মাদের অভাব হইল না, অনেকে নিজের ইচ্ছায় জন্মাদের কার্যভার গ্রহণ করিল, এবং নগরের পার্শ্ববর্তী লোকালয়ে গমন করিয়া অধিবাসীদিগকে ফাঁসীকাষ্ঠে ঝুলাইতে লাগিল । এক ব্যক্তি এই কার্যে বিরূপ নৈপুণ্য দেখাইয়াছিল, তৎসম্বন্ধে গর্ক করিয়া বলিয়াছিল, আম্রবৃক্ষ সকল ফাঁসিকাষ্ঠ স্বরূপ করা হইয়াছিল । অপরাধীদিগকে হাতীর উপর চড়াইয়া তাহাদের গলদেশে ফাঁস দেওয়া হইয়াছিল । বারাণসীর ৩০ মাইল দূরে কতকগুলি বিপক্ষ সিপাহী অবস্থিতি করিতেছে,

* *Rev. James Kennedy. Empire in India. Vol. II. p. 288.*

† কে সাহেব লিখিয়াছেন উপস্থিত ঘটনার ৪১ দিন পরে সেনাপতি নীল বারাণসী হইতে যাত্রা করেন । এজন্য এই সমস্ত হত্যাকাণ্ড তাঁহার অনুমোদিত হইতে পারে না । *Keye, Sepoy War. vol. II. p. 236.* কিন্তু হল্‌মেস সাহেব হত্যাকাণ্ডে সেনাপতি নীলকেই দায়ী করিয়াছেন । *Holmes, Indian Mutiny, p. 223*

বারাণসীর কর্তৃপক্ষ ২২ শে জুন এই সংবাদ প্রাপ্ত হইলেন। ২৭ শে জুন ২৪০ জন ইউরোপীয় সৈন্য ও কতিপয় শিখ তাহাদের বিরুদ্ধে প্রেরিত হয়। ইহাদের আগমনে সিপাহীরা ইতস্ততঃ ধাবিত হইতে থাকে। অনেকে নিহত হয়, অনেকে ধৃত হইয়া উল্লিখিতরূপে ফাঁসিকাঠে ঝুলিতে থাকে। ইউরোপীয় সৈনিকেরা ক্রোধের আবেগে ও প্রতিহিংসার উত্তেজনায়, নিরতিশয় নির্দয়ভাবে কুড়িটি পল্লী দগ্ধ করিয়া জনশূন্য মহাপ্রান্তরে পরিণত করে। একজন তরুণবয়স্ক ইঙ্গরেজ এই সৈনিকশ্রেণীতে ছিলেন। বয়সের নবীনতায় তাঁহার কল্পনা যেমন নবীনভাবে পূর্ণ ছিল, হৃদয়ের বৃত্তি সকলও সেইরূপ নবীনতর হইয়া উঠিয়াছিল। তিনি যে কঠোর মস্তিষ্কে দীক্ষিত হইয়া ছিলেন এবং যে কঠোর কার্যসাধনে প্রতিজ্ঞা করিয়াছিলেন, সেই মস্তিষ্ক অটল ও সেই কার্যসাধনে অবিচলিত থাকিলেও হৃদয়ের কোমলতর নবীন বৃত্তিগুলিতে একবারে জলাঞ্জলি দেন নাই। নবীন ভাবে বিভোর ও নবীনতর কোমল বৃত্তিতে উত্তেজিত হইয়া, সৈনিক যুবক উক্ত পল্লীদাহের এইরূপ হৃদয়স্পর্শিনী বর্ণনা করিয়াছেন :—

“আমরা ৮ দিন ও ৯ বাত্রিতে ৪২১ মাইল অতিক্রম করিয়া ২৫ শে জুন বারাণসীতে উপনীত হইলাম। ২৭ শে জুন সন্ধ্যাকালে আমাদের দলের ২৪০ জন সৈনিক (ইহাদের মধ্যে আমি একজন) ১১০ শিখ ও ২০ জন সওয়ার বারাণসী হইতে যাত্রা করিল। সওয়ারগণব্যতীত আমরা সকলে গোকুর গাড়ীতে যাইতে লাগিলাম। পঁয়তাল্লিশ বেলা ৩টার সময় আমরা ৩ দলে বিভক্ত হইয়া পল্লীসমূহে অপরাধীদিগের অন্বেষণে প্রবৃত্ত হইলাম। আমি যে দলে ছিলাম, সেই দল একটি পল্লীতে উপস্থিত হইল, পল্লীবাসীরা পল্লী ছাড়িয়া গিয়াছিল। আমরা উক্ত পল্লীতে আগুন লাগাইলাম, পল্লী ভস্মীভূত হইয়া গেল। যখন আমরা ফিরিয়া আসিতেছিলাম, তখন এক ব্যক্তি আমাদের সম্মুখে আসিল এবং কহিল, যে দুই মাইল দূরবর্তী একটি পল্লী তাহাদের দলস্থ লোকে পূর্ণ রহিয়াছে, ঐ সকল লোক যুদ্ধার্থ সজ্জিত আছে। আমরা দৌড়িয়া তাহাদের নিকটে গেলাম। আমরা যখন তাহাদের নিকট হইতে ৬০০ শত হস্ত দূরে উপস্থিত হইয়াছিলাম, তখন তাহারা দৌড়িতে লাগিল। আমরা তাহাদের উপর বন্দুক ছুড়িতে লাগিলাম, এবং তাহাদের ৮ জনকে

গুলির অঘাতে ভূতলশায়ী করিলাম। আমরা পল্লীর অভিমুখে অগ্রসর হইতে ছিলাম, এমন সময়ে এক ব্যক্তি সত্বরপদে আমাদের নিকট উপস্থিত হইল, এবং হাত তুলিয়া আমাদের অফিসারকে সেলাম করিল। আমরা তাহাকে সিপাহী বলিয়া আনন্দধ্বনি করিয়া উঠিলাম, এবং তৎক্ষণাৎ তাহাকে অবরুদ্ধ করিলাম। সেই ব্যক্তি ও আর ২০ জন আমাদের বন্দী হইল। আমরা পথস্থিত গোরুর গাড়ীর নিকট ফিরিয়া আসিলাম। একটি প্রাচীন লোক আমাদের নিকট আসিয়া, আমরা যে গ্রাম দক্ষ করিয়াছিলাম, তাহার ক্ষতিপূরণ স্বরূপ টাকা চাহিল। আমাদের সহিত একজন মাজিষ্ট্রেট ছিলেন। তিনি জানিতে পারিলেন যে, এই বৃদ্ধ, গ্রামে ছুর্ভূতদিগকে আশ্রয় দিয়া খাদ্য সামগ্রী ও অস্ত্রশস্ত্রসংগ্রহ করিয়া দিয়াছিল। এই বিষয়ের বিচার করিতে ৫ মিনিট মাত্র সময় লাগিল। পূর্বোক্ত সিপাহী ও এই অর্থপ্রার্থী বৃদ্ধ ব্যক্তিকে পথের পার্শ্বে লইয়া যাওয়া হইল, সেই স্থানের একটি বৃক্ষের শাখায় উভয়কেই ফাঁসী দেওয়া হইল; আমরা সমস্ত রাত্রি সেই পথে রহিলাম, ঐ দুই ব্যক্তির শব আমাদের পার্শ্বে বৃক্ষশাখায় বিলম্বিত রহিল। পরদিন প্রাতঃকালে আমরা উখিত হইয়া, প্রান্তর দিয়া, কয়েক মাইল গমন করিলাম। এই সময়ে প্রবলবেগে বৃষ্টিপাত হইতে লাগিল, আমরা আর একটি গ্রামে গমন করিলাম, এবং উহাতে আগুন লাগাইয়া গন্তব্য পথে ফিরিয়া আসিলাম। এই সময়ের মধ্যে অগ্ন্যান্ত্র দলও নিষ্কর্তা ছিল না, তাহারাও আমাদের ঞ্চায় এই সকল কার্য্য করিতেছিল; যখন আমরা ফিরিয়া আসিলাম, তখন জলধারা আমাদের শিরোদেশ হইতে পদতল দিয়া প্রবলবেগে প্রবাহিত হইতে লাগিল। আমরা ৮০ জনকে বন্দী করিয়াছিলাম, ৬ জনকে সেই দিন ফাঁসী দেওয়া হইল। ৬০ জনের বেত্রাঘাত দণ্ড হইল। ইহার পর মাজিষ্ট্রেট ঘোষণা করিলেন, অপরাধীদের প্রধান ব্যক্তিকে যে ধরিয়া দিতে পারিবে, তাহাকে ২০০০ টাকা পারিতোষিক দেওয়া বাইবে। আমরা সেই রাত্রিতে পথে শুইয়া রহিলাম। আমাদের পার্শ্বে উক্ত ছয় ব্যক্তি ফাঁসীরজ্জুতে বিলম্বিত রহিল। পরদিন অপরাহ্ন ৫ টার সময় ভেরীধ্বনি দ্বারা অভিযানের সঙ্কেত করা হইল। এই সময়ে প্রবলবেগে বৃষ্টিপাত হইতেছিল, আমরা এক হাঁটু জল ও কাদা ভাজিয়া অগ্রসর

হইতে লাগিলাম। এইরূপে এক গ্রামে উপস্থিত হইয়া, আগুন দিলাম। এই সময়ে সূর্য্যোদয় হইল, আমাদের আর্দ্র বস্ত্রাদি বিগুঞ্চ হইয়া উঠিল, কিন্তু পরক্ষণেই আবার ঘর্মে বস্ত্রাদি আর্দ্র হইয়া গেল। আমরা একটি বড় পল্লীতে আসিলাম। ঐ পল্লী লোকপূর্ণ ছিল; আমরা গ্রামের ২০০ জনকে অবরুদ্ধ করিয়া উহাতে আগুন দিলাম। আমি গ্রামমধ্যে প্রবিষ্ট হইলাম, উহার চারিদিকই অগ্নিশিখায় পরিব্যাপ্ত হইয়াছিল। আমি দেখিলাম, একটি বৃদ্ধ শয্যা হইতে হামাগুড়ি দিয়া বাহির হইবার চেষ্টা করিতেছে, তাহার হাঁটবার সামর্থ্য ছিল না, খাটিয়াখানি লইয়া যাইতেও সে নিরতিশয় অশক্ত ছিল। আমি তাহাকে গ্রামের বাহিরে আসিতে আদেশ করিলাম এবং চতুর্দিকব্যাপী অগ্নিশিখা দেখাইয়া কহিলাম, যদি সে আমার আদেশানুসারে কার্য্য না করে, তাহা হইলে অবিলম্বে ভস্মীভূত হইয়া যাইবে। আমি খাটিয়াসমেত ঐ বৃদ্ধকে টানিয়া বাহির করিলাম। ইহার পর ঘুরিয়া একটি গলির মোড়ে আসিলাম। অগ্নিশিখা ও ধূমরাশি ব্যতীত আর কিছুই আমার দৃষ্টিপথবর্ত্তী হইল না। আমি কোন্ পথ অবলম্বন করিব, বিবেচনা করিবার জন্ত মুহূর্ত্তকাল তথায় দাঁড়াইলাম। আমি যখন ইতস্ততঃ দৃষ্টিসঞ্চালন করিতেছিলাম, তখন অগ্নির তেজে এক খানি গৃহের দেওয়াল ভাঙ্গিয়া পড়িল, আমি সবিস্ময়ে দেখিলাম প্রায় চারি বৎসরবয়স্ক একটি বালক গৃহদ্বারের দিকে আসিতেছে, আমি পূর্কোক্ত বৃদ্ধ ব্যক্তিকে পথ দেখাইয়া কহিলাম, যদি সে না যায়, তাহা হইলে তাহাকে গুলি করা হইবে। ইহা কহিয়াই যে গৃহে বালকটি ছিল, সেইদিকে ছুটিয়া গেলাম। গৃহদ্বার সেই সময়ে অগ্নিশিখায় আচ্ছন্ন হইয়াছিল। আমি নিজের জন্ত ভাবিলাম না, কেবল ঐ নিরুপায় শিশুটিকেই আমার ভাবনার বিষয়ীভূত হইল। আমি ছুটিয়া দ্বারে প্রবিষ্ট হইয়া দেখিলাম, ভিতরে একটি ছোট উঠান আছে। উঠানের চারি পার্শ্বের সকল গৃহে আগুন লাগিয়াছে। পূর্কোক্ত নিরুপায় শিশুটি ব্যতীত তথায় আর হইতে দুই বৎসর বয়সের আরও ছয়টি শিশু দেখিতে পাইলাম, এতদ্ব্যতীত একটি অতি প্রাচীন ব্যক্তি ও প্রাচীনা স্ত্রীলোক ছিল। ইহারাও অপরের সাহায্যব্যতিরেকে হাঁটিতে পারিত না। একটি বিংশতিবর্ষীয়া যুবতী একটি শিশুকে বুকে জড়াইয়া

রাখিয়াছিল। আমার দৃঢ় বিশ্বাস, শিশুটি ৫৬ ঘণ্টা পূর্বে ভ্রামষ্ঠ হইয়াছিল। প্রসূতিও প্রবল জ্বরে অভিভূত হইয়া পড়িয়াছিল, আমি দাঁড়াইয়া দেখিতে লাগিলাম; কিন্তু তখন দেখিবার সময় ছিল না। আমি শিশুদিগকে বাহির করিবার চেষ্টা করিলাম, কিন্তু তাহারা কেবল আমার সঙ্গে যাইতে সন্মত হইল না। আমি সদ্যোজাত শিশুটিকে লইলাম। প্রসূতি শিশুটিকে লইবার ইচ্ছা প্রকাশ করাতে আমি পুনর্বার তাহার কোলে দিলাম। আমি প্রসূতি ও তাহার সদ্যোজাত সন্তানকে বাহ্যদ্বারা জড়াইয়া লইয়া যাইতে উদ্যত হইলাম। শিশুরা প্রাচীন ও প্রাচীনাদিগকে ধরিয়া লইয়া গেল। উহারা আমার অনুসরণ করিবে জানিয়া, আমি আগে আগে যাইতে লাগিলাম; উহারা আমার পশ্চাৎ পশ্চাৎ যাইতে লাগিল। অগ্নিশিখায় চারিদিক পরিব্যাপ্ত হইয়াছিল। আমি এমন স্থানে আসিয়া পড়িলাম যে, সে স্থান হইতে কিছুই দৃষ্টিগোচর হইল না। আমি শিশুদিগকে আমার অনুসরণ করিতে কহিয়া কোনরূপ বিলম্বাধা না মানিয়া অগ্রসর হইতে লাগিলাম। অনেক কষ্টে সকলকেই নিরাপদে বাহির করিলাম। * * * যে কাপড়ে তাহাদের দেহের অর্দ্ধভাগও আবৃত ছিল না, অগ্নির মধ্যে দিয়া আসিবার সময়ে তাহাও স্থানে স্থানে পুড়িয়া গেল; আমি তাহাদিগকে অদূরবর্তী ক্ষেত্রে রাখিয়া স্থানান্তরে গমন করিলাম। কিছু দূর যাইয়া দেখিলাম, একটি প্রাচীনা বাহির হইবার চেষ্টা করিতেছে, তাহার হাঁটুবার শক্তি ছিল না, কেবল হস্ত ও পদের উপর নির্ভর করিয়া যাইতে পারিত। আমি তাহার নিকট উপস্থিত হইয়া, তাহাকে বাহিরে আনিতে চাহিলাম; কিন্তু সে আমার সাহায্য লইতে সন্মত হইল না। তাহার সহিত বিতণ্ডা করা অনাবশ্যক ভাবিয়া তাহাকে ধরিয়া বাহিরে আনিলাম। অনন্তর আর এক স্থানে যাইয়া একটি স্ত্রীলোক দেখিতে পাইলাম; তাহার বয়স প্রায় ২২ বৎসর। যুবতী একটি আসন্নমৃত্যু ব্যক্তির পার্শ্বে বসিয়াছিল, এবং সরবত দ্বারা তাহার বিশুদ্ধ মুখ সিক্ত করিতেছিল। অগ্নি প্রবলবেগে অগ্রসর হইতেছিল; উহার জ্বালাময়ী শিখা, সমস্তই ঢাকিয়া ফেলিতেছিল। মৃত্যুশয্যাশায়ী ব্যক্তির অদূরে চারিটি নারী আমার দৃষ্টিগোচর হইল, আমি দৌড়িয়া তাহাদের নিকটে গেলাম এবং তাহাদিগকে ঐ পীড়িত ব্যক্তি

ও যুবতীর সাহায্য করিতে বলিলাম। কিন্তু তাহারা আপনাদের কার্য্য করাই আবশ্যক মনে করিল; আমি সঙ্গীন বাহির করিয়া তাহাদিগকে কহিলাম, যদি তাহারা আমার আদেশপালন না করে, তাহা হইলে তাহাদিগকে বধ করা হইবে। তাহারা আমার সহিত আসিল এবং ঐ মৃত্যুদশাগ্রস্ত ব্যক্তি ও যুবতীকে বাহিরে আনিল। আমি তাহাদিগকে ছাড়িয়া অত্র গমন করিলাম। অগ্নিশিখা গগনস্পর্শী হইয়াছিল, আমি গ্রামের আর এক স্থানে যাইয়া ১৪০টি স্ত্রীলোক ও প্রায় ৬০টি শিশু সন্তান দেখিতে পাইলাম। সকলেই কিংকর্তব্যবিমূঢ় হইয়া বিলাপ ও পরিতাপ করিতেছিল। আমি এই পরিবারের যে প্রাচীণ স্ত্রীলোকটিকে বাহিরে আনিয়াছিলাম, সে আমার নিকট আসিয়া সকলের বিমুক্তির জন্ত যথোচিত কৃতজ্ঞতা প্রকাশ করিতে লাগিল। আমি খাইবার জন্ত যে বিস্কুট পাইয়াছিলাম, তাহা হইতে কয়েকখানি তাহাদিগকে দিলাম, কিন্তু তাহারা উহা গ্রহণ করিল না, কহিল, উহা লইলে তাহাদের জাতি নষ্ট হইবে। এই সময়ে ভেরীধ্বনি দ্বারা সকলকে একত্র হইবার সঙ্কেত করা হইল। আমি ফিরিয়া গেলাম। মহিলারা, তাহাদের পরমাত্মীয় স্নেহভাজনের প্রতি যেরূপ আশীর্বাদ করিয়া থাকে, আমাকে সেইরূপ আশীর্বাদ করিতে লাগিল। * * * আমরা বন্দীদিগের দশজনকে ফাঁসী দিলাম। প্রায় ষাটজনকে প্রতি বেত্রাঘাত দণ্ড হইল। সেই রাত্রিতে আমরা আর একটি পল্লী ভস্মীভূত করিয়া ফেলিলাম। বন্দীগণ যেরূপ দৃঢ়তাসহকারে ও প্রশান্তভাবে আত্মকাননে আত্মবিসর্জন করিতে লাগিল, তাহা দেখিলে বিস্মিত হইতে হয়। ফাঁসীর রজ্জু ছিন্ন হওয়াতে একজন পড়িয়া গেল। মুহূর্তমধ্যে সে আবার উঠিয়া চারিদিকে চাহিয়া দেখিতে লাগিল। তাহাকে পুনর্বার ফাঁসী দেওয়া হইল। সকলের ফাঁসী হইলে অপরাপর বন্দীদিগকে সেই দৃশ্য দেখাইবার জন্ত সেই স্থানে আনা হইল। * * * ৬ই জুলাই আমাদের ২০০০ দুই হাজার যুদ্ধোন্মুখ লোকের বিরুদ্ধে যাইতে হয়। আমাদের দলে ১৮০ জন সৈনিক ছিল। বিপক্ষেরা তিন শ্রেণীতে বিভক্ত হইয়া আমাদের গতিরোধের জন্ত দাড়াইয়াছিল। আমরা প্রবলবেগে অগ্রসর হইলে তাহারা পলায়ন করিল। আমরা তাহাদের

অধ্যুষিত পল্লীতে অগ্নি দিরা উহার চারিদিক পরিবেষ্টিত করিলাম । তাহারা যেমন অগ্নিশিখা হইতে মুক্ত হইবার জন্ত বাহির হইতে লাগিল, আমরা অমনি তাহাদের প্রতি গুলিনিষ্ক্ষেপ করিতে লাগিলাম । তাহাদের আঠার জন আমাদের বন্দী হইল । একসঙ্গে সকলের বিচার হইয়া গেল । * * * আমরা গুলি করিয়া তাহাদিগকে সেই স্থলে বধ করিলাম । আমরা এই বিভাগে পাঁচ শত লোককে এইরূপে নিহত করিয়াছিলাম* ।”

বারাণসী বিভাগে এইরূপে অবাধে পল্লীদাহ ও নরহত্যা হইল । উদ্ভেজিত সিপাহীরা বারাণসীর কারাগার আক্রমণ করে নাই, এবং তথাকার কয়েদীদিগকেও বিমুক্ত করিয়া নগর উচ্ছৃঙ্খল ও অশান্তিময় করিয়া তুলে নাই । কয়েদীরা কারাগারে পূর্ববৎ অবস্থিতি করিতেছিল । বারাণসীর কর্তৃপক্ষ যখন বহুসংখ্যক ব্যক্তিকে বিপক্ষতাচরণের অপরাধে বন্দী করিলেন, তখন কয়েদীপূর্ণ কারাগারে তাহাদের সমাবেশ হইল না । তাহারা ঐ সকল বন্দীকে আবদ্ধ করিয়া রাখিবার স্থান পাইলেন না, প্রতিমুহূর্তে তাহাদের বিচারকার্য শেষ হইতে লাগিল । প্রতি মুহূর্তেই অনেকে ফাঁসীকাঠে বিলম্বিত হইল, অনেকে কঠোর বেত্রাঘাতে নিপীড়িত ও নির্জীব হইয়া পড়িল । কিন্তু এইরূপ কঠোরতায়ও বিপ্লবের গতিরোধ হইল না । সিপাহীদিগের উদ্ভেজনাৎ দেখিতে দেখিতে জৌনপুর ও এলাহাবাদে ভয়ঙ্কর ঘটনার আকির্ভাব হইল ।

জৌনপুর বারাণসীর ৩৫ মাইল উত্তরপশ্চিমে অবস্থিত । ইহার প্রান্ত-ভাগ দিয়া গোমতী নদী প্রবাহিত হইতেছে । ১৭৭৫ খ্রীঃ অব্দে জৌনপুর ব্রিটিশ কোম্পানির অধিকৃত হইল । সেই সময় হইতে ইঙ্গরেজেরা এই স্থানে আপনাদের প্রাধান্য বদ্ধমূল করেন । জৌনপুরে একটি প্রকাণ্ড প্রস্তরময় দুর্গ ছিল । এই দুর্গে কয়েদীগণ অবরুদ্ধ থাকিত । নগরের পূর্বদিকে সৈনিক নিবাস ছিল । উপস্থিত সময়ে লুধিয়ানায় ১৬৯ জন শিখ সৈন্য সৈনিকনিবাসে অবস্থিতি করিতেছিল । মরানাংক একজনমাত্র ইউরোপীয় অফিসর এই সৈনিকদলে অধ্যক্ষতা করিতেন ।

* এই পত্র বিপাতের টাইমস্‌নামক প্রসিদ্ধ সংবাদপত্রে প্রকাশিত হয় ।

৪ঠা জুন বারাণসীর ৩৭ গণিত সিপাহীদিগের স্ত্রায় শিখ সৈনিকেরাও কর্তৃপক্ষের বিরাগভাজন হইয়াছিল। সেনাপতি যদি এই সময়ে ধীরতার বশবর্তী হইতেন, এবং সন্ধিবেচনাসহকারে কার্য্য করিতেন, তাহা হইলে শিখেরা ইউরোপীয়দিগের শোণিতপাতে অগ্রসর হইত না। একজনের উত্তেজনার পরিচয় পাইয়া, দলস্থ সকলকে উত্তেজিত বলিয়া সিদ্ধান্ত করা উচিত নহে। বারাণসীর কাওয়াজের ক্ষেত্রে যখন এক জন শিখ সৈনিক আপনাদের অধিনায়ককে গুলি করিল, তখন সেই দলের বিশ্বস্ত হাবিলদার চূড়া সিংহ আপনার জীবন সঙ্গটাপন্ন করিয়াও স্বীয় বাহু দ্বারা সেই গুলির আঘাত হইতে অধিনায়ককে রক্ষা করিতে যত্নশীল হইল। প্রভুভক্ত হাবিলদারের বাহুতে গুলি প্রবিষ্ট হইল, তাহাদের অধিনায়ক নিরাপদ হইলেন; অপরাপর শিখ সৈন্য ধীরভাবে ইহা চাহিয়া দেখিল। আর কেহই উত্তেজনার চিহ্ন দেখাইল না, এবং কেহই আপনাদের বন্দুক সজ্জিত করিয়া ইউরোপীয়দিগের প্রতি গুলিনিষ্ক্ষেপ করিল না। যদি এই সময়ে অধিনায়কগণ সমগ্র শিখ সৈন্যের বিশ্বস্ততার উপর সন্দিহান না হইতেন, একজনকে উত্তেজিত দেখিয়াই যদি সমগ্র দলকে আপনাদের বিপক্ষশ্রেণীতে সমাবেশিত না করিতেন এবং যদি ঐ সৈনিকদলকে কর্তব্যকার্য্যসম্পাদনে মনোযোগী হইতে পদেশ দিতেন, তাহা হইলে শিখসৈন্য বিদ্রোহবুদ্ধিতে পরিচালিত হইয়া পরিষ্কার শোণিতে আপনাদের হস্ত কলঙ্কিত করিত না। কিন্তু সে সময়ে রূপ ধীরতা প্রদর্শিত হয় নাই। সেনাপতিদিগের বিচারদোষে বাঙ্গালার সিপাহীদিগের স্ত্রায়, শিখ সৈন্যদিগেরও বিশ্বাস হইয়াছিল যে, কোম্পানি ঐতবর্ষের সমগ্র জাতিকে অবিশ্বস্ত বলিয়া মনে করিয়াছেন, এবং সকলকেই কবিধ দণ্ড দিতে বদ্ধপরিকর হইয়াছেন।

বারাণসীতে যাহা ঘটিয়াছিল, তাহার আনুপূর্ব্বিক বিবরণ যদি জৌনপুরের ইউরোপীয় সেনাপতির নিকট যথাসময়ে উপস্থিত হইত, তাহা হইলে সেনাপতি তত্রত্য শিখসৈন্যদিগকে সমস্ত কথা বুঝাইয়া শান্তভাবে রাখিবার চেষ্টা করিতে পারিতেন। কিন্তু সে সময়ে বিশিষ্ট সত্বরতাসহকারে এক সৈনিকনিবাস হইতে আর এক সৈনিকনিবাসে সংবাদ প্রেরিত হইত না। দিকে বাজার গুজবসকল যেন বাতাসের উপর ভর করিয়া, চারিদিকে

ছড়াইয়া পড়িত। এক সেনানিবাসের সেনাপতি অপর সেনানিবাসের বিবরণ জানিয়া সাবধান হইতে না হইতেই তাঁহার অধীন সৈন্যগণ বাজারগুজব গুনিয়া অধীর ও অশান্ত হইয়া উঠিত। ৪ঠা জুন জোনপুরে গুজব উঠিল যে, আজিমগড়ের সৈন্যগণ কোম্পানির বিপক্ষ হইয়া উঠিয়াছে। তৎপরদিন বারাণসীর ৩৭ গণিত সিপাহীসৈন্যদলের কথা জোনপুরবাসীরা জানিতে পারিল। জোনপুরের শিখসৈনিকেরা এ সংবাদে কোনরূপ অধীরতা প্রকাশ করিল না। তাহারা সেই পলায়িত ও ইতস্ততঃ ধাবিত সিপাহীদিগের আক্রমণ হইতে জোনপুরের ইউরোপীয়দিগকে রক্ষা করিতে সজ্জিত হইয়া রহিল।

ইউরোপীয় ও ফিরঙ্গীগণ, উক্ত সিপাহীদিগের ভয়ে, কাছারিগৃহে আশ্রয় লইল। শিখসৈনিকেরা অস্ত্রপরিগ্রহ পূর্বক তাহাদের সম্মুখভাগে সজ্জিত থাকিল। বেলা প্রায় দেড় প্রহরের সময় সংবাদ আসিল যে ৩৭ গণিত সিপাহীরা নিকটবর্তী কুঠী লুঠ করিয়া লঙ্কো নগরের অভিমুখে প্রস্থান করিয়াছে। জোনপুরের ইউরোপীয়গণ এই সংবাদে আশ্বস্ত হইয়া ভোজনের আয়োজন করিতে লাগিল। কিন্তু বিপদ অন্তর্হিত হইল না, জোনপুরের শিখসৈন্য ৩৭গণিত সিপাহীদিগের পলায়নসংবাদের সঙ্গে সঙ্গে যখন তাহাদিগের স্বদেশীয় শিখদিগের নিদারুণ হত্যাকাণ্ডের বিবরণ অবগত হইল, তখন তাহারা স্থির থাকিতে পারিল না। ইউরোপীয়দিগের হস্তে বারাণসীর শিখদিগের নিধনের সংবাদে তাহাদের দৃঢ় বিশ্বাস হইল যে, কোম্পানি হিন্দু ও মুসলমান, শিখ ও পুরুবিয়া, সকল সৈনিক পুরুষকেই সমূলে বিধ্বস্ত করিতে কৃতসঙ্কল্প হইয়াছেন। এই বিশ্বাস ক্রমে গভীর হইয়া তাহাদের হৃদয়ে গভীরতর মনোবেদনার সঞ্চার করিল। তাহারা আর স্থির থাকিতে না পারিয়া যে অস্ত্রে ইউরোপীয়দিগকে নিরাপদ করিবার সঙ্কল্প করিয়াছিল, সেই অস্ত্রেই তাঁহাদের শোণিতপাতে উদ্যত হইল।

সেনানায়ক মরা যখন কাছারির বারাণ্ডায় দণ্ডায়মান ছিলেন, তখন সহসা বন্দুকের শব্দ হইল। বারাণ্ডাস্থিত আর এক জন ইউরোপীয়, এই শব্দে চমকিত হইয়া, চাহিয়া দেখিলেন, সেনানায়ক বারাণ্ডায় পড়িয়াগিয়াছেন। তাঁহার দেহ হইতে রুধিরস্রোত প্রবাহিত হইতেছে; বন্দুকের গুলি তদীর বক্ষঃস্থলে প্রবিষ্ট হইয়াছে। শিখ সৈন্যের নিক্ষিপ্ত গুলিতেই যে, সেনানায়ক

সাংঘাতিক রূপে আহত হইয়াছেন, ইহা ইউরোপীয়েরা স্পষ্ট বুদ্ধিতে পারিলেন, সুতরাং তাঁহারা শশব্যস্তে গৃহাভ্যন্তরে প্রবিষ্ট হইলেন। সর্বসংহারক কালের বিকট ছায়া এখন তাঁহাদের সম্মুখে প্রসারিত হইল। তাঁহারা এই ভয়ঙ্করী ছায়ায় হতবুদ্ধি হইয়া প্রতিক্রমেই আপনাদের প্রাণনাশ হইল বলিয়া, ভয়ে অভিভূত হইলেন, এবং কেহ কেহ অন্তিমসময়ে অন্তর্যামী ভগবানের নিকটে কুশলপ্রার্থনা করিতে লাগিলেন।

এদিকে জোনপুরের জয়েন্ট মাজিষ্ট্রেট সাহেব কারাগৃহে যাইবার পথে নিহত হইলেন। উত্তেজিত শিখসৈন্য অতঃপর ধনাগারবিলুপ্তনে প্রবৃত্ত হইল। ধনাগারে দুই লক্ষ ষাট হাজার টাকা ছিল, সিপাহীরা সমস্ত বিলুপ্তি করিল। জোনপুরে ইঙ্গরেজের ক্ষমতা বা প্রাধান্যের কোন চিহ্ন রহিল না। সমস্তই উচ্ছৃঙ্খল, সমস্তই গোলযোগপূর্ণ ও সমস্তই অরাজকতার নিদর্শনজ্ঞাপক হইয়া উঠিল। কাছারি গৃহের ইউরোপীয়েরা উপায়ান্তর না দেখিয়া আত্মরক্ষার জন্ত পলায়নের উদ্যোগ করিলেন। সেনানায়ক মরা এ সময়েও জীবিত ছিলেন, কিন্তু তাঁহার জীবনের কোন আশা ছিলনা; গুলির আঘাতজনিত ক্ষত মারাত্মক হইয়া উঠিয়াছিল। পলায়নোদ্যত ইউরোপীয়েরা আপনাদিগের প্রাণ লইয়াই বিব্রত ছিলেন। তাঁহারা আসন্নমৃত্যু সেনানায়ককে পথে ফেলিয়া কেহ পদব্রজে, কেহ অশ্বে, কেহবা শকটারোহণে পলাইতে লাগিলেন; পথে হতভাগ্য মরার মৃত্যু হইল। তদীয় পত্নীও কিয়দূর যাইয়া, সন্ন্যাসরোগে মৃত্যুমুখে পতিত হইলেন। পলাতকগণ গামতী উত্তীর্ণ হইয়া, নিরাপদে কারাকটনামক স্থানে আসিলেন। পথে কেহই তাঁহাদের কোনরূপ অনিষ্ট করিল না। এই সময়ে তাঁহাদের ভারত-সীমী ভৃত্যেরা যথোচিত প্রভুভক্তির পরিচয় দিয়াছিল। তাহারা বিপন্ন-দিগকে নিরাপদ স্থানে লইয়া যাইতে ক্রটি করে নাই। কারাকটে লাল হিন্দন নামক একজন সম্ভ্রান্ত ও বর্ষীয়ান রাজপুত্রের বাস ছিল। এই পরহিতৈষী সদাশয় রাজপুত্র বিপন্ন ইউরোপীয় ও তাঁহাদের স্ত্রী কন্যাদিগকে, আপনার হে আনিয়া আশ্রয় দিলেন। তিনি বিপন্নদিগকে রক্ষা করিতে, যত্নশীলতার কশেষ দেখাইতে লাগিলেন। হিন্দন লাল ইউরোপীয় মহিলা ও বালক-লিকাগণকে আপনার অন্তঃপুরে রাখিলেন। তাঁহার আদেশে এই বিপন্ন

অতিথিদিগের জন্ত খাদ্য সামগ্রীর যথোচিত আয়োজন হইতে লাগিল। তাঁহার পরিচারকগণ ইহাদের রক্ষায় জন্ত অস্ত্রশস্ত্র মার্জিত করিয়া বিপক্ষগণের আক্রমণ নিরস্ত করিতে প্রস্তুত রহিল। উত্তেজিত সিপাহিরা তিন বার কারাকট লুণ্ঠন করিল, কিন্তু তাহারা হিঙ্গন লালের গৃহ আক্রমণ করিল না। ধর্মনিষ্ঠ রাজপুত্রের আবাসস্থান তাহাদের নিকটে পরম পবিত্র বলিয়া পরিগণিত ছিল। অধিকন্তু, হিঙ্গনলালের গৃহ আক্রমণ করিলে, পাছে অযোধ্যার তেজস্বী রাজপুত্রগণ তাহাদের সর্বনাশসাধনে উদ্যত হইয়া তাহারা এইরূপ আশঙ্কা করিতেছিল, স্মরণ্য পলায়িত ইউরোপীয়েরা বর্ষীয়ান্ হিঙ্গন লালের গৃহে নিরাপদে রহিলেন। বিপক্ষেরা তাঁহাদের আশ্রয়স্থান আক্রমণ করিতে সাহসী হইল না। বারাণসীর কমিশনার সাহেব এই বিষয় অবগত হইয়া পলায়িতদিগের আনয়ন জন্ত কতিপয় ইউরোপীয় সৈনিক পাঠাইয়া দিলেন। পলাতকেরা এই সৈনিকদলের সাহায্যে বারাণসীতে উপনীত হইলেন।

গবর্ণমেন্ট অতঃপর হিঙ্গনলালের এই সং কার্যের পুরস্কার করিয়াছিলেন। হিঙ্গন লাল সম্মানসূচক ডেপুটি মার্জিষ্ট্রেট পদবীর অধিকারী হইয়া যাবজ্জীবন মাসিক একশত টাকা বৃত্তিলাভ করেন। তিনি বৃদ্ধ ছিলেন বলিয়া, ঐ বৃত্তি তাঁহার অব্যবহিত পরবর্তী উত্তরাধিকারীকে দিবার বন্দোবস্ত হয়।

হিন্দুর চিরপবিত্র তীর্থ বারাণসী হইতে প্রায় ৭০ মাইল দূরে, আর একটি পবিত্র তীর্থ আছে। এই তীর্থস্থান ধর্মনিষ্ঠ হিন্দুগণের মধ্যে প্রয়াগনামে প্রসিদ্ধ। সাধারণতঃ ইহা এলাহাবাদনামে পরিচিত হইয়া থাকে। অপেক্ষাকৃত সঙ্কীর্ণতা ও সুদৃশ্য সৌধমালার অভাব প্রযুক্ত ইহা এক সময়ে দরিদ্রতাবের পরিচয়সূচক ফকীরাবাদ নামে কথিত হইত। ভারতের দুইটি প্রধান নদী হিমালয় হইতে প্রবাহিত হইয়া, এই স্থানে সম্মিলিত হইয়াছে। এই সরিৎ-সঙ্গম অতি প্রাচীন কাল হইতে, সাধারণের মধ্যে প্রসিদ্ধি লাভ করিয়াছে। ধর্মপ্রাণ হিন্দুগণ যেমন পরম পবিত্র বলিয়া উহাতে অবগাহন করেন, অতীত-দূর্শী ঐতিহাসিকগণ যেমন অতীত সময়ের বহুবিধ ঘটনার সাক্ষীভূত বলিয়া, উহাকে মহীয়ান্ করিয়া তুলেন, ভাবুক কবিগণও সেইরূপ উহার চিত্ত-বিমোহিনী শোভার বর্ণনা করিয়া, আর্পনাদের সৌন্দর্য্যজ্ঞান ও ভাবুকতার

পরিচয় দিয়া থাকেন* । ফলতঃ এলাহাবাদের সন্নিকট-সঙ্গম গভীরতাবের উদ্দীপক । মুক্তবেণী জাহুবীর খেতবর্ণ সলিলরাশির সহিত কালিন্দীর সুনীল জলপ্রবাহের সংযোগ দেখিলে অপরিসীম প্রীতিনাত হয় ।

স্বর্ণাভীত কালে এই স্থানে চন্দ্রবংশীয় রাজাদিগের রাজধানী ছিল । যথাতি এই স্থানে আধিপত্য করিয়া মহীয়সী কীর্তি স্থাপিত করিয়াছিলেন । পুরু এই স্থানের সিংহাসনে অধিষ্ঠিত থাকিয়া আপনার পবিত্রতর কার্যে মহিমাযুক্ত হইয়াছিলেন, এবং ছায়াস্তম্ভপ্রমুখ পৌরবগণ এই স্থানে শাসনদণ্ডের পরিচালনা করিয়া পুণ্যতর অবদানপরম্পরায় সমগ্র আর্য্যভূমি গৌরবাযুক্ত করিয়া তুলিয়াছিলেন ।

ভারতে যখন মুসলমান আধিপত্যের প্রতিষ্ঠা হয় নাই, ইউরোপীয় বণিকগণ যখন বাণিজ্যব্যবসায়ের প্রসঙ্গে ভারতের উপকূলে পদার্পণ করে নাই, তখনও এই রাজধানী হিন্দুদিগের মধ্যে পবিত্র তীর্থ বলিয়া পরিগণিত ছিল । নিষ্ঠাবান্ হিন্দুগণ এই স্থানে আসিয়া আপনাদিগকে পরিগৃহ্য বোধ করিতেন, এবং ইহার পাদদেশপ্রবাহিত পবিত্র সন্নিকট-সঙ্গমে অবগাহন করিয়া চরিতার্থ হইতেন । মুসলমানদিগের আধিপত্য সময়েও এই স্থান অপ্রসিদ্ধ ছিল না ।

* মহাকবি কালিদাস, রঘুবংশে গঙ্গাবনমুদ্রাসঙ্গমের এইরূপ বর্ণনা করিয়াছেন :—

কচিং প্রভালেপিভিরিঙ্গনীলৈঃ,

মুক্তামরী বষ্টিরিবাসুবিদ্ধা ।

অস্তত্র মালা সিতপঙ্কজানাম্

ইন্দীবরৈরুৎখচিতাস্তরেব ।

কচিং ধমানাঃ প্রিঃমানসানাং

কান্দবসংসর্গবতীৰ পণ্ডিত্তিঃ ।

অস্তত্র কালিন্দীরদন্তপত্রা

ভক্তিবৃন্দনকাজতেব ।

কচিং প্রভা চাক্রমসীতমোভিঃ

ছায়াবিম্বীনেঃ শবলীকৃতৈব ।

অস্তত্র শুভ্রা শরদত্রলেখা

রক্তে দিবালক্ষ্যনতঃপ্রবেশা ॥

কচিচ্চ কুকোরগভূষণেব

ভস্মাকরাণা তদুরীধরস্ত ।

পশ্চানবদ্যাদি বিভাতি গঙ্গা

ভিন্নপ্রবাহা বসুনাভরগৈঃ ।

* সসার জল শুভ্রবর্ণ; বসুনার জল নীলবর্ণ; উভয় জলপ্রবাহ সন্মিলিত হওয়াতে বোধ হইতেছে যেম মুক্তাহারের মধ্যে ইঙ্গনীলমণি এখিত রহিয়াছে । ঐ সন্মিলিত বারিরাশি, শবলীকৃত শুভ্র ও নীলপদ্মে এখিত হারের স্তায়; ছায়াস্তম্ভে কান্দববিশিষ্ট খেতবর্ণ হংসকুলের স্তায়; কোথাও বা খেতচন্দ্রের রচিত পত্রলেখার মধ্যস্থিত কালান্তর লিখিত পত্রাবলীর স্তায় । ইহা নাম হইতেছে; কোমলমুখে তরুচ্ছায়ার অন্তরালবর্তী শরৎকালীন চন্দ্র কিরণের স্তায়, যাহা স্তরে শরৎকালীন স্নেহ-অঙ্গমালার অন্তরালক্য নীলবর্ণ লতন্তলের স্তায়, কোথাও বা মুক্তবর্ণ বিহুসিত মরুভূমির স্তায় বোধ হইতেছে ।”

দিল্লীর প্রসিদ্ধ মোগল সম্রাট আকবর শাহ এই স্থানের রমণীয়তা দেখিয়া পুলকিত হইলেন। তিনি পশ্চিমদিকে আপনার সাম্রাজ্যরক্ষার জন্ত আটকে বেরূপ সুদৃঢ় দুর্গ নিৰ্মিত করিয়াছিলেন, সেইরূপ পূর্বদিকে বিশাল সাম্রাজ্য অপ্রতিহত রাখিবার জন্ত ইহার অতি প্রাচীন ও ভয়াবশিষ্ট হিন্দুনিৰ্মিত দুর্গই সুদৃঢ় দুর্গে পরিণত করিয়া এই স্থানের নাম এলাহাবাদ রাখেন। ইঙ্গরেজের আধিপত্যসময়ে উক্ত দুর্গ অনেকাংশে সংস্কৃত ও সুদৃঢ় হয়। গঙ্গা ও যমুনার সঙ্গমস্থল হইতে উহার রমণীয়তা দর্শকের অধিকতর হৃদয়াকর্ষক হইয়া থাকে। এলাহাবাদের অস্তাগার যুদ্ধোপকরণে পরিপূর্ণ ছিল। কথিত আছে, ইহার রাজকীয় কোষাগারে উপস্থিত সময়ে প্রায় ত্রিশ লক্ষ টাকা ছিল। যখন মিরাতের সিপাহীরা উত্তেজিত হইয়া ইঙ্গরেজদিগের বিরুদ্ধে অস্ত্রধারণ করে, তখন ঐ প্রসিদ্ধ স্থলে কোন ইউরোপীয় সৈনিক ছিল না। উহার প্রসিদ্ধ দুর্গে ও দুর্গের চারি মাইল দূরবর্তী সৈনিকনিবাসে ৬গণিত এতদেশীয় পদাতিক দল, একদল এতদেশীয় কামানরক্ষক এবং একদল শিখ সৈন্য অবস্থিতি করিতেছিল।

দুর্গের বহির্ভাগস্থিত সৈনিকনিবাসে যে ৬ গণিত সৈনিকদল অবস্থিতি করিতেছিল, অযোধ্যা ও বিহারপ্রদেশীয় লোক লইয়া, সেই দল সংগঠিত হইয়াছিল। ইঙ্গরেজ যে সকল প্রসিদ্ধ যুদ্ধে জয়ী হইয়া ভারতে আপনাদের অধিকারস্থাপনে সমর্থ হইয়াছিলেন, সেই সকল যুদ্ধেই এই সৈনিকদল তাহাদের সহায় হইয়াছিল। ইহারা রণক্ষেত্রে ইঙ্গরেজের পার্শ্বে স্ক্রকৌশলে রণনৈপুণ্য দেখাইয়া বিপক্ষদিগকে পরাজিত করিয়াছিল, এবং প্রকৃত যুদ্ধবীরের সম্মানিত পদে অধিষ্ঠিত হইয়া ইঙ্গরেজ গবর্নমেন্টের নিকটে গৌরবান্বিত হইয়াছিল। পূর্বে ইহাদের প্রভুভক্তি কখনও বিচলিত হয় নাই। গবর্নমেন্টও পূর্বে ইহাদিগকে কখনও সন্দেহভাবে চাহিয়া দেখেন নাই। ইহারা উপস্থিত সময়ে কোষাগাররক্ষার ভার গ্রহণ করিয়াছিল। দুইজন লোক ইহাদিগকে গবর্নমেন্টের বিরুদ্ধে উত্তেজিত করিবার প্রয়াস পাওয়াতে ইহারা তাহাদিগকে কর্তৃপক্ষের হস্তে সমর্পিত করে, এবং গবর্নমেন্টের পক্ষ সমর্থন জ্ঞান দিল্লীতে যাইতে উদ্যত হয়। এইজন্য ভারতের গবর্নর জেনারেল ইহাদের প্রভুভক্তির প্রশংসাবাদে বিমুগ্ধ হইলেন

ই। কিন্তু শেষে ঘটনাবৈশিষ্ট্যে ইহাদের বুদ্ধিবৈশিষ্ট্য ঘটে। যে সাহস হাদিগকে এক সময়ে গবর্ণমেন্টের অধিকারক্ষায় উত্তেজিত করিয়াছিল, ইহা সাহসই পরে ইহাদিগকে গবর্ণমেন্টের উচ্ছেদসাধনে উত্তেজিত করিয়া লে। গবর্ণমেন্টের পূর্বতন রাজনীতির দোষে ইহাদের সামরিক রীতি ধ্বংস হয় এবং ইহাদের প্রভুভক্তি ভয়াবহ বিপ্লবের অতল সাগরে মজ্জিত হইয়া যায়। ইহারা সহসা অল্পপরিগ্রহ পূর্বক ইন্ডরেজের কক্ষে দণ্ডায়মান হইয়া সমগ্র জনপদে গভীর অশঙ্কা ও আতঙ্কের রাজ্য স্তার করে। ইহাদের আক্রমণে ইন্ডরেজগণ নিহত হইলেন, ধনাগার লুণ্ঠিত হয়। অবশেষে ইহারা ছত্রভঙ্গ হইয়া চারিদিকে পলায়ন করে।

উক্ত সৈনিকদল ব্যতীত আর একদল সৈনিকপুরুষ এলাহাবাদে বসতি করিতেছিল। ইহারা দীর্ঘকায়, দীর্ঘশর, সাহসী ও প্রভুত-রত্নসম্পন্ন ছিল। লর্ড ডালহৌসী বিজয়লক্ষ সম্পত্তি বলিয়া পঞ্চসরিৎ-ধৌত যে রমণীর রাজ্য ব্রিটিশ কোম্পানির শাসনাধীন করেন, এই সকল সৈনিক পুরুষ সেই ইতিহাসপ্রসিদ্ধ, অপূর্ববীরত্বের বিষ্ফুরণক্ষেত্র রাজ্য হাতে সংগৃহীত হইয়াছিল। নয় বৎসর পূর্বে ইহারা স্বদেশের স্বাধীনতা-কার্থ ব্রিটিশ সৈন্তের সম্মুখীন হইয়া আপনাদের শুরত্বের একশেষ দেখা-দেখিয়াছিল। ইহাদের পরাক্রমে, ইহাদের রণনৈপুণ্যে ও ইহাদের অসীম সাহসে লিবল, ফিরোজসহর, সোত্রাওঁ ও চিনিয়াবালা যুদ্ধক্ষেত্রের কাহিনী পবিত্র চহাসে অক্ষয় অক্ষরে লিখিত রহিয়াছে। অবশেষে পরাজিত হইয়া এই ল বীরপুরুষ ব্রিটিশ পতাকার আশ্রয়ে মজ্জিত হয়। একসময় ইহারা পাদের পরাক্রম বিনষ্ট করিবার জন্ত সমরক্ষেত্রে শ্রেণীবদ্ধ হইয়াছিল, বর্জনশীল সময়ের অনন্ত মহিমার এখন তাহাদের পক্ষসমর্থনজন্তই আপনাদের মন উৎসর্গ করে।

১১ই মে উত্তেজিত সিপাহীদিগের আক্রমণে যখন মিরাতে ভয়ঙ্কর ও সংঘটিত হয়, তখন এলাহাবাদের ইউরোপীয়গণ নিরুদ্বেগে প্রচণ্ড গাধের সুদীর্ঘ দিনের সারস্তুন সময়ে শান্তিস্থ উপভোগ করিতেছিলেন। ই কেহ রমণীর বৃকবাটিকার প্রণয়িনী বা প্রিয়জন সমভিব্যাহারে গাইতেছিলেন। কেহ কেহ এতদেন্দীর্ঘ সৈনিক পুরুষদিগের শ্রান্তিস্থকর

বাদ্য শুনিয়া আপনাদের আমোদে আপনারাই পরিতৃপ্ত হইতেছিলেন। কেহ কেহ বা সমবয়স্কদিগের সহিত সঙ্গীত হইয়া বিবিধ ক্রীড়াকৌতুকে আমোদ উপভোগ করিতেছিলেন। সিপাহীদিগের সমুখানে মির্রাটের ইউরোপীয়গণ যখন প্রাণের দায়ে উদ্ভ্রান্ত হইয়া ইতস্ততঃ পলাইতেছিলেন, অনেকে বা নিদারুণ অজ্ঞাঘাতে নিহত হইতেছিলেন, তখন এই স্থানের ইউরোপীয়েরা আনন্দতরঙ্গে আন্দোলিত হইয়া স্মথের সাগরে ভাসিয়া বেড়াইতেছিলেন। অবিলম্বে তাঁহাদিগকেও যে, মির্রাটপ্রবাসী ইকুরেজদিগের দশাগ্রস্ত হইতে হইবে, এবং তাঁহাদের মস্তকের উপরে যে, অশনিপাত হইয়া ভয়ঙ্কর ঘটনার উৎপত্তি করিবে, তখন তাঁহারা স্বপ্নেও আঁহা ভাবেন নাই।

১১ই মে এইরূপে নিরুদ্বেগে অতিবাহিত হইল। ১২ই মে তাড়িত-বার্তাবহ মির্রাটের বার্তা মুহূর্ত্ত মধ্যে আনিয়া দিল। ১৪ই তারিখে ঘটনার আনুপূর্ব্বিক বিবরণ উপস্থিত হইল। ইউরোপীয়গণ বিশ্বয়ে ও ভয়ে অভিভূত হইয়া মুহূর্ত্তে মুহূর্ত্তে বিধ্বংসের বিভীষিকায় চমকিত হইতে লাগিলেন। বাজারে, পল্লীতে, সাধারণ লোকের মধ্যে এই বিষয় লইয়া আন্দোলন হইতে লাগিল। প্রত্যেকেই প্রত্যেক প্রতিবাসীর সহিত এই অশুভ বিষয় লইয়া আন্দোলন করিতে লাগিল। সর্বব্যাপী সঙ্গ্রাম সকলকেই সমভাবে অভিভূত করিয়া ফেলিল। ইউরোপীয়গণ যেমন প্রতিক্রমে আপনাদের সম্মুখে মৃত্যুর করাল ছায়া দেখিয়া স্তম্ভিত হইতে লাগিলেন, জনসাধারণও তেমনি আপনাদের জাতিনাশ, ধর্ম্মনাশের আশঙ্কা উদ্ভিন্ন হইয়া প্রতিক্রমে ভয়াবহ নরকের বিকটমূর্ত্তি দেখিতে লাগিল। ইহাদের সকলেরই দৃঢ় বিশ্বাস হইল যে, কোম্পানি সকলকেই আপনার ধর্মে দীক্ষিত করিতে কৃতসংকল্প হইয়াছেন। গবর্নমেন্ট অবশেষে প্রকাশ্য ঘোষণা পত্র দ্বারা সাধারণের বিশ্বাস দূর করিতে চেষ্টা পাইলেন। কোম্পানি যে কখন কাহারও জাতি বা ধর্ম্মের উপর হস্তক্ষেপ করেন না, সকলেই যে কোম্পানির স্বার্থে, নির্বিবাদে আপনাদের ধর্ম্মের অস্থলান রক্ষা করিয়া চলিতে পারেন, তাহা ঐ ঘোষণাপত্রে স্পষ্টাক্ষরে নির্দেশ করা হইল।

১৫ই মে সাধারণের উদ্বেগ ও আশঙ্কা এবং তৎপ্রযুক্ত গভীর উত্তেজনা

কিয়দংশে কমিরা গেল। কিন্তু সহসা বাজারে শস্তের মূল্যবৃদ্ধি হওয়াতে আশঙ্কা আবার বাড়িয়া উঠিল। ১৮ই তারিখে দিল্লীর সংবাদে জনসাধারণ অধিকতর উত্তেজিত হইয়া উঠিল। মিরাতের সিপাহীগণ দিল্লীতে উপস্থিত হইয়া সেই স্থান অধিকার করিয়াছে। দিল্লীর বাহাদুরশাহ সমগ্র হিন্দু-স্থানের সম্রাট্ বলিয়া ঘোষিত হইয়াছেন। মোগলের প্রসিদ্ধ রাজধানীতে আবার মোগল সম্রাটের ক্ষমতা ও আধিপত্য প্রতিষ্ঠিত হইয়াছে। এতদেখিয়া সৈনিক পুরুষগণ ইকরেজদিগকে দূরীভূত করিয়া আবার মোগল সম্রাটের মহামহিমায় খ্যাতি চারিদিকে বিস্তৃত করিতেছে। বাজারে বাজারে যখন এই সংবাদ প্রচারিত হইতে লাগিল, পল্লীতে পল্লীতে যখন এই কথা লইয়া আন্দোলন চলিতে লাগিল, তখন আর সাধারণে স্থির থাকিতে পারিল না। সিপাহীরাও চিন্তার আবর্ত হইতে পরিভ্রাণ পাইল না। তাহারা সকলেই গভীর উত্তেজনায় বিচলিত হইয়া উঠিল। এদিকে এলাহাবাদের ইউরোপীয়গণ আশ্রয়কার উদ্যোগ করিতে লাগিলেন। আর কোন বিষয়েই তাঁহাদের মনোযোগ রহিল না। কিরূপে দুর্গ নিরাপদ থাকিবে, কিরূপে ধনাগার রক্ষা পাইবে, আপনারা কিরূপে ভয়ঙ্কর শত্রুর আক্রমণে অক্ষত থাকিবেন, এখন ইহাই তাঁহাদের ভাবনার প্রধান বিষয় হইল।

প্রতিদিন দিল্লী হইতে নানা ছঃসংবাদ পঁহুঁহিতে লাগিল। ঐ ছঃসংবাদে নগরবাসী ইউরোপীয়গণ প্রতিদিন অধিকতর ভীত ও অধিকতর উদ্বেগ হইয়া উঠিতে লাগিলেন। ধনাগারের সমুদয় অর্থ দুর্গে লইয়া যাইবার প্রস্তাব হইল। কিন্তু কেহ কেহ ঐ প্রস্তাবের বিরুদ্ধে মত প্রকাশ করাতে অবশেষে উহা পরিত্যক্ত হইল। যে হেতু, দুর্গে টাকা রাখিলেই উত্তেজিত সিপাহীগণ সর্বপ্রথম ঐ টাকার লোভে দুর্গ অধিকার করিতে দলবদ্ধ হইবে। স্থানীয় ইউরোপীয়গণ সখের সৈনিক দলভুক্ত হইয়া নগর রক্ষার বন্দোবস্ত করিতে লাগিলেন। এ পর্যন্ত টেলিগ্রাফের তার পূর্বা-বন্ধার ছিল। সুতরাং নানা স্থান হইতে নানা সংবাদ যথাসময়ে পঁহুঁহিতে লাগিল। উত্তরপশ্চিম প্রদেশের সংবাদ বড়ই আশঙ্কাজনক হইয়াছিল। এদিকে ব্রিটিশ সাম্রাজ্যের রাজধানী কলিকাতার সংবাদ কিছুই ছিল না।

আশঙ্কায়, উদ্বেগে মে মাস এইরূপে অতিবাহিত হইল। জুন মাসের প্রথম কয়েকদিন যে সংবাদ আসিল, তাহাতে ইউরোপীয়দিগের উৎকণ্ঠা অধিকতর বাড়িয়া উঠিল। ৪ঠা জুন হইতে টেলিগ্রাফের তার অকর্মণ্য হইয়া পড়িল। আর তাহা হইতে কোন সংবাদ আসিল না। ঐ দিন অপরাহ্নে কতিপয় বার্তাবহ দ্রুতগতি আসিয়া ইউরোপীয়দিগকে সংবাদ দিল যে, বারাণসীর সিপাহীরা উত্তেজিত হইয়া আপনাদের সেনাপতিদিগকে আক্রমণ করিয়াছে। ঐ সকল সিপাহী একুণে তাহাদের অভিমুখে আসিতেছে। এখন স্থানীয় ইউরোপীয়দিগের সমক্ষে সঙ্কটময় কার্যক্ষেত্র প্রসারিত হইল। সকলে মুহূর্ত্ত মাত্রও বিলম্ব না করিয়া আত্মরক্ষার্থ প্রস্তুত হইল। নগরে যে সকল ইউরোপীয় ছিল, তাহারা এই জুন দুর্গে আসিয়া আশ্রয় লইল।

বারাণসী হইতে গঙ্গার অপর তট দিয়া এলাহাবাদ যাইবার পথ। এলাহাবাদে আসিতে হইলে, নগরের উপকণ্ঠবর্ত্তী দারাগঞ্জের সম্মুখে একটি নৌসেতু পার হইতে হয়। এলাহাবাদের মাজিষ্ট্রেট সাহেবের অমুরোধে, ৬গণিত সিপাহীদলের কতিপয় সৈনিক পুরুষ দুইটি কামান সহ ঐ সেতু রক্ষার জন্ত প্রেরিত হয়। এই সময়ে অযোধ্যার কতিপয় অস্বারোহী সৈন্য, সেতু ও সৈনিক নিবাসের মধ্যভাগে অবস্থিতি করে। এই সকল সিপাহী এ পর্যন্ত কোনরূপ উত্তেজনার চিহ্ন প্রকাশ করে নাই। মে মাসে যখন মিরার্টের সিপাহীরা ইউরোপীয়দিগের বিরুদ্ধে সমুথিত হয়, এবং দিল্লীতে গমন করিয়া বৃদ্ধ বাহাদুর তাহাকে সমগ্র ভারতের সম্রাট বলিয়া ঘোষণা করে, তখনও ইহাদের বাহুভঙ্গীতে কোনরূপ বিকারের লক্ষণ পরিস্ফুট হয় নাই। সেসময়ে ইহারা কোম্পানির বিরুদ্ধে অস্ত্র পরিগ্রহ করিবার পরামর্শ বা বড়বক্ত করে নাই, এবং সে সময়ে ইহাদের প্রভুভক্তির বিরুদ্ধেও কোন প্রমাণ পাওয়া যায় নাই। যখন মিরার্ট ও দিল্লীর সংবাদ এলাহাবাদে উপস্থিত হয়, তখনও সেনাপতিগণ ইহাদিগকে সর্বাংশে বিশ্বস্ত ও সর্বাংশে প্রভুভক্ত বলিয়া মনে করিয়াছিলেন। ফলতঃ, এলাহাবাদের সিপাহীরা বাহিরে কোনরূপ অসন্তোষের চিহ্ন প্রকাশ করে নাই, কিন্তু যখন তাহারা জানিতে পারিল যে, তাহাদের বারাণসীস্থিত স্বদেশীয়-

। ইউরোপীয়দিগের বিরুদ্ধে সমুখিত হইয়াছে, ইউরোপীয় সৈন্য-
হাদের অনেককে নিরস্ত্র ও নিহত করিয়াছে, তখন তাহাদের হৃদয় তরলারিত
য়া উঠিল। তাহারা ভাবিল সেনাপতি নীল বারাণসীতে যাহা করিয়া-
ন, এলাহাবাদে আসিয়া তাহাই করিবেন। বারাণসীর সিপাহীরা যেমন
লের হস্তে নিগৃহীত, নিপীড়িত ও নিহত হইয়াছে, এখানে তাহারাও সেই
শ ছুর্দশাগ্রস্ত হইবে। হয়ত, ইউরোপীয়দিগের সঙ্গীনে অথবা গুলিতে
হাদের ঐহিক জীবনের পরিসমাপ্তি ঘটবে। এইরূপ হুশিস্তায় তাহাদের
মতা অন্তর্হিত হইল। তাহারা ৬ই জুন সায়ংকালে এলাহাবাদের
রোপীয়দিগকে আক্রমণ করিতে কৃতসঙ্কল্প হইয়া উঠিল। তাহারা
বিষাছিল যে, তাহাদের বারাণসীস্থিত স্বদেশীয়গণ সম্ভবতঃ তাহাদের
কট উপস্থিত হইবে। সুতরাং তাহাদের নিশ্চেষ্ট থাকা উচিত নহে।
ইরূপে বারাণসীর স্ত্রায় এলাহাবাদেও সিপাহীরা ইঙ্গরেজের বিরুদ্ধে
ভেজিত হইয়া উঠিল এবং এইরূপে ৬ই জুন তাহারা ফিরিন্দীর
ণিতে আপনাদের সর্বপ্রকার আশঙ্কার চিহ্ন প্রকাশিত করিয়া ফেলিতে
বদ্ধ হইতে লাগিল।

সূর্য্য ধীরে ধীরে অস্তমিত হইল। এসময়েও উক্ত সিপাহীদল আপনাদের
স্ততা ও প্রভুত্বের পরিচয় দিতে কাতর হইল না। মে মাসের
ধাংশে যখন মিরাতের উত্তেজিত সিপাহীগণ দিল্লীর বাদশাহের নিকট
স্থিত হয়, এবং ইউরোপীয়দিগকে তাড়িত করিয়া, বৃদ্ধ মোগলকে
গ্র ভারতের সম্রাট বলিয়া সম্মানিত করে, তখন ইহারা একাগ্রতার
তে দিল্লীস্থিত বিপক্ষদিগের বিরুদ্ধে যুদ্ধ করিবার ইচ্ছা প্রকাশ করিয়া-
। অবিলম্বে এই বিষয় তাহারা কলিকাতায় লর্ড কানিংকে জানান
। গবর্নর জেনারল আবার তাহারা উক্ত সিপাহীদিগের প্রভুত্বের
গবর্নমেন্টের ধন্যবাদ বিজ্ঞাপিত করেন। এলাহাবাদের সৈন্যধ্যক্ষ-
৬ই জুন সূর্য্যাস্ত সময়ে কাওয়াজের ক্ষেত্রে উক্ত সিপাহী-
কে সমবেত করিয়া গবর্নমেন্টের ধন্যবাদের কথা জানাইতে ইচ্ছা
লেন। একান্ত যথাসময়ে কাওয়াজের প্রশস্ত ক্ষেত্রে সিপাহীরা
বত হইল। এ সময়ে তাহাদের ধীরতা ও প্রশান্তভাবে কোনরূপ

বৈলক্ষ্য দেখা যায় নাই। তাহাদের ধীরতা দেখিয়া সেনাপতিগণ স্তম্ভিত হইলেন। অবিলম্বে তাহাদের সম্মুখে গবর্ণর জেনারেলের যত্নবাদনির্ণয় গঠিত হইল। এলাহাবাদের কমিশনের সাহেব সৈন্যাদ্যক্ষের অধুরোধে এখানে উপস্থিত হইয়া হিন্দুস্থানীতে সিপাহীদিগের গভীর রাজভক্তি ও অটল বিশ্বস্ততার প্রশংসা করিলেন। সিপাহীরা এই বক্তৃতার অধিকতর প্রীত হইল এবং প্রীতিসহকারে আনন্দধ্বনি করিয়া বক্তার বক্তৃতার মর্যাদারক্ষা করিল। বক্তৃতা শেষ হইল। সিপাহীরা স্বস্থানে প্রতিনিবৃত্ত হইতে লাগিল। ইউরোপীয় সৈনিক কর্মচারিগণ তাহাদের ধীরতা ও বিশ্বস্ততার চিহ্ন দর্শনে স্তম্ভিত ও আশ্চর্য হইয়া, কেহ অস্বাভাবিকভাবে পদব্রজে ভোজনগৃহে যাইতে লাগিলেন। এই স্থানে আহারের জন্ত সকলে একত্র হইয়া ৬গণিত সিপাহীদের ব্যবহারে সন্তোষপ্রকাশ করিতে লাগিলেন। এই সময়ে একজন নৌসেতুর সম্মুখবর্তী কামানদ্বয় ছর্গে আনিবার প্রস্তাব করিলেন। এই প্রস্তাব অগ্রাহ্য হইল না অবিলম্বে কামান দুইটি ছর্গে লইয়া যাইবার আদেশ প্রচারিত হইল।

সৈনিক কর্মচারীরা ভোজনগৃহে সমবেত হইয়া নিরুদ্ধে ভোজ্য প্রস্তুত হইলেন। কয়েকটি অতি তরুণবয়স্ক ইন্ডিয়ান বালক ৬ গণিত সিপাহীদের মধ্যে সামরিক কার্য শিখিতে আদিষ্ট হইয়াছিল, ইহারাও নিরুদ্ধে অফিসরদিগের সহিত ভোজন করিতে লাগিল। ইহাদের কিশোর বয়সে উৎকল ভাব আবার জাগিয়া উঠিল। ইহারা গরীবসী জন্মভূমিতে স্নেহময়ী জননী পার্শ্বে থাকিয়া যে রূপ শান্তিস্বপ্ন অনুভব করিত, উপস্থিত সময়েও সেই রূপ শান্তিস্বপ্নে সৈনিক কর্মচারীদিগের মধ্যে উপবিষ্ট রহিল। এই রূপে বালক বৃদ্ধ, যুবক, সকলেই প্রশান্তভাবে সেই প্রশান্ত রজনীর স্নিগ্ধ সমীরসঞ্চালনে প্রকুল হইয়া ভোজনের সঙ্গে নানারূপ আলাপ করিতে লাগিল। সিবি কর্মচারীরাও ইহাদের স্নায় নিশ্চিন্ত মনে গৃহে প্রত্যাগত হইলেন, এবং নিরুদ্ধে ভোজনস্থলে আসনপরিগ্রহ করিলেন। এই রূপে ৬ই জুন রজনীসমাগমে এলাহাবাদের ইউরোপীয়দিগের মধ্যে অবিচ্ছিন্ন প্রশান্ত ভাব বিরাজ করিতে লাগিল। বাহারা পূর্ব রাত্রিতে ছর্গে যাইয়া নিদ্রিত হইয়াছিল, তাহারা ৬ই জুন গৃহে প্রত্যাগত হইল। মিরাত ৬ দিনী

সংবাদপ্রাপ্তির পর আর কোন দিন সাংকালে এলাহাবাদের ইউরোপীয়গণ এরূপ শান্তিসুখভোগ করেন নাই। কিন্তু রাত্রি প্রায় ৯ ঘটিকার সময়ে সহসা এই শান্তিসুখ তিরোহিত হইল। সহসা আশঙ্কাসূচক ভেরীধ্বনিতে এলাহাবাদের সমগ্র ইউরোপীয় সম্প্রদায় ভয়ে উদ্ভ্রান্ত হইয়া পড়িলেন। সেনাপতি সসম্মমে বাসগৃহে প্রত্যাগত হইয়া অশ্বারোহণে সৈনিকনিবাসে গমন করিলেন। অপরাপর ইউরোপীয় সৈনিক পুরুষও ভেরীধ্বনিতে তাড়াতাড়ি এই স্থানে উপস্থিত হইলেন। ৬গণিত বিশ্বস্ত সিপাহী-দলের সঙ্কল্প এত ক্ষণে কার্যে পরিষ্ফুট হইল। যাহারা ক্রমস্থায়ী বিশ্বস্ত-গায় সেনাপতির প্রীতির উৎপাদন করিয়াছিল, তাহারাই কর্তৃপক্ষের বচারদোষে বলবতী আশঙ্কায় বিচলিত হইয়া, এতক্ষণে আপনাদের বরনির্ধাতনস্পৃহা চরিতার্থ করিবার জন্ত অস্ত্রপরিগ্রহ করিল।

যে সকল সিপাহী নোসেতুরক্ষার জন্ত নিয়োজিত ছিল, তাহারাই সর্ব-প্রথম উত্তেজিত হইয়া ইঙ্গরেজের বিপক্ষতাচরণে প্রবৃত্ত হইল। তাহাদের নকটে দুইটি কামান ছিল, কর্তৃপক্ষ যখন ঐ দুইটি কামান দুর্গে লইয়া ইহার আদেশ দিলেন, তখন তাহারা উহা সহজে ছাড়িয়া দিল না। প্রাণসীতে কামানের গোলায় তাহাদের স্বদেশীয়দিগের কিরূপ সর্বনাশ টিয়াছিল, তাহা তাহাদের অবিদিত ছিল না। কামান স্থানান্তরিত হইলে যত, তাহাদের জীবন সঙ্কটাপন্ন হইবে, এই আশঙ্কায় তাহারা বিচলিত হইয়া উঠিল। গভীর আশঙ্কায়, বলবতী উত্তেজনায় তাহাদের আর দিগ্বিদিক্‌গান থাকিল না, তাহারা অধীরভাবে কামানরক্ষক ইউরোপীয় সৈনিক পুরুষকে আক্রমণ করিল। কামানরক্ষক অবিলম্বে আক্রমণকারী সিপাহী-দিগের ক্ষমতা পর্য্যুদস্ত করিবার জন্ত, অযোধ্যার অনিয়মিত সিপাহীদিগের ধ্যক্ষের সাহায্যপ্রার্থনা করিল। অধ্যক্ষ সাহায্যদানে বিলম্ব করিলেন না। গনি আপনার সৈন্তকে কামানরক্ষা করিতে আদেশ দিলেন। সিপাহীরা তাস্ত অনিচ্ছার সহিত এই আদেশপালনে উদ্যত হইল। ইহার মধ্যে কামানরক্ষক দুর্গে সংবাদ পাঠাইলেন। এই সময়ে সিপাহীদিগের ভয়ঙ্কর গলাহল, বন্দুকের গভীর শব্দ, সৈনিকনিবাস হইতে স্পষ্ট শ্রুতিগোচর হইতেছিল। কামানরক্ষক ও অযোধ্যার সৈনিকদলের অধিনায়ক যখন

অশ্বারোহণে যুদ্ধোন্মুখ সিপাহীদিগকে আক্রমণ করিলেন, তখন অযোধ্যার সিপাহীদিগের তিন জন মাত্র তাহাদের অনুবর্তী হইল। এতদ্ব্যতীত আর সকলেই উত্তেজিত সিপাহীদিগের পক্ষ অবলম্বন করিল। এই সময়ে চন্দ্রের স্নিগ্ধ কর-জালে চারিদিক উদ্ভাসিত হইয়াছিল। উত্তেজিত সিপাহীরা দলবদ্ধ হইয়া, সেই কোমুদীবিধৌত প্রশান্ত রজনীতে ইউরোপীয়দিগের শোণিত-পাতে অগ্রসর হইল। তাহাদের গুলির আঘাতে অযোধ্যার অনিয়মিত সৈনিক-দলের অধিনায়ক নিহত হইলেন। কামানরক্ষক সৈনিক পুরুষ প্রাণে প্রাণে পলায়ন করিল। এই ভয়ঙ্কর সময়ে অযোধ্যার কতিপয় সিপাহী আপনাদের প্রভুক্তির পরিচয় দিতে কাতর হয় নাই। তাহাদের স্বদেশীয়গণ যখন ফিরিঙ্গীর বিনাশে দলবদ্ধ হইয়াছিল, তখনও তাহারা বিশ্বস্ততা হইতে বিচ্যুত হয় নাই। তাহাদের ধীরতা ও প্রভুপরায়ণতা তখনও অটল ছিল; তাহারা নিহত অধিনায়কের দেহ স্বদেশীয়দিগের করাল আক্রমণ হইতে বিমুক্ত করিয়া, নিরাপদ স্থানে লইয়া গেল। কিন্তু ইহাতে অপরাপর সিপাহীদিগে উত্তেজনা নিবারিত হইল না। উত্তেজিত সিপাহীরা আপনাদের অভ্যুত্থান সংবাদ জানাইবার জন্ত সহযোগীদিগের নিকটে দুইজন লোক পাঠাইয়া দিল কথিত আছে, তাহারা এই বার্তাবিজ্ঞাপনের জন্ত ব্যোমধ্বনি করিয়াছিল এইরূপে সংবাদ দিয়া, তাহারা কামান লইয়া বিপুলবিক্রমে সৈনিকনিবাসে অভিমুখে অগ্রসর হইতে লাগিল। তাহাদের অধিনায়ক যখন অশ্বারোহী হইয়া কাওয়াজের প্রশস্ত ক্ষেত্রে আসিলেন, তখন সমগ্র সিপাহীদল প্রকাণ্ড ভাবে যুদ্ধোন্মুখ হইল।

কর্ণেল সিমসন্ কাওয়াজের ক্ষেত্রে সিপাহীদিগের মধ্যে উত্তেজনার চিহ্ন স্থূল দেখিতে পাইলেন। এ সময়ে কর্তা কর্তৃত্বপ্রকাশে সমর্থ হইলেন না পরিচালক আপনার অধীন লোকের পরিচালনে কৃতকার্য হইলেন না। অল্প লোকে পরিচালকের আনুগত্যস্বীকারে ইচ্ছা করিল না। কর্তার কর্তৃত্ব অল্পগতের আনুগত্য, পরস্পর বিরুদ্ধধর্মাক্রান্ত হইয়া উঠিল। ইউরোপী অধিনায়কেরা আপনাদের অধীন সৈনিক পুরুষদিগকে, যে আদেশ দি আর্গিলেন, সৈনিক পুরুষেরা সে আদেশপালনে বহুপ্রকাশ করিল না। সমাপতি সিমসন্ কাওয়াজের ভ্রমিতে কামান আনিবার কার্যবিস্তার

করিলেন । ছুইজন সিপাহী তাঁহার দিকে গুলি চালাইয়া, এই প্রস্তের যথোচিত উত্তর দিল । শিষ্টাচারে বা মিষ্ট কথায়, ক্ষমতায় বা সত্বপদেশে, সিপাহীদিগকে এখন বশীভূত করা অসাধ্য হইয়া উঠিল । উত্তেজনায় অধীর হইয়া সিপাহীরা প্রতি কথায় গুলি চালাইতে লাগিল, এবং আপনাদের অধিনায়কদিগকে কাওয়াজের ক্ষেত্রশায়ী করিবার জন্ত যুদ্ধের অয়োজন করিল । সেনাপতি হতাশ হইলেন, আত্মপ্রাধাত্তরক্ষার কোন উপায় না দেখিয়া, তিনি আর এক দিকে অশ্ব প্রধাবিত করিলেন । এই স্থানের কতিপয় সিপাহী সেনাপতির প্রতি সৌজন্তপ্রকাশে বিমুখ হইল না । তাহারা অস্ত্রপরিত্যাগ পূর্বক সিমসনের অধিষ্ঠিত অশ্বের চারিদিকে দণ্ডায়মান হইয়া, তাঁহাকে প্রাণরক্ষার জন্ত দুর্গে যাইতে কহিল । সেনাপতি আর একটি সৈনিক পুরুষের সহিত ধনাগার রক্ষার জন্ত গমন করিলেন । কিন্তু ধনাগারে যাইবার পথও সাতিশয় বিপদসঙ্কুল হইয়া উঠিল । সেনাপতি যেদিকে গমন করেন, সেই দিকেই অনবরত গুলিবৃষ্টি হইতে লাগিল । এই রূপে চতুর্দিকে গুলিবৃষ্টির মধ্যে সেনাপতি আপনার প্রাণ লইয়া বিব্রত হইলেন । বন্দুকের একটি গুলি তাঁহার টুপির পার্শ্বভাগ দিয়া চলিয়া গেল, সেনাপতি দুর্গের দিকে অশ্ব ধাবিত করিলেন । সিপাহীরা এই সময়েও তাঁহার দিকে গুলিবৃষ্টি করিতে নিরস্ত থাকিল না । ক্রমাগত কয়েকটি গুলিতে তাঁহার অধিষ্ঠিত অশ্ব আহত হইল । তেজস্বী বাহন এইরূপে আহত হইয়াও, আরোহীকে লইয়া, প্রবলবেগে দুর্গদ্বারে উপস্থিত হইল । সেনাপতি অধিষ্ঠিত অশ্বের দেহনিঃসৃত শোণিতে রঞ্জিত হইয়া, নিরাপদে দুর্গে আশ্রয় গ্রহণ করিলেন । তদীয় বাহন অপূর্ব তেজস্বিতার সহিত আরোহীর জীবন-রক্ষা করিয়াই দুর্গদ্বারে গতাসু হইল ।

সেনাপতি সিমসন দুর্গে পলায়ন করিলেও, সিপাহীরা নিরস্ত হইলনা । তাহারা যে সকল ইউরোপীয়কে দেখিতে পাইল, তাহাদিগকেই আক্রমণ করিতে লাগিল । অনেকে তাহাদের কঠোর হস্ত হইতে বিগুক্ত হইল, অনেকে পলায়ন করিতে না পারিয়া, তাহাদের ভীষণ অস্ত্রাঘাতে চিরনিদ্রিত হইয়া পড়িল । যে ৮টি বালক সমরবিভাগে কার্য করিবার জন্ত এতদ্দেশে আসিয়াছিল, তাহাদের ৭টি সিপাহীদিগের হস্তে নিহত হইল । অপরটি

সাংঘাতিকরূপে আহত হইয়াও নিকটবর্তী একটি গর্ভের মধ্যে আশ্রয়গোপন করিল। এই সময়ে ইহার বয়স ১৬ বৎসরের অধিক ছিল না। ষোড়শ-বর্ষীয় বালক নিদারুণ অস্ত্রাঘাতে নিপীড়িত হইয়া, চারি দিন সেই অপকৃষ্ট স্থানে লুকায়িত রহিল। তাহাদের স্বদেশীয়দিগের কেহই তাহার রক্ষার জন্ত সেই স্থানে উপস্থিত হইল না। যে সকল ইউরোপীয় ছুর্গে আশ্রয়গ্রহণ করিয়াছিলেন, তাহারা ছুর্গের বাহিরে কি হইতেছে, কিছুই জানিতেন না। আক্রমণকারী সিপাহীদিগের ভয়ে, তাহাদের কেহই বহির্ভাগে যাইতে সাহসী হইতেন না। আহত বালক এই রূপ অসহায় অবস্থায় চারি দিন সেই অনাবৃত স্থানে পড়িয়া রহিল। আহাৰ্য্য ও পানীয়ের অভাবে তাহার কণ্ঠের একশেষ হইতে লাগিল। নিদাঘের প্রচণ্ড উত্তাপময় দিন ও স্নানীতল রাত্রি তাহার মাথার উপর দিয়া যাইতে লাগিল। পঞ্চম দিবসে সিপাহীরা তাহাকে দেখিতে পাইয়া সরাইতে লইয়া আসিল। এই স্থানে আরও কতিপয় খ্রীষ্ট ধর্মাবলম্বী বন্দী ছিল। গোপীনাথনামক এক জন খ্রীষ্টধর্মাবলম্বী, আহত বালককে ক্ষুধায় ও তৃষ্ণায় নিরতিশয় কাতর দেখিয়া, আহাৰ্য্য ও পানীয় দিলেন। বালক উহা গ্রহণ করিল বটে, কিন্তু তাহার শান্তিলাভ হইল না। তাহার ক্ষত স্থান নিরতিশয় যন্ত্রণাদায়ক হইয়া উঠিল। ইহার মধ্যে কতিপয় উত্তেজিত মুসলমান আসিয়া গোপীনাথকে খ্রীষ্টধর্ম পরিত্যাগ পূর্বক ইসলাম ধর্মগ্রহণ করিতে কহিল। বালক ইহা শুনিতে পাইল এবং যাতনায় কাতর হইয়াও তেজস্বিতার সহিত উচ্চৈঃস্বরে কহিল, “পাদরি! পাদরি! আপনার ধর্ম্মে জলাঞ্জলি দিওনা।” এই তেজস্বী বালক পরিশেষে সিপাহীদিগের হস্ত হইতে বিমুক্ত ও ছুর্গে নীত হইয়াছিল। কিন্তু তাহার জীবনরক্ষা হয় নাই। অনাহারে ও অনাবৃত স্থানে পড়িয়া থাকাতে, তাহার জীবনীশক্তি বিলুপ্ত হয়। বালক ১৬ই জুন এলাহাবাদের ছুর্গে প্রাণত্যাগ করে।

ছুর্গে ৬ গণিত সিপাহীদিগের এক দল এবং অন্ত এক দল শিখসৈন্য অবস্থিতি করিতেছিল। যখন ইহারা ছুর্গের বাহিরে মুহুমুহুঃ বন্দুকধনি শুনিতে পাইল, তখন ভাবিল, বারাণসীর সিপাহীরা সৈনিকনিবাসে আসিয়াছে, এবং তাহাদের স্বদেশীয়েরা ঐ সকল সিপাহীর সহিত সম্মিলিত

হইয়াছে। কিন্তু যখন সেনাপতি সিম্‌সন্ অধিষ্ঠিত অশ্বের শোণিতে রঞ্জিত হইয়া দুর্গে প্রবিষ্ট হইলেন, তখন তাহাদের ধারণা অমূলক বলিয়া প্রতিপন্ন হইল। তখন তাহারা বারাণসীর সিপাহীদিগের উপস্থিতির সম্বন্ধে হতাশ হইয়া, দুর্গের বহিঃস্থ স্বদেশীয়দিগের পরিণামচিন্তা করিতে লাগিল। এদিকে সেনাপতি দুর্গে প্রবেশ করিয়াই ষষ্ঠ দলের সিপাহীদিগকে নিরস্ত করিতে উদ্যত হইলেন। শিখদিগের অধিনায়কের উপর নিরস্ত্রীকরণের ভার সমর্পিত হইল। এই অধিনায়ক পঞ্জাবের যুদ্ধে সর্বিশেষ প্রসিদ্ধিলাভ করিয়াছিলেন। তিনি শিখদিগকে এই অশ্রীতিকর কার্যসাধনে নিয়োজিত করিতে বিমুখ হইলেন না। এই সময়ে সিপাহীরা দুর্গের সদর দরজার রক্ষা করিতেছিল, যখন সৈনিকনিবাসের দিকে বারংবার বন্দুকের শব্দ হইল, তখন ইহারা আপনাদের বন্দুক গুলিপূর্ণ করিয়া বিপক্ষদিগকে নিরস্ত্র করিবার জন্ত প্রস্তুত হইয়াছিল। যদি শিখসৈন্য ইহাদের সহিত সম্মিলিত হইত, তাহা হইলে দুর্গস্থিত ইউরোপীয়েরা সহসা এই সম্মিলিত সৈন্যের ক্ষমতা পর্য্যদস্ত করিতে সমর্থ হইতেন না। অধিকন্তু যদি ধনাগারের অর্থরাশি দুর্গে আনীত হইত, তাহা হইলেও সৈনিকনিবাসের উত্তেজিত সিপাহী ও নগরের দুর্বৃত্ত জনসাধারণ সম্ভবতঃ দুর্গ আক্রমণ করিত, এরূপ হইলেও দুর্গস্থিত ইউরোপীয়দিগের ক্ষমতা বিনষ্ট হইত। যত এলাহাবাদ ইঙ্গরেজের হস্ত হইতে স্থলিত হইয়া পড়িত। কিন্তু দুর্গস্থিত পঞ্জাবী সৈনিক পুরুষেরা হিন্দুস্থানী সৈনিক পুরুষদিগের সহিত সম্মিলিত হইল না। ধনাগারের অর্থ দুর্গে সমানীত হইয়া, প্রলুব্ধ জনসাধারণকে দুর্গাক্রমণে উত্তেজিত করিল না। দুর্গের যেখানে সিপাহীরা গুলিপূর্ণ বন্দুক হস্তে করিয়া দণ্ডায়মান ছিল, সেই স্থানে সশস্ত্র সৈন্যেরা আসিয়া দাঁড়াইল। তাহাদের পুরোভাগে চূনার হইতে আগত সৈন্য স্থাপিত হইল। অদূরে স্বেচ্ছাপ্রবৃত্ত সৈনিকদলের ইউরোপীয় সৈন্য অস্ত্রশস্ত্রে সজ্জিত হইয়া, সন্নিবেশিত রহিল। কামানরক্ষক ইঙ্গরেজ সৈনিকপুরুষেরা প্রজ্জলিত বর্ধিকা হস্তে করিয়া কামানের পার্শ্বে অবস্থিতি করিতে লাগিল। কিন্তু দুর্গের হিন্দুস্থানী সিপাহীরা সে সময়ে কোনরূপ অবাধ্যতা কোনরূপ উত্তেজনার চিহ্ন দেখাইল না। তাহারা অধিনায়কের

আদেশে ক্ষুব্ধমনে অস্ত্রপরিচ্যোগ পূর্বক স্তূপাকৃতি করিয়া রাখিল, এবং দুর্গ হইতে নিষ্কাশিত হইয়া, তাহাদের স্বদেশীয়দিগের সহিত সন্মিলিত হইল ।

এলাহাবাদের দুর্গে বিবিধ অস্ত্রশস্ত্র সজ্জিত ছিল, যদি দুর্গ ইঙ্গরেজের অধিকারচ্যুত হইত, তাহা হইলে ঐ সকল অস্ত্রশস্ত্র সিপাহীদিগের হস্তগত হইয়া, নিঃসন্দেহ তাহাদের বলবৃদ্ধি করিত । একটি কামানরক্ষক সৈনিক পুরুষ ইহা ভাবিয়া, দুর্গের বারুদাগারে অগ্নিসংযোগ করিতে কৃতসঙ্কল্প হয় । কাপ্তেন উইলোবি, যেরূপে দিল্লীর প্রকাণ্ড বারুদাগার নষ্ট করিয়াছিলেন, তাহা এই সৈনিকপুরুষের অবিদিত ছিল না । গুরুতর বিপদ উপস্থিত হইলে, উক্ত সৈনিক পুরুষ উইলোবির প্রবর্তিত পথের অনুসরণ পূর্বক, দুর্গের বারুদাগারের সহিত সমস্ত অস্ত্রশস্ত্র ভস্মীভূত করিয়া ফেলিবার বন্দোবস্ত করে । কিন্তু বিনা গোলযোগে সিপাহীরা নিরস্ত্রীকৃত ও দুর্গ হইতে নিষ্কাশিত হইল, দুর্গে ইঙ্গরেজের পতাকা পূর্ববৎ উড়িতে লাগিল, কামানরক্ষক সৈনিক পুরুষ যে দুষ্কর কার্যসাধনের সঙ্কল্প করিয়াছিলেন, সে কার্য আর অনুষ্ঠিত হইল না । দুর্গের বারুদাগার, অস্ত্রাগার, সমস্তই পূর্ববৎ রহিল ।

এলাহাবাদের ষষ্ঠ দলের সিপাহীদিগের অভ্যুত্থানের ইতিহাস এইরূপ । এই ইতিহাসে সিপাহীদিগের একতা ও পরস্পর একীভূতভাবে কার্য করিবার ক্ষমতার একান্ত অভাব দৃষ্ট হয় । যখন নৌসেতুর সম্মুখে সিপাহীরা প্রকাশ্যভাবে যুদ্ধোন্মুখ হয়, এবং কামানসহ সৈনিকনিবাসে উপস্থিত হইয়া, ইউরোপীয় সৈনিক পুরুষদিগকে আক্রমণ করে, তখন দুর্গস্থিত সিপাহীরা তাহাদের কার্যপ্রণালীর সম্বন্ধে কোন বিষয় সম্যক বুঝিয়া উঠিতে পারে নাই । তাহারা অদূরে বন্দুকের শব্দ শুনিয়া ভাবিতেছিল যারাণসীর সিপাহীরা প্রবলপরাক্রমে তাহাদের সহিত সন্মিলিত হইবার জন্য অগ্রসর হইতেছে । তখন তাহারা কোন নির্দিষ্ট প্রণালীতে কার্য করিবার জন্য একীভূত হয় নাই । দুর্গের বাহিরে তাহাদের স্বদেশীয়গণও তাহাদিগকে একসময়ে কার্যক্ষেত্রে অবতীর্ণ হইবার জন্য কোনরূপ সঙ্কেত করে নাই । যখন সেনাপতি সিমসন্ রক্তাক্তদেহে দুর্গে প্রবেশ করিলেন, তখন তাহারা উৎসে উদ্ভ্রান্ত হইল । সেনাপতি দুর্গে উপস্থিত

হইয়াই, তাহাদিগকে নিরস্ত্রীকৃত করিবার প্রস্তাব করিলেন । এই প্রস্তাব যখন কার্যে পরিণত হয়, তখন শিখেরা নিরস্ত্রীকৃত সিপাহীদিগের একসমর্থনে উদ্যত হয় নাই । যদি একসময়ে দুর্গের বহিঃস্থ সিপাহীরা সনিকনিবাসে ইউরোপীয়দিগকে আক্রমণ করিত, এবং দুর্গস্থিত সিপাহী ও শিখেরা পরস্পরসম্মিলিত হইয়া, দুর্গের ইউরোপীয়দিগের ক্ষমতাবিনাশে উদ্যত হইত, তাহা হইলে এলাহাবাদে ভয়ঙ্কর বিপ্লবের গতিরোধ হইত, ইঙ্গরেজের দুঃসাধ্য হইয়া উঠিত । হয় ত বিবিধ অস্ত্রশস্ত্রপূর্ণ দুর্গ সিপাহীদিগের হস্তগত হইত, এবং গঙ্গাযমুনার সঙ্গমস্থলে সিপাহীদিগের প্রাধান্ত পরিকীর্ণিত হইতে থাকিত । এইরূপে সুদক্ষ পরিচালক ও সুশৃঙ্খল কার্যপ্রণালীর অভাবে, এলাহাবাদে সিপাহীদিগের সমুখান গোলযোগপূর্ণ হইয়াছে । সিপাহীযুদ্ধের ইতিহাসের প্রায় সকল স্থানেই এইরূপ গোলযোগ দেখিতে পাওয়া যায় । কিন্তু সামরিক নীতির অংশে সিপাহীযুদ্ধের ইতিহাসে এলাহাবাদের সিপাহীদিগের এইরূপ বিশৃঙ্খল সমুখানই অধিক প্রসিদ্ধ । যেহেতু, এই সমুখানের অব্যবহিত পরবর্তী ঘটনাও উক্তরূপ বিশৃঙ্খল হইয়া উঠে । মূল বিষয় যেরূপ শৃঙ্খলার অভাবে ব্যর্থ হয়, তৎপ্রসূত ঘটনাবলীও সেইরূপ শৃঙ্খলার অভাবে বিফল হইয়া যায় । সিপাহীদিগের সমুখানের অব্যবহিত পরেই, প্রায় সমগ্র নগর কোম্পানির বিরুদ্ধ পক্ষ অবলম্বন করে । নগরের প্রান্তবর্তী ভূভাগেও ঐরূপ উত্তেজনার গতিবিস্তার হয় । দেখিতে দেখিতে সুদূরবর্তী কৃষকপল্লীসমূহও সংস্কৃত হইয়া উঠে । যদি এই সার্বজনীন সমুখানের কার্যপ্রণালী বিশিষ্ট যোগ্যতা সহকারে অবধারিত ও বিশিষ্ট নৈপুণ্যসহকারে পরিচালিত হইত, এবং যদি সমগ্র জনসাধারণ একবিধ মন্ত্রণায় সম্বন্ধ হইয়া, একবিধ উদ্দেশ্যসিদ্ধির জন্ত একীভূতভাবে কার্যক্ষেত্রে প্রবেশ করিত, তাহা হইলে, বোধ হয়, ইঙ্গরেজ হইয়া এই সমুখান নিবারিত করিতে সমর্থ হইতেন না, এবং সহসা আপনাদের প্রাধান্তপ্রতিষ্ঠার কৃতকার্য হইতে পারিতেন না । কিন্তু এই সর্বব্যাপী সমুখানের কোন অংশেও একতা বা শৃঙ্খলার চিহ্ন রহিল না । প্রত্যেকেই স্বাধীন হইয়া অসঙ্কচিতভাবে স্বাধীনতার অপব্যবহারে উদ্যত হইল । কেহ কাহারও মতানুবর্তী হইল না । কেহ কাহারও প্রাধান্তস্বীকারে ইচ্ছা

করিল না। কেহ কাহারও সহিত উদ্দেশ্যসিদ্ধির মন্ত্রণা করিতে আগ্রহ দেখাইল না। সকলেই স্বপ্রধান, সকলেই স্বমতামুবর্তী ও সকলেই স্বাভীষ্ট-সিদ্ধিপরায়াণ হইয়া, অবিচ্ছেদে ভয়াবহ কার্যের অনুষ্ঠান করিতে লাগিল। কোথাও শৃঙ্খলা, প্রাধান্ত বা কর্তৃত্বের সম্মান রহিল না। সর্বত্রই শৃঙ্খলার অভাব ও স্বেচ্ছাচারের প্রবলতা পরিদৃষ্ট হইতে লাগিল।

ভারতবর্ষের প্রধান প্রধান নগরের মধ্যে এলাহাবাদের স্থায় কোন নগরই বিভিন্ন জাতির জনগণে অধ্যুষিত ছিল না। এই স্থানে যেরূপ হিন্দুর প্রাধান্ত ছিল, সেইরূপ মুসলমানেরও ক্ষমতার চিহ্ন পরিদৃষ্ট হইতেছিল। এলাহাবাদের বহুসংখ্য মুসলমান এক সময়ে দিল্লীর মোগল সম্রাটের প্রতিপালিত ও অনুগৃহীত ছিলেন। ইহাদের পূর্বতন সুখসৌভাগ্যের বিষয় এখনও ইহাদের স্মৃতিপটে জাগরুক ছিল। মোগলসাম্রাজ্যের উন্নতির সময়ে ইহারা যেরূপ ক্ষমতাশালী ও সৌভাগ্যশালী ছিলেন, সেই রূপ ক্ষমতা ও সেইরূপ সৌভাগ্যের অধিকারী হইতে এখনও ইহাদের যশবতী বাসনা ছিল। সুতরাং ইহারা ইঙ্গরেজের প্রাধান্তে তাদৃশ সন্তুষ্ট ছিলেন না। যখন এলাহাবাদে সিপাহীরা উত্তেজিত হইয়া উঠে, তখন ইহারাও সেই উত্তেজনার তরঙ্গে ভাসমান হইয়া, আপনাদের প্রপঞ্চ গৌরবের পুনরাবির্ভাব হইল বলিয়া মনে করিতে থাকেন। কিন্তু ইহাদের মধ্যেও শৃঙ্খলা বা কার্যপ্রণালীর একতা রহিল না। ইহারা মোহিনী কল্পনা বিমুগ্ধ হইয়া, আপনাদের মানসপটে যে সুখময় চিত্র অঙ্কিত করিতে ছিলেন, সেই চিত্রের সম্মোহন ভাবে ইহাদের ধীরতার বিপর্যয় ঘটিল। ইহারা ভবিষ্যতের দিকে দৃষ্টিপাত না করিয়া, বর্তমানের বিশৃঙ্খল কার্য-পরম্পরায় সমবেদনা দেখাইতে ক্রটি করিলেন না। ইউরোপীয়েরা যখন ছর্গে আত্মরক্ষায় তৎপর ছিলেন, তখন সমগ্র নগরে ও নগরের উপকণ্ঠ বর্তী সমগ্র ভূখণ্ডে বিষম গোলযোগের সূত্রপাত হইল। ৬ই জুনো মনস্ত রাত্রি, অবিচ্ছেদে বিলুপ্ত ও বিধ্বংসের শ্রোত প্রবাহিত হইতে লাগিল। কারাগারের দ্বার ভগ্ন হইল, কয়েদীরা মুক্তিলাভ করিল। শৃঙ্খলাবদ্ধ কয়েদীগণ আপনাদের সেই অপূর্ব আভরণ উন্মোচিত না করিয়াই, লুণ্ঠনাশায় ইতস্ততঃ প্রধাবিত হইতে লাগিল। উত্তেজিত জন

সাধারণের অধিকাংশই, ইউরোপীয়দিগের গৃহাভিযুখে ধাবমান হইল। পথে তাহারা যে ইউরোপীয় বা ইউরেশীয়কে দেখিতে পাইল, তাহার প্রতিই অস্ত্রচালনা করিতে লাগিল। খ্রীষ্টধর্মাবলম্বীদিগের গৃহ বিলুপ্ত ও ভস্মীভূত হইল। গভীর নিশীথে ভয়ঙ্করী অনলশিখা দ্বিগুণ উজ্জ্বল হইয়া উঠিল। ছুর্গস্থিত ইউরোপীয়েরা দূর হইতে এই অগ্নিশিখা দেখিয়া বুঝিতে পারিলেন যে, তাহাদের মনোরম্য আবাসগৃহসকল অবিলম্বে ভস্মস্তূপে পরিণত হইবে। খ্রীষ্টধর্মাবলম্বীদিগের দোকান সকল বিলুপ্ত হইল। রেলওয়ের কারখানা বিনষ্ট ও টেলিগ্রাফের তার ছিন্ন হইয়া গেল। ছুর্গের বাহিরে যে সকল ইউরোপীয় ছিল, তাহাদের প্রায় কেহই নিষ্কৃতিলাভে সমর্থ হইল না। উত্তেজিত লোকে সম্পত্তিলুপ্তনে ও ফিরিন্দীহননে দৃঢ়প্রতিজ্ঞ হইয়াছিল। তাহারা এখন সর্বান্তঃকরণে সেই প্রতিজ্ঞা-পালন করিতে লাগিল। সিপাহীরা এক দিন পূর্বে তাহাদের প্রাধান্ত-রক্ষার প্রধান অবলম্বনস্বরূপ ছিল, এখন তাহারা সেই প্রাধান্তনাশে উদ্যত হইল। কোম্পানির সৈনিকদলের যে সকল সিপাহী পেন্সনভোগী হইয়া জীবনের শেষভাগ শান্তিস্থখে অতিবাহিত করিতেছিল, কথিত আছে, তাহারাও এই সময়ে তাহাদের উত্তেজিত স্বদেশীয়দিগের সহিত সম্মিলিত হইতে বিমুখ হয় নাই*। তাহাদের যৌবনের কার্যপটুতা অন্তর্হিত হইয়াছিল, পার্জিক্যের আবির্ভাবে বল ও বিক্রম বিলুপ্ত হইয়া গিয়াছিল, তথাপি তাহারা উত্তেজনার গতিবিস্তারে বিমুখ হইল না। তাহাদের পরামর্শে অনেকে ময়ূর কার্যের অনুষ্ঠান করিতে লাগিল। এইরূপে বৃদ্ধের পরামর্শে, বৃদ্ধের পরাক্রমে, সমগ্র এলাহাবাদ ভীষণভাবে রক্তভূমি হইয়া উঠিল। রাজকীয় শাসন কিছুকালের জন্ত বিলুপ্ত হইল; অরাজকতা কিছুকালের জন্ত গর্ভাবে বিকাশ পাইল; এবং অর্ধচন্দ্রশোভিত সবুজ পতাকা কিছুকালের জন্ত কোতোয়ালীতে উড্ডীন হইয়া, মোগলের প্রাধান্তঘোষণা করিতে লাগিল। উত্তেজিত লোকে কেবল ইউরোপীয় ও ফিরিন্দীদিগের বিরুদ্ধে সম্মুখিত হয় নাই। এলাহাবাদের অনেক বাঙ্গালী শাস্তভাবে কালান্তিপাত করিতে-

* *Kaye, Sepoy War. Vol. II. p. 257, Note.*

ছিলেন, পবিত্র প্রয়াগে, পবিত্র গঙ্গাঘাটের সঙ্গমস্থলে, বাস করিয়া, ইহারা পুণ্যসঞ্চয় ও শারীরিক স্বাস্থ্যবর্দ্ধনের আশা করিতেছিলেন। দুরাগত অনেক বাঙ্গালীও শ্রোতস্বতীসঙ্গে অবগাহন করিবার জন্ত, এই স্থানে আসিয়াছিলেন। উত্তেজিত জনসাধারণের সহিত ইহাদের কোনরূপ সমবেদনা ছিল না। কোম্পানির রাজ্যবিনাশার্থেও ইহারা কাহারও পরামর্শ পরিচালিত হইতেন না। ইহারা নিরীহভাবে আপনাদের কার্যে ব্যাপৃত থাকিতেন, এবং কোম্পানির অধিকারে আপনাদের ধনপ্রাণ নিরাপদ রহিয়াছে ভাবিয়া, নিরুদ্বেগে ধর্ম্মাচরণে মনোনিবেশ করিতেন। নগরের দুর্ব্বল লোকে এখন এই শান্তস্বভাব অধিবাসীদিগকে আক্রমণ করিল। এইরূপে আক্রান্ত হইয়া, বাঙ্গালীরা চারিদিকে বিধ্বংসের বিকট ভাব দেখিতে লাগিলেন। তাঁহাদের সম্পত্তি অধিকৃত হইল, তাঁহাদের জীবন-সঙ্কটাপন্ন হইয়া উঠিল, এবং তাঁহাদের আবাসগৃহে মুহুমূহুঃ ভয়াবহ কোলাহল ও কাতরকণ্ঠনিঃসৃত করুণরোদনধ্বনিতে পরিপূর্ণ হইতে লাগিল। বাঙ্গালীগণ অবশেষে উত্তেজিত জনসাধারণের প্রাধাত্মস্বীকার করিয়া, এতদপথপূর্ব্বক আপনাদিগকে বৃদ্ধ মোগলের অধীন বলিয়া উপস্থিত বিপদ হইতে বিমুক্ত হইলেন। এইরূপে আসন্ন বিপদ হইতে নিষ্কৃতিলাভ করিয়া তাঁহারা আত্মরক্ষায় যত্নশীল হইলেন। তাঁহারা দুর্গস্থিত ইঙ্গরেজদিগের সহিত এই বিষয়ের পরামর্শ করিতে লাগিলেন, সে সময়ে ইউরোপীয়েরা আপনাদিগকে লইয়াই বিব্রত ছিলেন, এবং আপনাদের জীবনের জন্তই অপরের নিকা সাহায্যের আশা করিতেছিলেন, সুতরাং তাঁহারা কোনরূপ সাহায্যদানে সম্মত হইলেন না। বাঙ্গালীরা অতঃপর এক জন সমৃদ্ধিপন্ন হিন্দুস্থানীর সাহায্যে আপনাদিগকে রক্ষা করিবার জন্ত সশস্ত্র সৈনিকদল সংগঠিত করিলেন।

ধনাগারবিলুপ্তন, উত্তেজিত সিপাহীদিগের ও জনসাধারণের প্রধান উদ্দেশ্য ছিল। কিন্তু ৬ই জুন ইহারা ধনাগারের অর্থরাশি স্পর্শ করে নাই। কেহ কেহ প্রস্তাব করিয়াছিল যে, এই অর্থ সাম্রাজ্যরক্ষার জরুরীতে লইয়া গিয়া বৃদ্ধ মোগলকে দেওয়া হইবে। স্বাধীনতামূলক জাতীয় ভাবে অনুপ্রাণিত হইয়া, কেহই সে সময়ে ধনাগারের এক কপর্দকও গ্রহণ করে নাই। সমস্তই কোম্পানির শাসনপ্রণালীর উচ্ছেদ

দিল্লীর মোগল সম্রাটের নামে রাখা হইয়াছিল। কিন্তু ৭ই জুন প্রাতঃকালে গণিত সিপাহীদের কাওয়াজের ক্ষেত্রে সমবেত হইয়া, এই প্রস্তাবে বন্ধুত্বে মতপ্রকাশ করিল। অনন্তর ঐ দিন বেলা দুই প্রহরের পর তাহারা ধনাগারে উপস্থিত হইল, সবলে দ্বার উদ্বাটিত করিল, এবং মুদ্রাপূর্ণ লিফাসকল সংগ্রহ করিতে লাগিল। সিপাহীদের যেরূপ যত পারিল, সেই যত খলিয়া লইয়া চলিয়া গেল। অবশিষ্ট অর্থ ছর্ব্বস্ত লোকে লুণ্ঠিয়া লইল। বখিত আছে, এইসময়ে এলাহাবাদের ধনাগারে ত্রিশ লক্ষ টাকা ছিল। সিপাহীরা প্রত্যেকে ৩।৪ টি খলিয়া লইয়া যায়। প্রতি খলিয়ায় এক এক হাজার টাকা ছিল। সিপাহীরা এই রূপ অর্থলাভে সন্তুষ্ট হইয়া, আপনাদের আবাসপল্লীতে গমন করিল, কিন্তু নগর ও উহার পার্শ্ববর্তী স্থান নিরূপদ্রব হইল না। কোম্পানির মুন্স্ক বিনষ্ট হইল ভাবিয়া, ধনলুন্ঠ ছর্ব্বস্ত লোকে বাধে অত্যাচারের পরাকাষ্ঠা দেখাইতে লাগিল। শ্বেত পুরুষদিগকে লায়িত দেখিয়া, তাহাদের সাহস অধিকতর বর্দ্ধিত হইল। তাহারা বর্দ্ধিত-সাহসে ও অসঙ্কুচিতভাবে অরাজকতার প্রশ্রয়বৃদ্ধি করিতে লাগিল।

নগরের বিপ্লব দেখিতে দেখিতে সূদূরবর্তী পল্লীসমূহে সংক্রান্ত হইল। সকল তালুকদার ইঞ্জরেজের আদালতে আপনাদের ভূসম্পত্তি হইতে চ্যুত হইয়াছিলেন, তাহারা এসময়ে নিরীহ কৃষাদিগকে উত্তেজিত করিতেও কুণ্ঠিত হইলেন না। গঙ্গায়মূনার মধ্যবর্তী ভূখণ্ডে মুসলমান স্বামিগণেরই প্রাধান্য ছিল। ইহারা ভারতের ব্রিটিশ শাসনকর্তার পক্ষে মোগলকে প্রতিষ্ঠিত দেখিতে অনিচ্ছু ছিলেন না। গঙ্গায়মূনার পার্শ্ববর্তী পল্লীসমূহে ব্রাহ্মণ্যধর্ম্মেরও প্রাচুর্য্য ছিল। এই ধর্ম্মাবলম্বীদিগের কেহ কেহ পস্থিত বিপ্লবে কোন পক্ষ অবলম্বন করিলেন না। কোম্পানির ক্ষমতাপ্রাপ্তির অন্ত উত্তেজিত সিপাহীদের সহিত সম্মিলিত হইতে ইহাদের ইচ্ছা হইল না। ইহারা কোন পক্ষের সমর্থন না করিয়া, আত্মরক্ষার উপায় দেখিতে লাগিলেন। কেহ কেহ বা ইঞ্জরেজের প্রাধান্যনাশের সহিত আপনাদের ক্ষমতা ও সমৃদ্ধিবৃদ্ধির স্বপ্ন দেখিয়া, আপনাই বিমুক্ত হইতে চাহিলেন। সুতরাং চিরপ্রসিদ্ধ গঙ্গায়মূনার দোয়াবের অনেকস্থলে কোম্পানির শাসনপ্রণালী, কোম্পানির বিধিব্যবস্থা ও কোম্পানির

প্রাধান্য কিছু দিনের জন্য অন্তর্হিত হইল। কিছু দিন পরে বিলুপ্ত ও বিধ্বংসের কার্য শেষ হইল। দুর্বৃত্ত জনসাধারণ বলবতী লালমার আর কোন বিষয় না পাইয়া, কিছু দিন পরে ইতস্ততঃ ঘুরিয়া বেড়াইতে লাগিল, কিন্তু ইহাতেও অরাজকতার শান্তি হইল না। ভয়াবহ বিপ্লবের উচ্ছ্বল কার্যাবলী এখন প্রকৃষ্ট পদ্ধতিক্রমে ও ধারাবাহিকরূপে অনুষ্ঠিত হইতে লাগিল। জনসাধারণের হৃদয় যখন উত্তেজিত হয়, আত্মকমতা, আত্মপ্রভুত্ব বা আত্মধর্মের প্রাধান্যস্থাপনের ইচ্ছা, যখন সাধারণের মধ্যে বলবতী হইয়া উঠে, বিপ্লব যখন মুহূর্তে মুহূর্তে ভীষণভাবে পরিগ্রহ করিয়া, সর্বত্র বিস্তৃত হইয়া পড়ে, তখন সাধারণকে অধিকতর উত্তেজিত করিবার, সাধারণের হৃদয়গত অভিলাষ অধিকতর প্রবল করিবার বা সর্বব্যাপী বিপ্লব অধিকতর ভীষণভাবে পরিণত করিবার জন্য লোকের অভাব হয় না। উপস্থিত স্থলেও এইরূপ লোকের আবির্ভাবে বিলম্ব হইল না। গঙ্গা ও যমুনার মধ্যবর্তী ভূখণ্ডে একটি মুসলমানপল্লীতে একজন মৌলবী ছিলেন। ইনি এলাহাবাদের খসরুবাগে আসিয়া বাস করেন। এই উদ্যান প্রাচীরে পরিবেষ্টিত ও কতিপয় সমাধিস্থানের জন্য মুসলমানদিগের মধ্যে পবিত্র বলিয়া পরিগণিত ছিল। মৌলবী এই পবিত্র উদ্যানে বাস করিয়া আপনাকে অসীম ক্ষমতার অধিকারী ধর্মনিষ্ঠ, সাধু পুরুষ বলিয়া ঘোষণা করিলেন। অনেক কৌতূহলগণ মুসলমান তাঁহার শিষ্যশ্রেণীতে নিবিষ্ট হইল। বিপ্লবের সময়ে মৌলবী যখন উত্তেজিত জনসাধারণের মধ্যে গভীর স্বরে দিল্লীর বৃহৎ মোগলের প্রাধান্য পুনঃপ্রতিষ্ঠিত হইল বলিয়া, ঘোষণা করিলেন, তখন সকলে আগ্রহসহকারে তাঁহার কথা শুনিতে লাগিল। মৌলবী তদানীন্তন উদ্দীপনাময়ী বক্তৃতায়, মুসলমানেরা স্থির থাকিতে পারিল না তাহারা ফিরিঙ্গীর শোণিতে আপনাদের বিদ্রোহানল নির্বাপিত করিবার মানতে দলবদ্ধ হইল। মৌলবীর কথায় তাঁহাদের দৃঢ় বিশ্বাস হইল যে, ইঙ্গুরাজ্যশাসনের পরিসমাপ্তি হইয়াছে। মোগল সম্রাট পুনর্বার সমগ্র ভারতের অধীশ্বর হইয়াছেন। দিল্লীতে তাঁহার প্রাধান্য ঘোষিত হইয়াছে। এলাহাবাদে তাঁহার অর্ধচন্দ্রশোভিত পতাকা উদ্ভূত হইতেছে। দিল্লীতে ফিরিঙ্গীর নিঃ

ইয়াছে। এলাহাবাদেরও কেহ কেহ নিহত হইয়াছে, কেহ কেহ বা দুর্গমস্থানে আশ্রয়গোপন করিয়াছে। সুতরাং মোগলের সর্বব্যাপী আধিপত্য অরিসংবাদিতরূপে বন্ধমূল হইয়াছে। উত্তেজিত মুসলমানসম্প্রদায় এইরূপে আপনাদের ক্রমান্বয়ে আপনাই বিমুক্ত হইতে লাগিল। তাহাদের মৌলবী এলাহাবাদের শাসনকর্তার সম্মানিত পদে অধিষ্ঠিত হইলেন। তাঁহার আদেশানুসারে এলাহাবাদের শাসনকার্য সম্পন্ন হইতে লাগিল। তাঁহার নাম ও গুণাবলী মহম্মদের শিষ্যবর্গের মুখে পরিকীর্ণিত হইতে লাগিল। তাঁহার কথায় মুসলমানদিগের হৃদয়ে ফিরিঙ্গীবিরোধ অধিকতর প্রবল হইল। তাঁহার মন্ত্রণায় মুসলমানেরা, সকলকেই ফিরিঙ্গীবিরোধী করিয়া তুলিতে লাগিল। তাঁহার আদেশে মুসলমানদিগের কার্যপ্রণালী অবধারিত হইতে লাগিল। তিনি বলিতে লাগিলেন, সর্বত্র সর্বত্র পুরুষের আর কোন চিহ্ন থাকিবে না। সর্বত্র মুসলমানের আধিপত্য প্রতিষ্ঠিত ও মুসলমানের বিজয়পতাকা উড়ীন হইবে। এই বলিয়া তিনি সকলকে দুর্গ আক্রমণ ও অধিকার করিবার জন্ত উত্তেজিত করিতে লাগিলেন। তাঁহার আদেশানুসারে উত্তেজিত লোকে দুর্গ আক্রমণ ও অধিকার করিবার চেষ্টা করিল বটে, কিন্তু তাহাদের চেষ্টা ফলবতী হইল না। ইঙ্গরেজের কামানে আক্রমণকারীদিগের ক্ষমতা পর্য্যদন্ত হইল। সরিৎসঙ্গের তটবর্তী বিশাল দুর্গে পূর্ববৎ ইঙ্গরেজের প্রাধান্য অক্ষুণ্ণ রহিল। এলাহাবাদের এই মৌলবীর নাম লিয়াকৎ মালি। ইনি জাতিতে তাঁতী ও ব্যবসায়ে বিদ্যালয়ের শিক্ষক ছিলেন। নরতিশয় আত্মশুদ্ধি ও ধর্মনিষ্ঠার জন্ত বাসগ্রামে ইহার প্রতিপত্তি বৃদ্ধিমূল ছিল। বিপ্লবের প্রথম অবস্থায় চলনামক পরগণার মুসলমান হুম্মিগণ ইহাকে আপনাদের অধিনেতা করিয়া এলাহাবাদে উপনীত হইলেন। অতঃপর ইনি এলাহাবাদবিভাগের শাসনকর্তা বলিয়া ঘোষিত হইলেন এবং দিল্লীর বৃদ্ধ ভূপতির নামে শাসনদণ্ডের পরিচালনা করেন।

এলাহাবাদে মৌলবীর এইরূপ প্রাধান্য দীর্ঘকাল অক্ষুণ্ণভাবে থাকিল না। মহম্মদের শিষ্যেরা দীর্ঘকাল এলাহাবাদে আপনাদের ক্ষমতা অপ্রতিহত রাখিতে পারিল না। ইঙ্গরেজের প্রভুত্ব আবার এলাহাবাদে

বন্ধমূল হইল। যখন সিপাহীরা যুদ্ধোন্মুখ হয়, নগরের পর নগরে যখন তাহাদের আক্রমণে ইঙ্গরেজেরা প্রাণত্যাগ বা পলায়ন করিতে থাকেন, তখন এলাহাবাদের দিকে সকলেরই তীক্ষ্ণ দৃষ্টি ছিল। বীরশ্রেষ্ঠ আউট্রাম এই স্থান হস্তগত রাখিবার জন্ত সবিশেষ চেষ্টা করিতে কহিয়াছিলেন। রাজনীতিকুশল হেনরি লরেন্স এই স্থানে আপনাদের আধিপত্যরক্ষা করিবার আবশ্যকতা প্রতিপন্ন করিয়াছিলেন। তাহাদের সৌভাগ্যক্রমে এলাহাবাদে ইঙ্গরেজের আধিপত্য প্রতিষ্ঠিত হইল। এলাহাবাদের বিশাল দুর্গে ইঙ্গরেজের পতাকা পূর্ববৎ উড়িতে লাগিল। যদি দুর্গ ইঙ্গরেজের অধিকার-চ্যুত হইত, তাহা হইলে কাণপুর ও লক্ষ্ণৌ অধিকার করা দুঃসাধ্য হইয়া উঠিত। হয় ত ভারতে ইঙ্গরেজের বিশাল সাম্রাজ্য বিপ্লবের ভয়াবহ অভিঘাতে বিচ্ছিন্ন হইয়া যাইত *। গবর্ণমেণ্টের কার্যকারিতা বা মানুষের ক্ষমতা এস্থলে পরিক্ষুট হউক বা নাই হউক, ইঙ্গরেজের অখণ্ডনীয় ইচ্ছায় এলাহাবাদের দুর্গে ইঙ্গরেজের বিজয়পতাকা অক্ষুণ্ণ রহিল। বারাণসীতে শিখসৈন্য ইঙ্গরেজের বিরুদ্ধে অস্ত্রপরিগ্রহ করিয়াছিল। এলাহাবাদের শিখসৈন্য হিন্দুস্থানী সিপাহীদিগের নিরস্ত্রীকরণে ইঙ্গরেজের আদেশানুবর্তী হইল। যদি এলাহাবাদের সামরিক রঙ্গভূমিতে বারাণসী-ব্যাপারের অভিনয় হইত, তাহা হইলে ঘটনাচক্র বোধ হয়, অন্তর্দিকে আবর্তিত হইত। যাহা হউক, অনতিবিলম্বে এলাহাবাদের দুর্গস্থিত ইউরোপীয়দিগের অদৃষ্ট প্রসন্ন হইল। যে সাহসী, সুদক্ষ, স্বজাতিহিতৈষী অথচ কঠোরহৃদয় বীরপুরুষ বারাণসীরক্ষা করিয়াছিলেন, তিনি সৈনিক-দল সহ এলাহাবাদের দুর্গে প্রবেশ করিয়া, তত্রত্য ইউরোপীয়দিগের হৃদয় আশ্বস্ত করিলেন।

সেনাপতি নীল ১১ই জুন এলাহাবাদে উপনীত হইলেন। তিনি যখন বারাণসী হইতে যাত্রা করেন, তখন এলাহাবাদে কি হইতেছে, কিছুই জানিতে পারেন নাই। টেলিগ্রাফের তার বিচ্ছিন্ন হইয়া গিয়াছিল। সুতরাং সেই মুহূর্ত্তে কোন সংবাদ তাহার নিকটে উপস্থিত হয় নাই। যাহা হউক,

* *Russell. Diary in India. Vol I. p. 155.*

তৎসমী সেনাপতি বিশিষ্ট সত্বরতাসহকারে, এলাহাবাদের অভিমুখে
 প্রসন্ন হইতে লাগিলেন। প্রচণ্ড নিদাঘের নিদারুণ আতপে তাঁহার কা
 সীম সৈন্তের গতিরোধ হইল না। সেনাপতি সমস্ত বিঘ্নবিপত্তিতে
 অপেক্ষা করিয়া, ত্বরিতগতিতে গঙ্গার তটদেশে উপস্থিত হইলেন। দুর্গ-
 স্থিত ইউরোপীয়েরা তাঁহার আগমনসংবাদ জানিতে পারেন নাই, এজন্য
 সেনাপতির পার হওয়ার জন্ত নৌকা প্রস্তুত ছিল না। কিন্তু এই অন্তরায়
 তাহা বিদূরিত হইল। কার্যকুশল নীল এতদেশীয় কতিপয় পোতবাহককে
 ঠংকোঁচ দিয়া বশীভূত করিলেন। তাহারা একখানি নৌকা আনিয়া দিল,
 সেনাপতি কতিপয় সৈনিক পুরুষের সহিত ঐ নৌকায় অপর তটে উপস্থিত
 হইলেন। এদিকে দুর্গস্থিত ইন্ডরেজেরা সংবাদ পাইয়া, নৌকাসংগ্রহ
 করিয়া দিলেন। এইরূপে সেনাপতি নীলের সমগ্র সৈনিকদল নদী উত্তীর্ণ
 হইল। সেনাপতি এই সৈন্তসমভিব্যাহারে ঘর্ষাক্তকলেবরে ও নিরতিশয়
 রিশ্রান্তভাবে দুর্গদ্বারে উপনীত হইলেন। পথে তিনি অরাজকতার
 নদর্শন প্রত্যক্ষ করিয়াছিলেন, কোথাও ইউরোপীয়দিগের জীবন ও
 সম্পত্তি নিরাপদ ছিল না। সকল স্থানেই অশান্তি ও উচ্ছৃঙ্খলভাবের বিকাশ
 হইয়াছিল। সেনাপতি এলাহাবাদে আসিয়াও সমস্তই গোলযোগপূর্ণ দেখিতে
 পাইলেন। এস্থলেও জনসাধারণের বলবতী প্রতিহিংসার পরিচয়সূচক
 চহের অভাব ছিল না। ইউরোপীয়দিগের আবাসগৃহাবলী, বিপণিশ্রেণী ও
 কার্যালয়সমূহ বিপ্লবের বিকটভাব বিকাশ করিয়া দিতেছিল। সার্বজনীন
 উত্তেজনার সময়ে শৃঙ্খলার মর্যাদা থাকে না। ইউরোপের চিরপ্রসিদ্ধ
 আলক্লাবানামক স্থানে * যে ভীষণ যুদ্ধ সজ্বাটিত হয়, তাহাতে সভ্যতাসম্পন্ন
 সৈনিকপুরুষেরা ইহা অপেক্ষাও অধিকতর উচ্ছৃঙ্খলভাবের পরিচয় দিতে
 সক্ষম হইত না। এলাহাবাদের নিরক্ষর জনসাধারণ যে, উত্তেজনায় অধীর ও
 মেহনগায় পরিচালিত হইয়া, বিধ্বংসের রাজ্যবিস্তার করিবে, তাহা কোন অংশে

* *Russell, Diary in India. Vol I. p. 156.*

† আলক্লাব। ক্রীমিয়ার পশ্চিমে অবস্থিত। সিবাটোপল হইতে হিন মাইল দূরবর্তী।
 ক্রীমিয়ার যুদ্ধে (এক পক্ষে রুশিরা অপর পক্ষে ইন্ডরেজ ও করানী, তুর্ক ও সার্কিনিয়াবাসী)
 হইলে ইন্ডরেজদিগের রণতরী সকল ছিল।

বিচিত্র নহে। যাহা ইউক, সেনাপতি নীল এলাহাবাদের দুর্গ এখনও ইঙ্গরেজের হস্তে রহিয়াছে দেখিয়া নিরতিশয় বিস্মিত হইলেন। দুর্গস্থিত শিখসৈন্য যে, এরূপ অবস্থাতেও দুর্গ আক্রমণ ও অধিকার করে নাই, ইহাই তাঁহার অধিকতর বিস্ময়ের বিষয় হইল। দুর্গের প্রায় চতুর্দিক উত্তেজিত জনসাধারণে পরিব্যাপ্ত ছিল। যুদ্ধোন্মুখ সিপাহীরাও প্রতিমুহূর্তে ভয়ঙ্কর কার্যসাধনের সুর্যোগপ্রতীক্ষা করিতেছিল। ইউরোপীয়েরা দুর্গে অবরুদ্ধ থাকিয়া মুহূর্তে মুহূর্তে গভীর আশঙ্কায় বিচলিত হইতেছিলেন। সেনাপতি ইহা দেখিয়া ভাবিলেন ঈশ্বরের অসীম করুণায় দুর্গ হস্তগত রহিয়াছে। সেনাপতির উপস্থিতির পূর্বে দুর্গে কোনরূপ শৃঙ্খলা ছিল না। দুর্গের বহির্ভাগে জনসাধারণ যেরূপ উত্তেজনার পরিচয় দিতেছিল দুর্গস্থিত ইউরোপীয়েরাও উত্তেজনায তদপেক্ষা অধিকতর অধীর হইয়া, অবাধে গর্হিতকার্যের অনুষ্ঠান করিতেছিল। এই সময়ে কেহ কাহারও অধীনতাস্বীকারে সম্মত হয় নাই; কেহ উচ্ছৃঙ্খল ব্যক্তিদিগকে আত্মবশে রাখিয়া আপনার তেজস্বিতার পরিচয় দিতে উদ্যত হয় নাই। যে সকল ইউরোপীয় আপন ইচ্ছায় সৈনিকদলে প্রবিষ্ট হইয়াছিল, তাহাদের নিকট স্ননীতি বা সুর্যঙ্খলার আদর ছিল না। অনিয়মিত সুরাপান ও যথেষ্ট ব্যবহারে তাহারা সমুদায় বিষয়ই বিশৃঙ্খল করিয়া তুলিতেছিল। বিলুপ্তন, বিধ্বংস ও বিরুদ্ধাচার তখন তাহাদের নিকট দোষ বলিয়া পরিগণিত ছিল না। তাহারা যুদ্ধবিদ্যায় অনভিজ্ঞ হইলেও আপনাদিগকে যুদ্ধবীরের সম্মানিত পদে অধিষ্ঠিত দেখিয়া, নিরীহ লোকের শোণিতপাতপূর্বক আত্মগর্ভের পরিচয় দিতেছিল। তাহাদের এক ব্যক্তি উত্তেজিত হইয়া শিখসৈন্যের অধ্যক্ষকে গুলি করিবার জন্ত পিস্তল গ্রহণ করিতেও সঙ্কুচিত হয় নাই। তাহারা শিখদিগের সহিত দুর্গস্থ দ্রব্যাদির বিলুপ্তনেও কাতর ছিল না। দুর্গের বহুমূল্য কাষ্ঠময় দ্রব্যসকল বিচূর্ণ ও বিক্ষিপ্ত হইয়াছিল। মালগুদামের দ্রব্যাদি অস্বামিক দ্রব্যের স্তায় সকলের হস্তগত হইতেছিল। শিখসৈন্য সুরাপূর্ণ বোতল সকল বিলুপ্তি করিয়া ইউরোপীয় সৈনিকপুরুষদিগের নিকট অল্প মূল্যে বিক্রয় করিতেও কুণ্ঠিত হয় নাই। এইরূপে মদিরাত্রোত অবাধে প্রবাহিত হইতেছিল।

ইউরোপীয়েরা নদীতটের সন্নিহিত গুদাম বিলুপ্তি করিয়াছিল। ইহাদের এইরূপ যথেষ্টাচার দেখিয়া শিখেরাও বিলুপ্তনব্যাপারে নিরস্ত থাকে নাই। দুর্গের কার্যপ্রণালী এরূপ বিশৃঙ্খল ছিল যে, এক ব্যক্তি দুর্গরক্ষার জন্ত মাস্ত দিন পরিশ্রম করিয়াও খাদ্য সামগ্রী প্রাপ্ত হয় নাই। তাহার স্ত্রীপুত্র মাস্ত দিন অনাহারে ছিল। একজন সদাশয় খ্রীষ্টধর্মপ্রচারক তাহার রবস্থায় চুঃখিত হইয়া, সেনাপতি সিমসনকে উক্ত বিষয় বিজ্ঞাপিত করেন। সেনাপতি অনেক কষ্টে তাহাকে দুর্গে লইয়া যান এবং আহারের জন্ত এক নিঃকণ্টী দেন। কিন্তু মালগুদামের এক ব্যক্তি এই হতভাগ্যের স্ত্রী ও স্তানদিগকে খাদ্য সামগ্রী দিতে অসম্মত হয়; যেহেতু তাহারা দুর্গরক্ষার জন্ত যুদ্ধ করিতে সমর্থ নহে। এইরূপ অপূর্ব হেতুবাদ দেখাইয়া তখন রুলেই সর্ববিধ অপকার্যের অনুষ্ঠান করিতেছিল। যুদ্ধবীর সেনাপতির সিনেও এই যথেষ্টাচারশ্রোত নিরুদ্ধ হয় নাই। দুর্গস্থিত ইউরোপীয় ও খ্রিস্টীয় এলাহাবাদের উত্তেজিত জনসাধারণের ত্রায় উগ্রভাবের পরিচয় হইতেছিল। হিতাহিত জ্ঞানশূন্য জনগণ যখন কাহারও বশ্বতাস্বীকার না করিয়া, স্বাধীনভাবে কার্য করিতে প্রবৃত্ত হয়, তখন বলবতী উত্তেজনায় তাহারা সহজেই ভয়ঙ্করভাবের পরিচয় দিয়া থাকে। তাহাদের ঈর্ষ ভাব স্ময়কর নহে। কিন্তু, দূরদর্শী, সভ্যতাভিমानी ও সুদক্ষ সেনাপতির সিনে যখন সর্ববিধবৎসকর যথেষ্টাচারের প্রশ্রয়বৃদ্ধি হয়, তখন কেহই তাহার জন্ত গভীর ক্ষোভপ্রকাশ না করিয়া নিরস্ত থাকিতে পারেন না। সজস্বী বীরপুরুষের অধীন শিক্ষিত সৈনিকদলের এইরূপ পশুবৎ ব্যবহার তাহা সর্বদা নিন্দনীয় হইয়া থাকে। উপস্থিত সময়ে এলাহাবাদের ইউরোপীয়দিগের অনুষ্ঠিত কার্য এইরূপ নিন্দনীয় হইয়াছে। সেনাপতি ল এই বিশৃঙ্খল কার্যক্ষেত্রে পদার্পণ করিয়া, আপনাদের প্রাধান্ত সর্বতোভাবে অক্ষুণ্ণ রাখিতে দৃঢ়প্রতিজ্ঞ হইলেন, এবং দৃঢ়প্রতিজ্ঞার সহিত যথেষ্টাচারী ইউরোপীয়দিগের শাসনে মনোনিবেশ করেন।

সেনাপতি নীল সর্বপ্রথম এলাহাবাদের দুর্গ সুরক্ষিত ও নিরাপদ রূপে উদ্যত হইলেন। দারাগঞ্জ নামক স্থান, নগরের উচ্ছৃঙ্খল ও যুদ্ধোন্মত্ত থাকে পরিপূর্ণ ছিল। ইহাদের দূরীকরণ জন্ত সেনাপতি ১২ই জুন প্রাতঃ-

কালে আপনার সমভিব্যাহারী একদল সৈন্য ও কতিপয় শিথকে পাঠাইয়া দিলেন। প্রেরিত সৈন্য দারাগঞ্জ হইতে উচ্ছ্রল লোকদিগকে দূরীভূত করিল, একটি পল্লী ভস্মীভূত করিয়া ফেলিল, এবং নৌসেতু আপনাদের অধিকারে আনিল। নীল অতঃপর ঐ সেতু সংস্কৃত করিয়া উহার রক্ষার জন্ত কতিপয় শিথ সৈন্য রাখিয়া দিলেন। শিথেরা এ পর্যন্ত ছর্গমধ্যে অবস্থিতি করিতেছিল। ইহারা হিন্দুস্থানী সিপাহীদিগের নিরস্ত্রী করণে সবিশেষ কার্যাতপরতা দেখাইয়াছিল। ইহাদের বিশ্বাস ছিল যে, ইহারা স্বেচ্ছাপ্রবৃত্ত সৈনিকদলভুক্ত ইউরোপীয়দিগের শ্রায়, ছর্গে থাকিয়াই, স্বেচ্ছাচারিতাসহকারে সুরাপানে ও গবর্গমেণ্টের মালগুদামের দ্রব্যগ্রহণে আমোদিত থাকিবে। কিন্তু সেনাপতি নীল ইহাদের ব্যবহারে সন্দেহান্বিত হইলেন। তাহারা যুদ্ধোন্মুখ সিপাহীদিগকে ছর্গাক্রমণে বাধা দিবার জন্ত সর্বদা প্রস্তুত থাকিয়া, প্রভুভক্তির নিদর্শন দেখাইয়াছিল, তাহারাই এক্ষণে ছর্গের বহির্ভাগে থাকিতে আদিষ্ট হইল। কিন্তু শিথেরা সহসা এই আদেশপালনে সন্মত হইল না। সেনাপতি নীল ক্লাইবের শ্রায় দৃঢ়প্রতিজ্ঞ ছিলেন, তিনি আপনার সঙ্কল্প সহজে পরিত্যাগ করিলেন না। পূর্বে উক্ত হইয়াছে, এই সময়ে ছর্গে কিছুমাত্র শৃঙ্খলা ছিল না, সৈনিকদলের মধ্যে পানদোষ প্রবল হইয়া উঠিয়াছিল। শিথেরা গুদামের উৎকৃষ্ট সুরাপূর্ণ বোতল সকল সংগ্রহপূর্বক, ঐ সুরাপানে নিরন্তর পরিতৃপ্ত হইতেছিল। সেনাপতি নীল শিথদিগকে প্রার্থনারূপ মূল্য দিয়া, ঐ সুরা গুদামে রাখিতে গুদামের কর্মচারীদিগের প্রতি আদেশ দিলেন। এই আদেশে শিথসৈন্য সন্মত হইল। এ দিকে তাহাদের অধিনায়কও তাহাদিগকে ছর্গের বহির্ভাগে থাকিতে, অনুরোধ করিতে লাগিলেন। তাহারা অতঃপর কোনরূপ আপত্তি না করিয়া ছর্গের বহিঃস্থিত বাটীতে যাইয়া বাস করিতে লাগিল, কিন্তু ইহাতে তাহাদের বিলুপ্তপ্রবৃত্তি তিরোহিত হইল না। তাহারা ইউরোপীয়দিগের দ্রব্যাদির বিলুপ্তনে নিবৃত্ত হইল বটে, কিন্তু ছর্গের বহির্ভাগে পল্লীসমূহ বিলুপ্ত ও বিদগ্ধ করিতে বিরত থাকিল না। তাহারা মুর্শিদাবাদের শ্রায় বিশৃঙ্খলভাবে চারি দিকে প্রধাবিত হইত এবং পল্লীবাসীদিগের ঘে সকল দ্রব্য দেখিত, তৎসমুদয়ই লুণ্ঠিয়া আনিত। তাহাদের পশ্চব্য

অবরুদ্ধ হইল, তথাপি তাহারা বিলুপ্তনের আশায় জলাঞ্জলি দিল না। তাহাদের অধিনায়ক তাহাদিগকে স্বেচ্ছাভাৱে রাখিতে একান্ত অসমর্থ হইলেন। শিখদিগের জায় ইউরোপীয় সৈনিকদলও অধিনেতাদের আদেশপালনে মাগ্রহপ্রকাশ করিত না। এই সময়ে দ্রব্যাদি লইয়া যাইবার নিমিত্ত রুগর গাড়ী সাতিশয় আবশ্যক হইয়াছিল, অনেক স্থলে গাড়ী বা বলদ, কেছুই পাওয়া যাইত না। সুতরাং ইউরোপীয় যোদ্ধার জায় বলদও অতি প্রয়োজনীয় বলিয়া পরিগণিত ছিল। স্বেচ্ছাপ্রবৃত্ত ইউরোপীয় সৈনিকদল এরূপ উচ্ছৃঙ্খল ও উন্মত্তপ্রায় হইয়াছিল যে, তাহারা এইরূপ অতি প্রয়োজনীয় দ্রব্যের প্রতি গুলি নিক্ষেপকরিতেও সঙ্কুচিত হইত না। তাহাদের ঈর্ষান্বিত উচ্ছৃঙ্খলতা দেখিয়া, সেনাপতি নীল তাহাদিগকে এই বলিয়া ভয়প্রদর্শন করিয়াছিলেন যে, যদি তাহারা স্বেচ্ছাবস্থিত না হয়, তাহা হইলে তাহাদের প্রত্যেক জনকে বন্দুকের গুলিতে বা ফাঁসীকাষ্ঠে বধ করা হইবে।

শিখদিগকে ছুর্গ হইতে নিষ্কাশিত করিয়া, সেনাপতি নীল বিপক্ষদিগকে বন্দিত করিতে উদ্যত হইলেন। তিনি ১৫ই ও ১৭ই জুন আপনাদের বালকবালিকা ও কুলনারীদিগকে দুই খানি জাহাজে কলিকাতায় পাঠাইয়া গেলেন। জাহাজের নাবিকেরা মুসলমান ছিল। তাহাদের প্রতি সর্ব্বাংশে বিশ্বাস না থাকাতে, ১৭ জন বিশ্বস্ত রক্ষক যাত্রীদিগের সমভিব্যাহারে গমন করিলেন। ইহাদের মধ্যে শ্রামাচরণ মুখোপাধ্যায়নামক এক জন খ্রীষ্ট-ধর্মাবলম্বী রক্ষক ছিলেন, ইনি উক্ত কুলনারী ও বালকবালিকাদিগের প্রতি স্বেচ্ছাচিত বহুপ্রকাশ করিতে ক্রটি করেন নাই। যাহা হউক, কর্ণেল নীল বিপক্ষদিগকে বন্দুকের বামতটবর্তী কিদগঞ্জ এবং মূলগঞ্জ নামক পল্লীস্থিত বিপক্ষদিগকে আক্রমণ করেন। বিপক্ষেরা পল্লী হইতে দূরীভূত হয়। সেনানায়ক নীল অতঃপর জলপথ নিরাপদ রাখিবার জন্ত একখানি জাহাজে একটিকে ইমান সহ কতিপয় সৈনিক পুরুষকে পাঠাইয়া দেন। ইহারা ইমান লইয়া কিয়দূর অগ্রসর হয়, এবং জাহাজের দক্ষিণে ও বামে, ভয় দিকেই গুলিনিক্ষেপ করিয়া, বিপক্ষদিগকে সন্ত্রস্ত করিয়া তুলে। জলপথে কতিপয় পদাতি ও অখারোহী সৈন্য প্রেরিত হয়। পদাতিদিগের মধ্যে এক দল শিখ ছিল; ইহারা অগ্রসর হইলে, বিপক্ষেরা প্রবল-

বেগে ইহাদিগকে আক্রমণ করে, কিন্তু শেষে শিখদিগের পরাক্রমে তাহাদের ক্ষমতা পর্য্যুদস্ত হয়। তাহারা রাত্রিসমাগমে কামান ও বন্দীদিগকে ফেলিয়া, স্থানান্তরে প্রস্থান করে। এই বন্দীদিগের মধ্যে পূর্বোক্ত ষোড়শ বর্ষীয় সৈনিক বালক ছিল।

সেনাপতি নীল এলাহাবাদে উপস্থিত হইয়া, এইরূপে একে একে নানা স্থানে আপনাদের প্রাধান্যপ্রতিষ্ঠা করেন। ১৭ই জুন মাজিষ্ট্রেট সাহেব কোতোয়ালীতে উপস্থিত হইলেন। বিপক্ষেরা পূর্বেই এই স্থান পরিত্যাগ করিয়াছিল। মাজিষ্ট্রেট বিনা বাধায় আপনার কর্মচারীদিগকে নির্দিষ্ট কার্যে নিবেশিত করেন। এই সময়ে ইঞ্জরেজের কামানের গোলায় অচিরে সমগ্র নগর বিধ্বস্ত হইবে বলিয়া জনরব প্রচারিত হয়। এই জনরবের উৎপত্তি কোথা হইতে হইয়াছিল, তাহা স্পষ্ট জানিতে পারা যায় নাই। সম্ভবতঃ ভাতগ্রস্ত ব্যক্তির কল্পনায় অথবা যাহারা ইঞ্জরেজের বিপক্ষদিগকে দুরীভূত কারতে ইচ্ছা করিয়াছিল, তাহাদের মন্ত্রণায় ইহার প্রচার হইয়াছিল। কিন্তু জনরব যে স্থান হইতেই উৎপন্ন হউক না কেন, উহা স্ননিপুণ ঐন্দ্রজালিকের মোহিনী শক্তির শ্রায় দেখিতে দেখিতে সকলকেই বিমুগ্ধ করিয়াছিল। নগরবাসিগণ ঐ জনরবে সাতিশয় ভীত হইয়া উঠিল। মৌলবী ও তাহার সহকারিগণ সাধারণের ভয় নিবারণের অনেক চেষ্টা করিলেন, কিন্তু তাহাদের চেষ্টা ফলবতী হইল না। নগরবাসিগণ ভয়ে উদ্ভ্রান্ত হইয়া, চারি দিনে পলাইতে লাগিল। সেই দিন নগরের কোন গৃহেই একটি মানুষ রহিল না। সায়ংকালে নগরের কোনস্থানেও একটি আলোক পরিদৃষ্ট হইল না। লিয়াকৎ আলি অধীরহৃদয়ে ও ছঃসহমনোছুঃখে কাণপুরের অভিমুখে প্রস্থান করিলেন*। তাহার দুইজন সহকারী ইতঃপূর্বে যুদ্ধে নিহত হইয়াছিলেন।

* মৌলবী এসম্বন্ধে লিখিয়াছেন :—“কতিপয় দ্রষ্ট লোক “অভিশাপগ্রস্তদিগের” গণ অবলম্বন পূর্বক ঘোষণা করিয়াছিল যে, ইঞ্জরেজেরা নগরধ্বংসের জন্ত দুর্গস্থিত কামানসমূহ প্রস্তুত করিতেছে। রাত্রি প্রভাত হইতে না হইতেই তাহারা নগরে গোলাবৃষ্টি করিবে। সে ঘণ্টাকারিগণ আপনাদের বাক্যের দৃঢ়তাপ্রাপনজন্য গৃহ ও সম্পত্তিরক্ষার ভার ইঞ্জরেজের হস্তে সমর্পিত করিয়া অতুচ্চরণের সহিত প্রাণ লইয়া পলায়ন করে। এই আশঙ্কায় সংবাদ প্রচারিত হইবামাত্র, আমি পুনঃ পুনঃ নিষেধ করিলেও, নগরবাসিগণ পরিপন্থ প্রবৃত্তি লইয়া পলায়ন করিতে থাকে”।

একটি সুদৃশ্যপরিচ্ছদধারী, সুন্দর যুবক শিখদিগের অধিনায়কের নিকট বন্দীভাবে আনীত হইলেন। ইহার হস্তদ্বয় পৃষ্ঠদেশে আবদ্ধ ছিল। ইনি সেনানায়কের নিকটে মৌলবীর ভ্রাতৃপুত্র বলিয়া পরিচিত হইলেন। সৈন্যাধ্যক্ষ ইহাকে কয়েকটি কথা জিজ্ঞাসা করিয়াই কারাগারে আবদ্ধ করিতে আদেশ দেন। যখন শিখ সৈন্য অধিনায়কের আদেশে ইহাকে কারাগারে লইয়া যায়, তখন ইনি সহসা বলপূর্বক হস্তদ্বয়ের বন্ধনচ্ছেদ পূর্বক প্রবলপরাক্রমে আপনার বন্ধনকারীদিগের এক জনকে আঘাত করেন। সেনানায়ক ইহা দেখিয়াই বিদ্রোহে নিকটে উপস্থিত হইলেন, এবং ইহার হস্ত হইতে তরবারি কাড়িয়া লইয়া, সবেগে ইহাকে ভূতলে পাতিত করেন। শিখেরা এই অবসরে আপনাদের পদস্থিত অনুপদীনা দ্বারা ইহার মস্তক একরূপ মর্দিত করে যে, মুহূর্ত্ত মধ্যে ইহার মস্তিষ্ক বিচ্ছিন্ন ও বহির্গত হয়। অন্তঃপর ইহার শব বহির্ভাগে প্রক্ষিপ্ত হয় *।

১৮ই জুন সেনাপতি নীল সমগ্র সৈন্য সমভিব্যাহারে দুর্গ হইতে বহির্গত হইলেন। তিনি একদল সৈন্য দরিয়াবাদ, সৈদরবাদ ও রসুলপুর নামক পল্লী আক্রমণ জন্ত প্রেরণ করেন এবং অবশিষ্ট সৈন্যসহ নগরে অগ্রসর হইলেন। নগর এখন নীরব ও নির্জন ছিল। উত্তেজিত অধিবাসিগণ আবাসগৃহ পরিত্যাগ করিয়া স্থানান্তরে প্রস্থান করিয়াছিল। বাতাবর্তের পর প্রকৃতি ষেকরূপ নিস্তব্ধভাবে ধারণ করে, সৈনিকনিবাস ও কাওয়াজের ক্ষেত্র সেইরূপ নিস্তব্ধ ভাবে ছিল। সেনাপতি পরিত্যক্ত সৈনিকনিবাসে পুনর্বার সৈনিকদল নিবেশিত করিলেন। শাসনবিভাগের রাজকর্মচারিগণ পুনর্বার আপনাদের কার্যসম্পাদন করিতে লাগিলেন। কাওয়াজের ক্ষেত্রে পুনর্বার ব্রিটিশ কোম্পানির অনুরক্ত সৈনিক পুরুষদিগের সমাগম হইতে লাগিল। গঙ্গাঘাটের সঙ্গমস্থলে পুনর্বার ইঙ্গরেজের প্রাধান্য স্থাপিত হইল। এলাহাবাদে যুদ্ধ শেষ হইল। কিন্তু, ইঙ্গরেজ রাজপুরুষদিগের বলবতী প্রতিহিংসার অবসান হইল না। উত্তেজিত জনসাধারণ ষেকরূপ নিষ্ঠুরতাসহকারে ফিরিঙ্গীহত্যা করিয়াছিল, রাজপুরুষগণ এখন জনসাধারণের হত্যায় তদপেক্ষা অধিকতর

*. *Martin, Indian Empire, Vol. II. p. 299.*

নিষ্ঠুরতার পরিচয় দিতে উদ্যত হইলেন। দুই সপ্তাহ পূর্বে তাঁহারা নগর হইতে তাড়িত হইয়াছিলেন, তাঁহাদের আশ্রয় দুর্গ চারি দিকে অবরুদ্ধ হইয়াছিল, তাঁহাদের আবাসগৃহ ভস্মস্তূপে পরিণত হইয়া গিয়াছিল, তাঁহাদের আত্মীয়-গণ যুদ্ধোন্মত্ত সিপাহীদিগের হস্তে, নিপীড়িত, নিগৃহীত বা নিহত হইয়াছিল। দুই সপ্তাহ পরে যখন তাঁহারা উপস্থিত বিপদ হইতে বিমুক্ত হইলেন, তাঁহাদের ক্ষমতা যখন পুনঃপ্রতিষ্ঠিত ও তাঁহাদের অধ্যুষিত নগর যখন পুন-রধিকৃত হইল, তখন তাঁহারা অসঙ্কুচিতচিত্তে নিরক্ষর ও প্রধানতঃ নিরীহ অধিবাসীদিগের শোণিতপাতে অগ্রসর হইলেন। বিপ্লবের প্রতিঘাতে আবার ভয়ঙ্কর কাণ্ড সংঘটিত হইল। উদারতা ও ন্যায়পরতাসহকৃত দয়া, যে স্থলে শান্তির রাজ্য অব্যাহত ও পবিত্রতায় পরিশোভিত রাখিতে পারিত, সে স্থলে ঘোরতর প্রতিহিংসাসহকৃত পাপময় কার্য্যপরম্পরার অনুষ্ঠান হইতে লাগিল।

ইংরেজ যখন উত্তরপশ্চিম প্রদেশে আপনাদের জীবনরক্ষায় ব্যতি-ব্যস্ত হইয়া পড়িয়া ছিলেন, তখন কলিকাতার মন্ত্রিসভা বিপক্ষদিগকে কঠোর শাস্তি দিবার জন্ত কঠোরতর আইনপ্রচার করেন। এই আইনের বলে জনসাধারণের অমূল্য জীবন বিচারপতিদিগের হস্তে ক্রীড়ার সামগ্রী হইয়া উঠে। এলাহাবাদ বিভাগে এখন এই কঠোরতর আইন প্রচারিত হইল। কেবল সেনাপতি নীল এই আইনে বিধ্বংসের রাজ্যবিস্তার করেন নাই। সৈন্যাধ্যক্ষ ব্যতীত বিচারাধ্যক্ষ, তাঁহার সহকারী, এমন কি, বিচারবিভাগের বহির্ভূত লোকের হস্তেও এই আইনপরিচালনের ভার সমর্পিত হইল। বিভাগের কমিশনার, জজ, সহকারী মাজিষ্ট্রেট, সিবিল সার্জন, সকলেই উপস্থিত আই-নের মহিমায়, মানবের অমূল্য জীবনের বিধাতা পুরুষ হইয়া উঠিলেন। এই সকল বিচারক উত্তেজিত জনসাধারণের আক্রমণে আপনার গৃহ সকল বিলুপ্তিত ও ভস্মীভূত হইতে দেখিয়া ছিলেন, আপনাদের স্ত্রী ও সন্তান-দিগকে ব্যস্ততার সহিত দুর্গে আনিবার কষ্টভোগ করিয়াছিলেন। স্মরণ্য প্রতিহিংসা ইহাদের হৃদয়ে নিরন্তর জাগরুক ছিল। ইহারা সমস্ত কৃষ্ণবর্ণ লোককেই ঘোরতর শত্রু বলিয়া বিবেচনা করিয়াছিলেন। যাহারা এইরূপ শাস্ত্রবুদ্ধিতে বিচলিত হইয়া বলবতী প্রতিহিংসার তৃপ্তিসাধনে উন্মুখ ছিলেন,

এখন তাঁহারাই জনসাধারণের জীবনরক্ষণ বা হরণের জন্ত বিচারকের পবিজ্ঞ আসনে সমাসীন হইলেন ।

উপস্থিত সময়ে ঐ সকল ব্যক্তির হস্তে উক্তরূপ কঠোরতম শক্তির পরিচালনের ভারসমর্পণ করা, গবর্নমেন্টের উচিত হয় নাই। যাহারা সর্বত্র বিপ্লবের বিস্তার করিয়াছিল, তাহাদিগকে শাস্তি দেওয়া দস্ত। কিন্তু, এইরূপ শাস্তিপ্রদানের সময়ে স্মবিচারের সম্মানরক্ষা করাও কর্তব্য। শত অপরাধীর বিমুক্তি হয়, তাহাও ভাল, তথাপি একটি নিরপরাধ ব্যক্তির প্রাণদণ্ড সন্নীতির অনুমোদিত নহে। গবর্নমেন্ট এ সময়ে যে উদ্দেশ্যে উপস্থিত আইনপ্রচার করিয়া ছিলেন, যদি দূরদর্শী, উপযুক্ত ব্যক্তির হস্তে উহার পরিচালনভার থাকিত, তাহা হইলে গবর্নমেন্টের উদ্দেশ্য সর্বাংশে সিদ্ধ হইত। কিন্তু সন্ধিবেচনা ও ধীরতার অভাবে তাহা হয় নাই। যে বিধি ছুষ্টির দমন এবং শিষ্টের পালন ও রক্ষণের উদ্দেশ্যে বিধিবদ্ধ ও প্রচারিত হইয়াছিল, বিচারের দোষে তাহা শিষ্টের প্রাণহরণেরও প্রধান যন্ত্রস্বরূপ হইয়া উঠে। প্রতিদিন বহুসংখ্য ব্যক্তির অমূল্য জীবনবিনাশ হইতে থাকে। উত্তরপশ্চিম প্রদেশের লেফটেনেন্ট গবর্নর ঘোষণা করিয়া ছিলেন যে, গবর্নরজেনেরলের বিনা অনুমতিতে প্রাণদণ্ড হইবে না। কিন্তু সেনাপতি নীল এই ঘোষণায় মনোযোগ দেন নাই। এই সময়ে পরলোকগত মহাত্মা হরিশ্চন্দ্র মুখোপাধ্যায় হিন্দুপেট্রিয়ট সংবাদপত্রের সম্পাদক ছিলেন। তিনি নির্ভীকচিত্তে গভীর ঘৃণা ও বিরাগের সহিত আপনার প্রসিদ্ধ সংবাদপত্রে ঐ বিষয়-সম্বন্ধে এই ভাবে লিখিয়াছিলেন, “যদি গবর্নর জেনেরল গ্রাণ্ট সাহেবের (উঃ পঃ প্রদেশের লেফটেনেন্ট গবর্নর) আদেশরক্ষা না করেন, তাহা হইলে তাঁহাকে পদচ্যুত ও স্থানান্তরিত করা উচিত। যদি এতদেশীয়দিগকে ধ্বংস করিবার অভিপ্রায়ে সেনাপতি নীলের বৈরনির্যাতনপ্রণালী অমুগারে কার্য করা হয়, তাহা হইলে লর্ড কানিং ও তাঁহার সদস্তগণ যেন কতিপয় কসাইর হস্তে রাজ্যভার সমর্পণ করিয়া এদেশ হইতে শীঘ্র প্রস্থান করেন। কিন্তু যদি তাঁহারাই এখন ভারতবর্ষ ব্রিটিশ রাজমুকুটের মণিস্বরূপ জ্ঞান করেন, তাহা হইলে কঙ্কাদেবতা, যুদ্ধদেবতার স্থান অধিকার করিয়া উত্তর

পশ্চিমপ্রদেশের লোকদিগকে সর্কধ্বংস হইতে রক্ষা করুন”*। স্বদেশহিতৈষী, রাজনীতিজ্ঞ, লেখকশ্রেষ্ঠের আবেগময়ী লেখনী হইতে একসময়ে এইরূপ মর্মস্পর্শী বাক্য নির্গত হইয়াছিল। কিন্তু সে সময়ে সেনাপতি নীল ব্যতীত আরও অনেকে সর্কধ্বংসের বিকটভাববিস্তার করিয়া, জীপুরুষ বালকবালিকা, সকলকেই সমভাবে সন্ত্রস্ত করিয়া তুলিয়া ছিলেন। ঘোরতর প্রতিহিংসায় তাঁহাদের বিবেক বিনষ্ট হইয়াছিল, এবং গভীর উত্তেজনার ভয়াবহ তরঙ্গে তাঁহাদের গ্রায়পরতা, সমদর্শিতা ও উদারতা ভাসিয়া গিয়াছিল।

বিচারবিভাগের বহিভূত যে তিন জনের হস্তে সামরিক আইন পরিচালনের ভার ছিল, তাহাদের এক জন ৬০ জনের, আর একজন ৬৪ জনের এবং সিবিল সার্জন ৫৪ জনের ফাঁসীর আদেশ দেন। এই সকল লোকের অপরাধের বিবরণ এবং সাক্ষীদিগের জবানবন্দী কোন কাগজপত্রে রক্ষিত হয় নাই। এক ব্যক্তির নিকটে এক থলিয়া নূতন পয়সা ছিল বলিয়া, তাহাকে ফাঁসী দেওয়া হয়। বিচারক মনে করিয়াছিলেন যে, ঐ ব্যক্তি ধনাগার লুণ্ঠন করিয়াছে, অথবা সিপাহীরা পয়সা ফেলিয়া টাকা লুইবার জন্ত ব্যগ্র হওয়াতে, উক্ত ব্যক্তি ঐ পয়সার থলিয়া কুড়াইয়া লইয়াছে। গবর্নমেন্টের আধিপত্য প্রতিষ্ঠিত হইবার এক মাসেরও অধিক কাল পরে, এক দিন পনের জনকে তৎপর দিন ২৮ জনকে বিদ্রোহ ও ধনাগারলুণ্ঠন অপরাধে ফাঁসী দেওয়া

* শ্রীযুক্ত বাবু রামগোপাল সার্যাল প্রণীত হরিশ্চন্দ্র মুখোপাধ্যায়ের জীবনী, ১২ পৃষ্ঠা।

† ১৭ই জুন সেনাপতি নীল আপনার দৈনন্দিন লিপিতে উল্লেখ করিয়াছিলেন :— “বিদ্রোহীদিগের সহিত সশ্লিষ্ট হইবার অপরাধে সৈয়দ ইয়ুসুফ নামক এক মদ সোয়ার আমার সমক্ষে বিচারার্থ আনীত হয়। এ ব্যক্তি কুড়ি বৎসর কাল গবর্নমেন্টে কর্ম করিয়াছিল। আমি অবিলম্বে উহাকে ফাঁসী দিবার আদেশ দিই। এষ্ট ব্যক্তিকে লইয়া আমি ছয় জনের প্রাণদণ্ডের আদেশ দিয়াছি। আমাকে যে একরূপ কার্য করিতে হইবে, তাহা আমি কখন ভাবি নাই। ঐখর দেখিবেন, আমি ন্যায়পরতার সহিত কার্য করিয়াছি। আমি জানি, যে, আমাকে বিশেষ কঠোরতার পরিচয় দিতে হইয়াছে। কিন্তু সমস্ত বিষয় দেখিলে আমার অপরাধ মার্জনীয় হইবে, স্বদেশের মঙ্গল এবং স্বদেশের ক্ষমতা ও প্রাধান্যরক্ষার নিমিত্ত আমাকে একরূপ করিতে হইয়াছে। ইত্যাদি।” কে সাহেব এই লিপি উদ্ধৃত করিয়া নির্দেশ করিয়াছেন, সেনাপতি নীলের ধর্মতর ও দায়িত্ব বোধ ছিল। সেনাপতি বহুসংখ্য লোকের প্রাণদণ্ড করেন নাই। কিন্তু এ সম্বন্ধে সাধারণ বিশ্বাস অন্যরূপ। *Kaye, Sepoy War Vol. II. p. 269, note.*

য়। কিন্তু ইহারা যে, বিপক্ষ সিপাহী, তৎসম্বন্ধে কোন প্রমাণ পাওয়া যায় নাই। ঐ অপরাধে আর এক দিন ১৩ জনের ফাঁসী হয়।

উত্তেজিত সিপাহীদিগকে নদী পার করিয়া দিবার অপরাধে বিচারকের আদেশে ছয় জন ফাঁসীকাষ্ঠে প্রাণত্যাগ করে। উপস্থিত সময়ে ফাঁসীই প্রত্যেক অপরাধীর একমাত্র শাস্তি ছিল। প্রত্যেক অপরাধীর বিচারসময়ে দি তাহার অপরাধের গুরুত্ব বিবেচনা করিয়া, এবং যথোপযুক্ত প্রমাণাদি ইয়া যথোচিত দণ্ড বিহিত হইত, তাহা হইলে কোন কথা ছিল না। কিন্তু সময়ে উক্তরূপ কার্যপদ্ধতির অনুসরণ করা হয় নাই। বিচারক অভিযুক্ত ব্যক্তির অপরাধের প্রতি দৃষ্টি না রাখিয়া, বোধ হয়, আপনার হৃদয়গত বেদনা উদ্দীপ্ত প্রতিহিংসার দিকে লক্ষ্য রাখিয়াছিলেন। বিপ্লবের ছয় মাস পরে রাজের আদেশে ১০০ জন এবং মাজিষ্ট্রেটের আদেশে ৫০ জনের ফাঁসীর আদেশ হয়। উপস্থিত স্থানে এবং উত্তরপশ্চিম প্রদেশের অন্যান্য নগরে একটি বৃহৎ ফাঁসীকাষ্ঠ স্থাপিত হইয়াছিল। ঐ ভীষণ বধাভূমিতে উপনীত ইয়া, অভিযুক্ত ব্যক্তিগণ দলে দলে ফাঁসীকাষ্ঠে লম্বমান হইতেছিল। একজন বিচারকদিগের একজন এই সময়ে লিখিয়াছিলেন, “যে সকল পল্লীর অধিবাসী আমাদের বিপক্ষতা করিয়াছে, আমরা সেই সকল পল্লীর অধিবাসীদিগকে বিদগ্ধ ও বিনষ্ট করিয়াছি। এই রূপে আমরাও আমাদের প্রতিহিংসার তৃপ্তি করিয়াছি। যাহারা গবর্ণমেন্টের বিরুদ্ধাচরণ ও গবর্ণমেন্টের মুগত ব্যক্তিদিগের প্রতি নিষ্ঠুরাচরণ করিয়াছে, আমি তাহাদের বিচারার্থে নিযুক্ত হইয়াছি। আমরা প্রতিদিন ৮।১০ জনের ফাঁসী করিয়াছি। প্রাণরক্ষণ ও প্রাণহরণের ভার আমাদের হস্তে আসিয়াছে। আমি নিশ্চিত বলিতেছি যে, অপরাধীদিগের কাহারও জীবনরক্ষা করা হইবে না। সরাসরির বিচারে প্রত্যেক অপরাধীর প্রতি প্রাণদণ্ডের আদেশ হইতেছে। দণ্ডিত ব্যক্তির গলায় দড়ি বাঁধিয়া তাহাকে ছের নীচে গাড়ীর উপর দণ্ডায়মান রাখা হয়; শেষে গাড়ী চালাইয়া দিলে ফাঁসিবদ্ধ হইয়া ঝুলিতে থাকে*।” সুযোগ্য বিচারক আপনার

* *Martin, Indian Empire. Vol. II, p. 301.*

প্রতিহিংসা পরিতৃপ্ত করিয়া, এই রূপ গর্ভ প্রকাশ করিয়াছিলেন। সৈনিক কর্মচারিগণ অপেক্ষা দেওয়ানী কর্মচারিগণই সর্ব্বধ্বংসের পরাকাষ্ঠা দেখাইয়াছিলেন। জল্লাদ ও মুদ্ফরাসদিগের বেতন কমাইয়া দেওয়া হইয়াছিল। এই বিষয় গবর্ণমেন্টের গোচর করিবার সময়ে, মাজিষ্ট্রেট এই হেতুবাদ দেখাইয়া ছিলেন যে, এতদ্বারা প্রত্যেক ব্যক্তিকে ফাঁসী দিতে দশ টাকা করিয়া বাঁচিয়া যাইবে। ব্যয়সংক্ষেপের সহিত এইরূপে লোকসংক্ষেপ করা হইয়াছিল।

এই সময়ে একজন বাঙ্গালী মুন্সেফ বিশিষ্ট সাহস ও পরাক্রমের পরিচয় দেন। ইনি আপনার তত্ত্বাবধানে সৈনিকদল সংগঠিত করেন, তাহাদিগকে সুনিয়মে পরিচালিত করিতে উদ্যত হইলেন, এবং বিপক্ষের ক্ষমতা বিনষ্ট করিয়া আপনার বীরত্বকীর্তিতে গৌরবান্বিত হইয়া উঠেন। ইহার নাম প্যারীমোহন বন্দ্যোপাধ্যায়। ইনি ছগলী জেলার অন্তর্গত উত্তরপাড়ার সম্রাট ব্রাহ্মণবংশে জন্মগ্রহণ করিয়া আপনার সাহস ও বীরত্বের পরিচয়স্বরূপ “যুদ্ধকারী মুন্সেফ” বলিয়া অভিহিত হইলেন। বাবু প্যারীমোহন উত্তরপাড়ার ইঞ্জরেজী বিদ্যালয়ে তৎপরে কলিকাতাস্থিত হিন্দুকলেজে বিদ্যাশিক্ষা করেন। সিপাহীযুদ্ধের সমকালে ইনি এলাহাবাদের মুন্সেফ ছিলেন। গবর্ণমেন্ট ইহাকে জায়গীর দিয়া, এবং ডেপুটি মাজিষ্ট্রেট করিয়া ইহার সাহস ও পরাক্রমের সম্মানরক্ষা করিয়াছিলেন*।

কলিকাতা রিবিউ নামক সাময়িক পত্রের একজন সদাশয় লেখক এই “যুদ্ধকারী মুন্সেফের” সম্বন্ধে লিখিয়াছেন, “দেওয়ানী আদালতে এতদেশীয় বিচারক, এক জন বাঙ্গালী বাবু, এসময়ে আপনার ক্ষমতা সাহসে সর্ব্বজনসমক্ষে এরূপ সুপরিচিত হইলেন যে, তিনি ‘যুদ্ধকারী মুন্সেফ’ বলিয়া প্রসিদ্ধ হইয়া উঠেন। তিনি কেবল সাহসসহকারে আপনাদের অধ্যুষিত স্থানরক্ষা করেন নাই, অধিকন্তু আক্রমণের প্রণালী অবধারিত করিয়াছেন, পল্লীসমূহ ভস্মীভূত করিয়া ফেলিয়াছেন, ইঞ্জরেজীতে ঘটনার বিবরণ সহ স্বাভিমত লিপিবদ্ধ করিয়া, অধীন ব্যক্তিদিগকে ধস্তা

* A Hindu, Mutinies and the People, p. 141.

দিয়াছেন এবং শাসনকার্যে ক্রমতা ও আপনাদের প্রসিদ্ধ জাতীয় গুণ—বুদ্ধি-প্রাধর্য দেখাইয়াছেন *।” উপস্থিত সময়ে উত্তরপশ্চিমপ্রদেশের রাজকীয় কার্যালয়সমূহে বাঙ্গালীর সংখ্যাই অধিক ছিল। সিপাহীযুদ্ধের সময়ে এই প্রদেশের কোন স্থলেই ইহাদের বিপক্ষতাচরণের নিদর্শন পরিদৃষ্ট হয় নাই। ইহারা সর্বাস্তঃকরণে আপনাদের চিরন্তন রাজভক্তির সম্মানরক্ষা করিয়া ছিলেন†।

সুসভ্য ব্রিটিশ রাজপুরুষগণ এইরূপ বিধ্বংসব্যাপারে আপনাদের সভ্যতার পরিচয় দিয়াছিলেন। তাঁহাদের বিপক্ষগণ তাঁহাদের ঞ্চায় সভ্যতাগোরবে উন্নত ছিল না, তাঁহাদের ঞ্চায় হিতাহিতনির্ধারণে পারদর্শী ছিল না, তাঁহাদের ঞ্চায় অস্ত্রশস্ত্রে বলীয়ান ও সহায়সম্পন্ন ছিল না। তাহাদের স্বাধীনতাপ্ৰহা থাকিতে পারে, দেশহিতৈষিতার জ্ঞান একাগ্রতা থাকিতে পারে, ধর্মব্রহ্মের জ্ঞান একপ্রাণতা থাকিতে পারে; কিন্তু তাহারা যে, অনেক সময়ে গভীর উত্তেজনায় সভ্যতার চিহ্নসকল বিনষ্ট করিয়া ফেলিয়াছিল, তদ্বিষয়ে সন্দেহ নাই। তাহারা বলবন্তী প্রতিহিংসায় ইউরোপীয়দিগকে যারপর নাই ছরবস্থান্বিত করিয়াছিল; চিকিৎসালয়, বিদ্যালয়প্রভৃতি ভস্মস্তূপে পরিণত করিয়া তুলিয়াছিল; বিদেশিনী কুলকণ্ঠা ও বিদেশী শিশু সন্তানলিকে তুরবারির আঘাতে বিচ্ছিন্ন করিয়া ফেলিয়াছিল। বাণিজ্যলক্ষ্মীর সাদে যে স্থান সর্বদা শ্রীসম্পন্ন থাকিত, শান্তির মহিমায় যে স্থানে লোকে রূপদে বাস করিত, সভ্যতার গোরবে যে স্থান সর্বদা সভ্যসমাজে পরিণত হইত, তাহাদের আক্রমণে সে স্থানের শৃঙ্খলা ও শান্তি বিলুপ্ত হয়, বংশোদ্ভব ও সমৃদ্ধি অন্তর্হিত হইয়া যায়। কিন্তু কেবল ভারতের ইতিহাসেই ভয়াবহ বিপ্লবের এইরূপ লোমহর্ষণ চিত্র পরিদৃষ্ট হয় না। এগুলি প্লবের অবশ্যস্বাভাবী ফল। বিভিন্নদেশের ইতিহাসে ইহা অপেক্ষা অধিকতর দুরূহ ঘটনার বর্ণনা দেখা যায়। বাইবেলের প্রাচীন সংহিতায়, নরনারী বালকবালিকা হত্যার বর্ণনা রহিয়াছে। সভ্যতাসম্পন্ন রোমসাম্রাজ্যেও

* *Calcutta Review. Vol. XXXI. p. 69.*

† *Ibid p. 68.*

যে, এইরূপ নিষ্ঠুর কার্য সম্পাদিত হইত, তাহা ইতিহাসপাঠকের অবিদিত নাই। সপ্তদশ শতাব্দীতে ইঙ্গলণ্ডের ভূপতি প্রথম চার্লসের রাজত্বকালে আয়লণ্ডের প্রোটেষ্ট্যান্ট সম্প্রদায়ের প্রতি তাহাদের প্রতিদ্বন্দ্বী কাথলিক ধর্মসম্প্রদায় যে রূপ ঘোরতর অত্যাচার করিয়াছিল, তাহার বর্ণনা পাঠ করিয়া, ইঙ্গলণ্ডের ইতিহাসপাঠক আজ পর্য্যন্ত স্তম্ভিত হইয়া থাকেন*। সুসভ্য দেশে বিপ্লবের সংঘাতে যখন অবাধে এইরূপ ভয়াবহ কার্য অনুষ্ঠিত হইয়াছে, নিরপরাধা কুলনারী ও নিরীহ শিশুসন্তান পর্য্যন্ত যখন উত্তেজিত লোকের হস্তে প্রাণত্যাগ করিয়াছে, তখন ভারতের যুদ্ধোন্মত্ত সিপাহীদল ও উত্তেজিত জনসাধারণ যে, আপনাদের চিরন্তন ধর্ম, আপনাদের চিরমাতৃ আচার ও আপনাদের চিরাগত সম্পত্তিরক্ষার জন্ত ফিরিন্দীদিগের হত্যায় উদ্যত হইবে, তাহা কিছুই বিচিত্র নহে। তাহারা নিত্যসন্ধিগ্ন ও নিত্যকৌতূহলপর। ভূয়োদর্শিতায় তাহাদের অভিজ্ঞতার বৃদ্ধি হয় নাই, কার্য্যকারণের পরিজ্ঞানে তাহাদের চিত্ত সুব্যবস্থিত হইয়া উঠে নাই, বা ধীরতায় ও সন্ধিবেচনায় তাহাদের হৃদয় প্রশান্ত ভাব অবলম্বন করে নাই। তাহারা ইঙ্গরেজের দুর্বলগাহ রাজনীতির মর্শ্বগ্রহণে অসমর্থ হইয়া, বিভীষিকাময়ী কল্পনায় উন্মত্ত হইয়া উঠিয়াছিল। তাহাদের কেহ কেহ ইঙ্গরেজের কার্য্যপ্রণালীর দোষে আপনাদের সর্বনাশ হইবে মনে করিয়া, সংহারকার্য্যে উদ্যত হইয়াছিল, কেহ কেহ ক্ষমতাচ্যুত বা সম্পত্তিচ্যুত লোকের উত্তেজনায় অসিপরিগ্রহ করিয়াছিল, কেহ কেহ ইচ্ছা না থাকিলেও, আপনাদের সম্পত্তিনাশের আশঙ্কায় উন্মত্ত লোকের সহিত মিশিয়া ছিল, কেহ কেহ সম্পত্তিলুপ্তনে আপনাদিগকে সহসা সমৃদ্ধ করিবার আশায়, কেহ কেহ বা আয়নীদিগের প্ররোচনার বিপ্লবের বিস্তারে উদ্যত হইয়াছিল। যখন প্রধান প্রধান নগরে সিপাহীগণ গবর্নমেন্টের বিরুদ্ধে অস্ত্রপরিগ্রহ করিতেছিল, ইউরোপীয় সৈন্য যখন যথাসময়ে ঘটনাস্থলে উপস্থিত হইতে অসমর্থ হইয়া পড়িতেছিল, তখন এই জনসাধারণ অতঃকোন উপায় না দেখিয়া, উত্তেজনায় স্রোতে ভাসমান হইয়াছিল।

* *Calcutta Review. Vol. XXXI, p. 80.*

রোমকগণ ব্রিটিশ স্বীপ পরিত্যাগ করিলে ব্রিটনদিগের যেরূপ অবস্থা ঘটিয়াছিল, উপস্থিত সময়ে উক্ত জনসাধারণও সেইরূপ অবস্থায় পতিত হইয়াছিল*। ইহাদের কোন সংপরামর্শদাতা ছিল না, কোন উদ্ধারকর্তা ছিল না, সম্পত্তি ও সম্মানরক্ষার কোনরূপ অবলম্বন ছিল না। ইহারা উপায়ান্তর না দেখিয়া অবশ্যভাবী ঘটনার অমুভর্তী হইয়াছিল। শেষে ইংরেজের হস্তে ইহাদের সর্বনাশ হয়। ইহারা যে পরিজনবর্গের রক্ষার জন্ত, সিপাহীদিগের পক্ষসমর্থনে উদ্যত হইয়াছিল, যে সম্পত্তি নির্বিবাদে ভোগ করিবার আশায়, সিপাহীদিগের কার্যের অমুমোদন করিয়াছিল, ইহাদের সেই পরিজনবর্গ শেষে উৎসন্ন এবং সেই সম্পত্তি শেষে পরহস্তগত বা ভস্মীভূত হয়। ইহারাও শেষে ফাঁসীকাষ্ঠে বিলম্বিত হইতে থাকে। ইংরেজ ইহাদের সম্বন্ধে কোন অংশে দয়াপ্রদর্শন করেন নাই। তাঁহারা যুবক, বৃদ্ধ, সকলকেই সমভাবে মৃত্যুমুখে পাতিত করেন। পল্লীদাহে নিরাশ্রয় বালকবালিকা পর্যন্ত ভস্মীভূত হইয়া যায়। ইংরেজ তখন এই বলিয়া গর্ভপ্রকাশ করিয়াছিলেন যে, “নিগার নেটিবদিগের” সমূলে বিধ্বংস করা তাঁহাদের একটি আমোদ হইয়া উঠিয়াছে। তাঁহারা হৃষ্টান্তঃকরণে এই আমোদ উপভোগ করিয়াছেন†। অন্যদেশের একজন গ্রন্থকার তাঁহার ভ্রমণবৃত্তান্তে উল্লেখ করিয়াছেন যে, পথপার্শ্বে ও বাজারে যে সকল ব্যক্তিকে ফাঁসী দেওয়া হইয়াছিল, তাহাদের শব গঙ্গায় ফেলিয়া দিবার নিমিত্ত আট খানি গাড়ি নিয়োজিত হয়। তিন মাস এই পদ্ধিতে প্রত্যহ প্রাতঃকাল হইতে সন্ধ্যাপর্যন্ত ঐ সকল শব লইয়া যাওয়া হয়। সরাসরি বিচারে ছয় হাজার লোকের জীবন এইরূপে বিনষ্ট হইয়াছিল‡ যুদ্ধের অবসানে ইংরেজ এইরূপে প্রতিহিংসার তৃপ্তিসাধন করিয়াছিলেন। বিলুপ্ত ও বিপ্লবের বিনিময়ে এইরূপে সর্বধ্বংসব্যাপার সম্পন্ন হইয়াছিল। উত্তেজনার পরিবর্তে এইরূপে সাধারণের সম্মুখে প্রচণ্ডভাব প্রদর্শিত

* *Calcutta Review*, Vol. XXXI, p. 84.

† *Kaye, Sepoy War*. Vol. II. p. 270.

‡ *Bholanath Chunder, Travels of a Hindu*, Vol. II. p. 324-325

হইয়াছিল, এবং লোকপালনী শক্তির পরিবর্তে এইরূপে সর্বসংহারিণী শক্তি আবির্ভূত হইয়া, করুণার সম্মোহন ভাব অপসারিত করিয়া ফেলিয়াছিল।

এলাহাবাদবিভাগের সিপাহীযুদ্ধের সম্বন্ধে একজন সদাশয় সুলেখকের একটি প্রবন্ধ উপস্থিত যুদ্ধের অবসানসময়ে কলিকাতা রিবিউ নামক প্রসিদ্ধ সাময়িক পত্রে প্রকাশিত হয়। ঐ প্রবন্ধোক্ত কোন কোন বিষয় পূর্বে লিখিত হইয়াছে। যাহা হউক, প্রবন্ধের উপসংহারভাগে লেখক, এলাহাবাদ-বিভাগের লোকহত্যার সম্বন্ধে এই ভাবে স্বীয় মত প্রকাশ করিয়াছেন :—
 “প্রত্যেক ইঙ্গরেজ কেবল স্বাধীন মানব নহেন, প্রত্ন্যত স্বাধীনতার প্রচারক। তাহারা যথেষ্টাচার গবর্ণমেন্টের কর্মচারী হইলেও, এই বলিয়া সাধুনালাভ করেন যে, গবর্ণমেন্ট পিতৃভাবে প্রজাপালন করিয়া থাকেন। ‘রাজনৈতিক বিষয়ে কোন অপরাধ এ স্থানে পরিদৃষ্ট হয় না, এবং প্রকৃতিবর্গও আপনাদের অবস্থায় সন্তুষ্ট,’ আর এই সকল কথা যেন প্রচারিত না হয়। যেন রশোগিতপাত হইয়াছে, তাহা ভাগীরথীর জলপ্রবাহে বিধৌত হইবে না। অনন্ত কালশ্রোতেও ১৮৫৭ অন্ধ স্মৃতিপট হইতে বিলুপ্ত হইয়া যাইবে না। এই সময়ে শত শত ব্যক্তিকে বলপূর্বক বিনাশ করা হইয়াছে। আমরা চারি দিকে পরিবেষ্টিত, আক্রান্ত, অপমানিত ও নিহত হইয়াছি; ইহার বিনিময়ে আমরাও আত্মরিক বলে ঐ সকল আক্রমণকারী, অবমাননাকারী ও হত্যাকারীকে বিদগ্ধিত করিয়াছি। আমরা তাহাদের সহিত বন্ধুভাবে সম্মিলিত হইবার ও তাহাদের নিকটে বন্ধুভাবে অভিনন্দিত হইবার আশা করিতে পারি নাই। তাহাদের মধ্যে তাহাদের সন্তানবর্গের পিতৃস্বরূপেও অবস্থিতি করিতে পারি নাই। তাহারা যেমন আমাদের শোগিতপাত করিয়াছে, আমরাও সেইরূপ তাহাদের শোগিতপাত করিয়াছি। আমরা তাহাদের প্রতি প্রদর্শন করিয়াছি, তাহারাও আমাদের প্রতি এরূপ ঘৃণা দেখাইয়াছে, যে, আমাদের মৃত্যু হইলেই যেন তাহারা সন্তুষ্ট হয়।

“খ্রীষ্টীয়ধর্মাবলম্বীর সহিত এতদেশীয়দিগের এইরূপ যুদ্ধ, করুণা, সমবেদনা ও খ্রীষ্টধর্মের অনুশাসন সমূলে উৎপাটিত করিবার করুণা করা বড় ভয়ানক। যাহারা সম্প্রতি ইঙ্গলও হইতে উপস্থিত হইয়াছেন, তাহারা করুণাময়ী

দেবানন্দনাথরূপ সদয়প্রকৃতি নারীদিগের মুখে যখন সর্বজাতির, সর্বশ্রেণীর ধ্বংসকাহিনী শুনিয়াছেন; তাহাদের প্রতি কিরূপ প্রতিহিংসা প্রদর্শিত ও তাহারা কিরূপে দলে দলে ফাঁসীকাষ্ঠে বিলম্বিত হইয়াছে, যখন তাহার বিবরণ জানিয়াছেন, তখন তাঁহারা বিস্ময়ে অভিভূত হইয়াছেন। মনুষ্যত্বের বিশ্বজনীন ধর্ম আমাদের মধ্য হইতে অন্তর্হিত হইয়াছে। আমরা এই সকল ব্যক্তিকে আরণ্য পশু বলিয়া অভিহিত করিয়াছি। কিন্তু এই পশুদিগের মধ্যেই আমাদের জীবনের সর্বোৎকৃষ্ট ভাগ অতিবাহিত হইয়াছে। আমরা ইহাদের হস্ত হইতেই খাদ্য সামগ্রী গ্রহণ করিয়াছি। আমাদের কার্যে, ইহারা আর আমাদের হত্যাকারী না হইলেই ভাল।

* * * * *

“তাহারা যুদ্ধক্ষেত্রে আমাদের বিরুদ্ধে দাঁড়াইয়াছিল, কিংবা আমাদের ক্ষমতার পরাজিত হইয়াছিল, অথবা, আমাদের তরবারিতে, কামানে ও ফাঁসীকাষ্ঠে দেহত্যাগ করিয়াছিল, তাহাদের কাহারও সম্বন্ধে আমরা কোনরূপ অনুসন্ধান বা কোনরূপ বিচার করি নাই। তাহাদের অনেকেই স্পার্টাবাসীদিগের স্থায়, স্পর্ধাসহকারে মৃত্যুকে আলিঙ্গন করিয়াছিল, এবং জয়োল্লাসে আপনাদের অন্তিম সময়ের প্রতীক্ষায় ছিল। তাহারা কিরূপ শক্তিসম্পন্ন, তাহা কেবল সেই অন্তর্যামী প্রধান পুরুষই জানিতেন। তাহাদের কেহই জীবনভিক্ষা করে নাই, কিংবা কোন বিষয়ের বিনিময়ে জীবনরক্ষা করিতে যত্নবান্ হয় নাই। তাহারা অপরের জীবন যেমন তৃণবৎ জ্ঞান করিয়াছিল, আপনাদের জীবনও সেইরূপ তুচ্ছ বোধ করিয়াছিল। সহস্র সহস্র ব্যক্তি আমাদের বিরুদ্ধে সমুথিত হইয়াছিল, যেহেতু, তাহাদের অবলম্বনের আর কোন পথ ছিল না, আত্মরক্ষার আর কোন উপায় ছিল না, এবং কোন স্থলে করুণার কোমলভাবের বিকাশ ছিল না।

“আমাদের শাসকবর্গ ভাবিয়া দেখুন, তাঁহারা অনুন্নত ও অসভ্য জনগণের শাসনভার গ্রহণ করেন নাই। বহুসংখ্য সমৃদ্ধ নগর ও অসংখ্য পল্লী তাহাদের আবাস স্থল। তাহারা কার্যে চতুর, আচারব্যবহারে ভদ্র, যুদ্ধে সাহসসম্পন্ন, মৃত্যুতে নির্ভর এবং ধর্ম্মানুগত বিশ্বাসে অনমনীয়। হইতে পারে যে, তাহারা স্ত্রীমানুগত বিরাগের বশবর্তী হইয়া আমাদের বিরুদ্ধ পক্ষ অব-

লক্ষন করিয়াছিল। যেহেতু, তাহাদের ধারণা ও আমাদের ধারণা এক নহে তাহাদের দেবতা ও আমাদের দেবতা এক নহেন, তাহারা যে ভাবে ঋষি ঋষির বিচার করে, আমরা সে ভাবে ঋষিঋষির বিচার করি না আমরা এই সকল লোককে সমূলে বিধ্বস্ত করিয়া তাহাদের স্থানে ইন্দ্রের দিগকে উপনিবিষ্ট করিতে পারি না। আমরা সমগ্র ভারতবর্ষ জনশূন্য করিয়া, উহাকে শান্তিময় বলিয়াও নির্দেশ করিতে পারি না। অতএব আমরা যে, নিরতিশয় অপকার্য করিয়াছি, তাহা অবশ্য স্বীকার করা উচিত বিশ্বনিয়ন্তার হস্তই আমাদিগকে রক্ষা করিয়াছে এবং এখনও রক্ষা করিতেছে সেই সর্বনিয়ন্তা ভগবানই অপরাধের শাস্তি দিতেছেন এবং আমাদিগকে রক্ষা করিতেছেন। আমাদের ক্ষমতা, আমাদের বিদ্যাবুদ্ধি, আমাদের মন্ত্রিগণের অভিজ্ঞতা, আমাদের বহুসংখ্য সৈন্যসামন্ত ও অস্ত্রশস্ত্র থাকিলেও, দুর্বল, নিরক্ষর, বিভ্রান্ত, বিদ্রোহী বলিয়া কথিত এই সকল ব্যক্তির প্রতি দয়া ও ক্রমাশ্রয় দেখান করা উচিত*।”

উদারপ্রকৃতি, সহৃদয় লেখক এলাহাবাদবিভাগে এতদেশীয়দিগের হত্যাকাণ্ডসম্বন্ধে এইরূপ মত প্রকাশ করিয়াছেন। যত দিন ঋষিপুত্রতার সম্মান থাকিবে, দয়া ও উদারতা যতদিন লোকসমাজে চিরন্তন স্নিগ্ধভাবে পরিচর্য দিবে, এবং সাধুতা ও সন্নীতি যত দিন পাপের প্ররোচনায় বিমুক্ত না হইয়া সর্বক্ষণ অটলভাবে রহিবে, তত দিন উক্ত লেখকের লেখনীবিনিঃসৃত বাক্যাবলী উপেক্ষিত হইবে না।

সেনাপতি নীল যখন এলাহাবাদে ব্রিটিশ কোম্পানির আধিপত্য পুনঃপ্রতিষ্ঠিত করিতেছিলেন, তখন তিনি কাণপুর ও লক্ষনৌস্থিত স্বদেশীয়দিগের অবশ্যস্তাবী বিপদের বিষয় ভাবিয়া সাতিশয় উদ্বিগ্ন হইলেন। তিনি ঐ দুই স্থলে সাহায্যকারী সৈনিকদল পাঠাইবার জন্য সর্বিশেষ চেষ্টা করিতে থাকেন। কিন্তু উপস্থিত সময়ে, এ বিষয়ে বিশিষ্ট সহায়তাসহকারে কার্য করিবার সুবিধা ছিল না। লোকের অভাব না হইলেও আনুষঙ্গিক জব্যাদির

বড় অভাব উপস্থিত হইয়াছিল। সৈন্যদিগের জন্ম যথোচিত খাদ্য সামগ্রী দক্ষিত ছিল না। এতদ্ব্যতীত অভিযানসময়ে যে সকল দ্রব্যের প্রয়োজন, তৎসমুদয়ও সংগৃহীত ছিল না। রসদবিভাগের কার্যের জন্ম অনেক বস্তু সংগৃহীত হইয়াছিল। কিন্তু যুদ্ধের প্রারম্ভেই তৎসমুদয় উত্তেজিত সিপাহীদিগের হস্তগত হয়। এইরূপে গাড়ি ও গরুর সংগ্রহে অনেক বিলম্ব হইল। যুদ্ধের গোলযোগে সৈন্যের ব্যবহারোপযোগী তাহা সকলও হস্তান্তরিত ও স্থানান্তরিত হইয়া গিয়াছিল। এই সময়ে এক দিন যেমন সূর্যের উত্তাপে পৃথিবী বিদগ্ধ হইত, অপর দিন হয় ত, নিরন্তর বৃষ্টিপাতে চারি দিক ভাসিয়া যাইত, সুতরাং প্রচণ্ড উত্তাপ ও অবিরল বৃষ্টিসম্পাতের মধ্যে সৈনিকপুরুষদিগকে অগ্রসর হইতে হইত। একরূপ অবস্থায় দ্রব্যাদি সংগৃহীত না হইলে, তাহারা সত্বরতা সহকারে নিদ্রিষ্ট স্থলে উপস্থিত হইতে পারিত না। কিন্তু এলাবাদের যুদ্ধে সম্পত্তি সকল বিনষ্ট হইয়াছিল, শ্রমজীবীগণ আতঙ্কে অধীর হইয়া ইতস্ততঃ পলায়ন করিতেছিল, ব্যবসায়ীগণ আপনাদের ব্যবসায়ের যারপর নাই ক্ষতিগ্রস্ত হইয়া পড়িয়াছিল। ইহার উপর যুদ্ধের অবসানে কর্তৃপক্ষ যে সর্ববিধসংসকর কার্যে প্রবৃত্ত হইয়া ছিলেন, তাহাতে অনেকে ভীত হইয়া স্থানান্তরে আত্মগোপন করিয়াছিল। সুতরাং রসদবিভাগের কর্মচারীগণ শীঘ্র শীঘ্র কার্য্য করিবার জন্ম লোক পাইলেন না, আবশ্যিক দ্রব্যসংগ্রহ করিতেও সমর্থ হইলেন না। তাহারা দ্রব্যাদির সংগ্রহ জন্ম যে সকল ব্যক্তির সহিত পূর্বে চুক্তি করিয়াছিলেন; লোকসংহারে ইন্ধরেজের তৎপরতা দেখিয়া, তাহারাও ভয়ে পলায়ন করিয়াছিল। এই সকল কারণে সাহায্যকারী সৈন্যের অভিযানে বিলম্ব হইতে লাগিল।

এই সময়ে আবার একটি অপ্রত্যাশিত বিপদের সূত্রপাত হইল। সনাপতি নীল বধন আবশ্যিক দ্রব্যের প্রতীক্ষায় ছিলেন, তখন হ্রস্ব বিষচিকিৎসারোগ তাঁহার সৈনিকদলে প্রবেশ করিল। প্রচণ্ড উত্তাপে অবস্থিতি, স্ট্রিকের খাদ্যদ্রব্যের অভাব ও উত্তেজক সুরাপান, এই কারণ-মণ্ডিতে হ্রস্ব রোগের ভয়ঙ্করভাব দিন দিন বৃদ্ধি পাইতে লাগিল। এক ক্রিতে ২০ জন একসঙ্গে সমাহিত হইল। চিকিৎসালয় ওলাউঠা রোগীতে

পরিপূর্ণ হইয়া গেল। সেনাপতি এই আকস্মিক বিপৎপাতে নিরতিশ
 বিষত হইয়া পড়িলেন। এ সময়ে এতদেশীয়দিগের সাহায্য ভিন্ন কো
 কার্য্য করিবার সুবিধা ছিল না। রোগীদিগকে লইয়া ঘাইবার জন্ত ডুলী
 একান্ত অভাব হইয়াছিল। ডুলী পাওয়া গেলেও বাহক পাওয়া ঘাই
 না। এদিকে প্রয়োজনীয় কার্য্যসম্পাদন জন্ত সৈনিককর্মচারীদিগের অল্প
 ও ভৃত্যসংগ্রহ করা সাতিশয় দুর্ঘট হইয়াছিল। ইঙ্গরেজের বলবতী প্রতিহিং
 দেখিয়া কেহই তাহাদের সম্মুখে ঘাইতে সাহসী হইত না। বিভীষিকা
 রাজ্য সর্বত্র প্রতিষ্ঠিত হইয়াছিল, সকলেই প্রতিমুহূর্ত্তে ইউরোপীয়ের হা
 আপনাদের প্রাণনাশের আশঙ্কা করিতেছিল। এই সময়ে একজন রেলও
 কর্মচারী লিখিয়াছিলেন, “সেনাপতি নীল আমাদের সকল সিবিল
 কর্মচারীকে দুর্গের বহির্দেশে থাকিতে আদেশ দিয়াছিলেন। এই আদেশ
 অতি কঠোর হইলেও এতদ্বারা আমাদের সমূহ কষ্টের অবসান হইয়াছিল।
 রাত্রিকালে আমরা দুর্গের ঢালু স্থানে কামানের পার্শ্বে নিদ্রিত থাকিতাম।
 পুরুষেরা পর্য্যায়ক্রমে জ্বীলোক ও বালকবালিকাদিগের রক্ষার জন্ত
 সাক্ষীর কার্য্য করিত। এতদেশীয়দিগের যে কেহ, আমাদের দৃষ্টিপথে পতিত
 হইত, আমরা কোন কথা জিজ্ঞাসা না করিয়া তাহাকেই গুলি করি
 তাম। সৈনিকদল যদিও অতিশ্রমপ্রযুক্ত হাঁটিতে অসমর্থ ছিল, তথাপি
 সেনাপতি নীলের আদেশে তাহাদের কতিপয় ব্যক্তি দুর্গ হইতে বহির্গত
 হইয়া, আমাদের ভয়ানক বাজলার নিকটবর্ত্তী সমস্ত পল্লী দগ
 করিয়াছিল, এবং যাহাকে ধরিতে পারিয়াছিল, তাহাকেই পথের উভয়
 পার্শ্বস্থিত বৃক্ষের শাখায় ফাঁসী দিয়াছিল। আর একদল সৈনিক
 সহরের যে অংশে এতদেশীয়েরা বাস করিত, সেই অংশস্থিত সকা
 গৃহেই আগুন দিয়াছিল। গৃহ হইতে যাহারা পলাইতে উদ্যত
 হইয়াছিল, তাহাদের উপর গুলির পর গুলিবৃষ্টি করিয়াছিল। কয়েক ঘণ্টা
 মধ্যেই আমরা এরূপ ভয়গ্রস্ত হইয়াছিলাম যে, নিরাপদ হইবার জন্ত
 রেলওয়ে ষ্টেশনে যাওয়াই উচিত মনে করিয়াছিলাম। আমরা
 অল্পশব্দশূন্য হইয়া ঐ স্থানে গিয়াছিলাম, যে সকল এতদেশীয় আমাদের
 কার্য্যে নিযুক্ত ছিল, তাহাদিগকে এক একখানি পাশ দেওয়া হইয়াছিল।

তাহারা পাশ দেখাইতে পারে নাই তাহারা নিকটবর্তী বৃক্ষে ফাঁসবন্ধ হইয়াছিল * ।”

এইরূপ বিধ্বংসব্যাপারে এতদেশীয়েরা নিরতিশয় ভীত হইয়াছিল, এবং স্পীত হৃদয়ে ইউরোপীয়দিগকে সর্ব্বক্ষেণেই আপনাদের সর্ব্বনাশে সমুদ্যত গণবিরাহিল স্মতরাং তাহারা ইউরোপীয়দিগের নিকটে আসিয়া তাহাদের কার্য সম্পাদনের ইচ্ছা করে নাই। এজন্য প্রয়োজনীয় দ্রব্যাদির সহিত প্রয়োজনীয় কার্যসম্পাদকেরও একান্ত অভাব হইয়াছিল। উপস্থিত ক্ষেত্র প্রসিদ্ধ ইতিহাসলেখক কে সাহেব এই প্রসঙ্গে লিখিয়াছেন, এতদেশীয়দিগের সাহায্য ব্যতীত আমাদের কোন কার্য করিবার সামর্থ্য ছিল না, একরূপ হইলেও আমরা ইহাদিগকে আমাদের তাম্বুর বহুদূরে তাড়াইয়া দিতে যারপরনাই চেষ্টা করিয়াছিলাম † । ইঙ্গরেজ উপস্থিত সময়ে কিরূপে অনিষ্টকর নীতির অনুসরণ করিয়াছিলেন, তাহা এই ইতিহাসলেখকের বাক্যেই প্রতিপন্ন হইতেছে।

এইরূপ গোলযোগে সেনাপতি নীলকে জুন মাসের শেষদিন পর্য্যন্ত এলাহাবাদে থাকিতে হইয়াছিল। কোন ইউরোপীয় সৈন্য এ পর্য্যন্ত কাণপুরের উদ্ধারে প্রেরিত হয় নাই। ঐ দিন অপরাহ্নে মেজর রেগডের তত্ত্বাবধানে ৪০০ শত ইউরোপীয় সৈন্য, ৩০০ শত শিখ, ১০০ শত অশ্বারোহী ও ২টি কামান কাণপুরের অভিমুখে যাইতে উদ্যত হয়। সেনানায়ক রেগডকে যাহা যাহা করিতে হইবে, কর্ণেল নীল তৎসমুদয় লিখিয়া দেন। তিনি এই আদেশলিপিতে লিখিয়াছিলেন, পথের নিকটবর্তী বিপক্ষদিগের অধ্যুষিত সমস্ত স্থানই আক্রমণ ও ধ্বংস করিতে হইবে। কিন্তু অপর কাহারও দেহ যেন স্পর্শকরা না হয়। অধিবাসীদিগকে আপনাদের বাসগৃহে প্রত্যাবর্তন জ্ঞাত উৎসাহ দিতে হইবে, ব্রিটিশ ক্ষমতার পুনঃপ্রতিষ্ঠার সম্বন্ধে তাহাদের মনে বিশ্বাস জন্মাইতে হইবে। এই সূত্রে অপরাধী ব্যক্তিদিগের অধ্যুষিত কতিপয় পল্লী ধ্বংসকরিবার জ্ঞাত দেখাইয়া দেওয়া হয়।

* *Martin, Indian Empire, Vol. II., p. 220.*

† *Kaye, Sepoy War, Vol. II., p. 274, note.*

সেই সকল পল্লীবাসীদিগকে মৃত্যুমুখে পাতিত করিতে বলা হয়। এতদ্ব্যতীত আদেশলিপিতে নির্দেশ থাকে, যে সকল সিপাহী আপনাদের সম্বন্ধে সন্তোষজনক বিবরণ দিতে না পারিবে, তাহাদের সকলকেই ফাঁসী দিতে হইবে। ফতেহপুর নগরের অধিবাসিগণ গবর্ণমেন্টের বিরুদ্ধে সমুথিত হইয়াছে, অতএব ঐ নগর আক্রমণ এবং উহার পাঠানপল্লী সমগ্র অধিবাসীসহ ধ্বংস করিতে হইবে। ফতেহপুরের সমস্ত বিপক্ষকে ফাঁসী দিতে হইবে। যদি তথাকার ডেপুটী কলেক্টরকে পাওয়া যায়, তাহা হইলে তাহাকেও ফাঁসী দিয়া তদীয় মস্তক বিচ্ছিন্ন করিতে হইবে, এবং ঐ ছিন্ন মস্তক নগরের কোন প্রধান (মুসলমানের অধিকৃত) বাড়ীতে নিবদ্ধ রাখিতে হইবে। এইরূপ ভয়ঙ্কর আদেশলিপি লইয়া, সেনানায়ক রেণড সৈনিকদল সহ কাণপুরের অভিমুখে স্থলপথে অগ্রসর হইতে উদ্যত হইলেন। এদিকে অলপথে রেণডের সহকারিতা এবং কাণপুরের বিপদাপন্ন ইউরোপীয়দিগের উদ্ধার জ্ঞাত একখানি জাহাজে কাপ্তেন স্পার্জেঁননামক একজন সেনানায়কের তত্বাবধানে আর একদল সৈন্য যাত্রা করিবার উদ্যোগ করিল।

যে দিন কাণপুরের উদ্ধারার্থ সৈন্য প্রেরিত হয়, সেই দিন একজন উচ্চপদস্থ সৈনিক পুরুষ কলিকাতা হইতে এলাহাবাদে উপনীত হইলেন। ইহার উপস্থিতিতে এলাহাবাদের ইউরোপীয়দিগের হৃদয় অধিকতর প্রফুল্ল ও অধিকতর আশ্বস্ত হয়। ইনি মহারানীর সৈনিকদলের একজন সাহসিক বীরপুরুষ। অনেক স্থানের অনেক যুদ্ধে ইহার সাহস ও ইহার পরাক্রম পরিস্ফুট হইয়াছিল। ইনি ব্রহ্মদেশ ও আফগানিস্তানের যুদ্ধে উপস্থিত ছিলেন, মধ্যভারতবর্ষে মহারাষ্ট্রসৈন্যের অবস্থা জানিতে সমর্থ হইয়াছিলেন, এবং শুরত্বসম্পন্ন শিখদিগেরও সাহস ও ক্ষমতার পরিচয় পাইয়াছিলেন। সময়ে বিজয়শ্রীলাভ করাই ইহার জীবনের একমাত্র উদ্দেশ্য ছিল। ইনি এই উদ্দেশ্যসিদ্ধির নিমিত্ত কোনরূপ দুর্গতিতে কাতর হইয়া পড়িতেন না। ইহার দৃঢ়তা, ইহার কার্যতৎপরতা ও ইহার অধ্যবসায় সর্বক্ষণ অটল ও অনমনীয় থাকিত।

কর্ণেল হাবেলক সিপাহীযুদ্ধের প্রারম্ভে বোম্বাইতে অবস্থিতি করিতে ছিলেন। বোম্বাই হইতে তিনি মাদ্রাজে উপনীত হইলেন। এই সময়ে গবর্ণর

জেনেরল লর্ড কানিং, মাদ্রাজের প্রধান সেনাপতি স্থার পাট্রিক গ্রাণ্টকে মৃত প্রধান সেনাপতি আন্সনের পদ গ্রহণ করিতে অনুরোধ করিয়াছিলেন । স্থার পাট্রিক গ্রাণ্ট এজন্য কলিকাতায় যাইতে উদ্যত হইলেন । এদিকে কর্নেল হাবেলকও মাদ্রাজে আসিয়া তাঁহার সহিত সম্মিলিত হইলেন । এইরূপে সাহসী সৈনিক পুরুষদ্বয় একসঙ্গে মাদ্রাজ হইতে যাত্রা করিয়া, ১৭ই জুন কলিকাতায় পদার্পণ করেন । গবর্ণর জেনেরল ইহাদের আগমনে যেরূপ নন্দিত, সেইরূপ আশঙ্কিত হইলেন । এখন কোন বিষয়ে বিলম্ব করিবার সময় ছিল না । বিপদ প্রতিমূহুর্ত্তে ভীষণতর হইয়া উঠিতেছিল । অল্পমাত্র বিলম্ব বা অল্পমাত্র গোলযোগ হইলেই বিপদের গতিরোধ হুঃসাধ্য হইত । সুতরাং দূরদর্শী লর্ড কানিং আর কালবিলম্ব করিলেন না । স্থার পাট্রিক গ্রাণ্ট প্রধান সেনাপতির পদগ্রহণ করিলেন, কর্নেল হাবেলক অবিলম্বে সৈনিকদলসহ এলাহাবাদে যাইতে আদিষ্ট হইলেন । এই সময়ে সংবাদ আসিয়াছিল যে, বারাণসীতে গোলযোগের শাস্তি হইয়াছে, কিন্তু এলাহাবাদ এখনও উপদ্রবশূন্য হয় নাই, এবং কাণপুর ও লক্ষ্মী সাতিশয় বিপদাপন্ন হইয়াছে । এজন্য হাবেলকের প্রতি আদেশ দেওয়া হইল যে, তিনি এলাহাবাদের উপদ্রবনিবারণ করিয়া, যত শীঘ্র সম্ভব, কাণপুর ও লক্ষ্মী যাইবেন, এবং সেই স্থানের বিপক্ষদিগকে সমূলে বিনষ্ট করিবার জন্ত যথোচিত উপায় অবলম্বন করিবেন । হাবেলক এইরূপ আদিষ্ট হইয়া, চারি দল পদাতিক, এক দল অশ্বারোহী ও গোলন্দাজ সৈন্যসহ যাত্রা করিবার আয়োজন করিলেন । অশ্ব ও কামানের অভাব প্রযুক্ত তিনি মনঃক্লান্ত হইলেন । অধিকন্তু পর্যাপ্তপরিমাণে টোটা না থাকাতেও তাঁহার মনো-মধ্যে দুশ্চিন্তার আবির্ভাব হইল । কিন্তু হাবেলক এই সকল অভাবের জন্ত সময় অতিবাহিত করিলেন না, তিনি গবর্ণরজেনেরল ও প্রধান সেনাপতির নিকট বিদায় লইয়া ২৫ শে জুন আশ্বস্তহৃদয়ে ও সাহসসহকারে আপনার সৈনিকদল সহ এলাহাবাদে যাত্রা করিলেন ।

৩০ শে জুন হাবেলক ও নীল ষখন এলাহাবাদে একত্র হইলেন, তখন নীল স্বকৃত কার্যের বিবরণ হাবেলককে জানাইলেন । তিনি কাণপুর ও লক্ষ্মীর উদ্ধার জন্ত যে ভাবে সৈন্তপ্রেরণের আদেশ দিয়াছেন, তাহা সেনাপতি

হাবেলকের অনুমোদিত হইল। এই বিচক্ষণ ও কার্যাত্মক সৈনিক পুরুষদ্বয়ের মধ্যে স্থির হইল যে, সেনানায়ক রেগড্ ঐ দিনই সৈনিকদলসহ স্থলপথে যাত্রা করিবেন। জলপথে সৈন্ত প্রেরণের যে ব্যবস্থা হইয়াছে, তদনুসারে সেনানায়ক রেগডের যাত্রার সমকালে জাহাজ ছাড়া হইবে না। যেহেতু, স্থলপথগামী সৈনিকদল অপেক্ষা জাহাজ অধিকতর সত্বরতাসহকায়ে অগ্রসর হইবে। এজন্য সেনানায়ক রেগডের যাত্রার কিছুকাল পরে কাপ্তেন স্পার্জেজনের অধীন সৈনিকদল যাত্রা করে।

এই রূপে ৩০শে জুন সায়ংকালে কাণপুরের ইউরোপীয়দিগের উদ্ধার জন্য সৈনিকদল স্থলপথে যাত্রা করিল। কিন্তু উপস্থিত সময়ে সকল বিষয়েই অসুবিধা বিলম্ব ঘটতে লাগিল। ইঙ্গরেজ সেনাপতি এক সময়ে প্রয়োজনীয় দ্রব্যাদির অভাবে অভিযানে বিলম্ব করিতেন, অল্প সময়ে বলবতী প্রতিহিংসার পরি-
তর্পণ জন্য বিপদাক্রান্ত স্থানে সত্বর অগ্রসর হইতে নিরস্ত থাকিতেন। কর্তৃপক্ষের সর্বসংহারিণী নীতির দোষে এলাহাবাদে শীঘ্র শীঘ্র প্রয়োজনীয় দ্রব্য ও কার্যসম্পাদন জন্য অনুচর প্রাপ্ত হওয়া যায় নাই। এখন অগ্র-
গামী সৈনিকদলের অধিনায়কের জিঘাংসার দোষে পথে বিলম্ব ঘটতে লাগিল। কাণপুরের উদ্ধারকারী সৈন্ত তিন দিনে যতদূর অগ্রসর হইল, ততদূর কেবল ভক্ষণপূর্ণ ও ধ্বংসাবশেষ তাহাদের বলবতী প্রতিহিংসার পরিচয় দিতে লাগিল। সেনানায়ক কিছুমাত্র বিচারবিতর্ক না করিয়া, গন্তব্য পথের উভয় পার্শ্ববর্তী পল্লীসমূহের আধবাসীদিগকে বৃক্ষশাখায় ফাঁসী দিতে লাগিলেন। সেই বৃক্ষশাখাবিলম্বিত শবরাশিতে কাণপুরে ঘাইবার পথ নিরতি-
শয় ভয়ঙ্কর হইয়া উঠিল। দুই দিনে এইরূপে বিয়াল্লিশ জনের প্রাণবায়ুর অবসান হইল। তাহাদের শব পথবর্তী বৃক্ষশাখায় ঝুলিতে লাগিল, এত-
দ্রুত বার জনকে বধ করা হইল। যেহেতু যখন ইঙ্গরেজ সৈন্ত কাণপুরের পথে অগ্রসর হয়, তখন ইহারা বিপক্ষদিগের দিকে ঘাইতেছিল। সৈনিকদল যেখানে বিশ্রাম করিতে লাগিল, সেই স্থানের পুরোতাগের সমস্ত পল্লী ভক্ষরাশিতে পরিণত হইতে লাগিল। অফিসরগণ এই সকল ব্যাপার দেখিয়া, সেনানায়ককে কহিলেন, যদি তিনি এই ভাবে সমস্ত পল্লী উৎসন্ন করেন, তাহা হইলে সৈন্তের খাদ্য দ্রব্যাদি পাওয়া একান্ত দুর্ঘট হইয়া উঠিবে।

কাণপুরের হত্যাকাণ্ডের পূর্বে ইন্ডিয়ান সেনাপতির আদেশে এইরূপ পল্লীদাহ ও নরহত্যা হইয়াছিল * । সুতরাং ঐ হত্যার প্রতিশোধ জ্ঞাত কাণপুরের পথবর্তী পল্লী জনশূন্য করা হয় নাই । এস্থলে সেনানায়ক কেবল বিদ্রোহের পরিতৃপ্তির জ্ঞাত নরশোণিতপাত করিতেছিলেন, কিন্তু ইহাতে যে, তাঁহাদেরই অনিষ্ট ঘটতেছিল, তদ্বিষয় তিনি ভাবিয়া দেখেন নাই । সর্বসংহারিণী প্রবৃত্তি তাঁহাকে ভবিষ্যতের দিকে দৃষ্টি রাখিতে দেয় নাই । তিনি যখন অবাধে নরহত্যা ও পল্লীদাহ করিতে করিতে অগ্রসর হইতেছিলেন, তখন (৩রা জুলাই) লক্ষ্মী হইতে স্যার হেনরি লরেন্সের প্রেরিত একজন এতদেশীয় চর তাঁহার শিবিরে উপস্থিত হইয়া কহিল যে, কাণপুররক্ষার জ্ঞাত সমস্ত আশাভরসার অবসান হইয়াছে । নগর শত্রুহস্তে নিপতিত হইয়াছে, সেনাপতি আত্মসমর্পণ করিয়াছেন, এবং সেনাপতি দহ তথাকার সমগ্র ইউরোপীয় নিহত হইয়াছেন ।

অবিলম্বে এই দুঃসংবাদ এলাহাবাদে পহুছিল । সেনাপতি নীল ইহাতে বিশ্বাসস্থাপন করিলেন না । তিনি ভাবিলেন, এই সংবাদ নিঃসন্দেহ শত্রু-পক্ষ হইতে প্রচারিত হইয়াছে । প্রয়োজনীয় দ্রব্যাদির সংগ্রহে বিলম্ব হইলেও তাঁহার বিশ্বাস ছিল, কাণপুরের ইউরোপীয়েরা সহসা শত্রুহস্তে নিহত ও নিপীড়িত হইবে না, এবং তথায় ব্রিটিশ কোম্পানির শাসন সহসা বিলুপ্ত হইয়া যাইবে না । এই বিলম্বেই যে, কাণপুরে সর্বনাশ ঘটবে, নীল তাহাতে বিশ্বাস করিতে পারিলেন না । কিন্তু সেনাপতি হাবেলক উপস্থিত দুঃসংবাদের সত্যতাসম্বন্ধে সন্দেহান হইলেন না । দুই জন চর এলাহাবাদে উপনীত হইল, দুই জনকেই উপস্থিত সংবাদের বিষয় পৃথক পৃথক জিজ্ঞাসা করা হইল ; দুইজনেই এক কথা কহিল । কোন বিষয়ে কাহারও সহিত কাহারও অনৈক্য ঘটিল না । কাণপুরে ব্রিটিশ কোম্পানির প্রাধান্তের অধঃপতন ও তত্রত্য ইউরোপীয়দিগের নিধনের সংবাদ যে, সেনানায়ক রেগডের শিবিরে উপস্থিত হইয়াছে, তাহা দুই জনেই একবাক্যে স্বীকার করিল । নীল এবিষয়ে আর কোন কথা কহিলেন না । বিষমতাসহকৃত অনুশোচনার

*Russell, *Diary in India. comp. Kaye Sepoy War. Vol. II., p 294, note*

চিহ্ন তখন তাঁহার মুখমণ্ডলে পরিষ্কৃত হইতে লাগিল। কাণপুরের উদ্ধার জন্ত এলাহাবাদ হইতে সৈন্ত পাঠাইতে বিলম্ব হইয়াছিল। এখন নীল, যত শীঘ্র সম্ভব, রেগড়কে কাণপুরে উপস্থিত হইবার জন্ত আদেশ দিতে আগ্রহপ্রকাশ করিতে লাগিলেন। কিন্তু সেনাপতি হাবেলক্ তাঁহার এই প্রস্তাবের অনুমোদন করিলেন না। তিনি কহিলেন, যদি কাণপুর অধিকারচ্যুত হইয়া থাকে, তাহা হইলে আক্রমণকারী বিপক্ষদের অগ্রস্থান আক্রমণ ও অবরোধ করিতে প্রধাবিত হইবে, এবং ইহার নিশ্চিতই এলাহাবাদ হইতে কাণপুরের উদ্ধারের জন্ত যে বৈন্ত প্রেরিত হইয়াছে, তাহাদিগকে পথিমধ্যে আক্রমণ করিয়া বিষম অনর্থ ঘটাইবে। কিন্তু কাণপুর যে, সর্বাংশে শত্রুর হস্তগত হইয়াছে, নীল এখনও তদ্বিষয়ে সন্দিহান হইতেছিলেন, এবং এখনও উপস্থিত দুঃসংবাদ বিপক্ষের কল্পনাসমূহ বলিয়া মনে করিতেছিলেন, সুতরাং তিনি কাণপুরের উদ্ধারকারী সৈনিকদলের যাত্রা বন্ধ রাখিতে আপত্তি করিতে লাগিলেন। সেনাপতি হাবেলক্ এ দিকে রেগড়কে সমভিব্যাহারী সৈনিকদল সহ আগ্রসর হইতে নিষেধ করিয়া পাঠাইলেন। এই রণকুশল বীরপুরুষদ্বয়ের নির্দিষ্ট উভয়বিধ কার্য-প্রণালীর মধ্যে, কোনটি অধিকতর সঙ্গত ও সময়োপযোগী হইয়াছিল, তাহা পরবর্তী ঘটনায় জানা যাইবে। কাণপুর ইঙ্গরেজের হস্তভ্রষ্ট হইয়াছিল, ইউরোপীয় সৈন্তের প্রায় সকলেই বিপক্ষের হস্তে প্রাণত্যাগ করিয়াছিল। কিরূপে কাণপুর ইঙ্গরেজের হস্ত হইতে পরিত্রস্ত হয়, মহারাষ্ট্রের শেষ পেশবা পরাক্রান্ত বাজীরাওর উত্তরাধিকারী কিরূপে ব্রিটিশ কোম্পানির বিরুদ্ধে সমুথিত হইলেন, ইঙ্গরেজ আত্মরক্ষার জন্ত কিরূপ সাহস ও বীরত্বপ্রদর্শন করেন, এবং শেষে কিরূপে শত্রুহস্তে নিপাতিত ও নিহত হইলেন, তাহা পরে বর্ণিত হইতেছে। উপস্থিত যুদ্ধের ইতিহাসে এই ঘটনা যেরূপ মর্ম্মস্পর্শী, সেই রূপ ভয়ঙ্কর ভাবের উদ্দীপক। ইহার এক দিকে যেমন করুণার কাতরতা আছে, অপর দিকে সেই রূপে বীরত্ব ও সহিষ্ণুতার অটলতা রহিয়াছে, এক দিকে যেমন কাব্য-তৎপরতা ও একপ্রাণতার নিদর্শন আছে, অপরদিকে সেই রূপ হঠকারিতা বা অদূরদর্শিতার চিহ্ন পরিষ্কৃত রহিয়াছে।

চতুর্থ অধ্যায় ।

কাণপুর—আর হিউ হইল—ইউরোপীয়দিগের আশঙ্কা—সিপাহীদিগের উত্তেজনা—
স্বং প্রাচীরবেষ্টিত স্থান—নানা মাহেব—সিপাহীদিগের সম্মুখান—তাহাদের আক্রমণ—ইন্ডিয়ান-
দিগের আত্মরক্ষার চেষ্টা—তাহাদের আত্মসমর্পণ—গঙ্গার ঘাটে হত্যা—হত্যাবশিষ্টদিগের
পলায়ন—বিবিধর ।

কাণপুর গঙ্গার দক্ষিণতটে অবস্থিত । বারাণসী ও এলাহাবাদের স্থায়
ইহা ভারতের পুরাত্ত্ব চিরমান্ত বা চিরপ্রসিদ্ধ নহে । ইহাতে কোনরূপ
ইতিহাসপ্রসিদ্ধ ধ্বংসাবশেষ নাই । ইহার সহিত কোনরূপ প্রাচীন ঐতি-
হাসিক ঘটনার সংশ্রব নাই, বা ইহার মধ্যে কোন পুরাতন মহাপুরুষের
কোনরূপ অলোকসামান্ত কার্যের আবির্ভাব ও তিরোভাব নাই । হিন্দুর
ভূত্বান্তে এই নগরের উল্লেখ দৃষ্ট হয় না । প্রথম মোগল সম্রাট বাবর শাহ ইহার
নামনির্দেশ করেন নাই, বা আইন আকবরীতেও ইহার সম্বন্ধে কোন কথা
লিখিত হয় নাই । ভারতে যখন ব্রিটিশ কোম্পানির আধিপত্যের সূত্রপাত
হয়, তখন কাণপুরের নাম ইতিহাসে স্থানপরিগ্রহ করে । কোম্পানি ১৭৭৫
অব্দে অযোধ্যার নবাবের জন্ত এই স্থানে কতকগুলি সৈন্ত রাখিতেন । ১৮০১
অব্দে সন্ধি অনুসারে নবাব এই স্থান, অত্রান্ত স্থানের সহিত কোম্পানির
হস্তে সমর্পিত করেন । তদবধি কাণপুর ব্রিটিশ কোম্পানির অধিকৃত হয় । পূর্বে
এই স্থানে ঠগীপ্রভৃতি দস্যুদিগের বসতি ছিল* । ক্রমে ইহা লোকালয়ে পরি-
বেষ্টিত, সৈনিকনিবাসে সুরক্ষিত ও বাণিজ্যালক্ষ্মীর প্রসাদে শ্রীসম্পন্ন হইয়া উঠে ।

ভারতের প্রাচীন ইতিহাসে কাণপুরের নাম পরিদৃষ্ট না হইলেও, বর্তমান
সময়ের ইতিহাসে কাণপুর প্রসিদ্ধিলাভ করিয়াছে । ইহা উত্তরপশ্চিম
প্রদেশের কেন্দ্রস্থলে অবস্থিত । ইহার উত্তরে ইন্ডিয়ানের নবাধিকৃত অযো-
ধ্যারাজ্য । দক্ষিণপূর্বে এলাহাবাদ । কলিকাতা হইতে এই সীমায় সৈনিক-

* *Asiatic Researches. Vol. XIII., p. 290*

দলের আগমনের প্রশস্ত পথ রহিয়াছে। দক্ষিণপশ্চিমে আগরা ও দিল্লী। এই সীমার পার্শ্বভাগ দিয়া পঞ্জাব হইতে সৈনিকদলের আগমনের উৎকর্ষ পথ আছে। দক্ষিণ ও দক্ষিণপশ্চিমে যে সকল পথ আছে, তৎসমুদয় দিয়া, মাদ্রাজ ও বোম্বাই হইতে সৈনিকদল সহজে আসিতে পারে। এই সকল কারণেই বোধ হয়, কাণপুর কোম্পানির সময়ে, সৈনিকদলের একটি প্রধান আবাসস্থান হইয়া উঠে।

কাণপুর চামড়ার জিনিষের কারবারের জন্ত উত্তরপশ্চিম প্রদেশে প্রসিদ্ধ। এই স্থানে বিভিন্ন প্রকার চর্মপাতলা ও ঘোড়ার সাজ প্রস্তুত হইয়া থাকে। অস্ত্রাশ্রয় স্থান অপেক্ষা কাণপুরে এই সকল দ্রব্য অপেক্ষাকৃত সুলভ মূলে পাওয়া যায়। নগরের প্রান্তবাহিনী জাহ্নবীর তটদেশে দণ্ডায়মান হইলে বাণিজ্যপ্রসঙ্গে লোকের শ্রমশীলতা, উৎসাহ ও উদ্যমের চিহ্ন পরিদৃষ্ট হয় ছোট বড় বিভিন্ন প্রকারের নৌকা, বিবিধ বাণিজ্যদ্রব্য পরিপূর্ণ হইয়া জাহ্নবীবক্ষে ভাসমান রহিয়াছে। কেহ কেহ দ্রব্যাদি নৌকায় লইয়া যাইতেছে, কেহ কেহ বা নৌকা হইতে দ্রব্যজাত তীরে উঠাইতেছে। সকলেই আপন আপন কার্যে শশব্যস্ত রহিয়াছে, এবং সকলেই আপনাদের কর্তব্য সম্পাদনে একাগ্রতার পরিচয় দিতেছে। এইরূপে বিভিন্ন পরিচ্ছদধারী বিভিন্নজাতীয় লোকের সম্মিলনে গঙ্গার তটের দৃশ্য বৈচিত্র্যজনক হইয়া উঠে। কিন্তু নগরের মধ্যে এইরূপ বৈচিত্র্য পরিদৃষ্ট হয় না। একসঙ্গে বহু সংখ্য লোকের একরূপ কার্যকারিতার ক্ষেত্রও প্রত্যক্ষীভূত হয় না। উপস্থিত সময়ে কাণপুরে ষাট হাজার লোকের বসতি ছিল। ইহার সৈনিক নিবাসে ১, ৫৪ ও ৫৬গণিত পদাতিক সিপাহী ২গণিত অঝারোহী সিপাহী সর্ব সমেত তিন হাজার এতদেশীয় সৈনিক পুরুষ অবস্থিতি করিতেছিল। পক্ষান্তরে বাটিজন ইউরোপীয় গোলন্দাজ সৈন্য, এবং বারাণসী হইতে প্রেরিত কতিপয় ইউরোপীয় সৈনিক পুরুষ ছিল। এতদ্ব্যতীত পদাতিক ও অঝারোহী সিপাহীদলে ৬৭ জন ইংরেজ অধিনায়ক ছিলেন *।

* মোস্তাফিজ টমসন সাহেব নির্দেশ করিয়াছেন, সর্বসমেত ৩০০ তিন শত ইউরোপীয় সৈনিক পুরুষ কাণপুরে অবস্থিতি করিতেছিল। ইহার মধ্যে ৩২গণিত দলের দুর্কল ও কয়েক সংখ্য

সেনাপতি স্মার হিউ হইলর কাণপুরের সৈনিকদলের অধ্যক্ষ ছিলেন । সৈনিক কার্যে স্মার হিউ হইলারের যেরূপ অভিজ্ঞতা, সেইরূপ দূরদর্শিতাও ছিল । সেনাপতি হইলর, চুয়ান বৎসর কাল, সিপাহীদলে অবস্থিত করিয়া, তাহাদের রীতি, নীতি ও চরিত্রবিষয়ে, অভিজ্ঞতালাভ করিয়াছিলেন । তিনি সেনাপতি লর্ড লেকের তত্ত্বাবধানে সিপাহীদিগকে তাহাদের স্বদেশীয়দিগের বিরুদ্ধে পরিচালিত করিয়াছিলেন, আফগানিস্তানের পার্শ্বত্যাগদেশে তাহাদের সাহায্যে ছরস্ত আফগানদিগের পরাক্রম পর্যুদস্ত করিতে চেষ্টা হইয়াছিল, এবং পঞ্চনদের পবিত্র ভূমিতে তাহাদিগকে রণপণ্ডিত শেখদিগের বিরুদ্ধে যুদ্ধ করিতে আদেশ দিয়াছিলেন । এইরূপে অল্পকালেরও অধিক কাল, ভারতের বিভিন্ন যুদ্ধক্ষেত্রে, তিনি আপনার প্রিয়তম ও বিশ্বস্ত সিপাহীদিগের অধিনেতা হইয়া, সাহস ও পরাক্রম দেখাইয়াছিলেন । যখন সৈনিকদলের প্রতি তাঁহার অটল অমুরাগ ছিল । সেনাপতি এতদেশীয় একটি ইউরেশীয় নারীর সহিত পরিণয়সূত্রে আবদ্ধ হইয়া, এতদেশেই জীবিতকালের উৎকৃষ্ট ভাগ অতিবাহিত করিয়াছিলেন । তিনি সপ্ততি বর্ষ অতিক্রম করিলেও তেজস্বিতা হইতে বিচ্যুত হইয়েন নাই । যখন মিরাত ও দিল্লীর সংবাদ তাঁহার নিকট উপস্থিত হইল, তখনই তিনি বুঝিতে পারিলেন যে, কাণপুরে ঐরূপ বিপৎপাত অসম্ভব নহে । এই সময়ে কাণপুরে ইউরোপীয় সৈন্য অধিক ছিল না । ব্রিটিশ কোম্পানির অধিকারবৃদ্ধির কুফল এক্ষণে তাঁহার সম্মুখে পরিষ্কৃত হইতে লাগিল । কোম্পানি নিরন্তর আপনাদের অধিকারবৃদ্ধি করিয়াছিলেন, কিন্তু সেই সকল অধিকার সুরক্ষিত রাখিতে হইলে, কিরূপ সৈনিকবলের সাহায্যগ্রহণ করিতে হইবে, তাহা তদ্বিষয় ভাবিয়া দেখেন নাই । যে ইউরোপীয় সৈন্য কাণপুররক্ষার জন্ত থাকিতে পারিত, তাহা নববিজিত অযোধ্যারক্ষার জন্ত নিয়োজিত হইয়াছিল । মে মাসে যখন সিপাহীদিগের মধ্যে উত্তেজনার চিহ্ন লক্ষিত হইতে লাগিল, নগরে নগরে ইউরোপীয়েরা যখন আপনাদের প্রাণের ভয়ে উদ্ভ্রান্ত হইয়া পড়িল, তাড়িতবার্তাবহ যন্ত্র প্রতিদিন নানা স্থানের হুঃসংবাদ আনিয়া দিতে লাগিল, তখন হইলর

১৪ (কাহারও মতে ৩০) ছিল ।—*Mowbray Thomson, Story of Cawnpur, p. 23.*
Comp. Kaye, Sepoy War. Vol II, p. 289, note.

কাণপুরে সৈনিক বলের অল্পতা দেখিয়া নিয়ন্ত্রিত উদ্বিগ্ন হইলেন। কাণপুরের বহুসংখ্য উৎকৃষ্ট অট্টালিকা, ইউরোপীয় রাজকর্মচারীদের জীপুত্রকর্তাশ্রুতিতে পূর্ণ ছিল। ইউরোপীয় ও ফিরঙ্গী বণিকদিগের পরিবারবর্গ নগরের স্থানে স্থানে অবস্থিত করিতেছিল। এতদ্ব্যতীত চিকিৎসালয়ে ৩২গণিত ইউরোপীয় সৈনিকদলের কতিপয় পীড়িত সৈনিকপুরুষ ছিল। এখন এই সকল অসহায় ও অসমর্থ জীবের রক্ষার ভার হইলরো উপর পড়িল। বর্ষীয়ান সেনাপতির সম্মুখে এখন যেরূপ উৎকট কার্যক্ষেত্র প্রসারিত হইল যে, সেনাপতি অর্ধশতাব্দকাল কোম্পানির সৈনিকবিশ্তায়ে নিযুক্ত থাকিলেও কখনও তাদৃশ উৎকট কার্যে ব্যাপৃত হয়েন নাই।

এই সময়ে সিপাহীদের মধ্যে জাতিনাশ ও ধর্মনাশসম্বন্ধে অনেক বিষয়ের আন্দোলন হইতেছিল। মে মাসের মধ্যভাগে কয়েকখানি আটা বোঝাই নৌকা কাণপুরে উপনীত হয়। বাজারে ঐ আটা অপেক্ষাকৃত অল্পমূল্যে বিক্রীত হইতে থাকে। উপস্থিত আটা অতি পুরাতন ও ময়লা ছিল। রুটী প্রস্তুত হইলেই উহা হইতে এক প্রকার ছর্গন্ধ বাহির হইত। জনরব উঠিল, ফিরঙ্গীরা হিন্দু ও মুসলমানের ধর্মনাশ করিবার জন্ত উক্ত আটায় গরু ও শূকরের অস্থিচূর্ণ মিশাইয়া দিয়াছে। এই জনরব বিহ্বাদবেগে সিপাহীদের আবাসভূমিতে প্রচারিত হইল। সিপাহীরা সকলেই আপনাদের জাতি ও ধর্মনাশের আশঙ্কায় অধীর হইয়া উঠিল। ইহার পর আবার বসামিশ্রিত টোটার কথা লইয়া আন্দোলন হইতে লাগিল। কয়েকজন সিপাহী অভিনব টোটার প্রয়োগ-প্রণালী শিখিবার জন্ত অস্থালার সৈনিকশিক্ষালয়ে গিয়াছিল; তাহারা কাণপুরে প্রত্যাগত হইলে, তাহাদের মজাতীয় সিপাহীরা তাহাদিগকে জাতিচ্যুত করিতে উদ্যত হইল না, বা তাহাদের সহিত এক পঙক্তিতে ভোজন করিতেও সঙ্কোচপ্রকাশ করিল না *। ৫৩ গণিত দলের মামখানা নামক একজন মুসলমান সিপাহী কতকগুলি নূতন টোটা মদে

* J. W. Shepherd, Personal Narrative of the outbreak and Massacre of Cawnpur, p. 25.

নিরাছিল ; সে ঐ টোটা সহযোগীদিগকে দেখাইয়া কহিল যে, উহাতে প্রাণিবেশের বসাই নাই * । মানখাঁ সহযোগীদিগের বিশ্বাস জন্মাইবার জন্তই অভিনব টোটোর নমুনা দলস্থিত সিপাহীদিগকে দেখাইয়াছিল ; কিন্তু তাহার কথায় তদীয় সহযোগীগণ বিশ্বাসস্থাপন করে নাই । অভিনব টোটা হইতে একরূপ ছুর্গক বাহির হইত যে, উহা ফিরিকী, হিন্দু ও মুসলমান, সকলেরই সমভাবে অপ্রীতিকর হইয়াছিল † । সিপাহীরা নিরতিশয় কোতূহলপর ও দলিদ্ধ । অভিনব টোটোর সম্বন্ধে যখন বাজারে বাজারে, সৈনিকনিবাসে সৈনিকনিবাসে, নানা জনরব প্রচারিত হইতে লাগিল, তখন সিপাহীরা কোতূহলের আবেগে উহা গুনিয়া, আপনাদের মধ্যে নানা বিতর্ক করিতে লাগিল । ইহার পর যখন তাহারা অভিনব টোটা সম্মুখে পাইয়া উহার বিষম ছুর্গক অনুভব করিল, তখন তাহাদের হৃদয়ে সন্দেহ বন্ধমূল হইয়া উঠিল । তাহারা ধর্মনাশের গভীর আশঙ্কায় ফিরিকী-দিগকে বিশ্বাসঘাতক ও আপনাদের পরম শত্রু বলিয়া মনে করিতে লাগিল । এই সময়ে কল্লনাপর লোকের অভাব ছিলনা । যখন সম্প্রদায়-বিশেষের মধ্যে কোন বিষয়ে সন্দেহ ও আশঙ্কায় সঞ্চার হয়, তখন কল্লনাপর লোকে নানা ভয়ঙ্কর বিষয়ের কল্পনা করিয়া, অনেকস্থলে সেই আশঙ্কা ও সন্দেহের গতিবিস্তারে চেষ্টা করিয়া থাকে । উপস্থিত স্থলেও এইরূপ লোকের আবির্ভাব হইয়াছিল । যখন সিপাহীরা আশঙ্কায় অধীর ও সন্দেহে বিচলিত হইল, তখন তাহাদের মধ্যে প্রচারিত হইল যে, কাওয়াজের ক্ষেত্রে ভূগর্ভে বারুদ রাখা হইয়াছে, হিন্দু ও মুসলমান সিপাহীদিগকে এক দিন ঐ স্থানে সমবেত করিয়া, ভূগর্ভস্থিত প্রজ্বালিত বারুদে উড়াইয়া দেওয়া হইবে ‡ ।

* *Mowbray Thomson, Story of Cawnpur, p. 25.*

† *Ibid. p. 25.*

‡ ১৬গণিত মলের খাঁ মহম্মদ নামক একজন সিপাহী প্রচার করে যে, সিপাহীদিগকে নিরস্ত করা হইবে, এবং তাহাদিগকে বেতন দিবার চলে একত্র করিয়া ভূগর্ভস্থিত বারুদে উড়াইয়া দেওয়া হইবে । অথারোহী সৈনিকদল খাঁ মহম্মদের কথায় সাতিশর উত্তেজিত হইয়া উঠে । কর্তৃপক্ষ এখবর অবগত হইয়া উক্ত সিপাহীকে শৃঙ্খলবদ্ধ করিয়া রাখেন ।—
Trivilyan, Cawnpur, p. 79.

সিপাহীরা এইরূপ বিভীষিকাময়ী বিবিধ উপকথায় বিচলিত হইতে লাগিল। তাহারা এতদিন বিশ্বস্ততাসহকারে ব্রিটিশ কোম্পানির পক্ষসমর্থন করিতে ছিল, এবং শ্রদ্ধা ও প্রীতিসহকারে ভিন্নজাতীয় সেনাপতির আদেশপালনে সর্বক্ষণ প্রস্তুত ছিল। এখন নানাজনরবে তাহারা অস্থির হইয়া পড়িল। চিরভক্তিভাজন সেনাপতির প্রতি তাহাদের শ্রদ্ধা ও প্রীতি বিলুপ্ত হইল; চিরমাণ্ড কোম্পানির বিরুদ্ধাচরণে তাহাদের একাগ্রতা ও যত্নশীলতার চিত্র পরিদৃষ্ট হইতে লাগিল ॥

সেনাপতি হইলর সৈনিকদলের অধিনায়কদিগের মুখে সিপাহীদিগের চিত্তচাঞ্চল্যের বিবরণ শুনিয়া, উদ্ভিগ্ন হইলেন। তিনি ভাবিয়াছিলেন, কিছুদিনের মধ্যে ঐরূপ চাঞ্চল্য তিরোহিত হইবে। কিন্তু কাণপুরে মিরাট ও দিল্লীর সংবাদ পছঁছিলে সিপাহীরা অধিকতর চঞ্চল ও অধিকতর উত্তেজিত হইতে লাগিল। এই সময়ে কাণপুরের ইউরোপীয় ও ফিরিঙ্গী, সকলেই সমভাবে সন্ত্রস্ত হইয়া উঠিল। দিল্লীর কারাগার ভগ্ন হইয়াছিল। দুর্দান্ত কয়েদীরা বিমুক্ত হইয়া পরস্পর বিলুপ্তন জ্ঞাত ইতস্ততঃ ঘুরিয়া বেড়াইতেছিল। কাণপুর হইতে দিল্লী ও আগ্রা যাইবার প্রশস্ত পথ গুজরনামক বহুসংখ্য দস্যুদলে অবরুদ্ধ হইয়াছিল। এদিকে কাণপুরের সিপাহীদিগের উত্তেজনা প্রতিদিন বর্দ্ধিত হইতেছিল। এজন্য কাণপুরবাসী ইউরোপীয়গণ প্রতিমুহূর্তে গুরুতর বিপদের আবির্ভাব হইল বলিয়া ভয়ে অভিভূত হইতেছিলেন। তাঁহারা এক দিন শুনিতেন, গুজরের দলবদ্ধ হইয়া নগর আক্রমণ করিতে আসিতেছে, আর এক দিন রাজকীয় কার্যালয়ের কর্মচারীদিগকে ইতস্ততঃ প্রধাবিত দেখিয়া ভাবিতেন, সিপাহীরা তাঁহাদের বিরুদ্ধে সমুথিত হইয়াছে, অথবা এক দিন আপনাদের এতদেবীর ভৃত্যের নিকটে কোন একটি সামান্য কথা শুনিয়াই মনে করিতেন, উত্তেজিত সিপাহীরা সশস্ত্র হইয়া তাঁহাদের হত্যার জ্ঞাত অগ্রসর হইতেছে। এইরূপে প্রতিদিনই তাঁহারা ভয়ে উদ্ভ্রান্ত হইয়া পড়িতেন। রাত্ৰিতেও তাঁহাদের শান্তি ছিলনা। একদা গভীর নিশীথে কতিপয় গোলন্দাজ সৈন্য কামানসহ কাণপুরে আসিতেছিল। ইউরোপীয়গণ অদূরে ইহাদের অধিষ্ঠিত অশ্বপদধ্বনি শুনিতে পাইলেন। তাঁহারা অমনি শশব্যস্তে শয্যা হইতে উঠিলেন। শশব্যস্তে বাহিরে আসিয়া আত্মরক্ষার জ্ঞাত প্রস্তুত হইতে লাগিলেন। তাঁহারা

বিত্তে লাগিলেন, অথারোহী সিপাহীরা তাঁহাদের বিনাশার্থ দলে দলে আসিতেছে। শেষে যখন প্রকৃত বিষয় তাঁহাদের গোচর হইল, তখন তাহারা বিশ্বপালক ভগবানের নাম স্মরণ করিতে করিতে গৃহে প্রবেশ করিলেন। কোন সময়েই তাঁহাদের আশঙ্কার বিরাম ছিলনা। দিবারাত্রি তাহারা আপনাদের সম্মুখে সংহারমূর্ত্তির বিকট ভাব দেখিতেছিলেন। কাহা-
কও কোনও অংশে শঙ্কিত বা কোনস্থানে ধাবমান দেখিলেই, তাঁহারা আপনাদের সর্বনাশ হইল বলিয়া মনে করিতেন। সিপাহীগণ এই সময়ে তাহাদের বিপক্ষে যুদ্ধার্থ অগ্রসর না হইলেও তাঁহারা প্রতিমুহূর্ত্তেই যেন আপনাদিগকে মহাপ্রলয়ের করাল কবলে নিপতিতপ্রায় মনে করিতেন। তাহাদের কেহ কেহ বিশ্বস্ত পরিচারিকার সাহায্যে হিন্দুস্তানীদিগের পরিচ্ছদ স্তব্ধ করিয়া রাখিতেছিলেন; বিপদ উপস্থিত হইলে, স্ত্রী, কন্যা ও আত্মীয়দিগকে সকল পরিচ্ছদ পরাইয়া, নিরাপদ স্থানে পাঠাইতে ইচ্ছা করিয়াছিলেন *। তাহারা একরূপ ভীতিগ্রস্ত হইয়াছিলেন যে, তাঁহাদের স্বদেশীয়গণের কেহ যদি গণ বিষয়ে ব্যস্ত হইতেন, অথবা তাঁহাদের ভৃত্যগণ যদি গোপনে গণ বিষয়ে আপনাদের মধ্যে কথাবার্তা কহিত, অমনি তাঁহারা তাড়াতাড়ি রবারবর্গের সহিত গৃহ হইতে বহির্গত হইতেন। এসময়ে কারণনির্দ্ধারণে তাহাদের অবসর থাকিত না। কেহ কাহারও কোন কথা প্রকৃত উত্তর দিতে পারিত না। কেহ ঘটনার সত্যতানিরূপণের প্রতীক্ষা করিত না। অথচ সর্বত্রই উদ্ভ্রান্ত, সকলেই শশব্যস্ত, ও সকলেই দিশাহারা হইয়া পড়িত। যাহা সম্মুখে পাইত, সে তাহাই লইয়া, আত্মীয়গণের সহিত গাড়িতে উঠিত, এবং কম্পিতহৃদয়ে ইউরোপীয় সৈনিকনিবাসে যাইয়া উপস্থিত হইত। তাহারা তাড়াতাড়ি গাড়ি না পাইত, তাহারা দ্রুতপদে যাইতে যাইতে

* সেকার্ড নামক একজন ইংরেজ এই সময়ে কাণপুরে রসদবিভাগে কাৰ্য্য করিতেন। তাহার ঠাকুরাণী নামে একটি হিন্দু পরিচারিকা ছিল। সেকার্ড সাহেব এই বিশ্বস্তা পরিচারিকা দ্বারা এতদেশীয় বিদ্রোহীদের মহিলাদিগের ব্যবহারোপযোগী অতি মোটা কাপড় তৈরি করিয়া আনেন। বিপদের সময়ে তাঁহার কস্তাগণ এই পরিচ্ছদ পরিয়া, ছদ্মবেশে লাইতে ইচ্ছা করিয়াছিল।—*Shepherd, Cawnpur, p. 13.*

পরিশ্রান্ত, পিপাসার্ত ও ঘর্মাক্ত হইয়া, প্রতিমুহূর্তেই আপনাদিগকে কালাভ্রমণের হস্তগত মনে করিত *।

কাণপুরের বৃদ্ধ সেনাপতি ইউরোপীয়দিগকে এইরূপ সমস্ত দেখিয়া তাঁহাদের রক্ষার উপায়নির্ধারণ করিতে লাগিলেন। যাবৎ স্থানান্তর হইবে তাঁহাদের সাহায্যার্থ ইউরোপীয় সৈন্য না আইসে, তাবৎ তিনি আপনাদের বালকবালিকা ও কুলনারীদিগকে অপেক্ষাকৃত নিরাপদ স্থানে সমবেশ করিতে ইচ্ছা করিলেন। এই কার্য্য অনায়াসে সম্পাদনীয় ছিল না। এদিকে সময়ও সন্ধীর্ণ ছিল, সুতরাং সেনাপতি স্থান নির্দিষ্ট করিয়া আ

* সেকার্ড সাহেব ২১শে মে, বেলা ১০ ঘটিকার সময় আপনার কার্যালয়ে বাইরা বেদে বালিকা কর্মচারীরা সম্মুখে গৃহাভ্যন্তরে প্রধাবিত হইতেছেন। তিনি শুনিলেন, তাঁহাদের উচ্চতর কর্মচারীর স্ত্রী, শিশুসন্তান লইয়া আরার সহিত তাড়াতাড়ি গৃহপরিত্যাগ পূর্ণ পদব্রজে ইউরোপীয় সৈনিকনিবাসের অভিমুখে গিয়াছেন। উক্ত প্রধান কর্মচারীও, স্ত্রীসঙ্গে, বড় শীঘ্র সম্ভব, গাড়ি পাঠাইতে কাঁচিয়া, স্ত্রীর অনুগমন করিয়াছেন। সেকার্ড সাহেব বেগমাকে ইহার কারণ জিজ্ঞাসা করিলেন। বেহারী কহিল, সে কিছুই জানে না। মেমসাহেবের নিকট একখানি পত্র আসিয়াছিল। মেমসাহেব উহা পড়িয়াই তরে চীৎকার করিয়া উঠিলেন এবং তিলান্ধকার বিলম্ব না করিয়া শিশু সন্তান লইয়া আরার সহিত গৃহপরিত্যাগ করিলেন। সেকার্ড সাহেব, বিপদের আশঙ্কা করিয়া, হে নামক অস্ত্র একটা সাহেবের নিকট সুবিশেষ বিবরণ জানিবার জন্ত লোক পাঠাইলেন। লোক কিয়ৎ আশঙ্কিত কহিল, "সাহেব ছাউনিতে গেলেন, আপনাকেও তাড়াতাড়ি ছাউনিতে বাইতে কহিলেন। অনেক সাহেব বিবি, সন্তান লইয়া, দ্রুতগতি বারিকে বাইতেছে।" সেকার্ড সাহেব উহা শুনিয়াই উপরিভন কর্মচারীর নামে একখানি পত্র লিখিয়া রাখিয়া সন্ধ্যাপদে গৃহে আসিয়া পরিবারবর্গকে বড় ব্যস্ত দেখিতে পাইলেন। অনন্তর তিনি তাড়াতাড়ি আবস্তক বস্তুসমূহ জড়ীতে উঠাইয়া, পরিবারবর্গের সহিত বারিকে উপস্থিত হইলেন। বারিক এই সমস্ত সাহেব বিবি ও তাহাদের সন্তানগণে পরিপূর্ণ হইয়াছিল। কি জন্ত তাহারা তাড়াতাড়ি আবাদ পূর্ণ হইতে সৈনিকনিবাসে উপস্থিত হইয়াছিল, কেহই জানিত না; অথচ সকলে পশ্চাত্ত হইয়া আশ্রয়কার আরোজন করিতেছিল। ছাউনিতে আসিবার সময় পথে কতিপয় পরিচিত ব্যক্তির সহিত সেকার্ডের সাক্ষাৎ হইয়াছিল। ইহারাও তাড়াতাড়ি বারিকে বাইতে ছিলেন। ইহারা সেকার্ডকে সহসা এইরূপ পলায়নের কারণ জিজ্ঞাসা করিলে সেকার্ড নিজেই কিছু জানিতেন না, সুতরাং ইহাদের কথার কোন সম্ভব বিবেচনা করিলেন না। সেবে কারণ অনুসন্ধানের সময় কেহ কেহ কহিল, যখনপাশ্চাত্তক সিপাহীরা পলায়ন করিয়া হাওয়ায় উড়িতে থাকিলে, কেহ কেহ কহিল, সিপাহীরা পলায়ন করিয়া গেলেন। কেহ কেহ বা কহিল, ওহোরী বিদ্রোহ হইতে আসিতেছে। এই সমস্ত কথা কথিত হইতে লাগিল।—*Standard Catalogue, p. 36.*

তার বন্দোবস্ত করিতে কিছুমাত্র বিলম্ব করিলেন না। আশ্রয়স্থানের স্থানের
 ধ্য, অস্ত্রাগারই সর্বাপেক্ষা উৎকৃষ্ট ও সুদৃঢ় বলিয়া পরিগণিত হইত।
 গঙ্গার তটদেশে অবস্থিত ও চারি দিকে উচ্চ পাকাপ্রাচীরে পরিবেষ্টিত
 ছিল। উহার মধ্যে কামান বারুদ প্রভৃতি পর্যাপ্তপরিমাণে রক্ষিত ছিল;
 উহার বিস্তৃত প্রাঙ্গণে বাসোপযোগী অনেক গুলি বড় বড় গৃহ নির্মিত
 রাখা ছিল। অধিকন্তু, উহা কারাগার ও ধনাগারের নিকটবর্তী ছিল।
 অস্ত্রাগার সৈনিকনিবাসের প্রায় ছয়মাইল দূরে ছিল। কিন্তু
 সেনাপতি ঐ স্থান মনোনীত করিলেন না। উহার দক্ষিণপূর্বদিকে,
 সৈনিকনিবাসের অনতিদূরে, বিস্তৃত সমতল ক্ষেত্রে ইউরোপীয় সৈনিকদিগের
 ইট বৃহৎ চিকিৎসালয় ছিল। উহার একটি পাকা ও আর একটি পাকা
 প্রাচীরের উপর খড়ের চালে আচ্ছাদিত। দুইটিই একতল, এবং দুইটিই
 উত্তরদিকে বারান্দায় পরিবেষ্টিত। এতব্যতীত উহার নিকটে প্রয়োজনীয়
 পর্যাপ্ত সাধনোপযোগী কয়েক খানি ছোট ছোট ঘর ছিল। গঙ্গা উহার
 কিছু দূরে প্রবাহিত হইতেছিল। সেনাপতি হুইলার আশ্রয়স্থানের জন্ত ঐ স্থান
 মনোনীত করিলেন। অবিলম্বে নির্দিষ্ট স্থানের চারি দিকে প্রাচীর নির্মিত
 হইতে লাগিল। অনেক কষ্টে চতুর্দিকে কিঞ্চিদধিক চারিফুট উচ্চ মৃন্ময়
 প্রাচীর প্রস্তুত হইল। উপস্থিত সময়ে সূর্যের নিদারুণ উত্তাপে মৃত্তিকা
 মন শুষ্ক ও কঠিন হইয়া গিয়াছিল যে, উহা খনন করিবার তাদৃশ সুবিধা
 হইল না। এদিকে বিলম্ব করিবার সময় ছিল না। তাড়াতাড়ি যাহা খনিত
 হইল, তাহা দ্বারাই উপস্থিত প্রাচীর প্রস্তুত হইল। কিন্তু এই প্রাচীর
 তাদৃশ সুদৃঢ় হইল না। যেহেতু, গুলির আঘাত লাগিলেই ইহা ভাঙ্গিয়া
 পড়িত। যাহা হউক, উক্ত স্থান এইরূপে প্রাচীরে পরিবেষ্টিত হইলে,
 সেনাপতি তথায় খাদ্য দ্রব্যাদি পর্যাপ্তপরিমাণে সংগৃহীত করিবার ব্যবস্থা
 করিতে লাগিলেন। কিন্তু এ ব্যবস্থাও তাদৃশ ফলোপধান্বিনী হইল না।
 যাহারা দ্রব্যসংগ্রহের ভার গ্রহণ করিয়াছিল, তাহারা দ্রব্যাদি উপযুক্ত
 পরিমাণে আনিয়া দিতে পারিল না। সেনাপতি পঁচিশ দিনের উপযোগী
 দ্রব্যসংগ্রহের আদেশ দিয়াছিলেন, যাহারা দ্রব্যসংগ্রহের ভার লইয়া
 গেল, তাহাদের দোষেই হউক, অথবা সেনাপতি, কেবল সৈন্যের সন্ত

খাদ্য সংগ্রহের আদেশ দিয়াছিলেন, এই জম্বই হইক, লোকসংখ্যানুসারে খাদ্য দ্রব্য অল্প পরিমাণে সংগৃহীত হইল * ।

সেনাপতি আত্মরক্ষার জন্য যে স্থান নির্দিষ্ট করিয়াছিলেন, অনেকে মতে সে স্থান আত্মরক্ষার উপযোগী বলিয়া পরিগণিত হয় নাই। ইহার নির্দেশ করিয়াছেন যে, সেনাপতি অস্ত্রাগারে সকলকে সমবেত করিয়া আত্মরক্ষা করিলে তাঁহার প্রয়াস সর্বাংশে সফল হইত। যেহেতু, অস্ত্রাগার অস্ত্রশস্ত্রে পরিপূর্ণ ও সুদৃঢ় প্রাচীরে পরিবেষ্টিত ছিল। গঙ্গা উহার নিকট দিয়া প্রবাহিত হইতেছিল। উহার বিস্তৃত প্রান্তে যে সকল গৃহ ছিল, তৎসমুদয়ে ইউরোপীয়েরা পরিবারবর্গের সহিত বিকশ্ঠে ও বিনা গোলযোগে বাস করিতে পারিত। ঐ স্থান মনোনীত হইলে অসহায় বালকবালিকা বা কুলকামিনীরা সহসা মৃত্যুমুখে নিপতিত হইত না, এবং অসমর্থ ইউরোপীয়েরাও সিপাহীদিগের আক্রমণে সহ্য নিপীড়িত হইয়া পড়িত না। অধিকন্তু অস্ত্রাগারের নিকটে ধনাগার কারাগার ও অন্যান্য কার্য্যালয় ছিল। সমস্তই একসঙ্গে রক্ষিত হইত। ষাঁহার কাণপুরের উপস্থিত ভয়ঙ্কর ঘটনার বিবরণ লিখিয়াছেন, তাঁহাদের মধ্যে অনেকেই আত্মরক্ষার উপযোগী স্থানের সম্বন্ধে অস্ত্রাগারই প্রশংসা বলিয়া নির্দেশ করিয়াছেন। রণনিপুণ, অভিজ্ঞ সৈনিক কর্মচারীও এতৎ অস্ত্রাগারের সম্যক উপযোগিতা স্বীকার করিয়াছেন। সেনাপতি হুইলার ঐ স্থান ছাড়িয়া গঙ্গা হইতে বহু দূরে, বিস্তীর্ণ সমতল ক্ষেত্রের কিয়দংশ মৎপ্রাচীরে পরিবেষ্টিত করিয়া আত্মরক্ষায় উদ্যত হইয়াছিলেন। এজন্য বৃদ্ধ সেনাপতি দূরদর্শিতা ও সমীক্ষ্যকারিতার প্রতি দোষারোপ করা হইয়াছে†। সমরবিদা

* Thomson, Story of Cawnpur, p 31.

† Trevilyan, Cawnpur p, 82 Comp. Kaye, Sepoy War. Vol. II. p. 294

‡ সেনাপতি নীল অস্ত্রাগারের সম্বন্ধে এইরূপ লিখিয়াছেন—“ইহা চারিদিকে বন্দুকের গুলির অভেদ প্রাচীরে বেষ্টিত। ইহার ভূমির পরিমাণ নয় বিঘারও অধিক। ইহার সৈনিকদিগের বাসোপযোগী গৃহ অনেক রহিয়াছে। ইহা গঙ্গার তটবর্তী। ইহা সিপাহীদিগের আক্রমণ হইতে রক্ষা করিতে পারা যাইত। নানা সাহেব বা সিপাহী, কেহই তাঁহারে (ইন্ডিয়ানদিগের) নিকটে আসিতে পারিত না। তাঁহারা কামান লইয়া সিপাহীদিগের আক্রমণ করিতে পারিতেন এবং কেবল আপনাদিগকে নয়, মগররক্ষা করিতেও পারিতেন।”

শারদ পুরুষেরা যাহা নির্দেশ করিয়াছেন, হইলরের ঞায় এক জন বৃদ্ধ ও চক্ষুণ সেনাপতি যে, তাহা বুঝিতে পারেন নাই, এরূপ বোধ হয় না। জঙ্গার সৈনিকনিবাস হইতে প্রায় ছয় মাইল দূরে ছিল। সেনাপতি রূপ দূরবর্তী স্থানে গমন করিলে সিপাহীদিগের প্রতি দৃষ্টি রাখিতে পারিতেন না, সৈনিকনিবাসে সিপাহীদিগের মধ্যে কি হইতেছে, তাহাও স্পষ্টরূপে জানিতে সমর্থ হইতেন না। সিপাহীরা উত্তেজিত হইলেও এপর্যন্ত সন্তোষে ছিল। তাহারা এপর্যন্ত প্রকাশ্যভাবে ইউরোপীয়দিগের বিরুদ্ধে মুখিত হয় নাই। সুতরাং সেনাপতি এসময়ে সিপাহীগণ হইতে বিচ্ছিন্ন হইতে সমর্থ ছিলেন না। তাঁহাকে অঙ্গাগারে যাইতে হইলে সিপাহীগণকেও সঙ্গে লইয়া যাইতে হইত, কিন্তু এরূপ চেষ্টা য গুরুতর বিপত্তির সম্ভাবনা ছিল। সেনাপতি যদি ইউরোপীয় সৈন্য ও কামান অঙ্গাগারের অভিমুখে অগ্রসর হইতেন, তাঁহাদের বালকবালিকা কুলকামিনীরা যদি দলে দলে অঙ্গাগারে যাইত, সিপাহীদিগকে যদি সৈনিকনিবাস পরিত্যাগ করিতে আদেশ দেওয়া হইত, তাহা হইলে বোধ হয়, সিপাহীরা স্থির থাকিতে পারিত না। তাহারা ভাবিত, ফিরিঙ্গীরা তাহাদের বিরুদ্ধে সমুখিত হইয়াছে। অবিলম্বে অঙ্গাগারের অস্ত্রাশিতে তাহাদিগকে সমূলে বিধ্বস্ত হইতে হইবে, এইরূপ ভাবিয়া, তাহারা ইউরোপীয়দিগকে আক্রমণ করিত, কিন্তু এসময়ে তাহাদের প্রবল

আক্রমণ নিরস্ত করিবার সুবিধা ছিল না। ইউরোপীয় সৈন্য এত সন্ন ছিল যে, সিপাহীদিগের আক্রমণে তাহারা নিমূল হইয়া যাইত। সীমান সেনাপতি এই সকল বিপত্তির বিষয় ভাবিয়াই, বোধ হয়, দূরবর্তী অঙ্গাগারে যাইবার সঙ্কল্প পরিত্যাগ করিয়াছিলেন*। তিনি যে স্থান নির্দিষ্ট করিয়াছিলেন, সেস্থান যে বিপদসঙ্কুল ও আত্মরক্ষার অযোগ্য ছিল, তাহা তাহার অবিদিত ছিল না। কিন্তু অবশ্যস্তাবী ঘটনায় বাধ্য হইয়া তাঁহাকে

হইতেন। ** সেনাপতি, হইলরের একবারে এখানে যাওয়া উচিত ছিল। কেহই তাহাকে নিবারণিত করিতে পারিত না। তাহারা সমস্ত বিষয়ই রক্ষা করিতে পারিতেন।

** *Kaye, Sepoy War. Vol. II., p. 295, note.*

* *The Mutiny of the Bengal Army. By one who has served under Sir Charles Napier, p. 125. Comp. Kaye, Sepoy War. Vol. II., p. 294.*

ঐ স্থানে থাকিতে হইয়াছিল। সিপাহীদিগের প্রবল আক্রমণে সমুদ্র উপত্যক হওয়া অপেক্ষা সাহায্যকারী সৈন্তের আগমন পর্য্যন্ত, তিনি স্থানে থাকিয়া আত্মরক্ষাকরাই শ্রেয়স্কর বোধ করিয়াছিলেন। তাঁহার নিকটে যে সকল সংবাদ উপস্থিত হইতেছিল, তৎসমুদয়ে তিনি স্পষ্ট বুঝিয়াছিলেন যে, সিপাহীরা তাঁহাদের বিরুদ্ধে সমুখিত হইলেও তাঁহাদিগকে আক্রমণ করিয়া একবারে দিল্লীর অভিমুখে ধাবিত হইবে। ইহার মধ্যে কলিকাতা হইতে সৈন্ত আসিতে পারে। তিনি ইহাদের সাহায্যে সহজেই কাণপুরে ইউরোপীয়দিগকে লইয়া এলাহাবাদে পৌঁছিতে পারিবেন। বৃদ্ধ সেনাপতি যাহা আশা করিয়াছিলেন, নিয়তির বিচিত্র লীলায় তাহা সম্পন্ন হয় নাই। সেনাপতি ইচ্ছা করিয়া, আপনাদের নিরীহ শিশুদিগকে মৃত্যুহস্তে সমর্পিত করেন নাই, বা ইচ্ছা করিয়াও আপনাদের অমূল্য জীবনবিনাশের পথ প্রশস্ত করি তুলেন নাই। তিনি যাহা ভাবিয়াছিলেন, কার্যতঃ তাহা না ঘটিলেও, তাঁহা বিশ্বাস যে, নিতান্ত অমূলক ছিল না, পরবর্তী ঘটনায় তাহা পরিস্ফুট হইবে।

সেনাপতি আত্মরক্ষার স্থান নির্দিষ্ট করিয়া, আত্মবলবৃদ্ধি করিতে উদাসীন রহিলেন না। তিনি অবিলম্বে লক্ষ্মীতে স্মার হেনরি লরেন্সের নিকটে সৈন্ত চাহিয়া পাঠাইলেন। ঐ সময়ে অযোধ্যাতেও সিপাহীদিগের উত্তেজনা দেখা যাইতেছিল। স্মার হেনরি লরেন্সের তত্ত্বাবধানে যে সৈন্ত অবস্থিত করিতেছিল, তাহা অযোধ্যারক্ষার পক্ষেই পর্যাপ্ত ছিল না। তথাপি স্মার হেনরি লরেন্স কাণপুরের বৃদ্ধ সেনাপতি সাহায্য করিতে উদাসীন থাকিলেন না। তিনি অবিলম্বে দ্বাত্রিংশ ইউরোপীয় সৈনিকদলের ৮৪ জন পদাতিক ঘোড়ার গাড়িতে করিয়া কাণপুরে পাঠাইয়া দিলেন। এতদ্ব্যতীত অযোধ্যার গোলন্দাজ সৈন্তের লেপ্টেন্যান্ট আসেনামক সৈনিক পুরুষের তত্ত্বাবধানে দুইটি কামা প্রেরিত হইল। কাণপুরের প্রকৃত অবস্থা জানিবার জন্য স্মার হেনরি লরেন্স আপনার সেক্রেটারিকেও পাঠাইয়া দিলেন। এই সৈনিকদল সেনাপতি ছইলরের নির্দিষ্ট, মৃৎপ্রাচীরবেষ্টিত আত্মরক্ষার স্থানে উপস্থিত হইল। হেনরি লরেন্সের সুদক্ষ সেক্রেটারিও যথাসময়ে আসিয়া আশঙ্কিত বিপদ হইতে আত্মরক্ষা করিবার উপায়বিধানে ব্যাপৃত হইলেন ।

কাণপুরের ইঙ্গরেজ কর্তৃপক্ষের স্থান আর হেনরি লরেন্সের সাহায্যপ্রার্থনা করেন, তখন আপনাদিগকে অধিকতর নিরাপদ করিবার জন্ত কাণপুরের নিকটবর্তী বিঠুরের আর এক ক্ষমতাপন্ন ব্যক্তির নিকটেও সাহায্যপ্রার্থী হইলেন। এই ক্ষমতাশালী পুরুষ, কাণপুরবাসী ইঙ্গরেজদিগের সহিত দীর্ঘকাল সৌহার্দসূত্রে আবদ্ধ ছিলেন, দীর্ঘকাল তাঁহাদিগকে সম্প্রীত করিয়া আসিতে ছিলেন, এবং দীর্ঘকাল, আপনাদিগের বহুমূল্য দ্রব্যাদি তাঁহাদের পরিতোষার্থে বিনিয়োগিত রাখিয়াছিলেন। কাণপুরের ইঙ্গরেজ রাজপুরুষ সেই সদ্ভাব ও সম্প্রীতি স্মরণ করিয়া ঘোরতর বিপত্তিকালে ইহার শরণাপন্ন হইলেন।

মহারাজের শেষ পেশবা বাজীরাওর উত্তরাধিকারী ধুকুপস্থ নানা সাহেবের বিষয় উপস্থিত ইতিহাসের প্রথম ভাগে বর্ণিত হইয়াছে। পরাক্রান্ত বাজীরাও ক্রমে পুনর সিংহাসন হইতে অপসারিত হইলেন, ক্রমে তিনি কাণপুরের নিকটবর্তী বিঠুরনামক স্থানে আসিয়া বাস করেন, ক্রমে তাঁহার দত্তকপুত্র নানা সাহেব পৈতৃক বৃত্তি হইতে বঞ্চিত হইলেন, এবং শেষে ক্রমে ঐ দত্তক, বিলাতে একজন মুসলমান দূত পাঠাইয়াও কর্তৃপক্ষের নিকট স্মরণার্থে হতাশ হইয়া পড়েন, তাহা এই ইতিহাসপাঠকের অবিদিত নাই। নানা সাহেব আপনাদিগের অসুস্থিসিদ্ধিতে অকৃতকার্য হইলেও, ইঙ্গরেজের সহিত সদ্ভাব রাখিতে উদাসীন থাকেন নাই। বাজীরাওর ৮০০০ সশস্ত্র অশুচর ছিল, তাঁহার জীবদ্দশায় ইহারা কোনরূপ উচ্ছৃঙ্খলতাবের পরিচয় দেয় নাই। যখন নানা সাহেব পৈতৃক সম্পত্তি লাভ করেন, বিঠুরের রমণীয় প্রাসাদ, বহুসংখ্য সশস্ত্র অশুচর, বাজীরাওর সঞ্চিত অর্থরাশি, যখন তাঁহার অধিকৃত হয়, তখনও তিনি উচ্ছৃঙ্খল হইয়া উঠেন নাই। ইঙ্গরেজ প্রায়ই তাঁহার বিস্তৃত প্রাসাদে আতিথ্যগ্রহণ করিতেন। নানা সাহেব অতিথির সম্মানরক্ষায় উদাসীন থাকিতেন না। ইঙ্গরেজ তাঁহার পরিচর্যায় পরিতুষ্ট হইয়া তদীয় আতিথেয়তার গৌরবঘোষণা করিতেন। তাঁহারা বিঠুরে আসিয়া নানা সাহেবের পৈতৃক বৃত্তির সম্বন্ধে ব্রিটিশ কোম্পানির অশ্রদ্ধাচরণের কথা শুনিতেন। নানা সাহেবও বোধ হয় ভাবিতেন যে, তাঁহারা স্বদেশে প্রত্যাবৃত্ত হইয়া তাঁহার প্রনষ্ট অধিকারের পুনরুদ্ধারের চেষ্টা করিবেন।

মর্যাদাশালী ইঙ্গরেজ অতিথি স্বদেশে রাখা, তদীয় অভীষ্টসিদ্ধির বিষয়ে কোনরূপ চেষ্টা করুন, বা না করুন, নানা সাহেবের বিস্তৃত প্রাসাদ অতিথিশূণ্য থাকিত না। তদীয় প্রাসাদের পরিদর্শকদিগের খাতা খুলিলে শত শত ইঙ্গরেজের নাম পাওয়া যাইত। ইহার অনেকদিন নানা সাহেবের গৃহে অবস্থিতি করিয়া, নানারূপ সুখাদ্য দ্রব্যে পরিতৃপ্ত হইতেন। একজন ইঙ্গরেজ কর্মচারী একদা নানা সাহেবের একখানি শকটে বিচুরে উপনীত হইলেন। তিনি উক্ত শকটের সবিশেষ প্রশংসা করিলে, নানা সাহেব তাঁহাকে কহেন,—“অধিকদিন অতীত হয় নাই, আমার ইহা অপেক্ষাও উৎকৃষ্ট গাড়িঘোড়া ছিল, কিন্তু আমি ঐ গাড়ি দখল করিয়াছি, ঘোড়াও মারিয়া ফেলিয়াছি।” উক্ত কর্মচারী ইহার কারণ জিজ্ঞাসা করাতে, নানা সাহেব কহিলেন, “কাণপুরের এক জন সাহেবের একটি শিশু সন্তান সাতিশয় পীড়িত হইয়াছিল, সাহেব ও মেমসাহেব বায়ুপরিবর্তনের জন্ত সন্তানটিকে লইয়া, বিচুরে আসিতেছিলেন। আমি তাঁহাদিগকে আনিবার জন্ত আমার উক্ত গাড়ি পাঠাইয়াছিলাম। পথে গাড়ীতে সন্তানটির মৃত্যু হইল। গাড়ীতে মৃত শিশু থাকাতে এবং গাড়ির সহিত ঘোড়ার সংস্পর্শ হওয়াতে, আমি উক্ত গাড়ি ও ঘোড়া কখনও ব্যবহার করি নাই।” কর্মচারী জিজ্ঞাসা করিলেন, “ঘোড়া আপনার কোন খ্রীষ্টীয় বা মুসলমান বন্ধুকে ব্যবহার করিতে দিলেন না কেন?” নানা সাহেব উত্তর করিলেন, “না, আমি এইরূপ করিলে এ বিষয় সাহেবের গোচর হইত, সাহেব আমাকে ক্ষতিগ্রস্ত দেখিয়া হুঃখিত হইতেন।” ইঙ্গরেজ কর্মচারী এই ঘটনার উল্লেখ করিয়া শেষে লিখিয়াছেন, “বিচুরের এইরূপ প্রকৃতির মহারাজা সাধারণতঃ নানা সাহেব নামে প্রসিদ্ধ ছিলেন। তিনি আমাদের সমক্ষে ক্ষমতাপন্ন বলিয়াও পরিগণিত হইতেন না, কিংবা নিরক্ষাধ বলিয়াও প্রতিপন্ন ছিলেন না।”।

উপস্থিত সময়ে নানাসাহেবের বয়স ৩৬ বৎসর হইয়াছিল। যৌবনের কার্যপটুতা ও আলশশূন্যতা তাঁহাতে পূর্ণমাত্রায় বিরাজ করিতেছিল। তিনি কার্যপটু ও অনলস হইলেও তাদৃশ দূরদর্শী ও অভিজ্ঞ ছিলেন না। অপরের

নদ্বিষ্ট কার্যপ্রণালীর সঙ্গতি বা অসঙ্গতি সম্পর্কিত জ্ঞানে তাঁহার বুদ্ধি ছিলনা, ৥ অপরের অবলম্বিত কর্তব্যপথের শুভাশুভফলনির্ধারণে তাঁহার অভিজ্ঞতা ছিল না। তিনি যে পথে অগ্রসর হইতেন, যে কার্যসাধনে যাপ্ত থাকিতেন বা যে বিষয় অবলম্বনীয় বলিয়া মনে করিতেন, তৎসমুদয়ই অপরের পরামর্শে নির্ধারিত হইত। একজন স্ত্রী ও সৌখীন মুসলমান তাঁহার প্রধান মন্ত্রণাদাতা ছিলেন। তিনি প্রধানতঃ ইহারই পরামর্শে পরিচালিত হইতেন।

আজিমউল্লা খাঁর বিষয় পূর্বে একবার লিখিত হইয়াছে। আজিমউল্লা নবীন বয়সে ইঙ্গরেজ রাজপুরুষের খানা যোগাইবাব ভার গ্রহণ করুন, বা কাণপুরের বিদ্যালয়ে দশ বৎসর শিক্ষা করিয়া, উক্ত বিদ্যালয়ের শিক্ষক ও পরে একজন ইঙ্গরেজ সৈনিক কর্মচারীর মুন্সী হইলেন, * তিনি সৌন্দর্যময়ী আকৃতি ও প্রীতিপ্রদ আলাপের গুণে ইঙ্গলণ্ডের বিলাসিনীসমাজে সুপরিচিত ছিলেন। কিন্তু তাঁহার অভিজ্ঞতা অতি সঙ্কীর্ণ সীমায় আবদ্ধ ছিল। তিনি অনর্গল ইঙ্গরেজী বলিতে পারিতেন, ফরাসী ও জর্মন ভাষাতেও কথাবার্তা কহিতেন। নানা সাহেব এজ্ঞ তাঁহাকেই উপযুক্ত পাত্র মনে করিয়া, আপনার কার্যে নিযুক্ত করেন, কিন্তু তিনি বিলাতে যাইয়া প্রভুর কার্যসাধনে সমর্থ হন নাই। বিলাতের কর্তৃপক্ষ যখন তাঁহার প্রার্থনাপূরণে অগ্রসর হইলেন না, তখন তিনি আত্মপরিতোষসাধন জন্ত অগ্র পথ অবলম্বন করিলেন। তাঁহার প্রভুর প্রদত্ত প্রচুর অর্থ ছিল, তাঁহার বাকপটুতা ও স্বরমাধুর্য ছিল, সর্বোপরি তাঁহার দেহের অসামান্য সৌন্দর্য্যগৌরব ছিল। তিনি এই সকলের সাহায্যে বিলাসসাগরে ভাসমান হইলেন। বিলাসিনীদিগের অনুগ্রহে ও আদরে তাঁহার যৌবনকান্তি অধিকতর গৌরবান্বিত হইয়া উঠিল। তিনি ইঙ্গলণ্ড হইতে তুরস্কের রাজধানীতে উপনীত হইলেন, এই সময়ে ক্রীমিয়ার যুদ্ধে সমগ্র ইউরোপ আন্দোলিত হইতেছিল। কোঁতুলপের মুসলমান দূত ইউরোপের বীরপুরুষদিগের বীরত্বদর্শন জন্ত সমরভূমির নিকটবর্তী হইলেন। তিনি ইঙ্গরেজের

* Kaye, Sepoy War, p. 312. Shepherd, Cawnpur, p. 9.

ফরাসার বীরত্বব্যঞ্জক মুখশ্রী দেখিলেন, ক্রিশিয়ারাসীদিগের কামানের গোলায় ইঙ্গরেজদিগকে বিশৃঙ্খল হইতে দেখিয়া মনে মনে সন্তুষ্ট হইলেন। আজিমউল্লা যাহাদের নিকট ব্যর্থমনোরথ হইয়াছিলেন, যাহাদের বিচারে আপনার প্রতিপালক প্রভুকে পৈতৃক বৃত্তি হইতে বঞ্চিত দেখিয়া- ছিলেন, এখন তাঁহাদিগকে ইউরোপের সমরভূমিতে ইউরোপীয় বীরেন্দ্র-বৃন্দ অপেক্ষা নিকৃষ্ট বলিয়া মনে করিলেন*। তাঁহার বিশ্বাস জন্মিল যে, তিনি স্বদেশে আসিয়া ইহাদের ক্ষমতা পর্য্যদস্ত করিতে পারিবেন। আজিমউল্লা স্বদেশে প্রত্যাগত হইলেন। তাঁহার পূর্বতন বিশ্বাস অপনীত হইল না। তিনি বিচুরে আসিয়া নানা সাহেবকে আপনার ভূয়োদর্শিতার ফল জানাইলেন। পৈতৃক বৃত্তি বন্ধ হওয়াতে নানা সাহেব গভীর মনো-বেদনায় অস্থির হইয়াছিলেন। তদীয় দূত যখন অকৃতার্থ হইয়া ফিরিয়া আসিলেন, তখন তাঁহার অধীরতা বর্দ্ধিত হইল। তিনি ইঙ্গরেজ কর্তৃপক্ষের উপর জ্বাতক্রোধ হইলেন। লর্ড ডালহৌসীর অবৈধকার্যের ফল এখন পরিষ্কৃত হইল। এদিকে আজিমউল্লা ইউরোপে ভ্রমণ করিয়া, যে ভূয়োদর্শিতাসংগ্রহ করিয়াছিলেন, তদ্বারা তিনি স্বীয় প্রভুকে বিচলিত করিয়া তুলিলেন। নানা সাহেব তত্ত্বজ্ঞ বা দূরদর্শী ছিলেন না, সুতরাং তিনি স্বীয় দূতের অর্জিত জ্ঞান যথার্থ কি না, ভাবিয়া দেখিলেন না। মর্মান্তিক মনোবেদনায়, ও আজিমউল্লার হৃদয়গ্রাহিনী কথায়, তাঁহার মানসিক ভাবের পরিবর্তন ঘটিল। কাণপুরের ইতিহাস শোণিতাক্ষরে রঞ্জিত হইবার সূচনা হইল।

বিচুরের রাজপ্রাসাদে নানা সাহেবের আরও কয়েক জন সহচর ছিলেন। তাঁহার ভ্রাতা বালরাও ও বাবাতট্ট ঐ স্থানে থাকিতেন। তাঁহার ভ্রাতৃপুত্র রাও সাহেব তদীয় আশ্রয়ে কালাতিপাত করিতেন।

* ক্রীমিয়ার ১৮৫৪-৫৫ অব্দে ক্রিশিয়ার সহিত ফ্রান্স, ইংলণ্ড, তুরস্ক ও সার্দিনিয়ার সন্ধিলিভ সৈন্তের যুদ্ধ হয়। ১৮ই জুন শিবান্তোপোল নামক স্থানের যুদ্ধে সন্ধিলিভ সৈন্ত পরাজিত হয়। এই সময়ে আজিমউল্লা কন্সটান্টিনোপোলে ছিলেন। সংবাদপত্রে বিখ্যাত লেখক রাসেল সাহেবও এই সময়ে ঐ নগরে সিয়াছিলেন। তাঁহার সহিত আজিমউল্লার সাক্ষাৎ হয়। আজিমউল্লা তাঁহাকে কহেন, “বিখ্যাত ক্রীমিয়া নগর ও যে সকল পরাক্রম

এবং তাঁহার বাল্যক্রীড়াসঙ্গী তাঁতিয়াতোপী ঐস্থানে প্রিয়বয়স্কের সম্বন্ধে
ভাগে পরিতুষ্ট থাকিতেন। আজিমউল্লার স্ত্রীর তাঁতিয়াতোপীও নানা
সাহেবের মন্ত্রণাদাতা হইয়া উঠেন। এইরূপে এক দিকে মুসলমান, অপর
দিকে, মহারাষ্ট্রীয়দিগের মন্ত্রণায় বিঠুরের মহারাজের কার্যপ্রণালী অবধারিত
হইত। কাণপুরের ভয়াবহ বিপ্লবের সময়ে প্রধানতঃ ইহারই নানা সাহেবের
মন্ত্রণাদাতা হইয়াছিলেন।

কাণপুরের ইঙ্গরেজকর্তৃপক্ষ যখন ভবিষ্যৎ বিপদের আশঙ্কায় বিচলিত
হয়েন, অসহায় বালকবালিকা ও অবলা কুলনারীদিগের রক্ষার জন্ত
যখন তাঁহারা আলমশুস্ত হইয়া আশ্রয়স্থানের স্থান সুরক্ষিত করিতে
শাকেন, তখন ধনাগারের অর্থরাশির দিকে তাঁহাদের দৃষ্টি নিপতিত হয়।
এই সময়ে কাণপুরের ধনাগারে দশ বার লক্ষ টাকা ছিল। মাজিষ্ট্রেট ও
কলেজের হিলরস্‌ডন সাহেব নানা সাহেবের সাহায্যে ঐ টাকা রক্ষা করিতে
শীঘ্রই সক্ষম হইলেন। নানা সাহেবের সদ্যবহারে, ও আতিথেয়তায়, কলেজের
সাহেব পরিতুষ্ট ছিলেন। তাঁহার বিশ্বাস ছিল যে, বিপদ উপস্থিত হইলে,
একমাত্র নানা সাহেবের সাহায্যেই তিনি পরিবারবর্গের সহিত গবর্ণমেন্টের
সম্পত্তিরক্ষায় সমর্থ হইবেন। এ সম্বন্ধে বিবি হিলরস্‌ডন একখানি পত্রে
লেখিয়াছিলেন,—“এস্থলে সহসা বিপৎপাতের সম্ভাবনা। যদি বিপদ
উপস্থিত হয়, তাহা হইলে আমরা হয় সৈনিকনিবাসে, নচেৎ কাণপুরের
প্রায় ছয় মাইল দূরবর্তী বিঠুরনামক স্থানে যাইব। এই স্থানে পেশবার
উত্তরাধিকারী অবস্থিতি করিতেছেন। তিনি সাহেবের পরম বন্ধু এবং
হিসসম্পত্তির অধিপতি ও প্রভূত ক্ষমতাপন্ন ব্যক্তি। তিনি সাহেবকে
উত্তার সহিত কহিয়াছেন যে, তাঁহারা বিঠুরে সর্বাংশে নিরাপদে থাকিবেন।
যদি অপর্যাপন্ন কুলনারীর সহিত সৈনিকনিবাসে থাকাই ভাল বোধ

করেন) কশিরাবাসী, কাসী ও ইঙ্গরেজদিগকে পরাজিত করিয়াছে, তাহাদিগকে দেখিতে
যাওয়ার বড় ইচ্ছা হইতেছে।” আজিমউল্লা কলিকাতায় আসিতেছিলেন। তাঁহার
হইলে তিনি ইঙ্গরেজের পরাজয়সংবাদ প্রাপ্ত হইয়া, অসম্মত বুদ্ধিমান দেখিবার
ন্যূনত্বজন্যে গম্বল করেন।—*Russell, Diary in India. Vol. 1. p. 165-166.*

করিতেছি, কিন্তু সাহেব আমাকে অমূল্য সম্মানরত্নের সহিত বিঠুরে রাখাই শ্রেয়স্কর মনে করিতেছেন” * ।

নানা সাহেবের প্রতি কাণপুরের কলেজের সাহেবের এইরূপ অটু বিশ্বাস ও প্রগাঢ় প্রীতি ছিল। এই বিশ্বাস ও প্রীতি প্রযুক্তই তিনি ধনাগার-রক্ষার ভার নানা সাহেবের হস্তে সমর্পিত করিতে উদ্যত হইলেন। কথিত আছে, নানা সাহেব যখন লক্ষ্ণৌ নগরে উপনীত হইলেন, তখন তত্রতা রাজকীয় প্রধান কর্মচারীরা তাঁহার প্রতি সর্বতোভাবে বিশ্বাসস্থাপনে উদ্বুদ্ধ হইলেন নাই। নানা সাহেব সহসা লক্ষ্ণৌ হইতে প্রস্থান করিলে অযোধ্যার রাজস্বসংক্রান্ত প্রধান কর্মচারীর মনে গভীর সন্দেহ জন্মে। এজন্য, উক্ত কর্মচারী কাণপুরের ইন্সপেক্টর সেনাপতিকেও সাবধান হইতে কহেন। এবিষয় অযোধ্যার প্রধান কমিশনের স্মার হেনরি লরেন্সেরও অনুমোদিত হয়। † যাহা হউক, হিলার্সডন সাহেব অবশ্য নানা সাহেবের সৌজনে মুগ্ধ হইয়াছিলেন, নানা সাহেবের সদাচারে পরিতোষলাভ করিয়াছিলেন এবং নানা সাহেবের সদনুষ্ঠানে তাঁহার একান্ত পক্ষপাতী হইয়া উঠিয়াছিলেন। বাজীরাও লোকান্তরিত হইলে, নানা সাহেব যখন পৈতৃক সম্পত্তির অধিকারী হইলেন, তখন তিনি কাণপুরের রাজপুরুষদিগের সমক্ষে কোন অংশে অবিনয় বা অসৌজন্তের পরিচয় দেন নাই। লর্ড ডালহৌসীর সংকীর্ণ রাজনীতিতে তিনি মগ্ন হইয়াছিলেন বটে, কিন্তু তাঁহার বিশ্বাস ছিল যে, এক সময়ে তাঁহার প্রণষ্ট অধিকারের পুনরুদ্ধার হইবে। তিনি, ষাঁহাদের সহিত সদ্ব্যবহার করিতেছেন, ষাঁহাদিগকে সন্তুষ্ট করিতে নিরন্তর প্রয়াস পাইতেছেন, এবং ষাঁহাদের সমক্ষে সৌজন্তের একশেষ দেখাইতেছেন, তাঁহারা অবশ্য এক সময়ে তদীয় আয়াতুল্লাহ স্বরূপে যত্নবান হইবেন। তিনি ইহা ভাবিয়াই বর্তমানে সন্তুষ্ট ও ভবিষ্যতের আশায় উৎসাহাধিত ছিলেন। তাঁহার অনভিজ্ঞ ও কোঁতূহলপর মুসলমান মন্ত্রী ক্রীমিয়ার যত্নে কেবল দেখিয়া, যে জ্ঞানলাভ করিয়াছিলেন, সেই জ্ঞানের মোহিনী শক্তিতে

* *Martin, Empire in India, Vol. II, p. 251.*

† *Gubbins, Mutinies in Oudh, p. 32.*

যদি তিনি আকৃষ্ট না হইতেন, বা তাঁহার বাল্যক্রীড়াসহচরের মন্ত্রণার
যদি তদীয় মতিভ্রংশ না ঘটিত, তাহা হইলে, বোধ হয়, তিনি পূর্নতন
সৌজন্য ও সদ্যবহার হইতে বিচ্যুত হইতেন না। কাণপুরের বিস্তৃত ক্ষেত্রও
বোধ হয়, ইউরোপীয়ের শোণিতে রঞ্জিত হইত না, এবং কাণপুরের
প্রাস্তবাহিনী পবিত্রসলিলা জাহ্নবীও বোধ হয়, নিঃসহায় বালকবালিকা ও
নিরপরাধা কুলকামিনীদিগের দেহনিঃসৃত শোণিতস্রোতে কলুষিত হইয়া
উঠিতেন না।

নার্না সাহেব যথোচিত শিষ্টতা দেখাইয়া কাণপুরের ইঙ্গরেজ কর্তৃ-
পক্ষের সাহায্য করিতে উদ্যত হইলেন। রাজকীয় কর্মচারিগণ কি
জন্তু সহসা তাঁহার সাহায্যপ্রার্থী হইয়াছিলেন, কি জন্তু তাঁহাকে এই
দৃষ্টকালে, আপনাদের প্রধান অবলম্বনরূপ মনে করিয়াছিলেন, এই
স্থলে তাহার উল্লেখ করা আবশ্যিক। দেওয়ানী ও সৈনিক কর্মচারিগণ
এ সময়ে ধনাগারের অর্থরাশি সুরক্ষিত করিতে নিরতিশয় চেষ্টা
করিতেছিলেন। তাঁহারা যে স্থান প্রাচীরে পরিবেষ্টিত করিয়া, আত্মরক্ষার্থ
দজ্জিত হইতেছিলেন, সেই স্থানে ধনাগারের মুদ্রা আনিয়া রাখিলে
উহা উত্তেজিত সিপাহীদিগের হস্তচ্যুত হইয়া পড়িত। কিন্তু এসময়ে
য সকল সিপাহী ধনাগাররক্ষা করিতেছিল, তাহারা আপনাদের
বিশ্বস্ততা ও রাজভক্তির উল্লেখ করিয়া কহিল, “আমরা ধনাগাররক্ষা করিতে
থাশক্তি যত্ন করিব। টাকা স্থানান্তরে অপসারিত হইলে, আমাদের
রাজভক্তিতে কলঙ্কস্পর্শ হইবে, আমাদের বিশ্বস্ততারও অবমাননা ঘটবে।
আমরা উপস্থিত থাকিতে বিপক্ষদিগের কেহই ধনাগার বিলুপ্তিত করিতে
পারিবে না। আমাদের হস্তে ইহা নিরাপদে রহিয়াছে।” কর্তৃপক্ষ
নাগাররক্ষকদিগের এই কথার প্রতিবাদ করিতে ইচ্ছা করিলেন না।
এসময় তাহাদের প্রতি কোন বিষয়ে অবিশ্বাসের চিহ্ন দেখাইলে বা
গহাদের কথার কোন অংশে প্রতিবাদ করিলে, তাহারা হয় ত প্রকাশ-
গবে বিরুদ্ধাচরণে অগ্রসর হইত, এবং কর্তৃপক্ষের মনোগত ভাব বৃদ্ধিতে
গারিয়া, প্রকাশভাবে আপনাদের রক্ষণীয় দ্রব্য আপনারাই আত্মসাৎ
করিত। বৃদ্ধ সেনাপতি, ইহা ভাবিয়া ধনাগাররক্ষকদিগের মতের

বিকল্পে কোন কার্য করিলেন না। বিপুল অর্থ পূর্ববৎ ধনাগারেই রহিল। কিন্তু বিপদের সময়ে ধনাগাররক্ষক সিপাহীদিগের প্রতি সম্পূর্ণরূপে বিশ্বাসস্থাপন করা, অনুচিত মনে করিয়া, কর্তৃপক্ষ কতিপয় সশস্ত্র সৈনিক পুরুষ ধনাগারের নিকটে রাখিবার সঙ্কল্প করিলেন। কাণপুরের কলেक्टर হিলর্স্‌ডন সাহেবের সহিত নানা সাহেবের বিলক্ষণ সদ্ভাব ছিল। কলেक्टर সাহেব এজন্য নানা সাহেবের সাহায্যপ্রার্থী হইলেন। নানা সাহেবও সাহায্যদানে অগ্রসর হইলেন। ধনাগার বিঠুরে যাইবার পথের কিয়দূরে ছিল। অবিলম্বে নানা সাহেবের দুই শত সশস্ত্র অনুচর দুইটি কামান লইয়া ধনাগার ও অস্ত্রাগারের নিকটবর্তী নবাবগঞ্জ নামক স্থানে উপস্থিত হইল। এইরূপে কাণপুরের কর্তৃপক্ষ ব্রিটিশ কোম্পানির অর্থরক্ষার উপায়বিধান করিলেন। এই উপায়েই পরিশেষ সিপাহীদিগের অদৃষ্ট অধিকতর প্রসন্ন হইয়া উঠিল। নানা সাহেবের নিকটে কলেक्टर সাহেবের সাহায্যপ্রার্থনাকরার সম্বন্ধে নানার সহচর তাঁতিয়া তোপী এইরূপ নির্দেশ করিয়াছেন;—“১৮৫৭ খ্রীঃ অব্দের মে মাসে কাণপুরের কলেक्टर সাহেব বিঠুরে নানা সাহেবের নিকটে এক খানি পত্র প্রেরণ করেন। পত্রে লিখিত থাকে যে, “আপনি যদি অনুগ্রহ করিয়া, আমার স্ত্রী ও সন্তানদিগকে ইঙ্গলণ্ডে পাঠাইয়া দেন, তাহা হইলে বড় ভাল হয়।” নানা সাহেব এই প্রস্তাবে সম্মত হইলেন। চারি দিবস পরে কলেक्टर সাহেব আবার নানা সাহেবকে সৈন্ত ও কামানসহ কাণপুরে আসিতে লিখেন। নানা সাহেব তিন শত সৈন্ত ও দুইটি কামান লইয়া কাণপুরে গমন করেন। আমিও সেই সঙ্গে কাণপুরে যাই। কলেक्टर সাহেব এই সময়ে তাঁহার বাটীতে ছিলেন না, প্রাচীরপরিবেষ্টিত স্থানে অবস্থিতি করিতেছিলেন। তিনি আমাদিগকে তাঁহার বাড়ীতে থাকিতে বঙ্গিয়া পাঠান। আমরা তদনুসারে তাঁহার বাটীতে সেই রাত্রি অতিবাহিত করি। প্রাতঃকালে কলেक्टर সাহেব আসিয়া নানা সাহেবকে তাঁহার নিজের গৃহে অবস্থিতি করিতে কহিলেন। ঐ বাটী কাণপুরে ছিল। আমরা তদনুসারে ঐ বাটীতে বাস করিতে লাগিলাম। এইরূপে চারি দিন অতিবাহিত করিলাম। কলেक्टर সাহেব কহিলেন, সিপাহীরা কথার যেরূপ অবাধ্য হইয়া উঠিয়াছে, তাহাতে বিশেষ সৌভাগ্য যে, নানা

সাহেব তাঁহাদের সাহায্যার্থ উপস্থিত হইয়াছেন । তিনি তাঁহার অনুচরগণের ধরচপত্রের বিষয় সেনাপতিকে বলিবেন । কলেট্টর সাহেব আপনার কথারক্ষা করিলেন । সেনাপতিও ঐ বিষয় আশ্রয় লিখিয়া পাঠাইলেন । সে স্থান হইতে উত্তর আসিল যে, নানা সাহেবের অনুচরদিগের ব্যয়নির্বাহের বন্দোবস্ত করা হইবে” * । এইরূপে ২২শে মে নানা সাহেব ব্রিটিশ গবর্ণমেন্টের সম্পত্তিরক্ষার ভার গ্রহণ করিলেন ।

যে দিন নানা সাহেবের হস্তে ধনাগাররক্ষার ভার সমর্পিত হয়, তাহার পূর্বে দিন লক্ষ্য হইতে সাহায্যকারী সৈনিকদল কাণপুরে পঁহুছে । এ দিকে সেনাপতির আদেশে ইউরোপীয় কুলকামিনী, বালকবালিকা ও রোগাতুরগণ প্রাচীরপরিবেষ্টিত স্থানে আশ্রয়গ্রহণ করে । এই সময়ে গোলযোগের একশেষ হয় । বগী, পালকী, গাড়ি প্রভৃতি বিবিধ যান ক্রমান্বয়ে আশ্রয়স্থানের প্রশস্ত প্রাঙ্গণে উপস্থিত হইয়া থাকে । শিশুদিগের রোদন-ধ্বনিতে, কুলকামিনীদিগের আর্তনাদে, ইত্যন্ততঃ ধাবমান লোকের উচ্চৈঃস্বরে ও যানসমূহের ঘর্ষর শব্দে, সমগ্র সৈনিকনিবাস সমাকুল হইয়া উঠে । এই সময়ে সকলেই শশব্যস্ত, সকলেই আসন্ন বিপদে সন্ত্রস্ত, সকলেই আপনাদের জীবন ও সম্পত্তিরক্ষার জন্ত বিহ্বলচিত্ত হইয়া, ইত্যন্ততঃ ধাবিত হইতে থাকে । ছোট বড়, ভদ্র ইতর, উচ্চশ্রেণীর রাজপুরুষ ও নিম্নশ্রেণীর কর্মচারী, সকলেই সমভাবে একক্ষেত্রে দণ্ডায়মান হইয়া একবিধ কার্যসাধনে প্রবৃত্ত হয় । সকলের মুখই গভীর আশঙ্কায় মলিন ও সকলের হৃদয়ই অবশ্যস্তাবী বিপদে অবসন্ন হইয়া উঠে । ২২ শে তারিখ বাজারের সমস্ত দোকান ৪।৫ বার বন্ধ হয় । ঐ দিন সেনাপতির নিকটে নিরন্তর নানারূপ অসম্বন্ধ ও ভয়ঙ্কর সংবাদ উপস্থিত হইতে থাকে । এক ব্যক্তি যে সংবাদ লইয়া আইসে, ১০ মিনিট পরে অপর ব্যক্তি সেই সংবাদ মিথ্যা বলিয়া তদপেক্ষা ভয়ঙ্কর সংবাদ প্রচার করে । এইরূপে সমস্ত দিন অতিবাহিত হয় । তৎপর দিনও ঐরূপ নানা ভয়ঙ্কর জনরব প্রচারিত হয় । এই সময়ে বৃদ্ধ সেনাপতির প্রশান্তভাবে ব্যতিক্রম হয় নাই । সেনাপতির আবাসগৃহের দ্বার ও গরাক সকল সমস্ত

* *Kaye, Sepoy War: Vol.-II., p. 300, note.*

রাত্রি উন্মুক্ত থাকিত । সেনাপতি স্বয়ং স্থানান্তরে যাইবার ইচ্ছা করেন নাই, পরিবারবর্গকেও স্থানান্তরিত করিতে সম্মত হইবেন নাই । সেনাপতি ব্যতীত কাণপুরের আর কতিপয় রাজপুরুষও এই সময় আপনাদের গৃহে রাত্রি-যাপন করিতেন ।

ইঙ্গরেজেরা যখন আত্মরক্ষার আয়োজন করিতেছিলেন, সৈনিক-চিকিৎসালয়ের বিস্তৃত ক্ষেত্র যখন মৃৎপ্রাচীরে পরিবেষ্টিত এবং ঐ প্রাচীরের স্থানে স্থানে যখন কামানসকল স্থাপিত হইতেছিল, তখন সিপাহীরা নানা লোকের কথায় ও নানাস্থানের সংবাদে অধিকতর উত্তেজিত ও অশান্ত হইয়া উঠে । ইহাদের মধ্যে দ্বিতীয় অশ্বারোহীদলই সর্বপ্রথম বিপক্ষতাচরণে আগ্রহপ্রকাশ করে । ইহারা ক্রমে আপনাদের পরিবারবর্গ ও সম্পত্তি স্থানান্তরে প্রেরণ করে । আপনাদের চিরসহচর ও চিরপবিত্র লোটা ব্যতীত, ইহারা আর কিছুই আপনাদের গৃহে রাখে নাই । এই দলে অনেক মুসলমান সৈনিকপুরুষ ছিল । ইহারাও সমভাবে উত্তেজিত হইয়া উঠিয়াছিল । হিন্দুদিগের ঞ্চায় ইহাদেরও আশঙ্কার অবধি ছিল না । ইহারা মসজিদে সমবেত হইয়া, উপস্থিত বিষয়ে আপনাদের মধ্যে পরামর্শ করিত । ২৪ শে মে ইহাদের প্রসিদ্ধ পর্ব ইদের দিন ছিল । এজন্য ইউরোপীয়েরা ভাবিয়াছিলেন যে, ঐ দিন ইহারা তাহাদের বিরুদ্ধে সমুখিত হইবে । কিন্তু ঐ দিন বিনা গোলযোগে অতিবাহিত হইল । মুসলমান সৈনিকপুরুষেরা উত্তেজিত হইলেও, ঐ দিন শান্তিভঙ্গ করিল না । তাহারা প্রশান্তভাবে আপনাদের ধর্ম্মানুমোদিত কার্য্য সম্পন্ন করিল, এবং প্রশান্তভাবে ও সন্তোষসহকারে আপনাদের অধ্যক্ষদিগকে অভিবাদন ও অভিনন্দন করিয়া, যথোচিত বিনীতভাবে পরিচয় দিল । তাহাদের অধিনায়কগণও তাহাদিগকে প্রত্যভিনন্দিত করিলেন ।

কিন্তু ইহাতেও সেনানায়ক ও সিপাহীদিগের মধ্যে সত্তাব স্থাপিত হইল না । সিপাহীরাও উত্তেজনা ও আশঙ্কা হইতে নিষ্কৃতিলাভ করিতে পারিল না । কর্তৃপক্ষের প্রতিকার্য্যেই তাহাদের উত্তেজনা পরিবর্দ্ধিত ও আশঙ্কা বলবতী হইতে লাগিল । তাহারা দেখিল, ইঙ্গরেজেরা তাহাদিগকে নিরস্তর সন্ধিগ্ধভাবে নিরীক্ষণ করিতেছেন । আত্মরক্ষার জন্ত প্রশস্ত ক্ষেত্র প্রাচীরে পরিবেষ্টিত

করিয়াছেন । স্থানান্তর হইতে কামান সকল আনীত হইতেছে । ইউরোপীয় সৈনিক পুরুষেরা অস্ত্রপরিগ্রহ পূর্বক আশ্রয়স্থানের উপায়বিধান করিতেছে । ইহা দেখিয়া তাহারা স্থির থাকিতে পারিল না । তাহারা ভাবিল, হয় ত ঐ সকল সজ্জিত কামানে এক সময়ে তাহাদিগকে উড়াইয়া দেওয়া হইবে । ইহার উপর বসায়ুক্ত টোটা ও অস্থিচূর্ণমিশ্রিত ময়দার কথা তাহাদের নিদারুণ অন্তর্দাহের কারণ হইয়া উঠিল । তাহারা আবার ভাবিতে লাগিল, ফিরিঙ্গীর অধিকারে, ফিরিঙ্গীর অত্যাচারে, তাহাদের জাতিনাশ ও ধর্মনাশের সহিত প্রাণান্ত পর্য্যন্ত ঘটিবে । যে দিন গোলন্দাজ সৈন্য কামান লইয়া লক্ষ্যে হইতে কাগপুরে উপস্থিত হয়, সে দিন এতদেশীয় অস্বারোহী সৈনিকপুরুষেরা এরূপ উত্তেজিত হইয়া উঠে যে, তাহারা আপনাদের পিস্তলগুলি পূর্ণ করিয়া যুদ্ধার্থ প্রস্তুত হইতে থাকে । ঐ কামান কি জন্ত তাহাদের আবাসভূমির অভিমুখে আসিতেছে, তাহা তাহারা জানিতে পারে নাই । সহসা কামানের আবির্ভাব ও তৎপার্শ্বে ইউরোপীয় সৈনিক পুরুষদিগের সমাবেশ দেখিয়া, তাহারা আশঙ্কায় অধীর হয় । তাহারা ভাবিতে থাকে, ঐ কামানে এই মুহূর্ত্তেই তাহাদের প্রাণবায়ুর অবসান হইবে । এইরূপ দুর্ভাবনায় তাহাদের মানসিক শাস্তি তিরোহিত হয় । তাহারা তাড়াতাড়ি গৃহ হইতে বহির্গত হইয়া, আপনাদের অশ্ব সকল সজ্জিত করিতে থাকে । দেখিতে দেখিতে গোলন্দাজ সৈন্য কামান লইয়া তাহাদের আবাসগৃহ অতিক্রম পূর্বক নির্দিষ্ট স্থানে চলিয়া গেল, কিন্তু ইহাতেও তাহাদের হৃদয় আশ্রয় হইল না । কামান চলিয়া গেলে জনসাধারণের অনেকে আপনাদের গৃহ হইতে বহির্গত হইয়া কারণ জানিবার জন্ত কাওয়ারাজের ক্ষেত্রে সমবেত হইল । কয়েকজন সিপাহীও আসিয়া তাহাদের সহিত মিশিল । গোলযোগ দেখিয়া রসদ-বিভাগের একজন ইঞ্জরেজ কর্মচারী সেই স্থানে উপস্থিত হইলেন । সেই সময়ে সিপাহীদিগের কথোপকথনে তিনি স্পষ্ট বুঝিতে পারিলেন যে, কামান সকল চলিয়া যাওয়াতে, তাহাদের আশঙ্কা দূর হইয়াছে । তাহারা এতক্ষণ আপনাদের সর্বনাশের চিন্তায় অস্থির ছিল । তাহাদের সে অস্থিরতা এখন অন্তর্হিত হইয়াছে । তাহারা অতঃপর আপনাদের মধ্যে এই বিষয়ে কথাবার্তা করিতেছে । এই অবসরে উক্ত ইঞ্জরেজ কর্মচারী তাহাদের নিকটবর্তী

হইয়া কহিলেন, “অযোধ্যা হইতে যে সকল অস্বারোহী সৈনিক পুরুষ এঁ সকল কামানের সঙ্গে আসিতেছিল, তাহারা পূর্বে কোনরূপ ঔদ্ধত্য প্রকাশ করে নাই। রাজভক্তির অবমাননা করিতেও তাহাদের প্রবৃত্তি দেখা যায় নাই। কর্তৃপক্ষ তাহাদিগকে ভাল ভাবিয়াই ফতেগড়ে পাঠাইয়া ছিলেন*। কি জন্ত তাহারা রাজভক্তি হইতে বিচ্যুত হইল, এবং কি জন্তই বা আপনাদের অধিনায়কদিগকে নিহত করিল?” তাঁহার এই বাক্যে সিপাহীরা উত্তেজনা সহকারে নানা ভাবে নানা কথা কহিতে লাগিল। এক জন বলিল, “অধিনায়কেরাই যে, বিশ্বাসঘাতক হইয়াছিলেন, তদ্বিষয়ে সন্দেহ নাই। ঐ সকল অধিনায়ক, সিপাহীদিগকে নিরস্ত্র ও তাহাদের অশ্বসকল তাহাদিগহইতে ছিনাইয়া লইবার চেষ্টা করিয়াছিলেন। এবিষয়ে অকৃতকার্য হওয়াতে তাঁহারা, উহাদিগকে বেতন লইবার জন্ত যুদ্ধবেশ ও যুদ্ধাস্ত্রের পরিবর্তে সামান্যবেশে এই স্থানে আসিতে আদেশ দেন। এই পর্য্যন্ত বলিয়াই বক্তা ঘাড় নাড়িয়া পুনর্বার গম্ভীরভাবে কহিল, “কিন্তু সিপাহীরা সেরূপ পাত্র নহে; তাহারা সহজে এই স্থানে আসিবার লোক নয়।” আর এক ব্যক্তি কহিল, “আফিসরগণ যদি বিশ্বাসঘাতক না হইয়া থাকেন, তাহা হইলে তাঁহারা কিজন্ত আবাসস্থান প্রাচীরে পরিবেষ্টিত করিতেছেন? তাঁহারা যদি পূর্বের ত্রাণ আমাদের সহিত ভালব্যবহার করেন, তাহা হইলে আমরাও কখনও কোন অংশে তাঁহাদের অনিষ্ট করিব না। কিন্তু এখন সেই ভাল ব্যবহারের পরিবর্তে তাঁহারা বিবিধ কৌশলে আমাদের জাতিনাশ করিবার ইচ্ছা করিতেছেন।” বক্তা অতঃপর তাহার সহযোগীদিগের প্রতি মুখ ফিরাইয়া কহিল, “দেখ, আমাদের বিরুদ্ধে কিরূপ গুরুতর ষড়যন্ত্রের অনুষ্ঠান হইতেছে। তাহারা জানে যে, আমরা কখনও নূতন টোটাগ্রহণ করিব না, এজন্য আমাদের জাতিচ্যুত করিবার অভিপ্রায়ে গাভী ও শূকরের অস্থিচূর্ণ মিশ্রিত ময়দা রুড়কি হইতে প্রেরিত হইতেছে।” তৃতীয় ব্যক্তি বলিল, “আমি স্পষ্ট দেখিতে পাইতেছি, আমাদের উপর আফিসরদিগের কিছুমাত্র বিশ্বাস নাই, তাঁহারা অস্ত্রাগার ও ধনাগাররক্ষক

* ফতেগড়ের বিবরণ পরে লিখিত হইবে।

সিপাহীদিগকে অপসারিত করিয়া সেই স্থলে ইউরোপীয়দিগকে রাখিবার চেষ্টা করিয়াছিলেন। সিপাহীরা, এতদিন বিশ্বস্ত ছিল, এখন সহসা তাহারা অশান্ত বুলিয়া প্রতিপন্ন হইল।” সিপাহীদিগের মধ্যে যখন এইরূপ কথোপকথন হইতেছিল, তখন সিপাহীরা রসদবিভাগের উক্ত কর্মচারীর চারিদিকে দাঁড়াইয়াছিল। ঐ কর্মচারী তাহাদিগকে শান্ত করিবার অনেক চেষ্টা করিলেন, কিন্তু তাহারা কিছুতেই শান্ত হইল না। তিনি তাহাদিগকে গবর্নমেন্টের সহৃদেয় যতই বুঝাইতে লাগিলেন, তাহারা ততই গভীর আশঙ্কা ও তন্মূলক অধীরতা প্রকাশ করিতে লাগিল। তাহারা মিরাতের ঘটনার উল্লেখ করিয়া স্পষ্টাক্ষরে কহিল, “তৎকাল সিপাহীরা দশ বংসরের জ্ঞান কারারুদ্ধ হইয়াছে, এবং শৃঙ্খলাবদ্ধ হইয়া গুরুতর পরিশ্রম-সহকারে পথ প্রস্তুত করিবার কার্যে নিয়োজিত রহিয়াছে। যেহেতু, তাহারা নূতন টোটা দাঁতে কাটিতে অসম্মত হইয়াছিল। কাণপুরে ইউরোপীয় সৈনিকদল উপস্থিত হইলেই আমাদেরও সেই দশা ঘটবে। আমরা সে পর্যন্ত অপেক্ষা করিব না, আমাদের অধোগতির একশেষ হইয়াছে। এই সেই রাত্রিতে এক জন আফিসর আমাদের দলের কতিপয় সাত্তীর দিকে গুলি নিক্ষেপ করিল। বিচারক তাহাকে পাগল বুলিয়া ছাড়িয়া দিলেন *। আমরা যদি কোন ইউরোপীয়ের দিকে গুলিনিক্ষেপ করিতাম, তাহা হইলে আমাদের ফাঁসী হইত।” সিপাহীদিগকে এইরূপ উত্তেজিত ও অধীর দেখিয়া, পূর্বোক্ত কর্মচারী কহিলেন, “তোমরা আপনাদের সর্কনাশের সূত্রপাত করিতেছ। ব্রিটিশ কোম্পানি ব্যতীত আর কাহার নিকট এরূপ উচ্চ ও সম্মানিত কর্ম পাইবে?” একজন সিপাহী তিলাক্ মাত্র বিলম্ব না করিয়া এই কথার উত্তরে বলিল, “আমরা মুসলমান।

* সিপাহীর এই কথা অমূলক নহে। একদা রাত্রিকালে অখারোহী সৈনিকদলের একজন সিপাহী পাহারা দিতেছিল। এমন সময়ে একটি ইউরোপীয় সৈনিক পুরুষ আপনার বাস্তব হইতে বাহির হইয়া, মদ্যপান প্রযুক্ত মত্ততাতেই হটক, অথবা জয়েই হটক, ঐ সাত্তীর প্রতি গুলিনিক্ষেপ করে। কিন্তু গুলি লক্ষ্যভ্রষ্ট হয়। পরদিন প্রাতঃকালে সিপাহী উক্ত সৈনিক পুরুষের বিরুদ্ধে অভিযোগ উপস্থাপিত করে। এই বিষয়ের বিচার জন্ত সামরিক বিচারালয়ের অধিবেশন হয়। মত্ততাপ্রযুক্ত অতিযুক্ত সৈনিকের বুদ্ধিবংশ হইয়াছিল, এই হেতুতে বিচারক তাহাকে দণ্ডিত না করিয়া ছাড়িয়া দেন। - *Trevelyan, Cawnpur, p. 92-93.*

আমরা সজাতীয় ভূপতির কৰ্ম করিব, সজাতীয়ের সহিত কিরূপ ব্যবহার করিতে হয়, তাহা অবশ্যই তাঁহার বিদিত আছে।” আর একজন সিপাহী আপনার শ্মশ্রু মুখমণ্ডল বিকৃত করিয়া সান্তিশয় উত্তেজনার পরিচয় দিতে লাগিল। রসদবিভাগের পূৰ্বোক্ত কৰ্মচারী তাহাকে নিরতিশয় উত্তেজিত দেখিয়া কহিলেন, “যদি তোমরা এই সকল কার্যসাধনে দৃঢ়প্রতিজ্ঞ হইবা, তাহা হইলে বণিক, কেরাণী প্রভৃতি যে সকল ব্যক্তির সহিত তোমাদের কোনরূপ সংশ্রব নাই, তাহাদের অনিষ্টসাধনে কেন প্রবৃত্ত হইবে? তাঁহার এই কথায় পূৰ্বোক্ত সিপাহী দৃঢ়তার সহিত কহিল, “ওঃ! তোমরা সকলেই এক। তোমাদের সকলের জাতিই এক। তোমরা খলসর্প। তোমাদের কেহই রক্ষা পাইবে না।” এই সময়ে একজন হাবিলদার বা নায়ক ইন্ডরেজ কৰ্মচারীর সম্মুখে আসিয়া, তাঁহাকে কহিলেন, “আপনি এই নিৰ্বোধের কথায় কৰ্ণপাত করিবেন না, আপনার কার্যে গমন করুন; আমাদের মধ্যে আর আসিবেন না।” হাবিলদার যখন এই কথা বলিতেছিলেন, তখন আরও কতিপয় ব্যক্তি ইন্ডরেজ কৰ্মচারীকে সে স্থান হইতে শীঘ্র শীঘ্র যাইতে বলিল। কৰ্মচারী সিপাহীদিগকে নিরতিশয় উত্তেজিত দেখিয়া শঙ্কিত হইয়াছিলেন। চারি দিকে ঐ উত্তেজিত সিপাহীগণে পরিবেষ্টিত হওয়াতে তাঁহার আশঙ্কা বলবতী হইয়াছিল, স্তরাং তিনি তথায় অধিকক্ষণ থাকিলেন না। পূৰ্বোক্ত হাবিলদারের কথায় তাড়াতাড়ি সে স্থান হইতে প্রস্থান করিলেন। তিনি যখন যাইতে লাগিলেন, তখন এক ব্যক্তি উপহাসপূৰ্বক উচ্চৈঃস্বরে তাঁহাকে বলিতে লাগিল, “তোমার কোন ভয় নাই। তুমি শীঘ্র যাইয়া মুসলমানের বেশপরিগ্রহ কর, স্থূল ও দৃঢ় যষ্টি হস্তে লও এবং গোঁপে তা দিতে দিতে “আল্‌হাম্‌দ-লিল্লা রব্বেল্ আলমিন্” (মুসলমানদিগের উপাসনাবাক্যের একটি অংশ) এই কথা বলিয়া বেড়াও, তুমি নিরাপদ থাকিবে।” এই বাক্যে উপস্থিত ব্যক্তিগণ উচ্চ হাস্য করিয়া উঠিল। ইন্ডরেজ কৰ্মচারী উহাতে কৰ্ণপাত করিলেন না, আপনার প্রাণ লইয়া সম্বরপদে গৃহাভিমুখে গমন করিলেন*।

* *Shepherd, Cawnpur Massacre, p., 17-19*

এইরূপে সিপাহীরা উত্তেজিত হইয়া উঠিল। ইউরোপীয়েরা
 সবশস্ত্রাধী বিপদ হইতে আত্মরক্ষার জন্ত যতই আয়োজন করিতে লাগিলেন,
 সিপাহীরা ততই সন্দিগ্ধ হইতে লাগিল। পূর্বে উক্ত হইয়াছে, তাহারা
 ক্রমে সেনাপতিকে আত্মরক্ষার স্থান প্রাচীরে পরিবেষ্টিত করিতে দেখিয়া,
 স্থির থাকিতে পারে নাই। ইহার পর যখন তাহারা দেখিল, ইউরোপীয়গণ
 লে দলে এই স্থানে সমবেত হইতেছে, কামান সকল স্থানান্তর
 হইতে আনীত হইতেছে, বর্ষীয়ান্ সেনাপতি দিবারাত্র এই স্থানে
 আমরিক কার্যের সুব্যবস্থায় মনোযোগী হইতেছেন, ত্রীষ্টধর্মাবলম্বীগণ
 দ্বায়ে দিগ্বিদিক-জ্ঞানশূন্য হইয়া এই স্থানে আশ্রয়গ্রহণ করি-
 তেছে, তখন তাহাদের প্রভুর প্রতি বিশ্বাস ও প্রভুর সম্বন্ধে কর্তব্য-
 বুদ্ধি সমূলে বিনষ্ট হইল। বর্ষীয়ান্ সেনাপতি আপনাদিগকে রক্ষা করিবার
 জন্ত যে মৃগয় প্রাচীর নির্মিত করিলেন, সে প্রাচীর তাহাদের রক্ষার উপযোগী
 হইল না। অথচ, ঐ প্রাচীর সিপাহীদিগকে সন্দেহাকুল করিয়া তুলিল।
 অধিকন্তু সিপাহীরা ইউরোপীয়দিগের ভীতিব্যাকুলতা স্পষ্ট দেখিতে পাইল।
 এই ব্যাকুলতা দর্শনে তাহাদের উদ্বেগ হইল যে, তাহারা এতদিন যাহা-
 দিগকে সাহসী, দৃঢ়তাসম্পন্ন ও সর্কাংশে কার্যকুশল মনে করিতেছিল,
 তাহারাও আশঙ্কায় অবসন্ন হইয়া পড়ে, এবং আপনাদিগকে সর্কাবিষয়ে
 অবলম্বশূন্য ভাবিয়া প্রতি মুহূর্তে আত্মহারা ও দিশাহারা হইতে থাকে।
 এরূপ বিপত্তিবিচলিত ব্যক্তিদিগের পরাজয় অসাধ্য নহে। এইরূপ ভাবিয়া
 সিপাহীরা ইউরোপীয়দিগকে অবজ্ঞার ভাবে দেখিতে লাগিল। শেষে যখন
 কামানরক্ষক ইউরোপীয় সৈনিক পুরুষেরা, আপনাদের কামান সকল
 যথাস্থানে সন্নিবেশিত করিল, এবং সমর্থ ইউরোপীয়গণ অস্ত্রপরিগ্রহ করিতে
 লাগিল, তখন সিপাহী ও তাহাদের অধিনায়কদিগের মধ্যে বিশ্বাস,
 অমুরাগ ও শ্রদ্ধার সমস্ত বন্ধন বিচ্ছিন্ন হইয়া গেল। উভয়ের মধ্যে আর
 কোন বিষয়ে ঘনিষ্ঠতা রহিল না। সৌহার্দ ও বিশ্বস্ততার স্থলে
 বিষম শত্রুতা ও ঘোরতর অবিশ্বাসের আবির্ভাব হইল। ইংরেজ, সিপাহীকে
 আততায়ী বলিয়া মনে করিতে লাগিলেন, সিপাহীও ইংরেজের প্রতিকার্যে
 আশঙ্কা ও শত্রুতার চিহ্ন দেখিতে লাগিল।

মে মাসের শেষ সপ্তাহে চারি দিকে আশঙ্কা ও উদ্বেগের নিদর্শন প্রত্যক্ষীভূত হইলেও কোনরূপ শান্তিভঙ্গ হইল না। মহারাণীর জন্ম দিনে ইঙ্গরেজ সেনাপতি সিপাহীদিগের উত্তেজনাবৃদ্ধির আশঙ্কায় তোপধ্বনি করিতে বিরত থাকিলেন। ঐ দিনে কাণপুরের কাওয়াজের ক্ষেত্রে সৈনিক পুরুষের সমাগম হইল না, কেহ সৈনিক পদ্ধতি অনুসারে কোনরূপ উৎসব সম্পন্ন করিল না। সমগ্র সৈনিকনিবাস প্রশান্তভাবে রহিল, সমগ্র সৈনিক পুরুষ নীরবে আপনাদের অধীশ্বরীর জন্মদিন অতিবাহিত করিল। ত্রিপঞ্চাশ দলের একটি ইউরোপীয় সৈনিক পুরুষের স্ত্রী বাজারে যাইয়া আবশ্যক দ্রব্য ক্রয় করিতেছিল, এমন সময়ে একজন সামরিকপরিচ্ছদশূন্য সিপাহী সেই স্থলে তাহাকে কহিল,—“তোমরা আর ঘন ঘন এখানে আসিও না, তোমরা আর এক সপ্তাহও জীবিত থাকিবে না।” সৈনিক পুরুষের স্ত্রী সৈনিকনিবাসে যাইয়া এই কথা সকলকে জানাইল। কিন্তু সে সময় উহা তাদৃশ বিশ্বাসযোগ্য বলিয়া বিবেচিত হইল না। ইহার পূর্বে, একদা রাত্রিকালে এতদেশীয় প্রথম পদাতিদিগের গৃহে আগুন লাগিয়াছিল; ইউরোপীয়দিগের অনেকে উহা বিপক্ষতাচরণের পূর্বসূচনা মনে করিয়া, ছয়টি কামান সেই স্থলে স্থাপিত করিয়াছিলেন। সিপাহীরা অগ্নিনির্করণে আদিষ্ট হইয়াছিল। তাহারা এই আদেশপালনে উদাসীন থাকে নাই। অবিলম্বে অগ্নি নির্করিত হইয়া যায়। শেষে উহা আকস্মিক ঘটনা বলিয়া প্রতিপন্ন হয়। এইরূপে ইঙ্গরেজ প্রায় প্রতি বিষয়েই বিপদের আবির্ভাব দেখিতেছিলেন। এদিকে ইঙ্গরেজের বিদ্রোহী মিষ্টভাবী আজিমউল্লাও ইঙ্গরেজের অমুষ্টিত কার্য দেখিয়া উপহাসের সহিত আশ্চর্যবুদ্ধির পরিচয় দিতে ক্রটি করেন নাই। ইঙ্গরেজের আত্মরক্ষার স্থলের চতুর্দিকে যখন মৃৎপ্রাচীর নির্মিত হইতেছিল, তখন আজিম উল্লাহ সহিত তাঁহার একজন সুপরিচিত, তরুণবয়স্ক ইঙ্গরেজ সৈন্যাধ্যক্ষের (লেপ্টেন্যান্ট দানিয়াল) সাক্ষাৎ হয়। এই সময়ের কিছু পূর্বে মিরাতের সিপাহীদিগের অভ্যুত্থানসংবাদ কাণপুরে পঁহুঁছিয়াছিল। আজিমউল্লা মৃৎপ্রাচীর দেখা-ইয়া লেপ্টেন্যান্ট দানিয়ালকে জিজ্ঞাসিলেন, “আপনারা সমতল প্রান্তরে যে স্থান প্রস্তুত করিতেছেন, উহা কি নামে অভিহিত করিয়া থাকেন।”

নিয়াল কহিলেন, “আমি জানি না।” এই কথা শুনিয়া আজিমউল্লা বলিয়া
ঠিলেন, “উহা নিরাশাহুর্গ বলিয়া অভিহিত করা উচিত।” অমনি ইঙ্গরেজ
সেনানায়ক উত্তর করিলেন, “না না। আমরা উহা বিজয়হুর্গ বলিব।”

আজিমউল্লা এই কথার উত্তরে আর কিছু বলিলেন না। কেবল, “আহা!
আহা!” বলিয়া ইঙ্গরেজ সেনানায়কের প্রতি তীব্র বিক্রপাত্মক ভাবপ্রকাশ
করিলেন *। লেপ্টেনাণ্ট দানিয়াল নানা সাহেবের সাতিশয় প্রিয়পাত্র
ছিলেন। নানা একদা মহামূল্য হীরকাসুরীয়ক আপনার অঙ্গুলি হইতে
উন্মোচিত করিয়া তাঁহাকে উপহার দিয়াছিলেন।

এই সময়ে কাণপুরে নানকচাঁদনামক একজন উকিল ছিলেন।

পেশবা বাজীরাওয়ের এক জন ভ্রাতৃপুত্র, খুল্লতাতে সম্পত্তির অংশ পাই-
বার জন্ত নানা সাহেবের বিরুদ্ধে মোকদ্দমা উত্থাপিত করেন। পেশবার
ভ্রাতৃপুত্রের পক্ষে মোকদ্দমা চালাইবার ভার নানকচাঁদের উপর
সমর্পিত হয়। নানকচাঁদ নানা সাহেবের বিরোধী ও ব্রিটিশ
গবর্নমেন্টের পক্ষপাতী ছিলেন। তিনি আপনার রোজনামচায় ১৫ই মে
হইতে কাণপুরের প্রধান প্রধান ঘটনার বিবরণ লিপিবদ্ধ করেন। যে
সকল সিপাহী ধনাগাররক্ষার ভার গ্রহণ করিয়াছিল, তাহারাও যে, এসময়ে
কোম্পানির রাজনীতির উপর দোষারোপ করিয়াছিল, তাহা নানকচাঁদ স্বীকার
করিয়াছেন †। যাহা হউক, মে মাসে নানারূপ ঘটনার আবির্ভাব ও নানারূপ
সংবাদ প্রচারিত হইলেও উক্ত মাসের শেষ দিন পর্যন্ত সিপাহীরা প্রকাশ-
ভাবে গবর্নমেন্টের বিরুদ্ধে সমুখিত হয় নাই। সেনাপতি হইলর ইহাতে
চািবিলেন, বিপদ অন্তর্হিত হইয়াছে। অতঃপর তিনি স্থার হেন্‌রি লরেন্সের
সাহায্যার্থ লঙ্কোতে সৈন্ত পাঠাইতে সমর্থ হইবেন, ইহা ভাবিয়া কাণ-
পুরের বৃদ্ধ সেনাপতি ১লা জুন গবর্নর জেনেরলকে লিখিলেন. “এলাহাবাদ
হইতে ইউরোপীয় সৈন্ত আনিবার জন্ত আমি অদ্য ৮০ খানি গরুর গাড়ি

* Mowbray Thomson, *Story of Cawnpur*, p. 57. Comp. Trevelyan,
Cawnpur, p. 83.

† Trevelyan, *Cawnpur*, p. 78-79. ধনাগাররক্ষক ত্রিপকাশ দলের সিপাহীরা
অস্ত্র ও বিষত ছিল।

পাঠাইলাম। আমার বিশ্বাস, অতি অল্পদিনের মধ্যেই কাণপুর নিরাপদ হইবে। কেবল ইহাই নয়, আবশ্যক হইলে আমি লক্ষ্মীতেও সাহায্যার্থ সৈন্ত পাঠাইতে পারিব। আমি এখন গৃহ পরিত্যাগপূর্বক আমাদের প্রাচীরবেষ্টিত স্থানে সন্নিবেশিত তাম্বুতে অবস্থিতি করিতেছি। যাবৎ সাধারণে শান্ত্যাব অবলম্বন না করে, তাবৎ এই তাম্বুতেই থাকিবার ইচ্ছা আছে। গ্রীষ্ম ভয়ঙ্কর হইয়া উঠিয়াছে, জরের প্রাদুর্ভাব কমিয়া আসিয়াছে, কিন্তু উত্তেজনা ও অবিশ্বাস একরূপ প্রবল হইয়াছে যে, সরলতা ও সাবধানতা-সহকারে যে কোন বিষয়েরই অনুষ্ঠান হউক না কেন, সমস্ত বিষয়েই সাধারণের মধ্যে অর্থাস্তর ও ভাবাস্তর উপস্থিত হইয়া থাকে * *। বর্তমান সময়ে অবিবেচনাপূর্বক সামান্য একটি কার্য্য করিলে অগ্নি প্রজ্জ্বলিত হইয়া উঠিতে পারে। আমার বিশেষ সৌভাগ্য যে, একরূপ সঙ্কটকালে আমার সহিত সমগ্র সৈনিক দলের বিশিষ্ট পরিচয় আছে * *। আমি ৫২ বৎসর কাল, তাহাদের মধ্যে কার্য্য করিয়া, তাহাদের স্বত্বরক্ষা করিয়া আসিতেছি। আমার এই আত্মপ্রশংসা মার্জ্জনা করিবেন, কাণপুরের স্তায় স্থানে শাস্তি-রক্ষায় আমার কৃতকার্য্য হইবার সম্ভাবনা আছে, আমি কেবল তজ্জগুই এবিষয়ের উল্লেখ করিতেছি। লোকে কহিতেছে যে, আমি তাহাদের মধ্যে থাকিতে তাহারা অপরের দৃষ্টান্তের অনুসরণের নিরস্ত রহিয়াছে * *। এইরূপ বিশ্বাসে ও এইরূপ আত্মপ্রসাদে বৃদ্ধ সেনাপতি লক্ষ্মীতে সাহায্যকারী সৈন্ত পাঠাইতে উদ্যত হইলেন। ৮৪গণিত ইউরোপীয় সৈনিকদলের কতিপয় সৈনিক পুরুষ বারাণসী হইতে মে মাসের শেষ সপ্তাহে কাণপুরে উপস্থিত হইয়াছিল। ইহারা ৩রা জুন লক্ষ্মীতে প্রেরিত হইল। এ সম্বন্ধে সেনাপতি গবর্নর জেনেরেলের নিকট ভায়ে এই মর্মে সংবাদ পাঠাইলেন, “স্তার হেনরি লরেন্স উদ্বিগ্ন প্রকাশ করিতে আমি এই মাত্র আমার ক্ষুদ্র দল হইতে মহারাণীর ৮৪গণিত পদাতিকদলের ৫০ জন সৈনিক ও ২জন অধিনায়ককে ডাক গাড়িতে লক্ষ্মী পাঠাইলাম। অধিক গাড়ি পাওয়া গেল না। এই সৈন্ত পাঠাইয়া দেওয়াতে

* *Kaye, Sepoy War. Vol II., p. 304.*

আমার কিয়দংশে বলহাস হইল বটে, কিন্তু আমার বিশ্বাস, অপর ইউরোপীয় সৈনিকদলের আগমন পর্য্যন্ত আমি এই স্থানে আশ্রয়লাভ করিতে পারিব।” উক্ত ক্ষুদ্র সৈনিকদল কাণপুরের সৈনিকনিবাস হইতে যাত্রা করিল। তাহারা যখন নোসেতু উত্তীর্ণ হইয়া, অযোধ্যার রাজধানীর অভিমুখে অগ্রসর হইতে লাগিল, তখন উত্তেজিত সিপাহীরা কাণপুরস্থিত ইঞ্জরেজের বলহাস হইল দেখিয়া, মনে মনে আনন্দিত হইল, এবং আশ্রয়লাভের বল-বহুলতায় স্বাভীষ্টসাধনে অধিকতর সাহসসম্পন্ন হইয়া উঠিল। তাহারা প্রতিমুহূর্ত্তে সুরময়ের প্রতীক্ষা করিতে লাগিল এবং প্রতি মুহূর্ত্তেই আপনাদিগকে ফিরিঙ্গীর হস্ত হইতে বিমুক্ত ও দিল্লীর বৃদ্ধ মোগলের অধিকারে সর্বসম্পত্তির অধিকারী করিয়া তুলিতে সচেষ্ট হইতে লাগিল।

জুন মাসের প্রারম্ভে সিপাহীরা আর নিশ্চেষ্টভাবে বসিয়া থাকিল না। তাহারা আপনাদের সঙ্কল্প কার্যে পরিণত করিতে উদ্যত হইল। এই সময়ে অখারোহিদলই সমধিক উত্তেজিত হইয়া উঠিয়াছিল, ইহারা পদাতিদলকেও আপনাদের শ্রায় উত্তেজিত করিতে ক্রান্ত থাকিল না। বাজারে, সৈনিকনিবাসে, নানারূপ ষড়যন্ত্র হইতে লাগিল। বিঠুররাজের অনুচরবর্গ নবাবগণে অবস্থিতি করিতেছিল, রাজা স্বয়ংও ঐ স্থলে ছিলেন। কথিত আছে, ষড়যন্ত্রকারিগণ তাহাদের সহিত সন্মিলিত হইতেও কুণ্ঠিত হইল না। এই স্থানে অস্ত্রাগার, ধনাগার ও কারাগার ছিল। ষড়যন্ত্রকারিগণ তৎসমুদয় আপনাদের পুরোভাগে দেখিয়া অভিনব আশায় উদ্যমসম্পন্ন হইতে লাগিল। তাহারা ধনাগারের নিকটে অস্ত্রাগার ও অস্ত্রাগারের পার্শ্বে কারাগার দেখিয়া, উহা অধিকার করা অনায়াসসাধ্য বলিয়া মনে করিতে লাগিল। এই সময়ে তাহাদের উৎসাহদাতার অভাব ছিলনা, তাহাদের বলবৃদ্ধির উপকরণও দূরবর্ত্তী ছিলনা। জোবাল-প্রসাদ নামে নানা সাহেবের একজন অনুজীবী ছিল। মহুদ আলি নামক এক জন মুসলমান নামা সাহেবের চাকরি ছাড়িয়া ঘোড়ার ব্যবসায় আরম্ভ করিয়াছিল। ইহারা এখন সিপাহীদিগের পক্ষ অবলম্বন করিল। দ্বিতীয় অখারোহিদলের সুবাদার টীকা সিংহ আপনার ক্ষমতার, কার্য্যনৈপুণ্যে ও

ইঙ্গরেজের প্রতি বোরতর বিদ্বেষবুদ্ধিতে সহযোগীদিগের মধ্যে প্রাধান্যলাভ করিয়াছিলেন। এখন সুবাদার টীকা সিংহের সহিত জোবালা প্রসাদের পরামর্শ হইতে লাগিল। এই সময়ে আজিমউল্লাও নিশ্চেষ্ট ছিলেন না। ইনি নানা সাহেবকে আপনার মতামুসারে পরিচালিত করিতে লাগিলেন। ষড়যন্ত্রকারিগণ কোথায় কি ভাবে পরামর্শে প্রবৃত্ত হইয়াছে, কোন্ সময়ে কোন্ কার্যসাধনের সঙ্কল্প করিয়াছে, তাহার নিরূপণ করা হুঃসাধ্য। এ সম্বন্ধে অনেকে নানা কথা বলিয়াছেন, অনেকেই নানা মত প্রকাশ করিয়াছেন। এই সকল মতের পরস্পর সামঞ্জস্য নাই*। শিবচরণ দাস নামক এক ব্যক্তি বলিয়াছে, “অশ্বারোহিদলের সমুখানের তিন কি চারি দিবস পরে, সুবাদার টীকাসিংহ নানা সাহেবের সহিত সাক্ষাৎ করিয়া তাঁহাকে কহেন, “আপনি ইঙ্গরেজের অস্ত্রাগার ও ধনাগাররক্ষার জন্ত এখানে আসিয়াছেন। আমরা, হিন্দু ও মুসলমান সকলেই আমাদের ধর্মরক্ষার জন্ত একতাবদ্ধ হইয়াছি। বাঙ্গালার সমগ্র সিপাহীদলই এক উদ্দেশ্য সাধনের জন্ত এক ক্ষেত্রে দণ্ডায়মান হইয়াছে, আপনি এ সম্বন্ধে কি বলেন?” নানা সাহেব উত্তর করেন “আমিও সৈনিকদলের হাতে রহিয়াছি †।” আর একজন নির্দেশ করিয়াছে, “জুন মাসে এক দিন সন্ধ্যা অতীত হইলে মহারাজ নানা সাহেব তাঁহার ভ্রাতা বালরাও ও মন্ত্রী আজিমউল্লাওর সহিত গঙ্গার ঘাটে গমন করেন। এই স্থানে তাঁহার গুপ্তচরগণ টীকাসিংহ ও তদীয় সহযোগীদিগকে আনয়ন করে। সকলে নৌকায় বসিয়া, দুই ঘণ্টাকাল পরামর্শ করেন ‡।” এইরূপ বিসংবাদী বিবরণ হইতে সত্যনির্ণয় অনায়াসসাধ্য নহে। “ষড়যন্ত্র-

* উত্তরপশ্চিম প্রদেশের পুলিশকমিশনার কর্ণেল উইলিয়ম্স্ এবিবয়ে অনেকের সাক্ষাৎ গ্রহণ করেন। তিনিও অনেকের শুনা কথার উপর বিশ্বাস স্থাপন করিতে পারেন নাই।—*Kaye, Sepoy War. Vol. II., p. 306, note.*

† *Kaye, Sepoy War. Vol. II p., 306. note, Comp. Trevelyan, Cawnpur p., 89.*

‡ *Trevelyan., Cawnpur, p. 89*

কারিগণ, আপনাদের বক্তৃতার মোহিনীশক্তিতে নানা সাহেবকে বিমুগ্ধ করুক, বা না করুক, নৌকায় আত্মগোপন করিয়া কার্যপ্রণালীর অবধারণে উদ্যত হউক, বা না হউক, তাহাদের কেহ কর্তনার সম্মোহনভাবে ও আশার তৃপ্তিদায়ক মন্ত্রে প্রফুল্ল হইয়া বিলাসিনী প্রণয়িনীর নিকটে আত্মগৌরব প্রকাশ করুক, বা নাই করুক, জুন মাসের প্রথম চারি দিন যে, অশ্বারোহিদলের উত্তেজিত সিপাহীগণ আপনাদের মধ্যে পরামর্শ করিয়াছিল, তদ্বিষয় ইতিহাসে নির্দিষ্ট আছে * । নানা সাহেবের অনুচরগণ ইহাদের সহিত সম্মিলিত হইয়াছিল। হয়ত, ইহারা এই অনুচরদিগের মুখেই শুনিয়াছিল যে, বিঠুররাজ তাহাদের পক্ষসমর্থন করিতেছেন, তাঁহার অর্থরাশি ও তাঁহার সৈনিকদল, সমস্তই তাহাদের সাহায্যার্থ রাখিয়াছেন। অনুচরদিগের এইরূপ কথায় ইহারা উৎসাহান্বিত হইয়াছিল, এবং কালবিলম্ব না করিয়া আপনাদের অধিনায়কদিগের সমক্ষেই আপনাদিগকে স্বাধীনতার সম্মানিত পদে অধিষ্ঠিত করিতে প্রয়াস পাইয়াছিল।

সেনাপতি হুইলর দীর্ঘকাল বাঙ্গালার সিপাহীদিগের মধ্যে অবস্থিতি করাতে, তাহাদের ভাষায় সম্পূর্ণ অধিকারলাভ করিয়াছিলেন। তিনি যখন হিন্দুস্থানীতে কথা কহিতেন, তখন তাঁহার স্বর, উচ্চারণপ্রণালী ও বাক্য-বিন্যাসে বোধ হইত যেন, হিন্দুস্থানী লোকের মুখ হইতে হিন্দুস্থানী ভাষা বহির্গত হইতেছে। বৃদ্ধ সেনাপতি সিপাহীদিগের আবাসভূমিতে বাইরা, স্নেহসহকারে তাহাদিগকে শান্তভাবে থাকিতে উপদেশ দিতেন। উত্তেজিত সিপাহীরা উদাসীনভাবে তাঁহার কথা শুনিত। শেষে এই উপদেশে কোন ফল হইল না, গভীর উত্তেজনায়, নিরন্তর শত্রুবুদ্ধিতে ও বিদ্বেষপর লোকের কুপরামর্শে সিপাহীরা সেনাপতির বাক্যলঙ্ঘন করিয়া ফিরিঙ্গীর অধীনতাপাশ বিচ্ছিন্ন করিয়া ফেলিল। কেহ কেহ এ বিষয়ে কালবিলম্ব করিতে ইচ্ছা করিল না। কেহ কেহ বিলম্বে কার্যসিদ্ধি হইবে বলিয়া,

* কথিত আছে, আজিও নামে একটি বাববিলাসিনী দ্বিতীয়বলের অশ্বারোহীদিগের প্রিয়পাত্রী ছিল। সমস উদ্দীন নামক একজন সোয়ার তাহার গৃহে উপস্থিত হইয়া তাহাকে কহে, হুই এক দিনের মধ্যেই নানা সাহেব সর্বদয় কর্তা হইবেন। আমরাও তোমার গৃহে মোহরে পরিপূর্ণ করিয়া দিব।—*Trevelyan, Cawnpur, p. 89.*

সহযোগীদিগকে আপাততঃ নিরস্ত থাকিতে বলিল। এইরূপে তাহারা তাহাদের মধ্যে কে সর্বপ্রথম গবর্ণমেন্টের বিরুদ্ধাচরণে অগ্রসর হইবে, স্থির করিতে না পারিয়া, কয়েকদিন আপনাদের মধ্যে তর্কবিতর্ক করিল। অশ্বারোহী সৈনিকদলের একজন এতদেশীয় আফিসর একদিন উক্ত সৈনিকদলকে অস্ত্র শস্ত্রে সজ্জিত ও বিরুদ্ধাচরণে প্রবর্তিত করিবার চেষ্টা করিল। এই উদ্দেশে ঐ অধিনায়ক সঙ্কেত করিবার জন্ত তেরী গ্রহণ করিল, কিন্তু আর একজন অধিনায়ক উক্ত তেরী তাহার হস্ত হইতে ছিনাইয়া লইল *। এইরূপে সিপাহীরা সঙ্কলিত কার্যসাধনে প্রথমে দোলায়মানচিত্ত হইতে লাগিল। অশ্বারোহিদল ৩রা জুন, রাত্ৰিতে কোম্পানির বিরুদ্ধে সমুখিত হইবার ইচ্ছা করিল, কিন্তু তাহাদের স্ববাদার ভবানীসিংহের চেষ্টায় সেই ইচ্ছা ফলবতী হইল না। স্ববাদার ভবানীসিংহ ইঙ্গরেজ সেনাপতির যে রূপ অনুরক্ত; সেইরূপ বিশ্বস্ত ছিলেন। বয়সের পরিপকতায় তাঁহার অভিজ্ঞতা ও দূরদর্শিতার বৃদ্ধি হইয়াছিল। তিনি ৩রা জুন স্বীয় দলের সিপাহীদিগকে শাস্তভাবে রাখিলেন। সিপাহীরা সেই রাত্ৰিতে কোনরূপ গোলযোগ করিল না, তাহার পরদিনও তাহাদের বিরুদ্ধাচরণের চিহ্ন অভিব্যক্ত হইল না। তাহারা পূর্ববৎ দোলায়মানচিত্তে ঐ দিন অতিবাহিত করিল †। শেষে রাত্ৰিকালে তাহাদের পূর্বতন সঙ্কল্প দৃঢ়তর হইয়া উঠিল। তাহারা যদিরামত্ব ইউরোপীয় আফিসরকে সৈনিক বিচারালয়ে দোষভার হইতে বিমুক্ত দেখিয়া কহিয়াছিল যে, একদিন তাহাদের পিস্তল হইতেও সহসা গুলি নিক্ষিপ্ত হইতে পারে ‡। এখন তাহাদের সেই কথা কার্যো পরিণত হইয়া উঠিল। তাহারা আপনাদের বৃদ্ধ স্ববাদারের আদেশানুবর্তী হইল না; ইঙ্গরেজ আফিসর বা বৃদ্ধসেনাপতির দিকে দৃকপাত করিল না। ৪ঠা জুন রাত্ৰিতে দ্বিতীয় অশ্বারোহিদল কোম্পানির

* *Kaye, Sepoy War., Vol. II., p. 305, note.*

† *Shepherd, Cawnpur Massacre, p. 22.*

‡ এই বিষয়ে পূর্বে লিখিত হইয়াছে। যে আফিসর স্বরাগানে প্রস্তুত হইয়া গুলি করিয়া করিয়াছিল বিচারালয়ে সে মুক্তিলাভ করিতে সিপাহীরা অধিকতর উত্তেজিত হইয়া, এই কথা বলিয়াছিল।

বিরুদ্ধে সমুখিত হইল * । বৃদ্ধ সুরাদার বৃথা তাহাদিগকে শাস্তভাবে থাকিতে কহিলেন, বৃথা রাজভক্তির সম্মানরক্ষার উপদেশ দিলেন, বৃথা পরিণামে ঘোরতর বিপদের ভয় দেখাইলেন । তাহাদের চিত্তবৃত্তির আর পরিবর্তন হইল না । তাহারা বৃদ্ধ সুরাদারকে তাহাদের সঙ্গে বাইতে,— নচেৎ মৃত্যুর জন্ত প্রস্তুত হইতে কহিল । বর্ষীয়ান বীরপুরুষ প্রশান্ত ও গভীর স্বরে তাহাদের কথার প্রতিবাদ করিলেন এবং নির্ভয়ে আপন দলের পতাকা ও সৈনিকনিবাসস্থ গবর্ণমেন্টের টাকারক্ষার নিমিত্ত দণ্ডায়মান হইলেন । কিন্তু তাঁহার প্রয়াস সফল হইল না । উত্তেজিত অশ্বারোহিদলের কতিপয় ব্যক্তি, তাঁহাকে তরবারির দ্বারা সাংঘাতিকরূপে আঘাত করিল । নিদারুণ আঘাতে তিনি মৃতপ্রায় ও ভূপতিত হইলেন । সিপাহীরা তাঁহাকে তদবস্থ রাখিয়া, টাকা ও অস্ত্রশস্ত্র লইয়া অশ্বারোহণে প্রস্থান করিল । এদিকে তাহাদের দলের দুই জন অশ্বারোহী প্রথম পদাতিদলে উপস্থিত হইয়া উচ্চৈঃস্বরে কহিল, “আমাদের সুরাদার প্রথম দলের সুরাদারকে সাদরসম্ভাষণ করিয়া ঐ দলের বিলম্বের কারণ জানিতে ইচ্ছা করিয়াছেন । অশ্বারোহিদল আবাসগৃহ পরিত্যাগ পূর্বক গন্তব্যপথে সজ্জিত হইয়াছে ।” কিন্তু তাহারা আপনাদের যে সুরাদারের নামে প্রথম পদাতিদলের সুরাদারকে সাদর সম্ভাষণ করিল, সেই সুরাদার যে, রক্তাক্তদেহে ভূপতিত রহিয়াছিলেন, তাহা প্রথম পদাতিদল জানিতে পারিল না । অশ্বারোহী সৈনিক দলের কথায় প্রথম পদাতিদলও তাড়াতাড়ি অস্ত্রপরিগ্রহ পূর্বক আপনাদের দ্রব্যাদি লইয়া উক্ত অশ্বারোহিদলের প্রস্থানের দুই এক ঘণ্টা পরে তাহাদের অনুগমন করিল । ইহাদের অধিনায়ক অবিলম্বে ঘটনাস্থলে উপস্থিত হইয়া, ইহাদিগকে হিন্দুস্থানীতে কহিলেন, “বাবালোক ! বাবালোক ! তোমাদের এরূপ ব্যবহার সঙ্গত নয়, তোমরা কখনও এরূপ ঘোরতর অপকর্ম করিও

* টমসন সাহেব লিখিয়াছেন, অশ্বারোহিদল ৬ই জুন রাত্রিতে গবর্ণমেন্টের বিরুদ্ধে সমুখিত হইয়াছিল ।—*Story of Cawnpur*, p. 38. কিন্তু কে সাহেবের মতে ৩য় জুন রাত্রিতে উহারা সমুখিত হয় ।—*Kaye Sepoy War. II, p. 306.*

না” কিন্তু তাহার এই কথায় কোন ফল হইল না। পদাতিকদের সকলেই অখারোহিদলের অফিসরগণপূর্বক নগরের উত্তরপশ্চিম দিকবর্তী নবাবগঞ্জ নামক স্থানের অভিমুখে প্রস্থান করিল। ঐ স্থানে ধনাগার, কারাগার ও অস্ত্রাগার ছিল। দিল্লীতে যাইবার পথ ঐ স্থান দিয়াই ছিল। সুতরাং উত্তেজিত সিপাহীগণ আর কোন দিকে দৃষ্টিপাত না করিয়া ঐ স্থানে অগ্রসর হইতে লাগিল। তাহারা পথবর্তী গৃহাদি ভস্মীভূত করিয়া ফেলিল। দ্রব্যাদি লুণ্ঠিয়া লইল। তাহাদের পথের সমুদয় স্থলে সর্ক-বিধ্বংসের চিহ্ন পরিদৃষ্ট হইতে লাগিল। কিন্তু তাহাদের অফিসরগণ অক্ষত-শরীরে থাকিলেন। অস্ত্রাশ্রয়ীস্থানাবলম্বীও নিরাপদে রহিল। ইঙ্গরেজের বিরুদ্ধাচারী সিপাহীরা সে সময়ে ইঙ্গরেজের শোণিতপাতে আগ্রহপ্রকাশ না করিয়া, স্বরিতগতিতে অভীষ্ট স্থানে যাইতে লাগিল।

দুই দল সিপাহী নবাবগঞ্জের সমীপবর্তী হইলে নানা সাহেবের অনুচরেরা সর্কাস্তঃকরণে তাহাদের কার্যের অনুমোদন করিল, এবং সর্কাস্তঃকরণে তাহাদের সাহায্য করিতে যত্ববান হইয়া উঠিল। ত্রিপঞ্চাশ দলের কতিপয় সিপাহী এ সময়ে ধনাগাররক্ষা করিতেছিল। এই সৈনিকদল চিরন্তন রাজভক্তি হইতে বিচ্যুত হয় নাই। ইহারা উত্তেজিত সিপাহীদিগের বিরুদ্ধে দণ্ডায়মান হইল। ইউরোপীয়েরা দূর হইতে ইহাদের বন্দুকের শব্দ শুনিতে পাইলেন। কিন্তু সেনাপতি ইহাদের সাহায্য জ্ঞাত কাহাকেও পাঠাইয়া দিলেন না *। ধনাগাররক্ষক বিশ্বস্ত সিপাহীরা অল্পসংখ্যক ছিল। তাহারা আক্রমণকারীদিগের ক্ষমতানাশে সমর্থ হইল না। ধনাগারের ধনরাশি বিলুপ্ত হইল; কারাগারের কয়েদীরা মুক্তিলাভ করিল; রাজকীয় কার্যালয়ের কাগজপত্র ভস্মীভূত হইয়া গেল। অস্ত্রাগারের বারুদ-কামানপ্রভৃতি উত্তেজিত সিপাহীদিগের হস্তগত হইল। সিপাহীরা অবিলম্বে সমস্ত টাকা হাতীতে ও গরুর গাড়ীতে বোঝাই করিল, এবং সত্বরতাসহকারে মোগলের রাজধানী দিল্লীগমনে কৃতসঙ্কল্প হইয়া উঠিল।

সেনাপতি নীল নির্দেশ করিয়াছেন যে, কাণপুরের অস্ত্রাগারে কি কি দ্রব্য

*

* Thomson, Story of Cawnpur, p. 40.

ছিল, তাহা সেনাপতি ছইলর জানিতেন না। এইরূপ অজ্ঞতা প্রযুক্ত পরিশেষে বিষম অনর্থের উৎপত্তি হয়। নীল এ সম্বন্ধে যাহা লিপিবদ্ধ করিয়াছেন, তাহার ভাবার্থ এই, সেনাপতি ছইলরের এইরূপ অমূলক বিশ্বাস ছিল যে, নানা সাহেব তাঁহার সাহায্য করিবেন। বিপক্ষ সিপাহীদিগের সকলেই দিল্লীর অভিমুখে অগ্রসর হইয়াছিল। নানা সাহেব তাহাদিগকে ফিরাইয়া আনেন। সেনাপতি ছইলর আপনাকে সমগ্র বিপক্ষদলে পরিবেষ্টিত দেখেন। তাঁহাদের তোপখানার তোপসকল হইতে চারিদিকে গুলিবৃষ্টি আরম্ভ হয়। আপনাদের তোপখানার ঐ সকল তোপের অস্তিত্ব সেনাপতি ছইলর বা তদীয় সহযোগীদিগের বিদিত ছিল না। কিছুকাল পূর্বে অস্ত্রাগারপরিদর্শন ও তথায় কি কি দ্রব্য রহিয়াছে, তাহার বিজ্ঞাপন জুগু কতিপয় আফিসর প্রেরিত হয়েন। ইহারা তাষু প্রভৃতি সামান্য দ্রব্য লইয়াই ব্যস্ত ছিলেন। কামানরক্ষার স্থান পরিদর্শন বা অস্ত্রাগারে প্রবেশ করেন নাই। ফল কথা, এই সকল বিষয় ইহাদের মনেই উদিত হয় নাই। ইহারা সেনাপতিকে বিজ্ঞাপিত করেন যে, অস্ত্রাগারে কিছুই নাই। কিন্তু কে সাহেব স্বীয় ইতিহাসে লিখিয়াছেন যে, অস্ত্রাগারের দ্রব্যাদি কাণপুরেব গোলন্দাজ সৈনিকপুরুষদিগের অবিদিত ছিল, এরূপ বোধ হয় না। যুদ্ধের প্রারম্ভে সেনাপতি ও তাঁহার সহযোগীগণ অস্ত্রাগার উড়াইয়া দিবার সঙ্কল্প করিয়াছিলেন। এ বিষয়ে বন্দোবস্ত হইয়াছিল। কিন্তু উহা কার্যে পরিণত হয় নাই। উত্তরপশ্চিম প্রদেশের পুলিশ কমিশনর কর্ণেল উইলিয়ম্‌স্ নির্দেশ করিয়াছেন যে, রিলেনামক এক ব্যক্তি অস্ত্রাগার উড়াইয়া দিবার নিমিত্ত প্রেরিত হইয়াছিলেন, কিন্তু অস্ত্রাগাররক্ষক সিপাহীরা তাঁহাকে উক্ত কার্যে করিতে দেয় নাই *।

দ্বিতীয় অশ্বারোহিদল এবং প্রথম পদাতিকদল ব্রিটিশ কোম্পানির বিরুদ্ধাচরণে প্রবৃত্ত হইলে, অত্র দুই দল সহসা তাহাদের অনুসরণ করিল না। প্রথম দুই দল নবাবগঞ্জে উপস্থিত হইয়া, যখন অপর দুই দলকে তাহাদের অনুবর্তী হইতে দেখিল না, তখন তাহাদের মনে সন্দেহের

* Kaye, Sepoy War. Vol. II. p. 308, note.

আবির্ভাব হইল। এদিকে প্রাতঃকাল পর্যন্ত ত্রিপঞ্চাশ ও ষট্‌পঞ্চাশ সিপাহীদল, অপর দুই দলের সহিত সন্মিলিত হইবার কোন উদ্যোগ করিল না। ইহাদের আফিসরেরা সমস্ত রাত্রি ইহাদের সহিত অতিবাহিত করিলেন। রাত্রি ২টা হইতে তৎপর দিন পর্যন্ত ইহারা কাওয়াজের ক্ষেত্রে সজ্জিত থাকিল। প্রত্যেক আফিসরই আপনাদের নির্দিষ্ট দলের পুরোভাগে অবস্থিতি করিতে লাগিলেন। ষট্‌পঞ্চাশদলের অধিনায়ক আপনার সৈনিকদল, দ্বিতীয় অশ্বারোহিদলের আবাসগৃহাভিমুখে পরিচালিত করিলেন। অশ্বারোহীরা এই স্থানে যে সকল অশ্ব ও অস্ত্র পরিত্যাগ করিয়া গিয়াছিল, তৎসমুদয় সংগৃহীত হইল। অনন্তর অধিনায়কগণ উক্ত দুই দলের সিপাহীদিগকে তাহাদের আবাসগৃহে যাইতে আদেশ দিয়া, আপনারা প্রাচীরবেষ্টিত স্থানে গমন করিলেন। সিপাহীরা সামরিক পরিচ্ছদ উন্মোচিত্ত করিয়া আপনাদের খাদ্যসামগ্রীর আয়োজন করিতে লাগিল। এই অবসরে দ্বিতীয় অশ্বারোহিদলের লোক আসিয়া, তাহাদিগকে নবাবগণে যাইতে অমুরোধ করিল। উক্ত চর সৈনিকনিবাসে আসিয়া ত্রিপঞ্চাশ পদাতিকদলের সিপাহীদিগকে কহিল যে, তাহাদের দলের যে সকল লোক ধনাগারে রহিয়াছে, তাহারা, যাবৎ স্বীয় দলের লোক আসিয়া আপনাদের প্রাপ্য অংশ গ্রহণ না করে, তাবৎ কাহাকেও টাকা ভাগ করিতে দিতেছে না *। এই দলের সুবাদার ও জমাদারগণ, ব্রিটিশ কোম্পানির একান্ত অমুরক্ত ছিলেন। কোম্পানির বিরুদ্ধে সমুথিত হইতে, ইঙ্গরেজের শোণিতপাত করিতে বা সম্পাত লুঠিয়া লইতে ইহাদের ইচ্ছা ছিল না। এই সময়ে ইঙ্গরেজ অধিনায়কেরা যদি সৈনিকনিবাসে উপস্থিত থাকিতেন, তাহা হইলে ইহারা সমগ্র সৈনিকদল সুব্যবস্থিত রাখিতে সমর্থ হইতেন। কিন্তু সেনানায়কগণ ভবিষ্যতের দিকে দৃষ্টিপাত না করিয়া, সৈনিকদল পরিত্যাগ-পূর্বক আপনাদের প্রাচীরবেষ্টিত আবাসস্থানে অবস্থিতি করিতেছিলেন। তাহাদের অমুপস্থিতিতে ষট্‌পঞ্চাশ পদাতিকদল, দ্বিতীয় অশ্বারোহিদলের

* কাপ্তেন টমসন লিখিয়াছেন, ইহারা সর্বপ্রথম ধনাগাররক্ষার চেষ্টা করিয়াছিল। বোধ হয়, কোনরূপ সাহায্য না পাওয়াতে শেষে উত্তেজিত সিপাহীদিগের কথায় ক্ষুব্ধ হয়।

লোকের কথায় সাতিশয় উত্তেজিত হইয়া উঠে। অনেকে, সরকারী তহবিল যে স্থলে থাকে, সেই স্থলে গমন করে। অনেকে পতাকা ও অস্ত্রশস্ত্র অধিকার করিতে উদ্যত হয়। ঐ দলের সুবাদার সরকারী টাকা রক্ষার জ্ঞান নির্ভয়ে ও অটলসাহসে স্বীয় দলের উত্তেজিত সিপাহীদিগের সম্মুখে দণ্ডায়মান হইলেন। কিন্তু বিপক্ষের সংখ্যায় অধিক হওয়াতে ধনরক্ষক রাজভক্ত সুবাদারের ক্ষমতা পর্য্যুদস্ত হয়। উত্তেজিত সিপাহীরা টাকা ও অস্ত্রাদি অধিকার করে এবং কালবিলম্ব না করিয়া, নবাবগঞ্জের অভিমুখে ধাবিত হয়। কিন্তু এই দলের অনেকে গবর্ণমেন্টের পক্ষসমর্থনে উদ্যত ছিল। ইহারা কোন সময়ে আপনাদের প্রভুভক্তি হইতে বিচ্যুত হয় নাই। ইহাদের হৃদয় কোন সময়ে ফিরিঙ্গীবিদ্বেষে বিচলিত হয় নাই। ইহারা আপনাদের ইচ্ছায় অধিনায়কের আদেশানুসারে কার্য্য করিবার জ্ঞান কাওয়াজের প্রশস্ত ক্ষেত্রে সমবেত হইয়াছিল। ত্রিপঞ্চাশ পদাতিদলও কোম্পানির অমুরক্ত ছিল। ইহারা অপরাপর দলের ঞায় সহসা ইঙ্গরেজের বিরুদ্ধে সমুথিত হয় নাই, এবং সহসা আবাসগৃহ পরিত্যাগ-পূর্ব্বক নবাবগঞ্জে যাইয়া কোম্পানির অর্থে আপনাদিগকে সমৃদ্ধ করিবার চেষ্টা করে নাই। ইহাদের রাজভক্তি এ সময়েও অকলঙ্কিতভাবে ছিল। কিন্তু বৃদ্ধ সেনাপতির বুদ্ধির দোষে শেষে ইহাদের অনেকে অনিচ্ছাসত্ত্বেও নবাবগঞ্জস্থিত উত্তেজিত সিপাহীদিগের সহিত সম্মিলিত হয়। ইহারা যখন নিঃশঙ্কচিত্তে আপনাদের আহারীয় প্রস্তুত করিতেছিল, এবং কোন অংশে উত্তেজনার চিহ্ন না দেখাইয়া আপনাদের প্রশান্তভাবেই পরিচয় দিতেছিল, তখন সেনাপতি হইলর অমূলক আশঙ্কাগ্রস্ত হইয়া, ইহাদের প্রতি কামানের গোলাবৃষ্টি করিতে আদেশ দিলেন। তিনি সিপাহীদিগের সকলকেই সমভাবে অবিধ্বস্ত, সমুত্তেজিত ও ইঙ্গরেজের সর্কনাশে প্রতিজ্ঞাবদ্ধ ভাবিয়াছিলেন। ষট্‌পঞ্চাশ পদাতিদলের অনেকে যে, তাঁহাদের পক্ষসমর্থনে কৃতসঙ্কল্প ছিল, তাহা তিনি মনে করেন নাই। ত্রিপঞ্চাশদলও যে, রাজভক্তির পরিচয় দিতেছিল, তাহাও তিনি বুঝিতে পারেন নাই। সবিশেষ বিবেচনা করিয়া কার্য্য করিলে যেস্থলে আত্মবলের বৃদ্ধি হইত, সে স্থলে হঠকারিতার দোষে অমুরক্ত ব্যক্তিগণও বিরক্ত ও বিপন্ন হইয়া উঠে।

এই সময়ে প্রধান প্রধান নগরে ইউরোপীয় সৈন্যের সংখ্যা অধিক ছিল না। সংখ্যার অল্পতাপ্রযুক্ত ইন্ডরেজেরা প্রায় সকল স্থলেই সিপাহীগণ অপেক্ষা হীনবল ছিলেন। কাণপুরের সেনাপতি যদি, অমূলক আতঙ্কে অধীর হইয়া, উক্ত সিপাহীদিগকে সৈনিকনিবাস হইতে নিষ্কাশিত না করিতেন, তাহা হইলে উহারা, অসময়ে তাঁহার প্রধান সহায় হইয়া উঠিত। কিন্তু সেনাপতি সবিশেষ পর্যালোচনা না করিয়া, আপনার বলহ্রাস করিলেন। তাঁহার আদেশে অমুরক্ত সিপাহীদিগের প্রতি কামানের গোলা নিক্ষিপ্ত হইতে লাগিল। সিপাহীরা সামরিক পরিচ্ছদ ও অস্ত্রপরিত্যাগপূর্বক নিরুদ্বেগে আপনাদের খাদ্য সংগ্রহ করিতেছিল। অকস্মাৎ কামানের গোলার তাহার সন্মুখ হইয়া পড়িল। তাহাদের সেনাপতি যে, সহসা এইরূপ কঠোরতাপ্রকাশ করিবেন, এবং দয়ায় ও সদাশয়তায় জলাঞ্জলি দিয়া, তাহাদিগকে বহু পশুর মত বধ করিতে উদ্যত হইবেন, তদ্বিষয়ে সর্বপ্রথম তাহাদের বিশ্বাসস্থাপনে প্রবৃত্তি হইল না। তাহারা আপনাদিগকে নির্দোষ বলিয়া জানিত। এখন সেনাপতি কি জন্ত তাহাদিগকে কোম্পানির কার্য হইতে বহিস্কৃত করিতে উদ্যত হইয়াছেন, তাহা তাহারা বুঝিতে পারিল না। এদিকে গোলাবৃষ্টির বিরাম হইল না। এক বার, দুই বার, তিন বার, যখন প্রজ্বলিত পিণ্ড সকল তাহাদের সন্মুখে আসিয়া পড়িল, তখন তাহাদের পূর্বতন বিশ্বাস দূরীভূত হইল। তাহারা খাদ্যসামগ্ৰী পরিত্যাগপূর্বক গোলযোগে উদ্ভ্রান্ত হইয়া পলাইতে লাগিল। কেহ কেহ নবাবগণে যাইয়া তত্রতা সিপাহীদিগের সহিত মিশিল। কিন্তু সকলে এই পথের অনুসরণ করিল না। তাহাদের দল বিচ্ছিন্ন ও বিক্ষিপ্ত হইয়া পড়িল বটে, কিন্তু অনেকেই একরূপ অবস্থাতেও রাজভক্তি হইতে বিচ্যুত হইল না। তাহারা কামানের গোলার বিরাম না হওয়া পর্য্যন্ত, নিকটবর্তী কোনস্থানে আশ্রয়গোপন করিয়া রহিল, শেষে আপনাদের প্রভুর কার্যসাধমজ্জ্ব তাঁহাদের প্রাচীরবেষ্টিত আশ্রয়স্থানের স্থানে গমন করিল এবং অপূর্ণ বিশ্বস্ততা দেখাইয়া বৃদ্ধ সেনাপতিকে বিস্মিত করিয়া তুলিল। তাহারা প্রাণান্ত পর্য্যন্ত এই বিশ্বস্ততার সম্মানরক্ষা করিয়াছিল। কাণপুরের বৃদ্ধ সেনাপতি যদি এসময়ে দূরদর্শিতার সহিত কার্য করিতেন, তাহা

হইলে, ঐ দলের সকল সিপাহীই প্রাণান্ত পর্য্যন্ত তাঁহার পার্শ্বদণ্ডায়মান থাকিত।

কাণপুরের সিপাহীরা এইরূপে নবাবগঞ্জে যাইয়া, দিল্লীস্থিত সিপাহীদিগের সহিত সন্মিলিত হইবার ইচ্ছা করিল। তাহারা শুনিয়াছিল, সিপাহীরা ফিরিঙ্গীদিগকে দিল্লী হইতে বহিস্কৃত করিয়াছে। দিল্লীতে বৃদ্ধ মোগলের ক্ষমতা ও প্রাধান্য পুনঃপ্রতিষ্ঠিত হইয়াছে। এক সময়ে তাহাদের স্বদেশীয়গণ মোগলের সৈনিকদলে প্রবেশ করিয়া, যেরূপ সৌভাগ্যের অবিকারী হইত, এখন দিল্লীস্থিত সিপাহীরা মোগলের সরকারে সেইরূপ সৌভাগ্যসম্পন্ন হইয়া উঠিয়াছে। সুতরাং কাণপুরের সিপাহীরা স্বদেশের ও সজাতীয়ের গৌরবের স্থল, বৃদ্ধ মোগলের রাজধানীতে যাইতে উদ্যত হইল। তাহারা ধনাগার বিলুপ্তি করিয়া, অনেক অর্থ পাইয়াছিল। অস্ত্রাগার অধিকার করিয়া, যুদ্ধসংক্রান্ত দ্রব্যাদি প্রচুরপরিমাণে হস্তগত করিয়াছিল, এখন তাহারা বিলম্ব না করিয়া মোগল সম্রাটের অধিকার সুরক্ষিত করিতে সচেষ্ট হইল। কথিত আছে, নানা সাহেব নবাবগঞ্জের নিকটবর্তী স্থানে অবস্থিতি করিতেছেন শুনিয়া, তাহাদের কেহ কেহ তথায় উপস্থিত হইয়া, নানা সাহেবকে কহিয়াছিল, “মহারাজ! যদি আপনি আমাদের সহিত মিলিত হরেন, তাহা হইলে এই রাজ্য আপনার হইবে। আপনি আমাদের শত্রুদলে মিশিলে আপনাকে মৃত্যুর জন্ত প্রস্তুত হইতে হইবে।” ইহা শুনিয়া নানা সাহেব উত্তর করিয়াছিলেন, “ইঙ্গরেজদের পক্ষে থাকিয়া কি করিব? আমি সর্ব্বাংশে তোমাদের পক্ষে রহিয়াছি।” সিপাহীরা অতঃপর তাঁহাকে তাহাদের সহিত দিল্লীতে যাইতে অনুরোধ করিল। নানা সাহেব সম্মতিপ্রকাশ করিলেন এবং সিপাহীদিগের যে কয়েক জন দূত স্বরূপ হইয়া তাঁহার সম্মুখে উপস্থিত হইয়াছিল, তাহাদের প্রত্যেকের মস্তকে হস্ত দিয়া জাতীয় গৌরবরক্ষা করিতে প্রতিশ্রুত হইলেন। অনন্তর তাহারা ধনাগারের দশ লক্ষ টাকা হস্তগত করিল। কারাগারের দ্বার উদ্বাটিক করিয়া ফেলিল। কেহ কেহ একটি হাতীর উপর বিজয়পতাকা তুলিয়া, চারিদিক প্রদক্ষিণ পূর্ব্বক নৌসেতু ভংগ করিল। নিকটে ইউরোপীয়দিগের যে সকল গৃহ ছিল, তৎসমুদয় ভস্মীভূত হইল। এইরূপে

তাহারা টাকা বোঝাই গরুর গাড়ি সঙ্গে লইয়া, আপনাদের মহিলাদিগকে অশ্রান্ত গরুর গাড়িতে তুলিয়া, জয়োল্লাসে দিল্লী যাইবার পথে কল্যাণপুর-নামক স্থানে উপনীত হইল *। এই সময়ে নানা সাহেবের প্রধান মন্ত্রণাদাতা ঘটনাস্থলে আবির্ভূত হইলেন। তাহার মন্ত্রণায় নানা সাহেবের মত পরিবর্তিত হইল। তৎসঙ্গে উত্তেজিত সিপাহীদিগের নির্দ্ধারিত কার্য-প্রণালীও পরিবর্তিত হইয়া গেল।

আজিম উল্লা খাঁ নানা সাহেবকে বুঝাইতে লাগিলেন, যদি তিনি সিপাহী-দিগের সহিত দিল্লীতে গমন করেন, তাহা হইলে মোগলের দরবারে তাহার কিছুমাত্র প্রাধিক্য থাকিবে না। দিল্লীতে তাহাকে সম্রাটের অধীন হইয়া থাকিতে হইবে। দরবারের অনুচিত আধিপত্যপ্রিয় ও ঈর্ষ্যাপর মুসলমান-দিগের কোশলে হয়ত তিনি, আপনার ক্ষমতা হইতে বিচ্যুত হইয়া পড়িবেন। এরূপ অবস্থায় সিপাহীরা তাহাকে পরিত্যাগ করিতে পারে, সম্রাটও তাহাকে তিরস্কৃত ও অপদস্থ করিতে পারেন। কিন্তু কাণপুরে থাকিলে তাহার কোনরূপ লাঞ্ছনা হইবার সম্ভাবনা নাই। এ সময়ে কাণপুরের ইঙ্গরেজেরা সর্বাংশে নিঃসহায় ও নিরবলম্ব হইয়া পড়িয়াছে। সুতরাং কাণপুরে থাকিলে সমগ্র কাণপুর ও উহার চতুঃপার্শ্ববর্তী ভূভাগে তাহার আধিপত্যপ্রতিষ্ঠা হইবে। ইঙ্গরেজের ক্ষমতা ও ইঙ্গরেজের প্রভুত্ব বিলুপ্ত হইয়া যাইবে। ক্রমে সমগ্র উত্তর ভারতবর্ষ তাহার অধীন হইবে। তিনি বহুসংখ্য সৈন্যের অধিনায়ক ও বহুবিস্তৃত সাম্রাজ্যের অধিপতি হইয়া, সুখে রাজত্ব করিতে পারিবেন। এক শতাব্দী পূর্বে ইঙ্গরেজেরা ঠিক এই সময়ে, পলাসীর যুদ্ধক্ষেত্রে আপনাদের ক্ষমতা বন্ধমূল করিয়াছিল। কাণপুরে তিনিও ঐরূপে আপনার সাম্রাজ্যপ্রতিষ্ঠায় কৃতকার্য হইবেন। অন্ধকূপে তাহাদের দুর্গতির একশেষ হইয়াছিল। এখন তিনিও প্রকৃষ্টপদ্ধতিক্রমে কাণপুরে অন্ধকূপের ব্যাপারসম্পাদনে সমর্থ হইবেন। যে সকল খ্রীষ্টধর্মাক্রান্ত কুকুর পরাক্রান্ত মহারাষ্ট্রীয়কে অপদস্থ ও রাজবংশসম্বৃত ব্রাহ্মণকে প্রতারিত করিয়াছে, এইরূপে তিনি তাহাদিগকে সমুচিত শিক্ষা দিতে পারিবেন।

* Trevelyan, Cawnpur, p. 104-105.

মুসলমান মন্ত্রী এইরূপ অপূর্ণ যুক্তিতে ও উদ্দীপনাময়ী বক্তৃতায় নানা সাহেবের হৃদয় আকৃষ্ট হইল। নানা সাহেব কাণপুরে ইঙ্গরেজদিগের অবস্থার বিষয় জানিতেন। ইঙ্গরেজেরা লক্ষ্মীতে যে, বিপদাপন্ন হইয়াছেন, ইহাও তাঁহার বিদিত ছিল। সুতরাং তিনি বুঝিয়াছিলেন যে, লক্ষ্মী হইতে কাণপুরস্থিত ইঙ্গরেজদিগের সহসা সাহায্যপ্রাপ্তির আশা নাই। গঙ্গা ও যমুনার তটবর্তী বারাণসী, এলাহাবাদ, বা আগ্রা হইতেও সাহায্যকারী সৈন্য আসিতে পারিবে না। স্থার হিউ হইলর নগরান্তরের সৈন্যে আশ্রয়লাভ করিতে সমর্থ হইবেন না। এদিকে চারি দল সুশিক্ষিত সিপাহী ও বিঠুরের অনুচরবর্গ তাঁহার পক্ষসমর্থন করিতেছে। কামান, বারুদ ও লক্ষ লক্ষ টাকা তাঁহার অধিকারে রহিয়াছে। একরূপ অবস্থায় তিনি সকল বিষয়েই কৃতকার্য হইতে পারিবেন, গৌরবাঘিত পেশবা পদ অধিকার করিতেও অসমর্থ হইবেন না। মন্ত্রিবর আজিমউল্লা তাঁহাকে বলিয়াছিলেন যে, ইউরোপে ইঙ্গরেজদিগের ক্ষমতাহ্রাস হইতেছে, এখন তিনি দেখিলেন যে, ভারতবর্ষেও ইঙ্গরেজেরা ক্ষমতাস্বত্ব হইয়া পড়িতেছেন। যে যে স্থলে সিপাহীরা তাঁহাদের বিরুদ্ধে সমুথিত হইতেছে, সেই সেই স্থলেই তাঁহাদের সৈনিকদলের অল্পতা দৃষ্টিগোচর হইতেছে; তাঁহারা সিপাহীদিগের ভয়ে চারি দিকে পলায়ন করিতেছেন। ইহাতে নানা সাহেবের আশা বলবতী হইল। তিনি আজিম উল্লার মন্ত্রণায় বিমুগ্ধ হইয়া, সম্মুখে আশ্রমৌভাগ্যের হৃদয়রঞ্জক দৃশ্য দেখিতে লাগিলেন। লর্ড ডালহৌসীর রাজনীতির দোষে তিনি যে, শ্রায্য অধিকারে বঞ্চিত হইয়াছেন, ইহা তাঁহার মনে নিরন্তর জাগরুক ছিল। তিনি ইঙ্গরেজের প্রতি সমুচিত সৌজ্ঞেয় দেখাইলেও ইঙ্গরেজ গবর্ণমেন্টের রাজনীতির প্রতি আস্থাবান ছিলেন না। তাঁহাদের বিচারে তাঁহার স্বত্ব নষ্ট হইয়াছিল, তাঁহাদিগকে তিনি শ্রায্যপন্ন ও সমদর্শী বলিয়া মনে করিতেন না। সুতরাং কুমন্ত্রীর মন্ত্রণায় তাঁহার হৃদয় উত্তেজিত হওয়া বিচিত্র নহে। বিঠুরের লোক ও উত্তেজিত সিপাহীরা, আপনাদের মধ্যে যেরূপ কার্যপ্রণালী অবধারিত করিয়াছিল, তৎসম্বন্ধে সাধারণতঃ উক্তরূপ বিবরণ প্রাপ্ত হওয়া গিয়াছে। ইঙ্গরেজের লিখিত ইতিহাসেও ঐরূপ বিবরণ পরিদৃষ্ট হয়। কিন্তু নানা সাহেবের বাল্যকালের

সহচর তাঁতিয়া তোপী এ সম্বন্ধে অন্তরূপ বিবরণ প্রকাশ করিয়াছেন। তাঁহার মতে সিপাহীরা নানা সাহেবকে আবদ্ধ করিয়া, তাহাদের অভিমত কার্যে প্রবর্তিত করিয়াছিল। তিনি উল্লেখ করিয়াছেন, “দুই দিন পরে তিন দল পদাতি ও দ্বিতীয় অশ্বারোহিদল ধনাগারে আসিয়া, নানা সাহেব ও আমাকে চারিদিকে পরিবেষ্টিত ও অবরুদ্ধ করে এবং ধনাগার ও অস্ত্রাগারের যাবতীয় দ্রব্য লুণ্ঠিয়া লয়। সিপাহীরা দুই লক্ষ এগার হাজার টাকা নানা সাহেবের হস্তে সমর্পিত করিয়া, আপনাদের লোককে উক্ত ধনাগার-রক্ষায় নিযুক্ত করে। নানা সাহেব এই সকল সাত্ত্বীর তত্ত্বাবধায়ক হইলেন। আমাদের নিকট যে সকল সিপাহী ছিল, তাহারা আগন্তুক সিপাহীদিগের সহিত সম্মিলিত হয়। ইহার পর সিপাহীরা আমাকে, নানা সাহেবকে ও আমাদের সমস্ত অনুচরকে সঙ্গে লইয়া, দিল্লীর অভিমুখে প্রস্থান করে। কাণপুর হুইতে তিন ক্রোশ গেলে নানা সাহেব সিপাহীদিগকে কহেন, ‘অদ্য দিবস প্রায় শেষ হইয়াছে, অতএব অদ্য এই স্থানেই অবস্থিতি করা যাউক। আগামী কল্য পুনর্বার যাত্রা করা যাইবে।’ সিপাহীরা ইহাতে সন্মত হয়, পর দিন প্রাতঃকালে সিপাহীরা নানা সাহেবকে তাহাদের সহিত দিল্লীতে যাইতে কহে। নানা সাহেব অসন্মত হইলেন। ইহাতে সিপাহীরা কহে, ‘আমাদের সহিত কাণপুরে আসিয়া যুদ্ধ করুন।’ নানা সাহেব এ প্রস্তাবেও আপত্তি-প্রকাশ করেন। কিন্তু সিপাহীরা তাঁহার কথায় কর্ণপাত না করিয়া, তাঁহাকে বন্দী করে, এবং কাণপুরে প্রত্যাবৃত্ত হইয়া যুদ্ধে উদ্যত হয়*।” তাঁতিয়া তোপীর এই কথায় প্রতিপন্ন হইতেছে যে, নানা সাহেব সিপাহীদিগের সহিত সম্মিলিত হইয়া, যুদ্ধ করিতে সন্মতিপ্রকাশ করেন নাই। সিপাহীরা এই জন্তই তাঁহাকে বন্দী করিয়া, কাণপুরে উপস্থিত হয়। নানা সাহেব উপায়ান্তর না দেখিয়া, ইঙ্গরেজের বিরুদ্ধ পক্ষ অবলম্বন করেন। তিনি যে, অনিবার্য ঘটনায় বাধ্য হইয়া, উত্তেজিত সিপাহীদিগের পরিপোষক হইয়াছিলেন, তাহা পূর্কোক্ত উভয় বিবরণেই প্রতিপন্ন হইতেছে। আজিম উল্লা তাঁহাকে পরামর্শ না দিলে উত্তেজিত সিপাহীরা হয়ত দিল্লীর অভিমুখে গমন করিত।

* *Kaye, Sepoy War. Vol II., 310, note.*

কাণপুরের ইউরোপীয়েরাও নিরাপদে এলাহাবাদে যাইতে পারিতেন। হার তাঁতিয়া তোপী যে বিবরণ প্রকাশ করিয়াছেন, তদনুসারে সিপাহীরা নানা সাহেবকে বন্দী না করিলে, নানা সাহেব কখনও তাহাদের পক্ষসমর্থন করিতেন না। সুতরাং উভয় দিকেই নানা সাহেবকে বলপূর্বক ব্রিটিশ ষর্গমেন্টের বিপক্ষে টানিয়া আনা হইয়াছিল। ঘটনাচক্রে পতিত হইয়া, নানা সাহেব নিজের ইচ্ছা না থাকিলেও ইঙ্গরেজের বিরুদ্ধে দণ্ডায়মান হইয়াছিলেন।

আজিম উল্লার মন্ত্রণায় ও সিপাহীদিগের উত্তেজনায় নানা সাহেব, তাঁহার ভ্রাতা বালরাও ও বাবাভট্টকে সঙ্গে লইয়া, সিপাহীদিগের পক্ষাবলম্বনে কৃতনিশ্চয় হইলেন। সিপাহীরা তাঁহাকে আপনাদের রাজা বলিয়া সম্মানিত করিল। কথিত আছে, রাজা সিপাহীদিগকে একএকটি সোণার তাগা দিতে সম্মত হইয়াছিলেন। এখন এই রাজার নামেই সকল কার্যের অনুষ্ঠান হইতে লাগিল। উত্তেজিত সিপাহীরা আপনাদের এই রাজার নামে ভয়ঙ্কর কার্যসাধনে বদ্ধপরিকর হইয়া উঠিল। রাজার নামে ভিন্ন দলের অধিনায়কগণ নির্বাচিত হইলেন, এবং তাঁহারা এই রাজার নামেই স্ব স্ব দলের পরিচালনে ব্যাপ্ত হইতে লাগিলেন। সুবাদার টীকা সিংহ পূর্কাবধি উত্তেজিত সিপাহীদিগের পক্ষসমর্থন করিতেছিলেন, সুতরাং তিনি সেনাপতি হইয়া, অখারোহিদলের পরিচালনভার গ্রহণ করিলেন। জমাদার দোলরঞ্জন সিংহ ও সুবাদার গঙ্গাদীন যথাক্রমে ত্রিপঞ্চাশ ও ষট্‌পঞ্চাশ পদাতিদলের অধিনায়ক হইলেন। যে তিন জন অধ্যক্ষ নির্বাচিত হইলেন, তাঁহারা সকলেই হিন্দু, এজন্ত কেহ কেহ নির্দেশ করিয়াছেন যে, যুদ্ধোদ্যত, উত্তেজিত সিপাহীদিগের মধ্যে হিন্দুগণই অধিকতর বিদ্বেষবুদ্ধি ও শত্রুতার পরিচয় দিয়াছিল, মুসলমানগণ নহে*। কিন্তু এই সময়ে হিন্দু ও মুসলমান, উভয়েরই ধীরতা অস্ত-হিত হইয়াছিল। ছব্বত্ত লোকে হিন্দুর আরাধ্য গাভী ও মুসলমানের অস্পৃশ

* Trevelyan, Cawnpur, p. 107. Comp. Kaye, Sepoy War. Vol. II. p. 315. note.

শূকরের উল্লেখ করিয়া, উভয়কেই সমভাবে উত্তেজিত করিয়া তুলিয়াছিল। কাণপুরের অশ্বারোহিদল সর্বপ্রথম ইঙ্গরেজের বিপক্ষে সমুখিত হয়। ইহার প্রধানতঃ মুসলমান। যাহা হউক, মহারাষ্ট্রীয় ব্রাহ্মণ মহারাজ নানা সাহেবের নামে সেনানায়কগণ নির্বাচিত হইয়াছিলেন। ইহাতে বোধ হয়, নানা সাহেবের প্রীতির জন্ত হিন্দুদিগের হস্তে অধ্যক্ষতা সমর্পিত হইয়াছিল।

৬ই জুন শনিবার প্রাতঃকালে নানা সাহেবের নামে সেনাপতি ছইলরের নিকট পত্র আসিল *। উহাতে লিখিত ছিল, নানা সাহেব শীঘ্রই তাঁহাদের আশ্রয়স্থান আক্রমণ করিবেন। উত্তেজিত সিপাহীরা যখন দিল্লীর অভিমুখে প্রস্থান করে, তখন সেনাপতি ও তদীয় সহযোগীগণ ভাবিয়াছিলেন যে, তাঁহারা নিরাপদে এলাহাবাদে যাইতে পারিবেন। কিন্তু এখন তাহাদের সে আশা অন্তর্হিত হইল। উন্নত সিপাহীদল কাণপুরে প্রত্যাগমন করিতে লাগিল। তাহাদের অভিনব অধিনায়কেরা তাহাদিগকে ফিরিঙ্গীর বিরুদ্ধে অধিকতর উত্তেজিত করিতে লাগিলেন। এইরূপে হিন্দু ও মুসলমান সিপাহী এক উদ্দেশ্যসাধনে কৃতনিশ্চয় হইয়া, প্রবলবেগে ইঙ্গরেজদিগের আশ্রয়স্থানের দিকে আসিতে লাগিল। সহসা এইরূপ বিপত্তিজালে পরিবেষ্টিত হওয়াতে বৃদ্ধ সেনাপতি দুশ্চিন্তায় অবসন্ন হইয়া পড়িলেন। সিবিল কর্মচারী ও সৈনিকদলের অধিনায়কেরাও এই আকস্মিক ঘটনায় স্তম্ভিত হইলেন। এখন আর বিলম্ব করিবার সময় ছিল না। অধিনায়কদিগের অনেকে সিপাহীদিগের আবাসস্থল পর্য্যবেক্ষণ করিতেন, রাত্রিতেও সেই স্থলে শয়ন করিয়া থাকিতেন। শেষে তাঁহারা আপনাদের বাঙ্গলার গিয়াছিলেন। সেনাপতির আদেশে এই সকল অধিনায়ক প্রাচীরবেষ্টিত স্থানে সমাগত হইলেন। তাঁহাদের আশ্রয়স্থান সামান্য মৃৎপ্রাচীরে বেষ্টিত ছিল। পূর্বে উক্ত হইয়াছে, উহার নিকটে

* যোত্র টমসন সাহেব লিখিয়াছেন, ৭ই জুন রবিবার সিপাহীরা ইঙ্গরেজদিগের আক্রমণ করে —*Story of Cawnpur*, p. 61. কিন্তু কর্নেল উইলিয়মসের সংগৃহীত বিবরণে প্রমাণ হইয়াছে, সিপাহীরা ৬ই জুন কাণপুরে প্রত্যাগত হয়। ঐ দিনই তাহারা প্রাচীরবেষ্টিত স্থান আক্রমণ করে। —*Kaye*, p. 313, note. *Comp. Trevelyan, Cawnpur*, p. 114.

অস্তাগার ছিল না। কারাগার ও ধনাগার দূরবর্তী ছিল। গঙ্গাও দূরে প্রবাহিত হইতেছিল। সমতলক্ষেত্রে যে মৃৎপ্রাচীর নির্মিত হইয়াছিল, তাহা দুর্ভেদ্য ছিল না। এসম্বন্ধে মানক চাঁদ উল্লেখ করিয়াছেন, সাহেবেরা অনভিজ্ঞের ত্রায় কার্য্য করিয়াছিলেন। তাঁহারা নগরের বহির্ভাগে সমতল ক্ষেত্রে প্রাচীর নির্মিত করিয়াছিলেন। যদি সিপাহীরা তাঁহাদের বিরুদ্ধে যুদ্ধে উদ্যত হয়, তাহা হইলে তাহারা যে, সহজে প্রাচীরের চারি দিক বেষ্টিত করিতে পারিবে, তাহা তাঁহারা ভাবিয়া দেখেন নাই। অস্তাগার ও ধনাগার অরক্ষিত অবস্থায় থাকাতে, সিপাহীগণ কামান ও টাকার সাহায্যে বলীয়ান হইয়া উঠে। যেরূপ প্রবাদ আছে, সাহেবেরাও সেইরূপ শত্রুর হস্তে তরবারি দিয়া আপনাদের মাথা বাড়াইতে দিয়া- ছিলেন *। যাহা হউক, ইঙ্গরেজেরা এখন এইরূপ অযোগ্যস্থানরক্ষার জগ্ন যথোচিত উপায় অবলম্বন করিতে লাগিলেন। প্রত্যেক ব্যক্তির হস্তে নির্দিষ্ট কার্য্যভার সমর্পিত হইল। প্রত্যেক ব্যক্তিই নির্দিষ্ট কার্য্যসম্পাদনে দৃঢ়প্রতিজ্ঞ হইয়া উঠিল।

ইউরোপীয়েরা যখন প্রাচীরবেষ্টিত স্থানে নির্দিষ্ট কার্য্যে নিযুক্ত হইলেন, তখন সিপাহীরা দলে দলে তাঁহাদের সম্মুখবর্তী হইতে লাগিল। তাহারা ধনাগারের অর্থে আপনাদিগকে সমৃদ্ধ করিয়াছিল। অস্তাগারের কামান সকলও তাহাদিগকে বলীয়ান করিয়া তুলিয়াছিল। তাহারা পথে যে সকল খ্রীষ্টধর্ম্মাবলম্বীকে দেখিতে পাইল, তাহাদিগকে নিহত করিয়া, ইঙ্গরেজের আশ্রয়স্থানের স্থান আক্রমণে উদ্যত হইল। নানা সাহেবের পত্র বৃদ্ধ ইঙ্গরেজ সেনাপতির হস্তগত হইলে, ইউরোপীয়েরা প্রতি মুহূর্ত্তে আক্রমণের প্রতীক্ষা করিতে লাগিলেন। আশঙ্কায় ও উদ্বেগে প্রাতঃকাল অতিবাহিত হইল। দিনমণি ক্রমে পূর্বদিক পরিত্যাগ করিয়া, পশ্চিমাভিমুখে অগ্রসর হইতে লাগিলেন, তখনও আক্রমণের লক্ষণ গোচর হইল না। অবশেষে মধ্যাহ্নে কামানের শব্দ শ্রুতি-গোচর হইল। ইউরোপীয়েরা তখন বুদ্ধিতে পারিলেন যে, বিপক্ষগণ

* *Trevelyan, Cawnpur, p. 106-107.*

আপনাদের সঙ্কলিত কার্যের অমুঠান করিয়াছে। অবিলম্বে বংশীধ্বনি হইল। ধ্বনি শুনিবা মাত্র সকলে সজ্জিত হইয়া, আপনাদের নির্দিষ্ট স্থলে দাঁড়াইল। এদিকে বিপক্ষগণ হইতে মুহুমূহঃ কামানের গোলা আসিয়া ইঞ্জরেজের আত্মরক্ষার স্থানে পড়িতে লাগিল। বিপন্ন ইউরোপীয় মহিলা ও নিরীহ বালকবালিকারা ভয়ঙ্কর শব্দ শুনিয়া কাতরস্বরে চীৎকার করিতে লাগিল। ইঞ্জরেজ এখন এই অসহায় জীবগণের রক্ষার জন্ত আত্ম-প্রাণ উৎসর্গ করিলেন, তাঁহারা সংখ্যায় অতি অল্প হইলেও আপনাদের স্থান হইতে বিচলিত হইলেন না। তাঁহাদের সাহস ও একাগ্রতা বর্দ্ধিত হইল, তাঁহারা প্রশান্তভাবে আপনাদের নির্দিষ্ট স্থানে দণ্ডায়মান থাকিয়া, আত্ম-রক্ষা করিতে লাগিলেন। তাঁহারা এই সময়ে কিরূপ বিব্রত হইয়াছিলেন, আপনাদের বালকবালিকা ও মহিলাকুলের কাতরতায় প্রতিক্ষণে কিরূপে গভীর বিষাদগ্রস্ত হইয়া পড়িয়াছিলেন এবং আপনাদের ক্ষুদ্র দলের অনেককে মৃত্যুমুখে নিপতিত দেখিবা, বিষম অন্তর্দাহে কিরূপ নিপীড়িত হইয়াছিলেন, তাহা পরবর্তী বিবরণে হৃদয়ঙ্গম হইবে। এই বিবরণের প্রতিস্থলেই করুণার কাতরতা, বিষাদের মলিনতা ও বীরত্বের একাগ্রতার সমাবেশ রহিয়াছে।

উত্তেজিত সিপাহীগণ মহারাজ নানা সাহেবের নামে ৬ই হইতে ২৬শে জুন পর্যন্ত উদ্যম ও উৎসাহসহকারে অবিশ্রান্ত গোলাবৃষ্টি করে। ইহাদের আক্রমণে ইঞ্জরেজদিগের দুর্দশার একশেষ হয়। ইঞ্জরেজেরা সেরূপ অসহনীয় কষ্টভোগ করিয়াছিলেন, ইতিহাসপ্রসিদ্ধ কোন সমর-ভূমিতে কোন আক্রান্ত সৈনিকদল, বোধ হয় সেরূপ কষ্টভোগ করে নাই। জ্যৈষ্ঠ মাসের প্রচণ্ড তপন যেন তাঁহাদের মস্তকের উপর অনলময় চক্রা-তপ বিস্তার করিয়াছিল। নিদারুণ বায়ুপ্রবাহ যেন প্রতিমুহূর্ত্তে তাঁহা-দিগকে প্রজ্বলিত চুল্লীর উত্তাপে বিদগ্ধ করিতেছিল। বন্দুক ও কামান যেন স্পর্শে স্পর্শে অগ্নিতপ্ত লৌহের ঞ্চায় প্রতীয়মান হইতেছিল। এদেশে যে সময়ে ইঞ্জরেজদিগের অবসাদ উপস্থিত হয়, উদ্যম ও উৎসাহ শিথিল হইয়া পড়ে, সামরিক কার্যে ওদাসীত্ত্ব জন্মে; যে সময়ে তাঁহাদের মহিলা ও বালকবালিকারা স্বেচ্ছায়তরুরাজিপরিত্র শীতল স্থানে বা স্নান

পার্কৃত্য প্রদেশে অবস্থিতি করিয়া শান্তিস্থখ উপভোগ করে, এবং তাঁহারা নিজেও উক্ত সময়ে ঐরূপ স্থানে বিবিধ আমোদে পরিতৃপ্ত হইয়া থাকেন, সেই সময়ে তাঁহাদিগকে ভয়ঙ্কর শত্রুর সন্মুখে থাকিয়া, দুঃসাধ্য কার্যের জন্ত জীবন উৎসর্গ করিতে হইয়াছিল। তাঁহাদের মহিলাগণ ও বালকবালিকাদিগের কষ্টের অবধি ছিল না। মহিলারা এসময়ে প্রাতঃকালে ও বৈকালে গাত্রমার্জন ও সর্কদা পবিচ্ছদপরিবর্তন করিতেন। ভৃত্যেরা সর্কদা তাঁহাদের কষ্টশান্তির জন্ত বাতাস দিতে বা শীতল দ্রব্যাদি সংগ্রহ করিতে ব্যস্ত থাকিত। এখন তাঁহাদের তৃপ্তিকর উক্তরূপ কার্য বন্ধ হইল। তাঁহারা অস্নাত অবস্থায় এক পরিচ্ছদে সময় অতিবাহিত কবিতো লাগিলেন। তাঁহাদের শিশুসন্তানগুলি পানীয় জল ও খাদ্যের অভাবে প্রতিদিন বিবর্ণ ও বিগুপ্ত হইয়া যাইতে লাগিল। এদিকে শত্রু পক্ষ হইতে গোমার পব গোলা আসিয়া, তাঁহাদের সন্মুখে পড়িতে লাগিল। আহতদিগের নিদারুণ আর্তনাদে, নিহতগণের ভয়ঙ্কর দৃশ্যে, প্রতিদিনই তাঁহারা অবসন্ন ও হতাশ হইতে লাগিলেন। তাঁহাদের রক্ষার আর কোনরূপ উপায় রহিল না। প্রাণের দায়ে ও প্রাণাধিক সন্তানগুলির শোচনীয়ভাবে, তাঁহারা কামিনীজনোচিত কমনীয়তা ও শালীনতা হইতে বিচ্যুত হইলেন। তাঁহাদের বেশপারিপাট্য অন্তর্হিত হইল। তাঁহারা ভয়ে অভিভূত হইয়া, অনেক সময়ে অনাবৃতদেহে সেই ভীষণ স্থলে কালযাপন কবিতো লাগিলেন।

আক্রান্ত ইঙ্গরেজগণ প্রতিদিনই আপনাদের মহিলাদের ও বালক-বালিকাগণের উক্তরূপ শোচনীয় দশা দেখিতে লাগিলেন, এবং প্রতিদিনই ঐরূপ শোচনীয় দৃশ্যের মধ্যে বহুসংখ্য আক্রমণকারীর সন্মুখে আত্ম-রক্ষা করিতে লাগিলেন। মৃতপ্রাচীরের ভিন্ন ভিন্ন স্থানে কামান সকল স্থাপিত হইয়াছিল। প্রতি কামানের পনের পদ অন্তরে পদাতিগণ দণ্ডায়মান ছিল। তাহারা সৈনিকদল ভুক্ত নয়, তাহারাও পদাতিশ্রেণীতে সন্নিবেশিত হইয়াছিল। সেনাপতি হইলরের আদেশে সমর্থ ব্যক্তি মাত্রই আত্মরক্ষার জন্ত অস্ত্রধারণ করিয়াছিল। প্রত্যেক পদাতির পার্শ্বে গুলিভরা ও সঙ্গীনযুক্ত তিনটি করিয়া বন্দুক ছিল। শিক্ষিত

সৈনিক পুরুষেরা প্রত্যেকে সাত আটটি বন্দুক লইয়াছিল। কামান সকল অনাবৃত স্থানে থাকিতে গোলন্দাজ সৈনিক পুরুষদিগকে সর্বক্ষণ শত্রুপক্ষের বন্দুকের সম্মুখে থাকিতে হইয়াছিল। এদিকে প্রাচীরবেষ্টিত স্থানে বালক-বালিকা ব্যতীত অনেকেই পীড়িত অবস্থায় ছিল। ইহাদেরও নিয়মিতরূপে গুশ্কার উপায় ছিল না। কাণপুরের বৃদ্ধ সেনাপতি এইরূপ নানা অসুবিধার মধ্যে সিপাহীদিগের আক্রমণে আত্মরক্ষা করিতে লাগিলেন। তিনি আত্ম-রক্ষাকারীদিগকে যে যে স্থলে সন্নিবেশিত করিয়াছিলেন, তাহার বিনামূল্য-মতিতে কেহই সেই সেই স্থল পরিত্যাগ করিতে পারিত না। কাণপুরের উপস্থিত ঘটনার বিবরণলেখক মোর্রে টম্‌সন্ সাহেব নিদাকণ গ্রীষ্মে নিপীড়িত হইয়া ব্রিগেডিয়ার জাকের নিকট কাফিপানের জন্ত মুহূর্তকাল স্থানান্তরে যাইবার অনুমতি চাহিয়াছিলেন। কিন্তু সেনাপতির আদেশানুসারে ব্রিগেডিয়ার তাহার প্রার্থনাপূরণে সন্মত হইলেন নাই। এইরূপে নিরন্তর নির্দিষ্ট স্থানে দণ্ডারমান থাকিয়া, অল্পসংখ্যক ইউরোপীয়গণ বিপক্ষের প্রচণ্ড গোলাবৃষ্টির মধ্যে আপনাদের অধিষ্ঠিত স্থানরক্ষা করিতে লাগিল। কামানের ভয়ঙ্কর শব্দে, সিদ্ধিপান-প্রমত্ত সিপাহীদিগের ভৈরব নিনাদে, প্রথম দিন প্রাচীরের মধ্যস্থিত কুলকামিনী ও বালকবালিকারা করুণকণ্ঠে রোদন করিতে লাগিল। শেষে প্রতিদিনই ঐরূপ ভয়ঙ্কর শব্দ শুনিতে শুনিতে ও বিকট দৃশ্য দেখিতে দেখিতে, তাহারা উহাতে অভ্যস্ত হইয়া রোদনসংবরণ করিল বটে, কিন্তু তাহাদের যাতনার নিবৃত্তি হইল না। দিনের পর দিন অতিবাহিত হইতে লাগিল, প্রতিদিনই নূতন নূতন কষ্ট আসিয়া তাহাদিগকে উন্মত্তপ্রায় করিয়া তুলিতে লাগিল।

এ দিকে সিপাহীদিগের অধিনায়কগণ, আপনাদের কার্যে উদাসীন ছিলেন না। টীকা সিংহ শনিবার সমস্তদিন অস্ত্রাগার হইতে, কামান সকল যথাস্থানে পাঠাইয়া দেন। এক একটি কামান যেমন উপস্থিত হয়, অমনি উহা ইঞ্জরেজদিগের প্রাচীরবেষ্টিত স্থানের পুরোভাগে স্থাপিত হইতে থাকে। রবিবার প্রাতঃকালে হিন্দী ও উর্দু ভাষায় ঘোষণাপত্র প্রচারিত হয়। উহা হিন্দু ও মুসলমানদের মধ্যে বিতরিত হইতে থাকে। ঐ ঘোষণাপত্রে হিন্দু ও মুসলমানকে সমভাবে, আপনাদের পবিত্র ধর্ম রক্ষা করিবার জন্ত অসুরোধ

করা হয় । দূরদর্শী হিন্দু ও মুসলমান, ঐ ঘোষণাপত্রে বিচলিত না হইলেও, নগরের অনভিজ্ঞ ও উত্তেজিত জনসাধারণ ইঙ্গরেজের অর্থে আপনাদিগকে সমৃদ্ধ করিবার আশায়, সিপাহীদিগের সহিত সম্মিলিত হইতে সঙ্কুচিত হয় নাই । এই বিপ্লবে প্রধানতঃ জনসাধারণই সিপাহীদিগের দল পরিপুষ্ট করিয়াছিল । অধিকন্তু, যে সকল ভূস্বামী আপনাদের চিরন্তন অধিকার হইতে বিচ্যুত হইয়াছিলেন, তাঁহারাও বিপ্লবের গতিবিস্তার করিতে সঙ্কুচিত হয়েন নাই । যদি কেবল সিপাহীগণ হইতে এই বিপ্লবের উৎপত্তি হইত, তাহা হইলে ইঙ্গরেজ সহজে উহার গতিরোধে সমর্থ হইতেন । যে হেতু, অনেক সিপাহী আপনাদের রাজভক্তি হইতে বিচ্যুত হয় নাই । ইঙ্গরেজ সেনাপতি অনেক সময়ে তাহাদের প্রতি বিশ্বাসস্থাপন না করিলেও তাহারা প্রাণপণে আপনাদের বিশ্বস্ততার পরিচয় দিয়াছিল । কিন্তু ভারতের অধিকার-ভ্রষ্ট ভূস্বামী ও জনসাধারণের উপর প্রভুত্বস্থাপন, ইঙ্গরেজের সুসাধ্য ছিল না । ইহারা যখন দলে দলে উত্তেজিত সিপাহীদিগের সহিত মিশিতে লাগিল, নগরে নগরে, পল্লীতে পল্লীতে, যখন ইহাদের উচ্ছৃঙ্খলভাবের পূর্ণ বিকাশ হইতে লাগিল, ত্রীষ্টধর্ম্মাবলম্বিগণ যখন ইহাদের আক্রমণে দেহত্যাগ করিতে লাগিল, তখন সকল স্থানে এক সময়ে শান্তিস্থাপন একান্ত দুঃসাধ্য হইয়া উঠিল । অধিকারচ্যুত ভূস্বামী ও জনসাধারণ উত্তেজিত না হইলে এই বিপ্লব তাড়িতবেগে সর্ব্বস্থানে প্রসারিত হইত না, এবং সিপাহীদিগের সহিত ঐ সকল ব্যক্তির সম্মিলন না হইলে, উহা অধিকতর ভয়ঙ্কর হইয়া উঠিত না । ফলতঃ, এইরূপ গভীর উত্তেজনাপ্রযুক্তই সিপাহীযুদ্ধে ইঙ্গরেজের সর্ব্বস্বাস্ত ও প্রাণান্ত ঘটিয়াছে* ।

* ঘোষণাপত্র প্রচারিত হইলে উত্তেজিত মুসলমানেরা ফিরিঙ্গীর শোণিত-পাতে দৃঢ়প্রতিজ্ঞ হইয়া উঠিল । পর দিন অর্থাৎ ৮ই জুন সোমবার গঙ্গার

* কেহ কেহ যেমন মনে করিয়া থাকেন, উপস্থিত বিপ্লব যদি সেইরূপ কেবল সৈনিকদিগের সমুখান বলিয়া পরিগণিত হইত, অধিকারচ্যুত রাজারা এবং দেশের কৃষিজীবী, পল্লী-বাসী রাইয়তগণ যদি সিপাহীদিগের সহিত এক উদ্দেশ্যে সম্মিলিত হইয়া না উঠিত, তাহা হইলে সিপাহীদিগের অতি-অল্প সংখ্যকই ইঙ্গরেজের বিরুদ্ধাচরণ করিত ।—*Red Pamphlet. Comp. Kaye, Vol, II., p, 290, note. Indian Empire, II, p. 240*

খালের দক্ষিণে মুসলমানের অর্ধচন্দ্রশোভিত সবুজ পতাকা উড়ীন হইল। মুসলমানের সম্মানিত পুরোহিত ঐ পতাকার নিম্নভাগে উপবিষ্ট হইয়া, বিধর্মীর পরাক্রমনাশের জন্ত, বিজয়িনী শক্তির উদ্বোধন করিতে লাগিলেন। কথিত আছে, দ্বিতীয় অখারোহিদলের প্রণয়িনী আজিজন যুদ্ধ-বেশে বিভূষিত ও অশ্বপৃষ্ঠে অধিষ্ঠিত হইয়া নিষ্কোশিত তরবারি হস্তে লইয়া, উক্ত আরাধনাস্থলে বাহিতে কুণ্ঠিত হয় নাই* ।

পূর্বে উক্ত হইয়াছে ইঙ্গরেজদিগের প্রাচীরবেষ্টিত স্থানে অল্পমাত্র সৈনিকপুরুষ ছিল। স্বেচ্ছাপ্রবৃত্ত সৈনিকপুরুষের সংখ্যাও অধিক ছিল না। এতদ্ব্যতীত অনেক কুলকামিনী ও বালকবালিকা ঐ স্থানে অবস্থিতি করিতেছিল। পক্ষান্তরে বিপক্ষেরা সংখ্যায় অধিক ছিল †।

* *Trevelyan, Cawnpur, p. 137.* আজিজন মুসলমান বারবিলাসিনী, দ্বিতীয় অখারোহিদলের মুসলমান সিপাহীদিগের পরমপ্রিয়পাত্রী বলিয়া কথিত ছিল। পূর্বে এবিষয়ের উল্লেখ হইয়াছে।

† প্রাচীরবেষ্টিত স্থানে ২১০টি ইউরোপীয় সৈনিক পুরুষ ছিল। এতদ্ব্যতীত প্রায় এক শত আফিসর ছিলেন। বাণিজ্যব্যবসায়ী ও অগ্ন্যাত্ত শ্রেণীর লোক লইয়া সর্বসমেত ৪৫০ জন ইউরোপীয় অবস্থিতি করিতেছিলেন। বালক বালিকা ও কুলকামিনীর সংখ্যা ৩৩০ ছিল।—*Mutiny of the Bengal Army, By one who has served under Sir Charles Napier, p. 130.* রসদবিভাগের কর্মচারী সের্ফার্ড সাহেব ঘটনাস্থলে উপস্থিত ছিলেন। তিনি নিম্নলিখিতরূপে ইউরোপীয় ও এতদেশীয়দিগের সংখ্যা নির্দেশ করিয়াছেন :—

ইউরোপীয় সৈনিক পুরুষ	২১০
এতদেশীয় সৈনিক দলের এতদেশীয়			
বাদ্যকারক	৪৪
অধিনায়ক প্রায়	১০০
সৈনিক দলের বহিভূত লোক প্রায়	১০১
স্ত্রীলোক ও শিশুসন্তান প্রায়	৫৪৬
			১০০০

এতদ্ব্যতীত ২৫।৩০ জন এতদেশীয় ভৃত্য ও কতিপয় প্রভুভক্ত বিখস্ত সিপাহী ও আফিসর ছিল।—*Shepherd, Cawnpur massacre, p. 26 27.* ইলমেস সাহেব ভৃত্যের সংখ্যা ৫০ এবং বিখস্ত সিপাহী ও আফিসরের সংখ্যা ২০ বলিয়া নির্দেশ করিয়াছেন।—*Holmes, Indian Mutiny, p. 239, note.* ট্রিভিলিয়ান সাহেব নির্দেশ করিয়াছেন সর্বসমেত ১০০০ লোক প্রাচীরবেষ্টিত স্থানে ছিল।—*Trevelyan, Cawnpur, p. 118.*

বিপক্ষ সিপাহীদিগের সংখ্যা সূক্ষ্মরূপে নির্ণীত হয় নাই। এক দল অখারোহী ও দুই দল পদাতি বিরুদ্ধাচরণে প্রবৃত্ত হইয়াছিল। পরে অন্য পদাতিদলের (৫৩ গণিত দলের) কেহ

উত্তেজিত জনসাধারণও এসময়ে তাহাদের দলে মিশিয়া আক্রান্ত ইউরোপীয়দিগকে বিপদগ্রস্ত করিয়া তুলিয়াছিল। সিপাহীরা পর্যায়ক্রমে বিশ্রাম ও গুলিবৃষ্টি করিতে লাগিল, কিন্তু আত্মরক্ষাকারীদিগের বিশ্রাম করিবার সময় রহিল না। আক্রান্ত ইউরোপীয় সৈন্য কামানের পার্শ্বে থাকিয়া বা বন্দুক হস্তে করিয়া, সিপাহীদিগের গোলার আঘাতে যখন একে একে অনন্ত নিদ্রায় অভিভূত হইতে লাগিল, তখন স্বেচ্ছাপ্রবৃত্ত সৈন্য আসিয়া তাহাদের স্থান অধিকার করিতে লাগিল। ইহারা আপনাদের সম্মান, আপনাদের জীবন ও জীবনাধিক শিশুসন্তানদিগের রক্ষার জন্ত বিপক্ষের সম্মুখীন হইতে কাতর হইল না। এ সময়ে ইঙ্গরেজ বীরপুরুষগণ যেরূপ সাহস ও বীরত্বের পরিচয় দিয়াছিলেন, আত্মজীবনে উপেক্ষা করিয়া, যেরূপ দুঃসাধ্যকার্যসাধনে উদ্যত হইয়াছিলেন, এবং অবিশ্রাম গোলাবৃষ্টির মধ্যে থাকিয়াও শিশুসন্তান ও পীড়িত ব্যক্তিদিগের

কেহ ইহাদের সহিত মিলিত হয়। ইহাদের অধিকাংশ আফিসর (সুবাদার বা জমাদার) ইঙ্গরেজের পক্ষে ছিলেন। অখারোহিদল (রেজিমেন্ট) ছয় ভাগে (টুপে) (এখন ৮ ভাগে) বিভক্ত। ইহাদের মধ্যে নিম্নলিখিতরূপে এতদেশীয় লোক আছে :—

আফিসর	১৩
অধস্তন আফিসর	৫৪
ভিত্তি	৬
ভেরীবাদক	৬
সৈনিকপুরুষ	৫০৪

পদাতিদল (রেজিমেন্ট) ৮ ভাগে (কোম্পানিতে) বিভক্ত। সমগ্র দলে এই সকল লোক আছে :—

সুবাদার	১ × ৮ = ৮
জমাদার	১ × ৮ = ৮
হাবিলদার	৬ × ৮ = ৪৮
নায়ক	৬ × ৮ = ৪৮
ভেরীবাদক	১ × ৮ = ৮
সৈনিকপুরুষ	৮০ × ৮ = ৬৪০

(১ম ভাগ জন্মভূমিতে প্রকাশিত "আমার জীবনচরিত" হইতে উদ্ধৃত। জন্মভূমি, ৫৬৭ ও ৫৭২ পৃষ্ঠা।)

উল্লিখিত হিসাবে বিপক্ষ সিপাহীদিগের সংখ্যা কিয়দংশে অনুমিত হইবে। এতদ্ব্যতীত নানা সাহেবের অনুচর, কাণপুর ও অযোধ্যার অনেক লোক সিপাহীদিগের সহিত মিলিত হইয়াছিল।

শুক্রবার ঘেরূপ যত্ন করিয়াছিলেন, ঐতিহাসিকগণ বিশ্বয় ও প্রীতির সহিত তাহার বর্ণনা করিয়া থাকেন। আক্রমণকারী সিপাহীরা প্রতিদিন উদ্যম ও উৎসাহসহকারে গোলাবৃষ্টি করিতে লাগিল। প্রতিদিনই আক্রান্তগণ অধিকতর নিপীড়িত হইতে লাগিল। সিপাহীরা দিবসে অবিশ্রান্তভাবে কামানের গোলাবৃষ্টি করিত। প্রাতঃকাল হইতে সন্ধ্যা পর্য্যন্ত সকল সময়েই প্রজ্বলিত পিণ্ডসকল প্রাচীরবেষ্টিত স্থানে নিপতিত হইত। উহার প্রচণ্ড আঘাতে প্রতিদিনই কেহ নিহত কেহ বা সাংঘাতিকরূপে আহত হইত, এবং উহার জ্বালাময়ী শিখায় আক্রান্তদিগের অধ্যুষিত স্থানের কোন কোন অংশ দগ্ধীভূত হইয়া যাইত। রাত্ৰিকালে আক্রমণকারিগণ অন্ধকারে আত্মগোপন করিয়া মৃৎপ্রাচীরের সম্মুখে আসিত, এবং মুহূর্ত্তে মুহূর্ত্তে বন্দুকের গুলিবৃষ্টি করিয়া ইউরোপীয়দিগকে নিপীড়িত করিত। সুতরাং ইউরোপীয়েরা দিবসে ও রাত্ৰিতে, সকল সময়েই আত্মরক্ষায় প্রস্তুত থাকিত। একদা কামানের প্রজ্বলিত গোলায় বারুদ রাখিবার একখানি গাড়ির ছাদ উড়িয়া গেল এবং বারুদ ইত্যাদি রাখিবার স্থানের নিকটে গাড়ির কাঠে আগুন ধরিল। ডিলাফোসী নামক একজন তরুণবয়স্ক সৈনিক পুরুষ ইহা দেখিয়া স্থির থাকিতে পারিল না। অচিরেই অগ্নিনির্বাণ না হইলে, ভয়ঙ্কর কাণ্ড সংঘটিত হইবার সম্ভাবনা ছিল। সুতরাং বীরযুবক মুহূর্ত্ত মাত্র বিলম্ব না করিয়া প্রজ্বলিত গাড়ির নিকটে গেল, যে কাঠে আগুন ধরিয়াছিল, তাহা নিজ হাতে টানিয়া ফেলিয়া দিল, এবং জলের অভাবে কঠিন মৃত্তিকা বহিঃশিখার উপর নিক্ষেপ করিতে লাগিল। কিয়ৎক্ষণ এইরূপ চেষ্টায় অগ্নি নির্বাণিত হইয়া গেল।

শিক্ষিত সৈনিকদলের মধ্যেই কেবল এইরূপ সাহস ও বীরত্বের নিদর্শন লক্ষিত হয় নাই। যাহারা ইতঃপূর্বে সৈনিকদলে প্রবিষ্ট হইয়া নাই, যথানিয়মে সামরিক কার্য শিক্ষা করেন নাই, রণস্থলের করাল দৃশ্য ও কঠোর নিয়মের সহিত পরিচিত হইয়া উঠেন নাই, তাহারাও এ সময়ে অবিচলিতভাবে সাহস ও বীরত্বের পরিচয় দিতে লাগিলেন। সৈনিক পুরুষ ব্যতীত অগ্রব্যবসায়ী ইউরোপীয়েরা আত্মরক্ষার স্থলে আশ্রয় গ্রহণ

করিয়াছিলেন। ইহাদের মধ্যে রেলওয়ের কতিপয় ইঞ্জিনিয়ার ছিলেন, ইহারা বন্দুক হস্তে করিয়া, অটলসাহসে বিপক্ষদিগকে নিরস্ত করিতে লাগিলেন। ইহাদের মধ্যে একজন বিপক্ষের গুলির আঘাতে সাংঘাতিকরূপে আহত হইলেন। গুলি মুখে লাগাতে তিনি মুখ তুলিতে পারিতেন না। ইহাকে দুঃসহ যাতনায় নিরস্তর অধোমুখে থাকিতে হইত। শেষে এই আঘাতেই ইহার প্রাণবায়ুর অবসান হয়। ধর্মপ্রচারকও এসময়ে উদাসীন রহিলেন না। তিনি আত্মরক্ষার জন্ত অস্ত্র পরিগ্রহ করিলেন না, বা শত্রুর পুরোভাগে দণ্ডায়মান থাকিয়া, সাহসের পরিচয় দিতে উদ্যত হইলেন না। অস্ত্র কার্যে তাঁহার একাগ্রতা ও শ্রমশীলতা প্রকাশ হইতে লাগিল। তিনি আহতদিগের শুশ্রূষা করিতে লাগিলেন, পীড়িতদিগকে ধর্মোপদেশে বলীয়ান করিয়া তুলিতে লাগিলেন এবং অবসন্ন আত্মরক্ষাকারিগণ ও ভয়ব্যাকুল কুল-কামিনীদিগের সমক্ষে ঈশ্বরের মহিমাকীর্তন করিয়া, তাহাদের হৃদয় শান্ত, কর্তব্যজ্ঞান উদ্দীপ্ত ও উৎসাহ বৃদ্ধি করিতে লাগিলেন।

যখন ঘোরতর বিপদ উপস্থিত হয়, জীবন ও সম্পত্তি যখন প্রতিমুহূর্তেই ধ্বংসোন্মুখ হইয়া উঠে, স্বাধীনতা ও সার্বজনীন আধিপত্য যখন সংশয়দোলায় অধিষ্ঠিত হয়, তখন বীরত্বপ্রসিদ্ধ জাতির সকল শ্রেণীর মধ্যেই একাগ্রতা, দৃঢ়প্রতিজ্ঞা, কর্তব্যনিষ্ঠা ও স্বার্থত্যাগপ্রবৃত্তি বলবতী হইয়া উঠে। কার্ণেজের বীরজননী রমণীগণ এক সময়ে স্বদেশের জন্ত আপনাদের সৌন্দর্যের প্রধান অঙ্গ কেশসমূহের ছেদন করিয়াছিলেন। বীরেন্দ্র-সমাজের বরণীয় ভারতের মহিলাকুলও পরাক্রান্ত শত্রুর আক্রমণ হইতে স্বদেশরক্ষা করিতে অবলীলায় বহুমূল্য আভরণরাশি যুদ্ধের ব্যয়ের জন্ত উন্মুক্ত করিয়া দিয়াছিলেন*। কাণপুরের অপরূপ ইউরোপীয় কামিনীরাও এসময়ে

* রোমীয়েরা কার্ণেজ আক্রমণে উদ্যত হইলে ধর্মুর ছিলা প্রস্তুত করিবার জন্ত কার্ণেজ বীররমণীগণ আপনাদের কেশছেদন করিয়া দিয়াছিলেন। যখন সুলতান মহমুদ চতুর্থবার ভারতবর্ষ আক্রমণ করেন, তখন লাহোরের ভূপতি অনঙ্গপাল আক্রমণকারীর বিরুদ্ধে দণ্ডায়মান হইলেন। এই সময়ে হিন্দু মহিলারা যুদ্ধের ব্যয়ের জন্ত আপনাদের অলঙ্কার উন্মোচিত করিয়া পাঠাইয়াছিলেন।

পরাক্রান্ত ও সহায়সম্পন্ন শত্রুর সম্মুখে আত্মবলবৃদ্ধির উপায়বিধানে উদাসীন থাকেন নাই। প্রতিদিন ভয়ঙ্কর কাণ্ড দৃষ্টিগোচর হওয়াতে, তাঁহাদের সাহসবৃদ্ধি হইয়াছিল। আত্মপক্ষের ব্যক্তিদিগকে প্রতিদিন বীরত্বের পরিচয়সূচক ছুঃসাধ্য কার্যসাধনে উদ্যত দেখাতে, তাঁহাদেরও তেজস্বিতার বিকাশ হইয়াছিল। তাঁহারা আর পূর্বের গ্রায়, ভয়ে সর্বদা অভিভূত থাকেন নাই, এবং পূর্বের গ্রায় কর্তব্যবিমূঢ় হইয়া, চারিদিক অন্ধকারময় বোধ করেন নাই। কিরূপে শত্রু পরাজিত হইবে, কিরূপে প্রাণাধিক শিশুসন্তানগুলি আসন্ন মৃত্যুর হস্ত হইতে মুক্তিনাভ করিবে, কিরূপে আপনারা নিরাপদে ও অক্ষতশরীরে আত্মীয়স্বজনের সহিত সম্মিলিত হইতে পারিবেন, এখন তাঁহারা ইহারই উপায় দেখিতে লাগিলেন। সিপাহীদিগের নিরন্তর গোলাবৃষ্টিতে, কামানে ছিদ্র হওয়াতে বড় অসুবিধা ঘটিয়াছিল। বীরাম্ভনারা এজগু আপনাদের পায়ের মোজা সকল অকাতরে দিতে লাগিলেন। এ সময়ে তাঁহাদের অঙ্গচ্ছদ অধিক ছিল না, তথাপি তাঁহারা আপনাদের চিরব্যবহার্য ও লজ্জাসত্ত্বম রক্ষার চিরাবলম্বন দ্রব্যগুলি দিতে বিমুখ হইলেন না। তাঁহাদের প্রদত্ত মোজায় ছিদ্র সকল বন্ধ করিয়া দেওয়া হইল। আবার ঐ সকল কামান হইতে আক্রমণকারী সিপাহীদিগের উপর গোলাবৃষ্টি হইতে লাগিল। কয়েকজন সিপাহী প্রাচীরবেষ্টিত স্থানে অবরুদ্ধ ছিল*। একটি সৈনিক পুরুষের স্ত্রী সাহসসহকারে নিক্ষেপিত তরবারি হস্তে করিয়া, তাহাদের পাহারা দিতে লাগিলেন। যাবৎ এই মহিলা সম্মুখে ছিলেন, তাবৎ অবরুদ্ধগণ পলাইতে সমর্থ হয় নাই। শেষে এক ব্যক্তি আসিয়া তাহাদের পাহারার ভার গ্রহণ করিলে তাহারা কোন সুযোগে পলায়ন করে। কিন্তু এইরূপ স্বার্থত্যাগ ও সাহসের পরিচয় দিলেও মহিলাদিগের যাতনার পরিসীমা রহিল না। তাঁহাদের

* খাঁ মহম্মদ নামক যে সিপাহী সহযোগীদিগকে উত্তেজিত করিবার অপরাধে অবরুদ্ধ হয়, সে ইহাদের মধ্যে ছিল।

কেহ কেহ আমল প্রসবা ছিলেন । তাঁহারা অবরোধের সেই ভয়ঙ্কর সময়ে, সেই কোলাহলময় বিপত্তিপূর্ণ স্থানে সন্তান প্রসব করিলেন । এ সময়ে তাঁহাদের শুক্রবার লোক ছিল না । তাঁহারা প্রসবযাতনায় যেরূপ কাতর হইলেন, নবজাত শিশুর জীবনরক্ষার জন্ত তদপেক্ষা অধিকতর কাতরতাপ্রকাশ করিতে লাগিলেন । বিশ্বপালক ভগবান ব্যতীত এসময়ে তাঁহাদের আর কোন রক্ষক ছিলো না । তাঁহারা নীরবে ও কাতরনয়নে সেই সর্বনিরন্তর মঙ্গলময়ী ইচ্ছার উপর নির্ভর করিয়া রহিলেন । অনেকে আপনাদের শিশুসন্তানগুলিব হৃদশা দেখিয়া দিনে দিনে অবসন্ন হইতে লাগিলেন । তাঁহারা পরম আদরে যাহাদের লালনপালন করিতেছিলেন, স্তম্ভ দিয়া যাহাদিগকে পরিবর্দ্ধিত করিয়া তুলিতেছিলেন, এবং যাহাদের মহাস্তম্ভ বদনে আধ আধ কথা শুনিয়া, আপনাদিগকে চরিতার্থ মনে করিতেছিলেন, সেই বাৎসল্যের ধন, প্রীতির পুত্রলী, স্নেহের অবলম্ব সন্তানরত্ন সকল তাঁহাদের বক্ষঃস্থল হইতে অপহৃত হইতে লাগিল । কোন সৈনিক পুরুষের স্ত্রী দুইটি সন্তান দুই বাহুতে লইয়া স্বামীর সহিত বেড়াইতেছিলেন, সহসা একটি গুলি আসিয়া, তাহার স্বামীর দেহভেদ পূর্বক তদীয় বাহুয়ুগল ভগ্ন করিয়া ফেলিল । স্বামী তৎক্ষণাৎ ভূপতিত ও গতাস্থ হইলেন । তাঁহার প্রিয়তমা বনিতাও মৃতস্বামীর পার্শ্বে পড়িয়া গেলেন । সন্তানদ্বয়ের একটি সাংঘাতিকরূপে আহত হইল । অভাগিনী বিধবা অতঃপর গৃহে নীত হইলেন । তাঁহার হস্তদ্বয় ভগ্ন হইয়া গিয়াছিল, স্তম্ভরাজ শিশু দুইটিকে কোলে লইবার সামর্থ্য ছিল না । তিনি যাতনায় কাতর হইয়া শয্যায় শুইয়া রহিলেন । শিশু দুইটি তাঁহার বুকের উভয় পার্শ্বে থাকিয়া, স্তম্ভপান করিতে লাগিল ; কিন্তু মাতার হাত তুলিবার শক্তি রহিল না । কল্পনায় ইহা অপেক্ষা অধিকতর শোচনীয় দৃশ্য অঙ্কিত হইতে পারে না, উদ্ভাবনায় ইহা অপেক্ষা অধিকতর করুণ-রসোদীপক চিত্র উদ্ভূত হইতে পারে না । এইরূপ শোচনীয় ব্যাপার প্রতিদিনই অবরুদ্ধদিগের দৃষ্টিপথবর্তী হইতে লাগিল । একদা অপর এক জন সৈনিকের স্ত্রীর হাতের কয়লা হইতে বন্দুকের গুলি প্রবিষ্ট হইল । সৈনিক পুরুষ ইতঃপূর্বেই নিহত হইয়াছিলেন । অবিলম্বে সাংঘাতিক

আঘাতজনিত প্রচণ্ড জ্বরে তাঁহার স্ত্রীও লোকান্তরিত হইলেন। এইরূপে প্রায় প্রতিদিনই অবলাগণের প্রাণবাঘুর অবসান হইতে লাগিল। যে সকল শিশু হাঁটিতে পারিত, বালসুলভ চাপল্য প্রযুক্ত তাহারা এক স্থানে স্থির থাকিতে পারিত না। তাহারা কিরূপ বিপদাপন্ন হইয়াছে, তাহা তাহারা বুঝিত না। গৃহ হইতে বহির্গত হইলেই যে, তাহাদের প্রাণ যাইবে, তাহাও তাহারা জানিত না। অবোধ শিশুগণ এ ছুঃসময়েও পূর্বের খায় আনন্দ-সহকারে খেলার জন্ত আগ্রহ প্রকাশ করিত। তাহারা খেলা করিতে সহস্র প্রাঙ্গনে আসিলেই নিরন্তর গুলিষ্টিতে মৃত্যুমুখে নিপতিত হইত। এইরূপে নিরীহস্বভাব, সদানন্দময় শিশুগুলিও অনন্তনিদ্রায় অভিভূত হইতে লাগিল।

এদিকে সেনাপতি ছইলর প্রতি মুহূর্তেই স্থানান্তর হইতে সাহায্যকারী সৈন্তের প্রতীক্ষা করিতেছিলেন। তাঁহার আশা ছিল, পঞ্জাব হইতে স্মার জন লরেন্স সৈন্ত পাঠাইবেন। এলাহাবাদ হইতে সেনাপতি নীল তাঁহার সাহায্যার্থে উপস্থিত হইবেন। লক্ষ্মী হইতে স্মার হেনরি লরেন্সও তাঁহার সাহায্যার্থে সৈন্ত পাঠাইয়া দিবেন। কিন্তু দুর্ভাগ্যক্রমে এসময়ে কোন স্থান হইতেই সাহায্যকারী সৈনিক পুরুষের সমাগম হইল না। পঞ্জাব হইতে স্মার জন লরেন্সের পত্র আসিল। তিনি লিখিলেন, পঞ্জাবরক্ষার জন্ত সৈন্তসংখ্যাই পর্যাপ্ত নহে, সুতরাং তিনি কাহাকেও এ সময়ে পাঠাইতে পারেন না। বৃদ্ধ সেনাপতির আশা ছিল, সেনাপতি নীল ১৪ই জুন কাণপুরে উপস্থিত হইবেন, কিন্তু ১৪ই জুন ধীরে ধীরে অতীত হইতে লাগিল, সেনাপতি হতাশ হইয়া, সন্ধ্যাকালে লক্ষ্মীতে বিচারপতি গাবিন্স সাহেবের নিকট পত্র পাঠাইলেন। পত্রের শেষাংশে লিখিত হইল,—“নগরের সমগ্র খ্রীষ্টধর্মাবলম্বী প্রাচীরবেষ্টিত স্থানে আমরা দিগের নিকটে রহিয়াছে। মহত্বসহকারেও আশ্চর্যরূপে আমাদের আত্মরক্ষা হইতেছে। আমরা সাহায্য, সাহায্য, সাহায্যের ভিখারী। এখন যদি সাহায্যকারী দুই শত লোক প্রাপ্ত হই, তাহা হইলে বিপক্ষদিগকে পরাজিত করিয়া, আপনাদেরও সাহায্য করিতে পারি।” কিন্তু এই দুই শত লোকও লক্ষ্মী হইতে আসিল না। বর্ষীয়ান সেনাপতি ধীরভাবে অদৃষ্টের নিকট অবনতমস্তক হইলেন। তাঁহার সহযোগীরাও ধীরভাবে আপনাদের দশাবিপর্ধ্যয়কে আলিঙ্গন করিলেন। একে একে

তাঁহাদের সমস্ত আশা নিশ্চূর্ণ হইল। সুতরাং তাঁহারা শেষে আপনাদের সাহস, পরাক্রম, দৃঢ়প্রতিজ্ঞতা, সর্বোপরি আত্মত্যাগের উপর নির্ভর করিলেন। তাঁহাদের উদ্যম, উৎসাহ এখন পূর্ণমাত্রায় বিকাশ পাইল। তাঁহারা আত্মরক্ষার জন্ত ধীরভাবে আত্মজীবন উৎসর্গ করিতে প্রবৃত্ত হইলেন।

ক্রমে এক সপ্তাহ অতীত হইল, এক সপ্তাহ কাল ইউরোপীয়েরা প্রবল শত্রুর সম্মুখে, অবিশ্রান্ত গোলাবৃষ্টির মধ্যে, আপনাদের প্রাচীরবেষ্টিত স্থান রক্ষা করিল। সপ্তাহান্তে আক্রান্তগণ আর এক ঘোরতর বিপদে ব্যতিব্যস্ত হইয়া পড়িল। পূর্বে উক্ত হইয়াছে, প্রাচীরবেষ্টিত স্থানের দুইটি বড় গৃহের একটিতে খড়ের চাল ছিল। দুইটি গৃহই রুগ্ন, অসমর্থ, বৃদ্ধ, স্ত্রীলোক ও বালকবালিকাগণে পরিপূর্ণ ছিল। খড়ের চাল টালি বা ইট দ্বারা আচ্ছাদিত করিবার সবিশেষ চেষ্টাকরা হইয়াছিল, কিন্তু উহাতে চাল সর্বাংশে আচ্ছাদিত হয় নাই। এক দিন অপরাহ্নে সহসা খড়ের চাল জলিয়া উঠিল। অসমর্থ ও রুগ্ন ব্যক্তিগণ ঐ গৃহে আশ্রয় লইয়াছিল। সুতরাং এ সময়ে তাহারা সাতিশয় বিপদাপন্ন হইল। এদিকে আক্রমণকারিগণ ইউরোপীয়দিগের অধ্যুষিত গৃহ প্রচণ্ড অনলের জ্বালাময়ী শিখায় পরিব্যাপ্ত দেখিয়া, অধিকতর উৎসাহসহকারে গুলিবৃষ্টি করিতে লাগিল। সেই ভয়ঙ্করী রাত্রিতে অনলস্তূপ দ্বিগুণ উজ্জ্বল হইয়া, আক্রান্ত ক্ষুদ্র সৈনিক দলকে নিরতিশয় উবিগ্ন করিয়া তুলিল। আহত ও রুগ্নগণের আত্মরক্ষার কোন সামর্থ্য ছিল না। ইউরোপীয়েরা এখন এই সকল অসমর্থ জীবের রক্ষার্থ বন্ধপরিকর হইলেন। তাঁহারা বিপদে দিশাহারা না হইয়া, প্রাণপণে উহাদিগকে স্থানান্তরে লইয়া গেলেন। এ দিকে খড়ের চাল দেখিতে দেখিতে ভস্মীভূত হইল। দুইটি গোলন্দাজ সৈনিক পুরুষ প্রজ্বলিত অনলের মধ্যে দেহত্যাগ করিল। কিন্তু আক্রান্তগণ গৃহদাহে ইহা অপেক্ষাও অধিকতর ক্ষতিগ্রস্ত হইল। স্ত্রীলোক ও বালকবালিকাদিগের আর আশ্রয়স্থান রহিল না। তাহারা এখন গৃহশূন্য হইয়া অনাবৃতস্থানে, অরক্ষিত অবস্থায় পড়িয়া রহিল। কানবিশ ও মদের বাক্সের আচ্ছাদন চট মাত্র, এখন তাহাদের দিবসের প্রচণ্ড রৌদ্র ও রাত্রির তুরন্ত হিম হইতে

রক্ষার প্রধান সম্বল হইল। কিন্তু বিপক্ষের নিরন্তর গোলাবৃষ্টিতে ঐ আচ্ছাদনও অচিরেই বিনষ্ট হইয়া গেল। গৃহদাহে কেবল বালকবালিকা ও রোগাঠেরা আশ্রয়শূন্য হইল না। আহত ও পীড়িতদিগের যাতনাশান্তির উপকরণগুলিও ভস্মীভূত হইয়া গেল। ঔষধাদি, অস্ত্রচিকিৎসার যন্ত্রাদি কিছুই রক্ষা পাইল না। যাহারা আহত হইতে লাগিল, অস্ত্রাভাবে তাহাদের ক্ষত স্থান হইতে গুলি বহিষ্কৃত করিবার উপায় রহিল না। যাহারা রোগে শয্যাশায়ী হইল, ঔষধাদির অভাবে তাহাদের রোগশান্তির সুবিধা ঘটিল না। অসহনীয় যাতনা, অকালমৃত্যু, প্রতিদিনই এই সকল অসহায় জীবের উপর পরাক্রমপ্রকাশ করিতে লাগিল। ইহারা যাতনার কঠোরতা হইতে নিষ্কৃতিলাভের জন্ত প্রতি মুহূর্তে মৃত্যুকেই পরম সুস্বাদু বলিয়া মনে করিতে লাগিল।

গৃহদাহে যাহারা আশ্রয়শূন্য হইয়াছিল, তাহাদের মধ্যে ত্রিপঞ্চাশ পদাতিদলের কতিপয় সিপাহী ছিল। পূর্বে উক্ত হইয়াছে, দ্বিতীয় অশ্বারোহীদের সুবাদার ভবানীসিংহ আপনার অধীন সৈনিকদলের বিরুদ্ধে দণ্ডায়মান হইয়াছিলেন। উক্ত সৈনিকদল ইঙ্গরেজের বিরুদ্ধে সমুথিত না হইতে পারে, তজ্জন্ত তিনি সবিশেষ চেষ্টা করেন। এজন্ত বৃদ্ধ সুবাদার উত্তেজিত অশ্বারোহীদের অস্ত্রাঘাতে অবসন্ন হইয়া পড়েন। এই অবস্থায় তাঁহাকে প্রাচীরবেষ্টিত স্থানে লইয়া যাওয়া হয়। ভবানীসিংহ আহত হইয়াও আপনার প্রতিপালক প্রভুর পক্ষ পরিত্যাগ করেন নাই। তিনি সেই ভয়ঙ্কর সময়ে, বিপদাপন্ন স্থানে প্রভুর পার্শ্বে অবস্থিতি করিতেছিলেন। অবরোধের প্রথমাবস্থায় বিপক্ষের কামানের গোলায় আঘাতে তাঁহার মৃত্যু হয়। এই রূপে প্রভুভক্ত, বর্ষীয়ান, বীরপুরুষ প্রভুর কার্যসাধন জন্ত প্রভুর নিকটেই প্রাণত্যাগ করেন। এদিকে ত্রিপঞ্চাশ পদাতিদলের প্রভুভক্ত সিপাহীরা নিরাশ্রয় হইয়া পড়ে। ইহারাও এতদিন স্বশ্রেণীর ও স্বধর্মের লোকের বিরুদ্ধে দণ্ডায়মান হইয়া, ইঙ্গরেজের পক্ষসমর্থন করিতে ছিল। শেষে গৃহদাহ হইলে সেনাপতি ইহাদিগকে স্থানান্তরে যাইতে আদেশ দেন। যেহেতু, ইহাদের আশ্রয়স্থান ছিল না। খাদ্য সামগ্রীরও অভাব উপস্থিত হইয়াছিল। উক্ত দলের ভোলাখাঁ নামক সিপাহী এ সম্বন্ধে উল্লেখ করিয়াছে, “আমরা এই হইতে নই কি ১০ই জুন

পর্যন্ত আমাদের গৃহরক্ষা করি। বিপক্ষের গোলায় আশুনে উহা দগ্ধ হইলে আমরাদিগকে উক্ত স্থান পরিত্যাগ করিতে হয়। আমার বোধ হয়, গোলায় কোন দাহ পদার্থ জড়ান ছিল, ঐ পদার্থের সহিত খড়ের চালের সংযোগ হওয়াতে অধিকাংশ উপস্থিত হয়।” রামবক্স নামক উক্ত দলের আর একব্যক্তিও এসম্বন্ধে এইরূপ বিবরণ প্রকাশ করে। ইহার মতে ৯ই কি ১০ই জুন অপরাহ্ন ৪টার সময়ে ঘরে আগুন লাগে *। যাহা হউক অনুমান ৮০ কি ১০০ জন সিপাহী ছিল। এতদ্ব্যতীত ইহাদের সহিত দশজন এতদেশীয় অধিনায়ক অবস্থিত করিতেছিলেন †। ইহারা সকলেই অবরোধের স্থান পরিত্যাগ করিতে আদিষ্ট হইলেন। আফিসরেরা বিষম্বদনে বিদায় গ্রহণ করিলেন। সিপাহীরা কাতরভাবে স্থানান্তরে যাইতে প্রস্তুত হইল। মেজর হিলসডন্ সাহেব (কলেक्टर হিলসডন্ সাহেবের ভ্রাতা) সকলকেই কয়েকটি টাকা ও বিশ্বস্ততার নিদর্শনজ্ঞাপক এক খানি প্রশংসাপত্র দিলেন। সিপাহীরা উহা লইয়া আপনাদের গৃহাভিমুখে প্রস্থান করিল। কেহ কেহ পথে বিনষ্ট হইল। কেহ কেহ অক্ষতশরীরে আবাসপল্লীতে গমন করিল। ইহাদের কেহই কখনও প্রভুক্তি হইতে স্থলিত হয় নাই। কেহই উত্তেজিত সিপাহীদিগের সহিত সম্মিলিত হইয়া, ব্রিটিশ কোম্পানির বিরুদ্ধে অস্ত্রপরিগ্রহ করে নাই। ইহারা বিদেশী ও বিজাতি প্রভুক্তে রক্ষা করিবার জন্য স্বদেশীয় ও সজাতীয়দিগের বিরুদ্ধে দণ্ডায়মান হইয়াছিল, প্রভুর আদেশে ঘোরতর বিপত্তিকালেও স্বদেশীয়গণের পক্ষাবলম্বন না করিয়া, স্থানান্তরে গিয়াছিল, এবং আত্মীয়স্বজনশূন্য হইয়া পথে অকাতরে আত্মবিসর্জন করিয়াছিল, তথাপি আপনাদিগকে “নিমক-হারাম” বলিয়া পরিচিত করিতে উদ্যত হয় নাই। কাণপুরের বৃদ্ধ সেনাপতি যদি ইহাদিগকে কোনরূপে আপনার নিকটে রাখিতেন, তাহা হইলে ইহাদের দ্বারা সমূহ উপকার হইত। ইহারা স্বার্থত্যাগে কাতর ছিল না, অসহনীয় কষ্টস্বীকারেও পরাস্থ ছিল না, অসময়ে প্রভুর পক্ষ-

* *Kaye, Sepoy War. Vol. II., p. 325, note.*

† *Ibid*

সমর্থনেও অনিচ্ছু ছিল না। ইহাদের সাহস, পরাক্রম ও আত্মত্যাগ, ইহাদিগকে সর্বক্ষণ বিপদে অনমনীয়, যাতনায় অটল ও দুর্দশায় অবিচলিত রাখিয়াছিল। ইহারা উপস্থিত সময়ে, ইঙ্গরেজের পার্শ্বে থাকিলে নিঃসন্দেহ তাঁহাদের বলবৃদ্ধি হইত।

দিনের পর দিন অতিবাহিত হইতে লাগিল। প্রতিদিনই আক্রান্ত সৈনিকদলের বলহ্রাস ও আক্রমণকারী সিপাহীদিগের গোলাবৃষ্টি অধিকতর ভয়ঙ্কর হইয়া উঠিতে লাগিল। প্রাচীরবেষ্টিত স্থানে ইউরোপীয়েরা কিরূপ অমানভাবে হুঃসহ কষ্টভোগ করিয়াছিলেন, ইউরোপীয় কুলকামিনীরা বিপদে কিরূপ অবসন্ন হইয়াছিলেন, ইউরোপীয় বালকবালিকারা কিরূপ যাতনায় ঈষৎভিন্ন, বৃন্তচ্যুত কুসুমের গ্রায় পরিম্লান হইয়াছিল, তাহার করুণ-রসাত্মক মর্ম্মস্পর্শী বিবরণ হতাবশিষ্টদিগের মধ্যে এক জন প্রাজ্ঞ ভাষায় লিখিয়া গিয়াছেন *। কয়েক সপ্তাহ পূর্বে জেলার যে রাজপুরুষের আদেশে সকলে মস্তক অবনত করিত, যে সেনাপতির ইঙ্গিতে সহস্র সহস্র সৈনিকপুরুষ পরিচালিত হইত, যে ইঙ্গরেজ কর্ম্মচারীর প্রভুত্বে ভৃত্যগণ সর্বদা সশঙ্ক থাকিত, এখন সিপাহীদিগের গোলার আঘাতে তাঁহাদের কাহারও হস্তদ্বয় ভগ্ন হইল, কাহারও পদদ্বয় বিকল হইয়া পড়িল, কাহারও বা মুখ বিকৃতভাব ধারণ করিল। একে একে অনেকেই ক্রমে ক্ষমতাশূন্য হইতে লাগিলেন। একে একে অনেকেরই প্রাণবায়ুর অবসান হইতে লাগিল। পার্শ্ববর্তী বিশ্বস্ত ভৃত্যেরা বড় সাহেবকে এইরূপে নিগৃহীত ও নিপীড়িত দেখিয়া, বিস্ময়সহকারে আপনাদের মধ্যে ঐ বিষয় লইয়া আলাপ করিতে লাগিল। অমনি তাহাদের সম্মানিত আর একজন সাহেব আহত হওয়াতে তাহাদের আলাপ বন্ধ হইল; পর মুহূর্ত্তে আবার তাহারা, সবিস্ময়ে আর একজন সাহেবকে গুলির আঘাতে ভূপতিত দেখিল। প্রতিক্ষণেই এইরূপ ঘটনার আবির্ভাব হইতে লাগিল। মৃত্যু যেন সুপরিচিত বান্ধবের গ্রায় প্রতিক্ষণেই যাতনার শান্তির জন্ত সকলকে আলিঙ্গন করিতে লাগিল। কলেটর হিলসডন্ সাহেব গৃহের বারেন্দার দাঁড়াইয়া নানা সাহেবের

* Capt. Mowbray Thomson, Story of Cawnpur.

সহিত সন্ধিস্থাপনের চেষ্টা করিতেছিলেন। তাঁহার যুবতী ভার্যা তৎপার্শ্বে দণ্ডায়মান ছিলেন। অমনি কলেঙ্কর সাহেব গোলার আঘাতে প্রিয়তমার পদতলে পতিত ও গতাস্থ হইলেন। কয়েক দিন পরে গোলার আঘাতে দেয়ালের কিয়দংশ ভগ্ন হইয়া হিলসডন্ সাহেবের পত্নীর মাথায় পড়িল। ঐ আঘাতে হতভাগিনী বিধবারও সমস্ত জালায়ন্ত্রণার অবসান হইল। সেনাপতি স্মার হিউ হইলরের পুত্র লেপ্টেনাণ্ট হইলর আহত হইয়া একটি গৃহে শয়ান ছিলেন। তাঁহার পিতা, মাতা, ভগিনীগণ পার্শ্বে অবস্থিত করিতেছিলেন। একটি ভগিনী পদপ্রান্তে বসিয়া পাথার বাতাস দিতেছিলেন। সহসা কামানের গোলা সেই স্থলে পতিত হওয়াতে সেনাপতির আহত পুত্রের মাথা উড়িয়া গেল। পুত্রবৎসল বর্ষীয়ান পিতা, স্নেহময়ী বর্ষীয়সী জননী ও প্রীতিময়ী ভগিনী বাপ্পাকুলনেত্রে এই শোচনীয় ঘটনা চাহিয়া দেখিলেন। লিগ্‌সে নামক একটি সৈনিক পুরুষের মুখ গোলার আঘাতে বিকৃত হইল। নেত্রদ্বয় নষ্ট হইয়া গেল। হতভাগ্য সৈনিক পুরুষ অন্ধ হইয়া কিয়ৎকাল জীবিত রহিল, পরিশেষে মৃত্যু আসিয়া তাহার কণ্ঠের পরিসমাপ্তি করিল। আর এক জন সৈনিকের গুলির আঘাতজনিত ক্ষত স্থান মারাত্মক হইয়া উঠিল। শেষে সন্ন্যাসরোগে তাহার মৃত্যু হইল। তাহার স্ত্রী ও কন্যাগুলি অসহায় অবস্থায় সেই ভয়ঙ্কর স্থানে পড়িয়া রহিল। কিয়দিনের মধ্যে গুলির আঘাতে অভাগিনী বিধবার মৃত্যু হইল। তাহার একটি কন্যাও আহত হইল। কাপ্তেন হালিডেনামক আর এক সৈনিক পুরুষ তাঁহার নির্জীব ও ক্ষুধার্ত স্ত্রীর জন্ত একবাটি ঘোড়ার মাংসের ঝোল লইয়া যাইতেছিলেন। সহসা গুলির আঘাতে তাঁহার মৃত্যু হইল। এক ঘণ্টার মধ্যে অপরূপ সৈনিকেরা বিপক্ষের নিষ্কিন্ত গুলির আঘাতে কিরূপে নিপীড়িত হইয়াছিল, কাপ্তেন টমসন্ সাহেব তাহার এইরূপ বিবরণ দিয়াছেন, “এক জন সৈনিক আর এক জন আহত সৈনিককে দেখিতে গিয়াছিল, সে যখন ঐ ব্যক্তির সহিত কথা কহিতেছিল, তখন উরুদেশে আহত হইয়া ভূপতিত হইল। আমি তাহার কাঁধে হাত দিয়া কোমর ধরিয়া তুলিলাম। যখন এইরূপ অবস্থায় অনাবৃত স্থল দিয়া তাহাকে গৃহে লইয়া যাইতেছিলাম, তখন আমার দক্ষিণ

সঙ্গে একটি গুলি লাগাতে আমরা উভয়েই ভূতলশায়ী হইলাম। আর দুই ব্যক্তি আসিয়া, আমাদেরকে টানিয়া ঘরে লইয়া গেল। আমি যখন গুলির আঘাতে নিপীড়িত হইয়া পড়িয়া রহিলাম, তখন এক জন সৈনিক আমার গুশ্রবার জন্ত সেই স্থানে আসিল। সহসা একটি গুলি তাহার স্বক ভেদ করিল। সেই আঘাতেই হতভাগ্যের মৃত্যু হইল*।” এক দলের তিন জন অফিসর এক স্থানে অবস্থিতি করিতেছিলেন। উপযু্যপরি গোলার আঘাতে তিন জনেরই মাথা উড়িয়া গেল। আর এক ব্যক্তি গুলির বৃষ্টির মধ্যে অনাবৃত স্থল দিয়া যাইতেছিল, অমনি গুলির আঘাতে মৃত্যুমুখে নিপতিত হইল। বৃদ্ধ সেনাপতির সহযোগিগণ এইরূপে প্রতিদিনই অনন্ত নিদ্রায় অভিভূত হইতে লাগিল। সেনাপতি আপনার বলক্ষয়ে সাতিশয় বিবল হইলেন। কেহ কেহ অধ্যুষিত স্থান রক্ষার সময়ে নিহত হইল। কেহ কেহ পীড়িতের গুশ্রযা করিতে যাইয়া চিরনিদ্রিত হইল। কেহ কেহ বা তৃষ্ণার্ভকে পানীয় ও ক্ষুধার্ভকে আহারীয় দিবার সময়ে মৃত্যুমুখে পতিত হইল। প্রাচীরের বহির্ভাগে একটি কূপ ছিল। শবরাশি ঐ কূপে নিক্ষিপ্ত হইতে লাগিল। প্রতি রাত্রিতেই বিপক্ষের আক্রমণভয়ে এইরূপে তাড়াতাড়ি সমাধি হইতে লাগিল। অবরুদ্ধদিগের অন্তর্দাহের বিরাম ছিল না। দিবসে তাহাদের মস্তকের উপর প্রচণ্ড মার্ভণ্ড নিরন্তর অলককণা বিকীর্ণ করিত। রাত্রিতেও শত্রুর নিক্ষিপ্ত প্রজ্বলিত অগ্নিময় পিণ্ডসকল আসিয়া তাহাদিগকে বিদগ্ধ করিয়া তুলিত। তাহাদের জীবনাধিক সন্তান, প্রিয়তমা প্রণয়িনী ও প্রীতিভাজন আত্মীয়স্বজনের মৃতদেহ প্রতিদিন একটি বিশুদ্ধ কূপে নিক্ষিপ্ত হইত। তাহারা এইরূপ শোচনীয় অবস্থায়, এইরূপ শোচনীয় দৃশ্যে দিন দিন বিশীর্ণ ও বিবল হইতে লাগিল।

এদিকে ইউরোপীয়দিগের কামানের গোলায় আক্রমণকারীদিগের অনেকে নিহত হইলেও তাহাদের একবারে বলহাস হয় নাই। স্থানান্তর হইতে অনেকে আসিয়া তাহাদের সহিত মিশিতে থাকে। আজিমগড়ের সপ্তদশ পদাতিদলের সিপাহীরা তাহাদের নিকট উপস্থিত হয়। কাণ-

* Thomson, Story of Cawnpur, p. 106-107.

পুরের অনতিদূরে চৌবেপুরনামক পল্লীতে লক্ষ্যের সিপাহীদলস্থিত কতকগুলি অশ্বারোহী ও পদাতি অবস্থিতি করিতেছিল। কথিত আছে, ইহারাও কাণপুরের সিপাহীদিগের সহিত সম্মিলিত হয়। এতদ্ব্যতীত বারাণসী ও এলাহাবাদের সিপাহীদিগেরও অনেকে কাণপুরে আইসে। মির নবাব নামক একজন সম্ভ্রান্ত মুসলমান ভূস্বামী ছইদল সৈন্তের সহিত নানা সাহেবের সাহায্যার্থ সমাগত হইলেন। লর্ড ডালহৌসীর পরবাজ্যাধিকারের সময়ে তিনি এই সৈন্তসংগ্রহ করেন। কিন্তু সে সময়ে তাঁহার হৃদয়গত বিদ্বেষানলের বিকাশ হয় নাই। এখন সুযোগ বুঝিয়া তিনি ডালহৌসীর কার্যের প্রতিশোধ দিতে উদ্যত হইলেন। এইরূপে অনেক স্থান হইতে অনেকে আসিয়া আক্রমণকারীদিগের দলবৃদ্ধি করে।

আক্রমণকারিগণ যত্নপূর্বক আপনাদের বাহু নিৰ্ম্মাণ করিয়াছিল। মৃৎ প্রাচীরের উত্তরদিকে ইঞ্জরেজদিগের ক্রীড়াগৃহের নিকটে কামান স্থাপিত হইয়াছিল। মনী নবাব নামক একজন ধনী মুসলমান এই স্থানের অধ্যক্ষতা গ্রহণ করিয়াছিলেন। পূর্বে হিন্দু সিপাহীরা ইহার ও বাকর আলী নামক আর একজন মুসলমানের গৃহ বিলুপ্তি করে। মনী নবাব ও বাকর আলী উভয়েই কারারুদ্ধ হইলেন। মুসলমান সিপাহীরা এজন্ত বিরক্ত হওয়াতে উভয়েই মুক্তিলাভপূর্বক নানাসাহেবের সম্মান সম্মানলাভ করেন। এই অবধি ইহারা উত্তেজিত সিপাহীদিগের পরিপোষক হইলেন। কথিত আছে, আজিজন অস্ত্রপরিগ্রহপূর্বক এই স্থানে কামানের পার্শ্বে দণ্ডায়মান হইয়া অশ্বারোহীদিগকে উৎসাহিত করিতেছিল। প্রাচীরের দক্ষিণপূর্ব দিকে মীর নবাব আপনার কামান স্থাপিত করিয়া, নিরন্তর গোলাবৃষ্টি করিতেছিলেন। পূর্বদিকে বাকর আলী সন্নিবেশিত কামানের তত্ত্বাবধানে নিয়োজিত ছিলেন। দক্ষিণ-পশ্চিম দিকে একটি বৃহৎ অট্টালিকা ছিল। ইঞ্জরেজেরা উহা “সাবেডার হাউস” নামে অভিহিত করিতেন। ক্রমে সাধারণের মধ্যে উহা “সবেদা কুঠী” নামে প্রসিদ্ধ হয়। ইঞ্জরেজের ক্রীড়াগৃহের দিকে যেমন মুসলমানেরা প্রবল ছিল। সবেদা কুঠীর দিকে সেইরূপ হিন্দুর প্রাধান্য ছিল। এই কুঠীতে নানাসাহেব পারিষদবর্গসহ অবস্থিতি করিতেছিলেন। সেনাপতি টীকাসিংহের শিবির এই স্থানে ছিল। সেনাপতি এই স্থানের

কামানসমূহের তত্ত্বাবধান করিতেন। তৃতীয়া তোপীপ্রভৃতি এই স্থানে ফিরিঙ্গীদিগকে সমূলে বিনষ্ট করিবার জন্ত আপনাদের কুটমন্ত্রণাজাল বিস্তার করিতেন। এইরূপে হিন্দু ও মুসলমান একসূত্রে সম্বন্ধ হইয়া ইঙ্গরেজের আত্মরক্ষার স্থান অবরুদ্ধ করিয়াছিল। আর নানা সাহেব ইহাদের ভয়েই ইহাদের পক্ষাবলম্বন পূর্বক নামেমাত্র সর্বসম্মত কর্তা হইয়াছিলেন।

শান্তিরক্ষণ ও বিচারকার্যনির্বাহের জন্ত নানা সাহেবের নামে বিভিন্ন ব্যক্তি নিয়োজিত হইয়াছিলেন। ছলাস সিংহনামক এক ব্যক্তি প্রধান শান্তিরক্ষক হইয়াছিলেন। বাবাতট প্রধান বিচারকের পদ গ্রহণ করিয়া ছিলেন। আজিমুল্লা ও জোয়ালাপ্রসাদপ্রভৃতিও প্রাড়বিবাকের কার্য করিতেছিলেন। কিন্তু ইহারা উত্তেজিত জনসাধারণ বা উদ্ধত সিপাহীদিগের উচ্ছ্বলতানিবারণে সমর্থ হইয়েন নাই। ইহাদের মতের বিরুদ্ধে নানাসাহেবের কিছুই করিবার সামর্থ্য ছিল না। ইহারা নানা সাহেবের নামে যথেষ্টভাবে সমুদয় কার্য করিতেছিলেন।

২১শে জুন অযোধ্যার উত্তেজিত অধিবাসিগণ আক্রমণকারীদের নিকটে উপস্থিত হওয়াতে, তাহারা ঐ দিন বিপক্ষদিগকে আক্রমণ করে। ২৩ শে জুন আক্রমণকারিগণ পূর্বাপেক্ষা অধিকতর উৎসাহসহকারে যুদ্ধের আয়োজন করে। এক শতাব্দী পূর্বে লর্ড ক্লাইব এই সময়ে পলাশীর আত্মকাননে আপনাদের আধিপত্য প্রতিষ্ঠা করিয়াছিলেন। শত বৎসর পরে সিপাহীরা সেই আধিপত্যভিত্তি বিপর্যস্ত করিবার মানসে বন্ধপরিকর হইল। লর্ড ক্লাইব যেরূপে বাঙ্গালার নবাবকে পদানত করিয়াছিলেন, সিপাহীরা ফিরিঙ্গীদিগকেও সেইরূপে আপনাদের পদানত করিতে কৃতসঙ্কল্প হইল। অশ্বারোহী ও পদাতিরা দলবদ্ধ হইয়া, ইউরোপীয়দিগকে আক্রমণ করিল। তাহারা সম্মুখভাগে কার্পাসের বড় বড় বস্তা সকল গড়াইয়া লইয়া ঘাইতে লাগিল। ইঙ্গরেজদিগের গির্জা তাহাদের এক পার্শ্বে ছিল। অপর পার্শ্বে অসম্পূর্ণ নূতন সৈনিকালয় রহিয়াছিল। উভয় দিকে এইরূপ গৃহ থাকাত্তে তাহাদের আক্রমণের বিস্তার সুবিধা ঘটিয়াছিল। তথাপি তাহারা কৃতকার্য হইতে পারিল না। তাহারা প্রবলপরাক্রমে যুদ্ধ করিয়াছিল, কিন্তু তাহাদের

সহযোগীগণ সাধারণতঃ রণপারদর্শী ছিল না। তাহারা সাময়িক পরিচ্ছদে সজ্জিত হয় নাই। অস্ত্রশস্ত্রে বলীয়ান হইয়া উঠে নাই, বা রণকৌশলেও অভিজ্ঞতালাভ করে নাই। সুতরাং তাহারা সহজেই চারি দিকে বিক্ষিপ্ত হইয়া পড়িল। দলভঙ্গ হওয়াতে সিপাহীরাও হটিয়া গেল। ইঙ্গরেজ আপনাদের অধ্যুষিত স্থানরক্ষা করিলেন, কিন্তু আর এক বিপদে তাহারা পূর্বাপেক্ষা অধিকতর নিপীড়িত ও অধিকতর বিব্রত হইয়া পড়িলেন।

এই সময়ে অবরুদ্ধগণ দুই তিন বার সাহায্যলাভের চেষ্টা করে। কিন্তু তাহাদের চেষ্টা ফলবতী হয় নাই। ২৪শে জুন একজন ফিরঙ্গী সৈনিক ছদ্মবেশে, এলাহাবাদ হইতে সাহায্যকারী সৈন্তের প্রত্যাশায়, প্রাচীরবেষ্টিত স্থান পরিত্যাগ করে। শেষে অরুতকার্য্য হইয়া, ফিরিয়া আইসে। ঐ দিন রসদবিভাগের সেকার্ডমাহেব বদলু নামধারণ পূর্বক বাবুর্জির বেশে যাত্রা করেন। সিপাহীরা তাঁহাকে অবরুদ্ধ করে। হতভাগ্য বদলুর প্রতি তিন বৎসরের জন্তু কঠিন পরিশ্রমের সহিত কারাবাসের আদেশ হয়*। এইরূপে হতভাগ্য অবরুদ্ধগণ আপনাদের প্রতিচেষ্টাতেই হতাশ হইয়া পড়ে। মানুষ বিপত্তিকালে বারংবার হতাশ হইলেও তাহার আশা বিরাম হয় না। মরুভূ বিহারী, তৃষ্ণার্ভ পথিক প্রতিমুহূর্ত্তে মায়াবিনী মরীচিকার উদ্ভাস্ত হইলেও আবার দূরে শ্যামল তৃণসমাচ্ছাদিত ভূখণ্ডের মধ্যবর্তী জলাশয় তাহার দৃষ্টি-পথবর্তী হয়। পথিক আবার আশ্বস্তহৃদয়ে সেই জলাশয়ের অভিমুখে ধাবিত হইতে থাকে। সে যতই অগ্রসর হয়, জলাশয় তাহাকে প্রতারণিত করিবার জন্তই যেন দূরে—অতিদূরে সরিয়া যাইতে থাকে। তথাপি হতভাগ্যের আশার নিবৃত্তি হয় না। হতভাগ্য অবরুদ্ধগণও বারংবার এলাহাবাদের দিকে দৃষ্টিপাত করিয়া সাহায্যকারী সৈন্তের প্রতীক্ষা করিতে লাগিল; কিন্তু এলাহাবাদ হইতে কেহই আসিল না; হতভাগ্যেরা একবার হতাশ হইয়াও আবার আশান্বিতহৃদয়ে সেই দিকে চাহিয়া রহিল। এদিকে

* জুলাই মাসে সেনাপতি হাবেলক কাণপুরে আসিলে সেকার্ড মাহেব মুক্তিলাভ করেন। বটপকাণ পদাতিদের খোদাবক্স নামক একজন জমাদার ইঙ্গরেজের পক্ষে ছিলেন। তিনিও বিপক্ষকর্তৃক অবরুদ্ধ হন। হাবেলকের আগমনে তাহার মুক্তিলাভ হয়। খোদাবক্স শেষে ব্রিটিশ গবর্নমেন্ট কর্তৃক পুরস্কৃত হন।

তাহাদের খাদ্যসামগ্রী অল্প হইয়া আসিল। এতদেশীয়গণ তাহাদিগকে খাদ্যসামগ্রী দিবার জন্ত যথোচিত চেষ্টা করিয়াছিল। অবরোধকারী সিপাহীদিগের জন্ত তাহাদের চেষ্টা সর্বাংশে সফল হয় নাই। একজন রুটী-ওয়াল একঝুড়ি রুটী লইয়া, প্রাচীরবেষ্টিত স্থানে যাইতেছিল। পথে সিপাহীগণ তাহাকে চিনিতে পারিয়া অবরুদ্ধ করিল। জহরী নামক আবকারী বিভাগের একজন কর্মচারী সুযোগক্রমে রুটী, ডিম, তুণ্ড ও ঘৃত পাঠাইয়া দিতেছিল। ১৪ই জুন রাত্রিতে দ্রব্যবাহক পনের ব্যক্তি ধৃত হয়। ইহাদের মধ্যে দুইটি স্ত্রীলোক ছিল। হতভাগ্যেরা সিপাহীদিগের কামানের মুখে আত্মবিসর্জন করিল, তথাপি জহরীর নাম প্রকাশ করিল না*। বিশ্বস্ত এতদেশীয়গণ পরের জন্ত এইরূপ অমানভাবে আত্মত্যাগ করিয়াছিল। এতদেশীয় ভৃত্যেরা এই দুঃসময়ে আত্মজীবনে উপেক্ষা করিয়া ইউরোপীয়দিগের পার্শ্বে থাকিতেও পরাঙ্গুথ হয় নাই। প্রাচীরবেষ্টিত স্থানে ইহাদের অনেকের প্রাণ বিনষ্ট হয়। একদা একটি গোলায় তিন জন জীবনবিসর্জন করে। আর একজন প্রভুর জন্ত গৃহান্তরে খাদ্য সামগ্রী লইয়া যাইতেছিল, সহসা গুলির আঘাতে মৃত্যুমুখে পতিত হয়। একটি আয়া শিশুসন্তান ক্রোড়ে করিয়া রহিয়াছিল, সহসা কামানের গোলায় তাহার পদদ্বয় ভগ্ন হইয়া যায়। এইরূপ বিপদের সময়েও প্রভুভক্ত বিশ্বস্ত ভৃত্যগণ আপনাদের প্রভুদিগকে পরিত্যাগ করে নাই। অবরুদ্ধগণ এতদেশীয়দিগের সাহায্যেও যখন খাদ্যদ্রব্য পাইল না, তখন নিদারুণ দুর্ভিক্ষে তাহাদের যাতনার একশেষ হইতে লাগিল। এ সময়ে যে কোন জীব তাহাদের দৃষ্টিগোচর হইত, তাহারা তাহারই মাংসে জঠরানলশান্তি করিতে সচেষ্ট হইত। একদা গ্রামের একটি কুকুর তাহাদের সম্মুখে আসিল, তাহারা অমনি উহা বধ করিয়া ঝোল প্রস্তুত করিল। এই অপূর্ব ঝোল তাহারা আগ্রহের সহিত গ্রহণ করিতে লাগিল। অস্বারোহীদের একটি বৃদ্ধ অশ্ব অন্ত্র সময়ে

* *Trevilyan Cawnpur*, p. 173.

† *Thomson Story of Cawnpur*, p. 111.

তাহাদের খাদ্যের জন্ত সমানীত হইল। একদা একটি ধর্মের ষাঁড় চরিতে চরিতে তাহাদের প্রাচীরের নিকটে আসিল। তাহারা নিদারুণ ক্ষুধার কাতর হইয়া উহার পবিত্রতার মর্যাদারক্ষা করিল না। অবধ্য ষাঁড় তাহাদের গুলিতে গতাস্থ হইল। তাহারা আপনাদের ঐ আদরণীয় খাদ্য প্রাচীরের অভ্যন্তরে আনিতে যত্নশীল হইল। আট দশজন দড়ী লইয়া প্রাচীরের বাহিরে আসিল এবং ষাঁড়ের শৃঙ্গে ও পশ্চাদ্ভাগের পদদ্বয়ে রজ্জুবদ্ধ করিয়া প্রাচীরের অভ্যন্তরে টানিয়া আনিল। সিপাহীদিগের গুলিতে কেহ কেহ আহত হইল, তথাপি কেহই পরম প্রীতিকর খাদ্য হস্তচ্যুত করিল না। অপরূপ এইরূপে যাহা নিকটে পাইতে লাগিল, তাহাই উদরসাৎ করিতে লাগিল। শেষে এইরূপ পশুও আর তাহাদের দৃষ্টিপথবর্তী হইল না। তাহারা প্রতিদিন যে পরিমাণে খাদ্য সামগ্রী পাইত, জুন মাসের শেষ সপ্তাহে প্রতিদিন তাহার অর্দ্ধাংশ করিয়া পাইতে লাগিল*। খাদ্যের অভাব অপেক্ষা জলের অভাবই তাহাদের নিরতিশয় কষ্টদায়ক হইয়া উঠিল। প্রাচীরবেষ্টিত স্থানে একটি মাত্র কূপ ছিল। কূপের ৬০৭০ ফীট নীচে জল পাওয়া যাইত। এই কূপও আক্রমণকারী সিপাহীদিগের লক্ষ্যভ্রষ্ট ছিল না। নিরন্তর গুলিবৃষ্টিতে কূপের দেয়াল নষ্ট হইয়া গিয়াছিল। যাহারা জল তুলিতে যাইত, সিপাহীরা তাহাদিগকেই লক্ষ্য করিয়া গোলাবৃষ্টি করিত। এইরূপে ভিস্তিগণ জীবনবিসর্জন করিতে লাগিল। গ্রীষ্মের নিদারুণ উত্তাপে জলের অভাবে সকলের অসহনীয় কষ্ট উপস্থিত হইল। অপেক্ষাকৃত সবল ব্যক্তিগণ নীরবে যাতনাভোগ করিতে লাগিল বটে, কিন্তু স্ত্রীলোক, শিশু সন্তান ও পীড়িতগণ স্থির থাকিতে পারিল না। তাহাদের হৃদয়বিদারক কাতরস্বরে সমগ্র সৈনিকনিবাস পরিপূর্ণ হইল। অনেকে মর্মান্তিক যাতনায় উন্মত্ত হইল। একটি মহিলা অনশনে ও পিপাসায় নিপীড়িত হইয়া, আপনার দুইটি শিশু সন্তান ছই বাহুতে লইয়া, যে স্থানে নিরন্তর গুলিবৃষ্টি

* ষর্ধন আত্মসমর্পণের প্রস্তাব চলিতেছিল, তখন প্রতিদিন এইরূপ আধপেটা করিয়া খাইলেও খাদ্যক্রম চারি দিনের অধিক বাইবার সম্ভাবনা ছিল না। — *Story of Cawnpur*, p. 134.

হইতেছিল, সেইস্থানে উপস্থিত হইল। অভাগিনী অসহনীয় যন্ত্রণা হইতে নিষ্কৃতিলাভের জন্ত গুলির আঘাতে শিশু সন্তানের সহিত আত্মবিসর্জনে গিরপ্রতিজ্ঞ হইয়াছিল, কিন্তু একজন সৈনিক অভাগিনীকে আত্মহত্যা করিতে দিল না। অভাগিনী তীব্র যাতনানলে নিরন্তর বিদগ্ধ হইয়া জীবনপরিত্যাগের জন্ত সেই স্থান হইতে অপসারিত হইল*। রাত্রিতেও কুপ হইতে জল তুলিবার সুবিধা ছিল না। জল তোলার শব্দ শুনিতেই আক্রমণকারিগণ সেই দিকে গোলাবৃষ্টি আরম্ভ করিত। ভিক্তিগণ যখন নিহত হইল, তখন জন্ ম্যাকফিলপ্ নামক একজন, সিভিল কর্মচারী জল তুলিবার ভার গ্রহণ করিলেন, কিন্তু এক সপ্তাহ অতীত হইতে না হইতে গুলির আঘাতে হতভাগ্য কর্মচারীর মৃত্যু হইল। তিনি বহুমূল্য পানীয় একজন মহিলাকে দিতে প্রতিশ্রুত হইয়াছিলেন, আসন্নকালেও প্রতিশ্রুতিপালনে তাঁহার ওদাসীত্ব রহিল না। তিনি কাতরস্বরে সেই তৃষ্ণার্তমহিলার জীবনরক্ষার জন্ত সেই অমূল্য পানীয় দিতে বলিয়া অনন্ত নিদ্রায় অভিভূত হইলেন। এইরূপে খাদ্য ও পানীয়ের অভাবে প্রতিদিনই অবরুদ্ধদিগের জীবনীশক্তির হ্রাস হইতে লাগিল। শিশুসন্তানগুলি বিগুঞ্চ-মুখে জলের পুরাতন থলিয়া, আর্দ্র কান্‌বিশ্ বা চর্ম্ম চুষিতে লাগিল। একবিন্দু জলে বিগুঞ্চ ওষ্ঠ আর্দ্র করিবার জন্ত উহারা ঐ সকল দ্রব্য মুখ হইতে সহজে বহিষ্কৃত করিল না। আত্মরক্ষাকারিগণ ঈদৃশ শোচনীয় দৃশ্যে অবসন্ন হইতে লাগিলেন। অনশনে, অনিদ্রায়, পানীয়ের অভাবে, শত্রুর নিরন্তর গোলাবৃষ্টিতেও তাহারা ধীরতারক্ষা করিতেছিলেন। কিন্তু প্রাণসমা প্রণয়িনী ও প্রাণাধিক শিশুসন্তানগুলির চূর্ণদেহ দেখিয়া, তাঁহারা স্থির থাকিতে পারিলেন না। তাঁহারা জামা ও মোজার অধিকাংশই আহতদিগের ক্ষতস্থান বান্ধিবার জন্ত দিয়াছিলেন। সুতরাং তাঁহাদের গাত্রচ্ছদ বা পদাবরণ অধিক ছিল না। এদিকে জলের অভাবে শিশুদিগের গাত্র মার্জিত হইত না। মহিলাদিগের পরিচ্ছদও পরিষ্কৃত করিবার সুবিধা ছিল না। খাদ্য ও পানীয়ের অভাবে যেকোন সকলে বিগুঞ্চ ও কঙ্কালমায়ে

* *Martin, Indian Empire. Vol. II. p, 257.*

পর্যবসিত হইতে লাগিল, পারিষ্কৃত পরিচ্ছদের অভাবে সেইরূপ সকলে পঙ্কিলভাবে পরিপূর্ণ হইয়া উঠিল। তাহাদের সৌন্দর্য্য, মাধুর্য্য সমস্তই অস্তহিত হইল। বিপক্ষেরা যখন সর্ববিষয়ে তাহাদের এইরূপ অভাবের বিষয় জানিতে পারিল, তখন তাহাদের পূর্বাপেক্ষা অধিকতর আশার সঞ্চার হইল। তাহারা উদ্দেশ্যসিদ্ধির বিষয়ে অসন্দিগ্ধ হইয়া, সুসময়ের প্রতীক্ষা করিতে লাগিল।

তিন সপ্তাহ এইরূপে অতিবাহিত হইল। তিন সপ্তাহের মধ্যে অপরূপগণ আত্মপক্ষের আড়াইশত ব্যক্তিকে পূর্বোক্ত কূপে সমাহিত করিলেন*। তিন সপ্তাহকাল তাহারা অসহনীয় কষ্ট অশ্রুতপূর্ব যাতনাভোগ করিলেন। কোন স্থান হইতে তাহাদের সাহায্যজ্ঞ সৈন্য আসিল না। এদিকে শত্রুর গোলাবৃষ্টিতে ও অতিসারপ্রভৃতি রোগে তাহাদের সংখ্যা অল্প হইল, তাহাদের কামান সকল অকর্মণ্য হইয়া পড়িল। তাহাদের বারুদ, গোলা প্রভৃতি প্রায় নিঃশেষ হইয়া আসিল। তাহাদের খাদ্যদ্রব্যের একান্ত অভাব উপস্থিত হইল। অনশনে অধ্যুষিত স্থান রক্ষা করা অসম্ভব ছিল। স্ত্রীলোক, বালকবালিকা ও রুগ্ন ব্যক্তিদিগকে লইয়া, শত্রুর ব্যুহভেদ পূর্বক স্থানান্তরে গমনেরও সুবিধা ছিল না। সুতরাং তাহারা সর্ববিষয়ে সর্বাংশে হতাশ হইয়া পড়িলেন। যখন তাহারা বিষন্নভাবে ও কাতরনয়নে আপনাদের অবস্থায় পরিতপ্ত হইতেছিলেন, তখন সহসা একটি খ্রীষ্টধর্ম্মা-বলম্বিনী মহিলা মৃৎপ্রাচীরের সমীপবর্ত্তিনী হইল। একজন ইউরোপীয় শাস্ত্রী গুপ্তচর ভাবিয়া তাহাকে গুলি করিতে উদ্যত হইল। অমনি কাপ্তেন টমসন তাহাকে নিবারিত করিলেন। মহিলা নানা সাহেবের শিবির হইতে একখানি পত্র লইয়া তাহাদের নিকট উপস্থিত হইল†। পত্রে এই কয়েকটি কথা

* সিপাহীদিগের কত ব্যক্তি নিহত হইয়াছিল, তাহা সূক্ষ্মরূপে নির্ণীত হয় নাই। কাপ্তেন টমসন লিখিয়াছেন, যখন তিনি সঙ্গার ঘাটে গমন করেন, তখন একজন বিপক্ষ সিপাহীকে এ বিষয়জিজ্ঞাসা করিয়াছিলেন। সিপাহী পূর্বে তাহাদের দলে ছিল। কাপ্তেনের জিজ্ঞাসায় সিপাহী কহিয়াছিল, তাহাদের ৮০০ হইতে ১০০০ লোক নিহত হইয়াছিল।—*Thomson Story of Cawnpur*, p, 104.

† কেহ কেহ এই মহিলাকে গ্রিনওয়েনামক কাণপুরের একজন ধনী সাহেবের পত্নী বিধি গ্রিনওয়ে বলিয়া নির্দেশ করিয়াছেন। কেহ কেহ বা ষড়ীওয়াল জে.বি. সাহেবের

লিখিত ছিল, “মহারাণী বিক্টোরিয়ার প্রজাগণ সমীপে,—লর্ড ডালহৌসীর কার্যের সহিত যাহাদের কোন অংশে কোনরূপ সংশ্রব নাই এবং যাহাদের অস্ত্রাদিপরিত্যাগের ইচ্ছা আছে, তাহারা নিরাপদে এলাহাবাদে বাইতে পারিবে।” পত্রখানি আজিম উল্লার হস্তলিখিত। উহাতে কাহারও স্বাক্ষর ছিল না, বুদ্ধ সেনাপতি পত্র পাইয়া, আত্মসমর্থনে অনিচ্ছা প্রকাশ করিলেন। নানা সাহেব বা তদীয় মন্ত্রী আজিম উল্লার উপর তাঁহার বিশ্বাস ছিল না। সুতরাং তিনি অস্ত্র পরিত্যাগপূর্বক মহিলাগণ ও বালকবালিকাটিকে লইয়া বিপক্ষের নিকটে উপনীত হইতে সম্মত হইলেন না। অপেক্ষাকৃত তরুণবয়স্ক অফিসরেরাও অস্ত্রমকাল পর্য্যন্ত যুদ্ধ করিবার অভিপ্রায় প্রকাশ করিতে লাগিলেন। সেনাপতি, কাশেন মুর ও হুইটিং নামক দুইজন সহযোগীর সহিত উপস্থিত বিষয়ে পরামর্শ করিলেন। ইহারা উভয়েই কহিলেন, যদি স্ত্রীলোক, শিশুসন্তান ও বহুসংখ্যক পীড়িত ব্যক্তি নিকটে না থাকিত, তাহা হইলে শেষ পর্য্যন্ত যুদ্ধ করাই শ্রেয়স্কর ছিল। কিন্তু যখন এই সকল অসহায় জীবের রক্ষার কোন উপায়ই নাই, তখন আত্মসমর্পণের প্রস্তাবে সম্মত হওয়াই উচিত। সুতরাং নানা সাহেবের নামে আজিম উল্লার হস্তে লিখিত যে প্রস্তাব উপস্থিত হইয়াছিল, তাহা অগ্রাহ হইল না। আগন্তুক মহিলা নানা সাহেবের শিবিরে উপনীত হইয়া, প্রকাশ করিল যে, সেনাপতি হুইলর ও তাঁহার প্রধান অফিসরেরা উপস্থিত বিষয়ে পরামর্শ করিয়া উত্তর দিবেন। এই সংবাদে সিপাহীরা ইউরোপীয়দিগের প্রতি গোলানিক্ষেপে নিরস্ত থাকিল। পরদিন (২৫শে) প্রাতঃকালে আজিম উল্লা ও নানা সাহেবের অশ্বারোহিদলের অধ্যক্ষ জোয়ালা প্রসাদ ইউরোপীয়দিগের মৃৎপ্রাচীরের নিকটবর্তী হইলেন। কাকেন মুর, হুইটিং ও ডাকঘরের কর্মচারী রোডে সাহেব সমাগত দূতদ্বয়ের সহিত সমস্ত বিষয় ঠিক করিবার জন্য গমন করিলেন। অনন্তর উভয় পক্ষের সম্মতিক্রমে অবধারিত হইল যে, ইন্ডরেজেরা তাঁহাদের প্রাচীরবেষ্টিত স্থান, তাঁহাদের কামান ও

পত্নী বলিয়াছেন। ইহারা উভয়েই নানা সাহেবের বন্দী হইয়াছিলেন। বিবি জেকবি পাখীতে আসিয়াছিলেন।—*Trevilian, Cawnpur, p. 217,*

তাঁহাদের টাকাকড়ি, পরিত্যাগ করিবেন। তাঁহারা আপনাদের বন্দুক ও অস্ত্র এবং প্রত্যেকে ঘাটবার গুলিনিক্ষেপের উপযোগী বারুদ ও টোটা লইয়া ঘাইতে পারিবেন। নানা সাহেব তাঁহাদিগকে নিরাপদে নদীতটে লইয়া ঘাইবেন, ঘাটে তাঁহাদের জন্ত নৌকা প্রস্তুত থাকিবে এবং তাঁহাদের আহারের জন্ত পর্যাপ্তপরিমাণে আটা দেওয়া হইবে। এই সময়ে, আজিম উল্লা ও জোয়াল প্রসাদের সঙ্গীদিগের কেহ কেহ কহিল, “আমরা পাঁঠা ও ভেড়াও দিব।” এই সকল প্রস্তাব কাগজে লিখিত ও আজিম উল্লার হস্তে সমর্পিত হইল। আজিমউল্লা উহা নানা সাহেবের নিকটে লইয়া গেলেন। অপরাহ্নে একজন সওয়ার ইঞ্জরেজদিগের নিকটে উপস্থিত হইয়া কহিল, “মহারাজ নানা সাহেব সকল প্রস্তাবেই সন্মত হইয়াছেন, তাঁহার আদেশে অদ্য রাত্ৰিতেই সকলকে প্রাচীরবেষ্টিত স্থানপরিত্যাগ করিতে হইবে।”

বৃদ্ধ সেনাপতি আবার আপত্তিপ্রকাশ করিতে লাগিলেন। সেই রাত্ৰিতে যাত্রা করা অসম্ভব বলিয়া, তিনি সন্ধিপত্র ফিরাইয়া দিলেন, এবং কহিলেন যে, পরদিন প্রাতঃকাল তিন তাঁহারা কোন ক্রমে আপনাদের স্থানপরিত্যাগ করিতে পারেন না। সওয়ার চলিয়া গেল। কিছুক্ষণ পরে ফিরিয়া আসিয়া কহিল, “ইঞ্জরেজদিগের বর্তমান অবস্থা মহারাজ ধুন্ধুপস্থ নানা সাহেবের অবিদিত নাই। মহারাজ যদি আবার গোলাবৃষ্টি আরম্ভ করেন, তাহা হইলে সকলকেই মৃত্যুমুখে পতিত হইতে হইবে।” কিন্তু ইঞ্জরেজেরা এই ভয়প্রদর্শনে বিচলিত হইলেন না। তাঁহারা দৃঢ়তার সহিত অশ্বারোহীকে কহিলেন, “আমরা অটলভাবে বীরশয্যায় শয়ন করিব, তথাপি এই রাত্ৰিতে স্থানপরিত্যাগ করিব না।” অশ্বারোহী প্রতিগমন করিল। কিয়ৎকাল পরে আবার প্রত্যাবৃত্ত হইয়া কহিল, নানা সাহেব তাঁহাদের কথা সন্মত হইয়াছেন। পরদিন প্রাতঃকালে সকলকে এলাহাবাদে যাত্রার জন্ত প্রস্তুত থাকিতে হইবে। বিপদের শিবির হইতে তিন ব্যক্তি আসিয়া প্রতিভূস্বরূপ সেই রাত্ৰিতে ইঞ্জরেজদের নিকটে রহিল। ইহাদের মধ্যে জোয়াল প্রসাদ ছিলেন। তিনি মুখে বৃদ্ধ সেনাপতির নিকটে বিশিষ্ট সৌজন্মের পরিচয় দিলেন। দীর্ঘকাল সিপাহীদিগের মধ্যে

গাকিয়াও যে, সেনাপতিকে শেষ দশায় সেই অধীন সিপাহীদিগেরই হস্তে নিগৃহীত ও নিপীড়িত হইতে হইল, তজ্জন্ত তিনি দুঃখপ্রকাশ করিতেও বিমুখ হইলেন না। সূর্য্য অস্তগত হইবার প্রাকালে ইকবেরজেরা আপনাদের কামানসমূহ বিপক্ষের হস্তে সমর্পণ করিলেন। বিপক্ষের কতিপয় গোলন্দাজ সৈনিক সমস্ত রাত্রি সেই কামানের পার্শ্বে দণ্ডায়মান রহিল। নৌকা সকল প্রস্তুত রহিয়াছে কি না, দেখিবার জন্ত ইকবেরজপক্ষের তিনটি সৈনিক পুরুষ হাতীতে চড়িয়া গঙ্গার ঘাটে গমন করিলেন। কতিপয় সওয়ার তাঁহাদিগকে ঘাটে লইয়া গেল। তাঁহারা ঘাটে গিয়া, প্রায় চল্লিশখানি নৌকা দেখিতে পাইলেন। কোন কোন নৌকার ছই প্রস্তুত ছিল। কোন খানির ছই প্রস্তুত হইতেছিল। খাদ্যদ্রব্যসংগ্রহেরও আরোজন হইতেছিল। ইহা দেখিয়া সৈনিক পুরুষত্রয়ের মনে কোনরূপ সন্দেহের আবির্ভাব হইল না*। সমস্তি ব্যাহারী অখারোহীরাও তাহাদের কোনরূপ অনিষ্ট করিল না। তাহারা অক্ষতশরীরে ও অসন্দ্বিগ্ধভাবে আপনাদের প্রাচীরবেষ্টিত স্থানে প্রত্যাবৃত্ত হইলেন। টড্‌নামক একজন ইকবেরজ নানা সাহেবকে ইংকরেজীশিক্ষা দিতেন। তিনি সন্ধিপত্র লইয়া নানার স্বাক্ষরের জন্ত সবেদা কুটীতে গেলেন। নানা আপনার শিক্ষাগুরুর বধোচিত আদর ও অভ্যর্থনা করিলেন। তাঁহার সৌজন্তের কোনও ক্রটি লক্ষিত হইল না। তিনি সন্ধিপত্র স্বাক্ষরিত করিয়া শিক্ষাগুরুর হস্তে সমর্পণ করিলেন।

* ইঁহারা যখন ঘাটে উপনীত হইলেন, তখন ইঁহাদের এতদেপীয় ভৃত্যেরা বিখণ্ডতার পরিচয় দিতে বিমুখ হইল না। বটপকাশ পরাতিদলের অধিনায়ক কর্ণেল উইলিয়মসের ভৃত্য কয়েকটি আত্মর লইয়া ইঁহাদের নিকট উপনীত হইল এবং আশ্রয়সহকারে প্রভুর কুশল-জিজ্ঞাসা করে। অধিনায়কের মৃত্যু হইয়াছিল। তদীয় পত্নী জীবিত ছিলেন। ২৭শে জুন যখন ইউরোপীয়েরা এলাহাবাদে যাইবার জন্ত গঙ্গার ঘাটে উপনীত হইলেন, তখন এই বিখণ্ড ভৃত্য আপনাকে প্রভুপত্নীর নিকটে লইয়া যাইবার জন্ত বটপকাশ দলের হাথিলয়ার আনন্দদীনকে অনুরোধ করে। আনন্দদীন ইকবেরজের বিপক্ষদলে মিশিয়াছিল; একত্ৰ ভৃত্যকে কছিল, সে আর অধিনায়কের পত্নীকে মুখ দেখাইতে পারে না; ইহা কহিয়া চারি জন সিপাহী দ্বারা ভৃত্যকে তাহার প্রভুপত্নীর নিকটে পাঠাইয়া দিল। ভৃত্যেরা অনিবার্য্য ঘটনার বাধ্য হইয়া, প্রভুদিগকে পরিত্যাগ করিলেও প্রভুতন্তি হইতে বিচ্যুত হইল না।—

Trevelyan, Cawnpur, p. 237-238.

টড্ সাহেব নানার শিষ্টতার পরিতুষ্ট হইয়া, প্রাচীরবেষ্টিত স্থানে প্রত্যাহৃত হইলেন।

২৭ শে জুন প্রত্যুষে প্রাচীরবেষ্টিত স্থানের ইউরোপীয়েরা এলাহাবাদে যাত্রার জন্ত প্রস্তুত হইতে লাগিলেন। আপনারা অচিরাৎ মুক্তিলাভ করিবেন, ভাবিয়া, সকলেই আশ্বস্তহৃদয়ে দ্রব্যাদির সংগ্রহে তৎপর হইলেন। কেহ কেহ মূল্যবান্ অলঙ্কারের বাক্স গোপনীয় স্থান হইতে বাহির করিলেন। কেই কেহ শাস্তিদায়ক ধর্মগ্রন্থ সঙ্গে লইলেন। কেহ কেহ আপনাদের চিরসহচর পিস্তল ও বন্দুক লইয়া, বাহিরে আসিলেন। ইহাদের বিবাদ-মলিন মুখমণ্ডল আবার অভিনব আশায় প্রফুল্ল হইল। ইহারা ধীরে ধীরে একে একে আপনাদের হুঃসহ হুঃখের সাক্ষীভূত ও আপনাদের শোচনীয় অবস্থার নিদর্শনজ্ঞাপক স্থানের নিকটে বিদায়গ্রহণ করিলেন। ইহারা যাতনায় অবসন্ন, অনাহারে শীর্ণ ও দুশ্চিন্তায় মলিন হইয়াছিলেন। সৌন্দর্য্য-শালিনী মহিলাদিগের সৌন্দর্য্য বিনষ্ট হইয়াছিল। যুবতীর যৌবনদশা অন্তর্দ্বন্দ্বিত করিয়াছিল। বালকবালিকার কুসুমকোমল কলেবর কঙ্কাল-মাজে পর্য্যবসিত হইয়া গিয়াছিল। সকলের ললাটে গভীর বিবাদের রেখাপাত হইয়াছিল। সকলের মুখমণ্ডলই বিষম অন্তর্দাহে বিগুঢ় হইয়া গিয়াছিল, এবং সকলের অপরিষ্কৃত ও ছিন্ন পরিচ্ছদই নিরতিশয় শোচনীয় দশার পরিচয় দিতেছিল। ইহাদিগকে গঙ্গার ঘাটে লইয়া ঘাইবার জন্ত হাতী ও পাকী প্রস্তুত ছিল। মহিলাগণ ও বালকবালিকাদিগের অনেককে গরুর গাড়ী বা হাতীতে এবং রুগ্ন ও আহতদিগকে পাকীতে তুলিয়া দেওয়া হইল। সমর্থ ইউরোপীয়গণ কটিদেশে পিস্তল ও স্বল্পদেশে বন্দুক লইয়া ধীরপদবিক্ষেপে অগ্রসর হইতে লাগিলেন। ধীরে ধীরে একে একে এইরূপে সর্বসমেত প্রায় ৪৫০ জন ইউরোপীয় তীরাভিমুখে গমন করিলেন*। নগরের অধিবাসিরা ইহাদিগকে দেখিবার জন্ত দলে দলে আসিতে লাগিল। ইহাদের বিশীর্ণ দেহ, ইহাদের মলিন পরিচ্ছদ, ও ইহাদের বিষন্নভাব দেখিয়া, তাহাদের অনেকে হুঃখপ্রকাশ করিতে লাগিল। অনেকে বিষ্ময়ে অভিভূত হইল, এবং

* Trotter, British Empire in India, Vol. II. p. 142.

অনেকে আপনাদের পূর্বাপেক্ষা অধিকতর ভয়ঙ্কর ভাবের পরিচয় দিবার সুযোগপ্রতীক্ষা করিতে লাগিল। বর্ষীয়ান সেনাপতি স্ত্রী ও কস্তাগণের সহিত পদব্রজে নদীতটে উপনীত হইলেন*।

গঙ্গার সতীচৌর ঘাটে নৌকা প্রস্তুত ছিল। এই ঘাট ইন্দরেজদিগের প্রাচীরবেষ্টিত স্থানের এক মাইল দূরবর্তী ও উত্তরপশ্চিম দিকে অবস্থিত। ঘাটের নিকটে হরদেবের একটি মন্দির ছিল। নিকটবর্তী সতীচৌর পল্লীর নামানুসারে ঘাট উক্ত নামে প্রসিদ্ধ হইয়াছিল। ঘাটে যাইবার পথে একটি শ্বেতবর্ণ কাষ্ঠময় সেতু ছিল। ইউরোপীয়েরা এই সেতু দিয়া ঘাটের দিকে অগ্রসর হইতে লাগিলেন। সিপাহীরা নিকটে আসিয়া তাঁহাদিগকে অনেক কথাজিজ্ঞাসা করিতে লাগিল। তাহারা এক সময়ে যে সকল অধিনায়কের আদেশানুসারে পরিচালিত হইত, তাঁহাদের মৃত্যুসংবাদ শুনিয়া দুঃখপ্রকাশ করিতেও ক্রটি করিল না। কথিত আছে, একজন আহত সেনানায়ক সকলের শেষে পাকীতে যাইতেছিলেন, তাঁহার প্রিয়তমা বনিতা পদব্রজে তাঁহার পার্শ্বে পার্শ্বে গমন করিতেছিলেন। কতিপয় উত্তেজিত সিপাহী তাঁহাদিগকে এইরূপ অসহায় দেখিয়া, পাকীবাহকদিগের গতিরোধ করিল। বাহকেরা তাহাদের কথায় পাকী নামাইল। অমনি তাহারা আপনাদের অধিনায়ককে নিহত করিল। কর্ণেলের বনিতাও তাহাদের অজ্ঞাঘাতে মৃতস্বামীর পার্শ্বে দেহত্যাগ করিলেন।

* কাপ্তেন টমসন লিখিয়াছেন, সেনাপতি আক্সপরিবারবর্গের সহিত পদব্রজে গিয়াছিলেন (*Thomson, Story of Cawnpur, p. 104.*) অন্তিমতানুসারে সেনাপতির স্ত্রী ও ছুহিতারা নানা সাহেবের হাতীতে (নানা, বৃদ্ধ সেনাপতিকে লইয়া যাইবার জন্য এই হাতী পাঠাইয়াছিলেন) গিয়াছিলেন। সেনাপতি স্বয়ং পাকীতে নদীতটে উপনীত হইয়াছিলেন। জলের ধারে আসিয়া সেনাপতি বেহারাদিগকে কহিলেন “আমাকে নৌকার দিকে আর একটু দূর লইয়া যাও।” একজন সোয়ার তাহাকে বলিল “না। এইখানে পাকী হইতে বাহির হও।” সেনাপতি যেমন বাহির হইলেন, অমনি সোয়ার তাঁহার গলদেশে অসির আঘাত করিল। সেনাপতি জলে পতিত হইলেন (*Trevelyan, Cawnpur, p. 247*). এইরূপ পরস্পরবিরোধী কথা হইতে সত্যের নির্ধারণ বড় সহজ নহে।—*Kaye Sepoy War. Vol. II. 337, note.*

উপস্থিত সময়ে তাগীরনী স্মৃতি সঙ্গীর্ণা ছিল। বর্ষার জল না হওয়াতে স্থানে স্থানে চড়া আগিয়াছিল। এদিকে নৌকার উঠিবার সিঁড়ী ছিল না। চড়ার অল্প নৌকাও তটদেশের সহিত সংলগ্ন ছিল না। জলবৃষ্টি না হওয়াতে ভটভূমিও অতি উচ্চ ছিল। ইউরোপীয়েরা হাঁটু জলে দাঁড়াইয়া মহিলা, বালকবালিকা, রোগাতুর ও আহতদিগকে নৌকার ভুলিতে লাগিলেন। বেলা নয়টার মধ্যে প্রায় সকলেই নৌকার উঠিল। তটদেশে অনেক লোক সমাগত হইয়াছিল। তাঁতিয়া তোপী তটদেশবর্তী দেব-মন্দিরের সম্মুখে অবস্থিতি করিতেছিলেন। আজিম উল্লা টাকাসিংহ প্রভৃতিও ঐ স্থানে ছিলেন। অখারোহী সৈনিকেরা তটদেশে আপনাদের অশ্বে অধিষ্ঠিত ছিল। পদাতিক ও গোলন্দাজ সৈনিকেরাও ঐ স্থানে রহিয়াছিল। ইহারা দীর্ঘকাল নিশ্চেষ্ট ভাবে রহিল না। ভেরী বাজিয়া উঠিল। পবিত্রসলিলা জাহুবীতে অবিলম্বে ভীষণ সংহারকার্যের অমুষ্ঠান হইল।

নৌকারূঢ় ইউরোপীয়েরা ভেরীধ্বনিতে চমকিত হইলেন। দেখিতে দেখিতে তাহাদের উপর গুলিবৃষ্টি হইতে লাগিল। এ দিকে ভেরী বাজিয়া উঠিলেই, নৌকার মাঝি মাল্লারা নৌকা হইতে লক্ষ দিয়া উর্দ্ধ্বাসে তীরা-ভিমুখে ধাবিত হইল। পূর্ব সঙ্কেত অনুসারে তাহাদের কেহ কেহ প্রজ্বলিত অঙ্গার নৌকার তৃণাচ্ছাদিত ছইয়ের মধ্যে গুঁজিয়া দিতে ক্রটি করিল না। অবিলম্বে নৌকার ছই জলিয়া উঠিল। কথিত আছে, তাঁতিয়া তোপীর আদেশে কয়েকটি কামান নদীতটে আনীত হইয়াছিল। এখন ঐ সকল কামান হইতে গোলায় পর গোলাবৃষ্টি হইতে লাগিল। রুগ্ন ও আহত ব্যক্তি এবং বালকবালিকাগণের অনেকে প্রজ্বলিত অনলে বিদগ্ধ হইল। মহিলারা প্রাণাধিক সস্তান গুলিকে বুকে লইয়া নদীর জলে কাঁপ দিল। কিন্তু অভাগিনীরা পরিত্রাণ পাইল না। অখারোহিগণ জলমধ্যে অশ্ব পরিচালিত করিয়া তাহাদের অনেককে নিহত করিল। জাহুবীর পবিত্র জল নিঃসহার নির্দোষ ও নিরীহ জীবের শোণিতে রঞ্জিত হইয়া উঠিল। বাহারা দৌড়িয়া তটদেশে উপনীত হইল, তাহাদের কেহ কেহ পদাতিক সঙ্গীনে প্রাণত্যাগ করিল। কেহ কেহ অবরুদ্ধ হইল। এই শোচনীয় হত্যাকাণ্ডে উদ্ভেক্ত

সিপাহীদিগের হৃদয়ে দয়ার উদ্রেক হইল না। অশ্রুতিপর সেনাপতিকে দেখিয়া তাহারা বিচলিত হইল না। অসহায় মহিলাদিগের হৃদয় তাহারা কাতর হইয়া পড়িল না, বা মাতার বক্ষঃস্থলস্থিত নিরীহ শিশুর বিষণ্ণ ভাবেও তাহারা করুণাপ্রকাশ করিল না। ঘোরতর বিশ্বাসঘাতকতার শাস্তিদায়িনী সুরধ্বনির পবিত্র সনিলে অবাধে কোমলাঙ্গী কামিনীর ও কোমলপ্রাণ শিশুদিগের শোণিতপাত হইল। হিতৈষিণী অবলা অপরের প্রাণরক্ষার জন্য আত্মবিসর্জনেও কাতর হইল না। একটি নীচজাতীয়া দরিদ্রা হিন্দু-রমণীর প্রতি দুই বৎসরের একটি ফিরিকী সন্তানের রক্ষার ভার ছিল। সন্তানের মাতা পিতা, উভয়েই অবরোধের সময়ে নিহত হইয়াছিল, কেবল এই দরিদ্রা স্ত্রীই শিশুর একমাত্র অভিভাবক ছিল; হুঃখিনী ধাত্রী শিশুটির জন্মাবধি প্রতিপালন করিয়া আসিতেছিল সুতরাং তাহাকে সে প্রাণের অপেক্ষা অধিক ভাল বাসিত। পিতৃহীন ও মাতৃহীন হুঃখী সন্তান, কেবল এই হুঃখিনী নারীর অল্পপম স্নেহে রক্ষিত হইতেছিল।

ফিরিকী সন্তানের প্রতিপালিকা ধাত্রী শিশুটিকে ক্রোড়ে করিয়া, আপনার পঞ্চদশ বৎসরবয়স্ক পুত্রকে সঙ্গে লইয়া, নৌকায় আরোহণ করিয়াছিল। সে উপস্থিত বিপদ হইতে রক্ষা পাইবার জন্য শিশু সন্তানটিকে বক্ষঃস্থলে চাপিয়া রাখিয়া, পুত্রের সহিত নৌকা হইতে নামিল, এবং সবেগে তীরভি-মুখে অগ্রসর হইতে লাগিল। ভীষণ কামানধ্বনি ও কৃতান্তসহচর সিপাহীদিগের কলরবমধ্যে অসহায় রমণী দুইটি সন্তান লইয়া প্রাণভয়ে তটদেশ লক্ষ্য করিয়া দৌড়িতে আরম্ভ করিল, কিন্তু হুঃখিনী পরিভ্রাণ পাইল না। তীরে সিপাহীগণ নিক্ষেপিত অসিহস্তে দণ্ডায়মান ছিল। ধাত্রী যেই তটদেশে উপনীত হইয়াছে, অমনি তাহাদের একজন দক্ষিণ হস্তে অসি উত্তোলন করিয়া, ফিরিকীসন্তানকে ধরিবার জন্য বাম হস্ত প্রসারণ করিল। স্নেহময়ী নারী নরঘাতকের হস্তে শিশুটিকে সমর্পণ করিল না, নিজের অঙ্গাঙ্গাদন দ্বারা তাহাকে দৃঢ়রূপে জড়াইয়া, বাহ-দেশমধ্যে চাপিয়া রাখিল।

সিপাহী-অসির আকালন করিয়া, ভীতভাবে কহিল, “বালকটিকে হাতে দাও। তোমার শরীর অক্ষত থাকিবে।”

তেজস্বিনী খাত্তী গভীরস্বরে উত্তর করিল, “আমি কখনই আমার সন্তানকে তোমার হাতে দিব না। ঈশ্বরের করুণা স্মরণ করিয়া আমাদের উভয়ের প্রতি দয়াপ্রদর্শন কর।”

“বালককে সমর্পণ না করিলে দয়ার প্রত্যাশা নাই।” সিপাহী সরোষে ইহা কহিয়া, পুনরায় হস্তপ্রসারণ করিল। কিন্তু খাত্তী দৃঢ়রূপে জড়াইয়া ধরিয়া ছিল, ছাড়িয়া দিল না।

খাত্তীর পঞ্চদশবর্ষীয় পুত্র নিকটে ছিল। সে কাতরস্বরে কহিল, “মা! শিশুটিকে দিয়া আপনার প্রাণরক্ষা কর।”

পুত্রের কাতর প্রার্থনায় দয়াবতী রমণী আপনার প্রতিজ্ঞা হইতে ঋণিত হইল না; নির্ভয়ে অটলসাহসে উত্তর করিল, “না, তাহা কখনই হইবে না।”

এই কথা বলিবামাত্র ঘাতকের উত্তোলিত অসি সবেগে তাহার মস্তকে নিপতিত হইল, দারুণ আঘাতে মস্তক বিদীর্ণ হইয়া গেল। খাত্তী অচেতন হইয়া ধরাশায়িনী হইল। আর তাহার চেতন হইল না। অভাগিনী অবলা অনাথ শিশুর জন্ত নীরবে, ধীরভাবে প্রাণবিসর্জন করিল।

সিপাহী ফিরিঙ্গীশিশুটিকে বধ করিল। এক মাত্র খাত্তীপুত্রের প্রাণ রক্ষা পাইল। সিপাহী তাহার প্রতি কোন অত্যাচার করিল না।

এই ঘটনার চারি বৎসর পরে পূর্বোক্ত খাত্তীর পুত্র অযোধ্যায় উপনীত হয়। জননীর মৃত্যুর কথা উখাপিত হইলে, সে কহিল, “মা আমার কথা শুনিলে প্রাণরক্ষা করিতে পারিতেন, ফিরিঙ্গী শিশুকে বাঁচাইতে বাইয়া, উভয়েই হত হইলেন।

কথিত আছে, ইঙ্গরেজেরা আশ্রয়কার স্থান পরিত্যাগ করিলে কতকগুলি লোক মূল্যবান্ জব্বাদি পাইবার আশায় ঐ স্থানে গমন করে। কিন্তু তাহাদের আশা কলহতী হয় নাই। একজন উদ্ভূপরিচালক সর্বপ্রথম বাইল তিনটি অকর্ণণ্য শিশুর কামান, দুইটি স্বতের বোতল ও কিছু বন্দুকা দেখিতে পায়। এতদ্ব্যতীত এগার জন লোক তাহার দৃষ্টিগতবর্তী হয়। হতভাগ্যেরা সেপের উপর শয়ান ছিল। অনেকের ভবনও নিধন বহিতেছিল।

কিন্তু কাহারও বাঁচবার আশা ছিল না। ইউরোপীয়েরা ইহাদের কাহাকেও সঙ্গে লইয়া যায় নাই।

নদীতটে যখন ভীষণ কাণ্ডের অনুষ্ঠান হইতেছিল, তখন সৈনিক নিবাসের প্রশস্ত ক্ষেত্রস্থিত পটবাসে, নানা সাহেব অবস্থিতি করিতেছিলেন। তিনি দূরে কামান ও বন্দুকের শব্দ শুনিয়া বোধ হয় বুঝিয়াছিলেন, যে তাঁহার পারিষদবর্গ আবার ভয়ঙ্কর কার্যসাধনে প্রবৃত্ত হইয়াছে। এখন চুপ্চিস্তায় তাহার ললাটরেখা আকুঞ্চিত হইল। তিনি চিন্তাকুলহৃদয়ে পদচারণা করিতে লাগিলেন। এমন সময় একজন সওয়ার তীরবেগে আসিয়া সতীচৌর ঘাটের সংবাদ দিল। নানা সাহেব দীর্ঘ নিশ্বাস পরিত্যাগ করিলেন। নরনারীর হত্যার সংবাদে তাঁহার হৃদয় অবসন্ন হইল। মনোযাতনাব্যঞ্জক বিষন্ন ভাব তাঁহার মুখমণ্ডলে প্রকাশ পাইল। তিনি ভাবিলেন, হতভাগ্যেরা জীবিত থাকিলে, তাঁহার পক্ষে বিস্তর সুবিধা হইত। যাহা হউক হত্যাকাণ্ড বন্ধ করিতে তাঁহার ইচ্ছা হইল। তিনি সমাগত সংবাদবাহক দ্বারা ঘটনাস্থলে এই আদেশ পাঠাইলেন যে, অবিলম্বে হত্যাকাণ্ড বন্ধ করিয়া, হতাবশিষ্টদিগকে অবরুদ্ধ করিয়া রাখা হয়। আদেশ প্রতিপালিত হইল। অনুমান ১২৫ জন অবরুদ্ধ হইয়া, যে পথে নদীতটে আসিয়াছিল, আবার সেই পথেই নগরে চলিয়া গেল। ইহাদের অনেকে আহত হইয়াছিল। জলমগ্ন হওয়াতে অনেকের বস্ত্র আর্দ্র হইয়া গিয়াছিল। অনেকের দেহ নদীকর্দমে অবলিপ্ত হইয়া পড়িয়াছিল। ইহারা যখন কাণপুরের কারাগারে যাইতেছিল, তখন বোধ হয়, শীঘ্র শীঘ্র নিহত সহযাত্রীদিগের অনুগামী হইল না বলিয়া, আপনাদিগকে ধিকার দিতেছিল।

তাঁতীয়া ভোপী ইকরেজদিগের আত্মসমর্পণ ও হত্যার সম্বন্ধে উল্লেখ করিয়াছেন—“ইতঃপূর্বে একটি স্ত্রীলোক নানা সাহেবের বন্দী হইয়াছিল। নানা সাহেব ইহার দ্বারা সেনাপতি হইলারের নিকটে এই বলিয়া এক খানি পত্র লিখিয়া পাঠান যে, সিপাহীরা তাঁহার আদেশপালন করেন না। সেনাপতি যদি ইচ্ছা করেন, তাহা হইলে, তিনি তাঁহাকে ও প্রাচীর-বেষ্টিত স্থানের ইউরোপীয়দিগকে নৌকার এলাহাবাদে পাঠাইতে পারেন।

ইহাতে সন্মত হইলেন, এবং সেই দিন অপরাহ্নে নানা সাহেবের নিকটে
বার জন্ত এক লক্ষ টাকা পাঠাইয়া দেন। পর দিন আমি চল্লিশ
নৌকাসংগ্রহ করি, এবং সাহেব, বিবি ও শিশুসন্তানগুলিকে নৌকায়
স্বা, সকলকে এলাহাবাদে রওনা করিয়া দিই। এই সময়ে সমগ্র
আরোহী, পদাতি ও গোলন্দাজসৈন্য নদীতটে উপনীত হয়। সিপাহীরা
দিয়া জলে নামিয়া, সাহেব বিবি, বালকবালিকা, সকলকেই বধ করিতে
ক। তাহারা আগুন লাগাইয়া উনচল্লিশখানি নৌকা নষ্ট করে। এক-
মাত্র রক্ষা পাইয়া কালোকাঁকুড় পর্য্যন্ত যায়। শেষে ঐ নৌকাও
পূরে ফিরাইয়া আনা হয়। ঐ নৌকার আরোহীরা মৃত্যুমুখে পাতিত
। ইহার চারি দিন পরে নানা সাহেব মাতৃশ্রদ্ধ উপলক্ষে বিঠুরে গমন
লেন।” উপস্থিত বিষয়ের সত্যতানিরূপণ জন্ত অনেকের সাক্ষ্যগ্রহণ করা
। একজন কহে, “তঁাতিয়া তোপী আমার সাক্ষাতে সকলের হত্যার জন্ত
পতি টীকা সিংহকে আদেশ করেন।” আর একজন বলে, “আমি
তিয়া তোপীর নিকটে লুক্কায়িত ছিলাম। তঁাতিয়া তোপী ইউরোপীয়-
গর হত্যার জন্ত সওয়ার পাঠাইতে দ্বিতীয় অশ্বারোহীদের স্বেদার
পতি টীকা সিংহের প্রতি আদেশ দিয়াছিলেন।” তৃতীয় ব্যক্তি নির্দেশ
। “নানা সাহেবের আদেশে তঁাতিয়া তোপী হত্যাকাণ্ড সম্পন্ন করিয়া-
লেন।” এই সকল কথায় সিপাহীযুদ্ধের ইতিহাসলেখক কে সাহেব
য়া তোপীকেই দোষী গ্নির করিয়াছেন*। তঁাতিয়া তোপী দোষী
। পারেন, আজিম উল্লা বা টীকা সিংহ এই ব্যাপারে লিপ্ত থাকিতে
ন। ইহারা নানা সাহেবের নামেই সমস্ত কার্য্য করিতেছিলেন।
তু, তখন সকল বিষয়ই নানা সাহেবের আদেশে সম্পন্ন হইতেছে বলিয়া
রিত হইত। নানা সাহেব যে, তখন সিপাহীদিগের আয়ত্ত ছিলেন,
তঁাতিয়া তোপীর কথাতেই প্রতিপন্ন হইয়াছে।

। দিকে ঘটনা ক্রমে একখানি নৌকায় আগুন লাগে নাই। ঐ নৌকাও

তত ভারী ছিল না। সূতরাং উহা চড়ায় লাগিলে আরোহীরা প্রাণপণে কাঁধ দিয়া ঠেলিয়া ভাসাইয়া দিতে সমর্থ হইয়াছিল। ঐ নৌকার কাপ্তেন টমসন্, মুর, ডিলাফোসি প্রভৃতি বীর পুরুষেরা ছিলেন। ইহারা প্রাচীর বেষ্টিত স্থানরক্ষার জন্য যথোচিত সাহস ও পরাক্রম দেখাইয়াছিলেন, এখন আপনাদের অধিষ্ঠিত তরী রক্ষা করিতেও সেইরূপ সাহস ও পরাক্রম দেখাইতে উদ্যত হইলেন। সিপাহীরা তটদেশ হইতে অবিশ্রান্তভাবে গুলিবৃষ্টি করিতে লাগিল। কাপ্তেন মুর ও তৎসহযাত্রীদিগের কেহ কেহ গুলির আঘাতে প্রাণত্যাগ করিলেন। অনেকে আহত হইল। নিহত ও আহতগণ নৌকার তলদেশে পড়িয়া রহিল। আরোহীরা শবরাশি টানিয়া বাহির করিতে লাগিল, এদিকে নৌকার কোন খাদ্যদ্রব্য ছিল না। এ সময়ে গঙ্গার জলমাত্র তাঁহাদের উদরপূর্তি ও তৃষ্ণানিবারণের অস্থিতীয় অবলম্ব হইল। ক্রমে দিবাবসান হইতে লাগিল। পশ্চাদ্ধাবিত আক্রমণকারীরাও পরিশ্রান্ত হইয়া পড়িল, কিন্তু ইহাতেও আরোহীদিগের কষ্ট বা বিপদের অবসান হইল না। নৌকার হাল বা দাঁড় ছিল না। মাঝি বা মাল্লারা উপস্থিত ছিল না। কর্ণধার ও ক্ষেপণীক্ষেপকের অভাবে, নৌকা কখন কখন স্রোতবেগে ভাসিয়া যাইতে লাগিল। কখন কখন চড়ায় লাগিয়া রহিল। যে স্থানে চড়ায় আবদ্ধ হইতে লাগিল, সেই স্থানেই আরোহীরা আবার উহা ভাসাইয়া দিতে প্রাণপণে পরিশ্রম করিতে লাগিল। মানুষ চিরদিনই অবস্থার দাস; সে যখন যে অবস্থায় পতিত হয়, তখন আপনাদের মঙ্গলের জন্য সেই অবস্থানুরূপ বিষয়েরই কামনা করিয়া থাকে। আরোহীরা যখন কাণপুরের মৃৎপ্রাচীরের সম্মুখে থাকিয়া আত্মরক্ষা করিতেছিল, তখন তাহারা তপনের প্রচণ্ড তাপে দহীভূত হইলেও বৃষ্টির কামনা করে নাই। যে হেতু, বৃষ্টি হইলেই তাহাদের আত্মরক্ষার অবলম্বন মৃৎপ্রাচীর প্রকালিত হইয়া যাইত। অবরোধকারীরা ঐ সুযোগে তাহাদের সর্সনাশসাধন করিত। কিন্তু এখন তাহারা নৌকার থাকিয়া প্রতিদিনই বৃষ্টির কামনা করিতে লাগিল। যে সকল চড়া তাহা-দিগকে নিরন্তর কষ্ট দিতেছিল, নিরন্তর তাঁহাদের নৌকা আবদ্ধ করিয়া রাখিতেছিল, বৃষ্টি হইলে সেই সকল চড়া ডুবিয়া যাইত। গঙ্গার স্রোতও অপেক্ষাকৃত প্রবল হইত এবং তাহাদের অধিষ্ঠিত তরী পূর্বাপেক্ষা অধিকতর

প্রবল বেগে অগ্রসর হইতে থাকিত । কিন্তু প্রথম দিন হতভাগ্য আরোহীদিগের কামনা পূর্ণ হইল না । তাহাদিগকে চড়া ঠেলিয়াই যাইতে হইল । এদিকে নদীর উভয় তটে উত্তেজিত জনসাধারণ তাহাদের শোচনীয় অবস্থা অধিকতর শোচনীয় করিবার চেষ্টা করিতে লাগিল । দ্বিতীয় দিন অর্থাৎ ২৮ শে জুন কাণপুরের নিকটবর্তী নজ্জফগড় নামক স্থানে আরোহীদিগের নৌকা আবার চড়ায় লাগিয়া গেল । আবার আরোহীদিগের প্রতি গুলিবৃষ্টি হইতে লাগিল । একটি কামান নদীতটে স্থাপিত হইল । কিন্তু এই সময়ে এরূপ প্রবল বেগে বৃষ্টি হইতে লাগিল যে, বিপক্ষেরা গোলাবৃষ্টি করিতে সমর্থ হইল না । সূর্যাস্ত সময়ে কাণপুর হইতে ৫০ । ৬০ জন সশস্ত্র সিপাহী একখানি নৌকায় চড়িয়া নৌকারোহী ইউরোপীয়দিগকে আক্রমণ করিতে আসিল । ঘটনাক্রমে তাহাদের নৌকাও চড়ায় লাগিয়া গেল । এই সুযোগে ইউরোপীয়দিগের ১৮।১৯ জন উৎসাহিত হইয়া, গুলিবৃষ্টি করিতে লাগিল । ইহাতে আক্রান্তগণের ক্ষমতা পৰ্য্যুদস্ত হইয়া গেল । তাহাদের অতি অল্প লোকই প্রাণ লইয়া পলায়ন করিতে সমর্থ হইল । আরোহীরা বিপক্ষদিগের নৌকা অধিকার করিল । উহাতে বারুদ টোটা প্রভৃতি পর্য্যাপ্তপরিমাণে ছিল, কিন্তু খাদ্য সামগ্রী অধিক ছিল না । জয়শ্রীর অধিকারী হইলেও ইউরোপীয়দিগের বিষণ্ণতা অন্তর্হিত হইল না । নিদারুণ ঝঠরানল তাহাদিগকে প্রতি মুহূর্ত্তেই বিদগ্ধ করিতে লাগিল ।

ক্রমে রাত্রি সমাগত হইল । আরোহীরা ক্ষুধায় অবসন্ন হইয়া, নিদ্রান্তিভূত হইল । এই সময়ে সহসা ঝটিকার আবির্ভাব হইল, নৌকা ঝটিকা-বেগে ভাসিয়া যাইতে লাগিল ; চারিদিক ঘোর অন্ধকারে আচ্ছন্ন ছিল । সুতরাং নৌকা কোন দিকে কোথায় যাইতেছে আরোহীরা বুঝিতে পারিল না । রাত্রি প্রভাত হইলে তাহারা দেখিল, তাহাদের আশ্রয়তরী আবার নদীতটে সংলগ্ন হইয়াছে । এই সময়ে অনেক স্থানই উচ্ছৃঙ্খল লোকে পরিপূর্ণ হইয়াছিল । উত্তেজিত সিপাহীদিগের দেখাদেখি ইহারাও উত্তেজিত হইয়া, ফিরিঙ্গীর শোণিতপাতে আগ্রহপ্রকাশ করিতেছিল । ইহাদের বিশ্বাস জন্মিয়াছিল, কোম্পানির রাজত্ব শেষ হইয়াছে । সুতরাং ইহারা কোম্পানির বিপক্ষদিগের সহিত মিশ্রিত হইয়া, আপনাদের সৌভাগ্য-

বন্ধির চেষ্টা করিতেছিল। পলায়িতদিগের নৌকা যখন তীরে গাঙ্গিল, তখন পশ্চাৎবাহমানকারী বিপক্ষগণ আসিয়া তাহাদিগকে আক্রমণ করিল। এইরূপ উদ্ধত ও উদ্বেজিত লোকে আক্রান্ত হইয়া পলায়িতেরা আবার আত্মরক্ষায় উদ্যত হইল। তাহাদের কষ্টের একশেষ হইয়াছিল। আহায়ের অভাবে তাহাদের দেহ বিশীর্ণ হইয়া গিয়াছিল; সময়োচিত বিশ্রামের অভাবে তাহাদের দেহ শিথিল হইয়া পড়িয়াছিল; পুনঃ পুনঃ অস্ত্রাঘাতে তাহাদের তেজস্বিতার ভ্রাস হইয়াছিল, তথাপি তাহারা নিরস্ত হইল না। কাপ্তেন টমসন্ কতিপয় সৈনিক পুরুষকে সঙ্গে লইয়া তীরে উত্তীর্ণ হইলেন। এবং নৈরাশ্রে উন্নত হইয়া, আক্রমণকারীদিগকে প্রত্যাক্রমণ করিলেন। তীরে সশস্ত্র সিপাহীর সহিত নিরস্ত্র লোকও উপস্থিত ছিল। চৌদ্দজন ইউরোপীয় সৈনিকপুরুষ সেই ঘোবতর বিপত্তিকালে বন্দুক ও সঙ্গীন লইয়া তাহাদের সম্মুখবর্তী হইল। এদিকে তাহাদের বিপন্ন সহযাত্রীগণ নৌকায় রহিল।

কাপ্তেন টমসন্ সহযোগীদিগের সহিত যখন নদী হইতে অগ্রসর হইয়া সিপাহীদিগকে আক্রমণ করিলেন, তখন তাহাদের নৌকা আবার ভাসিতে ভাসিতে দৃষ্টিপথবহির্ভূত হইল। অবিচ্ছিন্ন গুলিগুষ্টিতে আক্রমণকারী সিপাহীরা হঠিয়া গেল। টমসন্ সহযোগিবর্গের সহিত তীরে আসিয়া দেখিলেন, নৌকা অস্তর্হিত হইয়াছে; হতভাগ্য আরোহীদিগের কি দশা ঘটয়াছে, তাহা তাহারা আর জানিতে পারিলেন না। এদিকে তাহারা যে স্থানে উপস্থিত হইয়াছিলেন, সে স্থানের ভূস্বামী বাবুরাম বক্স তাহাদের বিপক্ষ ছিলেন। বাবুরাম বক্সের আদেশে সশস্ত্র লোকে তাহাদিগকে পুনঃ পুনঃ আক্রমণ করিতে লাগিল। তাহারা আহত হইয়া দৌড়িয়া পলাইতে লাগিলেন। এইরূপে তিন মাইল যাইয়া, তাহারা সম্মুখে একটি দেবমন্দির দেখিতে পাইলেন। উপায়ান্তর না দেখিয়া হতভাগ্য পলাতকেরা ঐ মন্দিরে আশ্রয়গ্রহণ করিলেন। মন্দিরে শীতল পানীয় জল ছিল। উহাতে হতভাগ্যদিগের তৃষ্ণাশান্তি ও কথঞ্চিৎ বলরুদ্ধি হইল। দেখিতে দেখিতে পশ্চাৎবাহমানকারীরা মন্দিরের চতুর্দিক পরিবেষ্টিত করিয়া, পলায়িতদিগকে আক্রমণ করিল। পলাতকদিগের চারি জন দ্বারদেশে থাকিয়া সঙ্গীন দ্বারা আক্রমণ

কারীদিগকে বাধা দিতে লাগিল। এতদ্ব্যতীত তাঁহাদের গুলিতে আক্রমণকারীদের কেহ কেহ গতাস্থ হইল। এইরূপে বাতায়নহীন সঙ্কীর্ণ মন্দিরে থাকিয়া হতভাগ্য ইউরোপীয়েরা আত্মরক্ষা করিতে লাগিল। উত্তেজিত লোকে শুষ্ক কাষ্ঠরাশি মন্দিরের প্রবেশপথে সজ্জিত করিল এবং উহাতে আগুন দিয়া, আপনারা সরিয়া দাঁড়াইল। তাহারা ভাবিয়া ছিল, ধূমস্তূপে আত্মরক্ষাকারীদিগের নিশ্বাস নিরুদ্ধ হইয়া যাইবে। কিন্তু এসময়ে পবনদেব হতভাগ্যদিগের সহায় হইলেন। প্রচণ্ড বায়ুবেগে ধূমরাশি মন্দিরে প্রবেশ না করিয়া অত্যাধিক ধাবিত হইল। প্রয়াস বিফল হইল দেখিয়া, আক্রমণকারিগণ অতঃপর বারুদের থলিয়া অগ্নিতে নিক্ষেপ করিতে লাগিল। সুতরাং পলায়িতেরা আর মন্দিরে থাকিতে পারিল না। তাহারা উন্নতভাবে ও অসমসাহসে আক্রমণকারীদিগের ব্যুহভেদ করিয়া নদীতটাতিমুখে দৌড়িতে লাগিল। চৌদ্দ জনের মধ্যে সাত জন প্রাণ লইয়া নদীতটে উপনীত হইল, এবং মুহূর্ত্তমধ্যে আপনাদের অস্ত্রাদি ফেলিয়া, জাহ্নবীজলে ঝাঁপ দিল। এই সাত জনের মধ্যে চারি জন, তটবর্তী লোকের নিক্রিপ্ত গুলিতে মৃত্যুমুখে পতিত হইল। সম্ভরণপটু ছিল বলিয়া, অবশিষ্ট চারি জন আত্মজীবনরক্ষা করিল। ইহারা যখন জাহ্নবীজলপ্রবাহে ভাসিয়া যাইতেছিল, তখন তীরবর্তী কতিপয় ব্যক্তি উচ্চৈঃস্বরে তাহাদিগকে কহিল, “সাহেব! সাহেব! কেন তোমরা সাঁতার দিতেছ। আমরা বদ্ধভাবে আসিয়াছি।” সম্ভরণকারিগণ সহসা তাহাদের কথায় বিশ্বাসস্থাপন করিল না। কিন্তু যখন তাহাদের প্রস্তাবক্রমে তীরবর্তী লোকে আপনাদের অস্ত্রাদি জলে ফেলিয়া দিতে উদ্যত হইল তখন সম্ভরণকারীরা ধীরে ধীরে তীরে আসিতে লাগিল। তীরবর্তী ব্যক্তিগণ অযোধ্যার অন্তঃপাতী মোরারমৌ নামক স্থানের সম্রাট বৃদ্ধ ভূস্বামী রাজা দিগ্বিজয় সিংহের প্রজা। ইহারা অবসন্ন সম্ভরণকারীদিগকে ধরিয়া তীরে উঠাইল। এই চারি জনের মধ্যে কাণ্ডেন টমসন্ ছিলেন।

রাজা দিগ্বিজয় সিংহ ব্রিটিশ কোম্পানির অনুরক্ত ও নিরতিশয় দয়াশীল ছিলেন। তিনি পলায়িতদিগকে আনিবার জন্ত হাতী পাঠাইয়া দিয়াছিলেন। পলায়িতেরা তাঁহার সম্মুখে সমাগত হইলে তিনি তাহাদের যথোচিত আদর

ও অভ্যর্থনা করিলেন এবং আহুপূর্বিক বৃত্তান্ত শুনিয়া, তাঁহাদের সাহস ও বীরত্বের নিরন্তর প্রশংসা করিতে লাগিলেন। তাঁহার আদেশে বিপন্ন অতিথিদিগের বাসভূমি যথাযোগ্য স্থান নির্দিষ্ট হইল, দরজী অতিথিদিগের পরিচ্ছদ প্রস্তুত করিয়া দিল, চিকিৎসক আহতদিগের রক্তস্থানের চিকিৎসাকার্যে নিযুক্ত হইলেন। কাপ্তেন টমসন্ প্রভৃতি পলায়িতগণ তিন সপ্তাহকাল রাজা দিগ্বিজয় সিংহের আশ্রয়ে অতিবাহিত করেন। এই সময়ে তাঁহারা কখনও কোন বিষয়ে অসুবিধাভোগ করেন নাই। তাহাদের আহারের জন্ত প্রতিদিন তিন বার করিয়া খাদ্যসামগ্রী আসিত। রাজা ও রাণী, উভয়েই প্রতিদিন তাঁহাদের কুশলজিজ্ঞাসা করিতেন। দিগ্বিজয় সিংহ পরম হিন্দু ছিলেন। স্বধর্মোচিত ক্রিয়াকলাপে তাঁহার যেরূপ বলবতী নিষ্ঠা, সেইরূপ মহীয়সী শ্রদ্ধা ছিল। বিভিন্ন জাতির মধ্যে বিভিন্ন প্রকার উপাসনাপদ্ধতি প্রচলিত আছে। এই বিভিন্নরূপ উপাসনার যদি উপাসকের চিত্তসংযম ও শ্রদ্ধা পরিদৃষ্ট হয়, তাহা হইলে তাঁহার অকপট ঈশ্বরভক্তিদর্শনে উদারপ্রকৃতি ভিন্নজাতীয় দর্শকের হৃদয়ও ভক্তি ও শ্রদ্ধায় আর্দ্র হইয়া থাকে। কিন্তু যে রাজার অবিচ্ছিন্ন দয়ায় ও যে রাজার অপরিমিত অনুগ্রহে কাপ্তেন টমসন্ প্রভৃতি নিরাপদে অবস্থিতি করিতেছিলেন, সেই দয়ালু সৌম্যমূর্তি ও বর্ষায়ান ভূস্বামী যখন প্রতিদিন আপনাদের চিরপ্রচলিত পদ্ধতি অনুসারে অদূরবর্তী দেবমন্দিরে যাইয়া তদনুচিন্তে বরণীয় দেবতার আরাধনায় নিবিষ্ট হইতেন, তখন উক্ত আরাধনাপদ্ধতি আশ্রিত ইউরোপীয়দিগের কেবল আমোদের বিষয়ীভূত হইত*। এ সময়ে ভক্তি ও শ্রদ্ধা তাঁহাদের হৃদয়ে আবির্ভূত হইত না, একজনের অপূর্ব ঈশ্বরভক্তি দেখিয়াও তাঁহারা ঐশ্বরিক তত্ত্বে আকৃষ্ট বা উদারতায় আনত হইতেন না। বালক ক্রীড়নক দেখিয়া যেরূপ আমোদিত হয়, বৃদ্ধ রাজার উপাসনাপদ্ধতি দর্শনে তাঁহাদেরও সেইরূপ আমোদলাভ হইত। তাঁহারা সাহসে ও বীরত্বে লোকসমাজে প্রসিদ্ধ হইতে পারেন, কিন্তু উদারতা,

* Thomson, *Story of Cawnpur*, p. 196 Comp. Trevelyan, *Cawnpur*, p. 268.

শিষ্টতা, গাভীর্ষ্য এবং জীবনরক্ষাকারী মহাপুরুষের প্রতি হৃদয়গত শ্রদ্ধা ও ভক্তির অভাবে সহৃদয়সমাজে প্রতিষ্ঠালাভে সমর্থ হইবেন না।

পলায়িতেরা বতদিন রাজা দিগ্বিজয় সিংহের আশ্রয়ে ছিলেন, ততদিন রাজার আদেশে দুর্গপ্রাচীরের বাহিরে যাইতে পারিতেন না। বেহেতু চারিদিকে উত্তেজিত জনসাধারণ ফিরিঙ্গীদিগের শোণিতপাতের অশ্রু ঘুরিয়া বেড়াইতেছিল। উত্তেজিত সিপাহীরাও নিকটবর্তী পল্লীসমূহে অবস্থিতি করিতেছিল। ইউরোপীয়েরা দুর্গের বহির্ভাগে গেলেই ঐ সকল উত্তেজিত লোকের আক্রমণে নিঃসন্দেহ বিপদগ্রস্ত হইতেন। সুতরাং তাঁহারা দুর্গমধ্যেই অবস্থিতি করিতেছিলেন। রাজার সশস্ত্র অমুচরগণ তাঁহাদের রক্ষার জন্য সর্বদা উপস্থিত থাকিত। কাণপুরের বিপক্ষগণ পলায়িতদিগকে তাহাদের হস্তে সমর্পণ করিবার জন্য রাজা দিগ্বিজয় সিংহকে অমুরোধ করিয়াছিল, কিন্তু শরণাগতপালক বর্ষীয়ান রাজপুত্র বীর সেই অমুরোধ-রক্ষার সম্মত হইলেন নাই। তিনি তেজস্বিতাসহকারে স্পষ্টাক্ষরে বলিয়া পাঠাইয়াছিলেন যে, তাঁহার উপর কাণপুরের কাহারও কোনরূপ কর্তৃত্ব নাই। তিনি অযোধ্যার অধিপতির করদ, সুতরাং নানাসাহেব বা কাণপুরের কাহারও কোন কথা শুনিতে প্রস্তুত নহেন। বৃদ্ধ বীরপুরুষের এইরূপ আশ্রিত-বৎসলতা, এইরূপ হিতৈষিতা ও এইরূপ পরার্থপরতার মহিমায় নিঃসহায় নিরবলম্ব ও নিপীড়িত ইউরোপীয়েরা বিপত্তিকালেও জীবিত ছিলেন।

পলায়িতদিগকে হস্তগত করিতে না পারিয়া, সময়ে সময়ে বিপক্ষ সিপাহীরা তাঁহাদের সহিত সাক্ষাৎ করিতে আসিত। এই সকল সিপাহীর মধ্যে কাপ্তেন টমসনের দলভুক্ত কতিপয় সিপাহীও ছিল। ইহারা কাপ্তেনকে বলিত, “কোম্পানির রাজত্বের অবসান হইয়াছে।” কাপ্তেন বলিতেন, কখনও হইবে না। ৭০।৮০ হাজার ব্রিটিশ সৈন্য শীঘ্রই উপস্থিত হইবে; ইহাদের আক্রমণে শীঘ্রই তোমাদের বিজয়গৌরব অশুভিত হইবে। সিপাহী কহিত, না না। নানাসাহেব সাহায্যের জন্য রুধিয়ায় সোওয়ার পাঠাইয়াছেন। ঐ সোওয়ার উদ্ভারোহণে গমন করিয়াছে। নানা সাহেব তোমাদের সকলকেই কলিকাতায় পাঠাইয়া দিবেন। সে স্থান হইতে তোমরা আদেশে যাইতে পারিবে। ইহার পর নানা সাহেব সমগ্র ভারতবর্ষে আধিপত্য

প্রতিষ্ঠিত করিয়া ইঙ্গলণ্ডজয়ের জন্ত জাহাজে গমন করিবেন। কোতুহল-পর সিপাহীরা প্রায়ই এইরূপ কথায় তাহাদের কাপ্তেনের আমোদ জন্মাইত। তাহাদের বিশ্বাস ছিল, রুঘিয়ার সম্রাট ভারতের হিন্দু ও মুসলমানদিগকে ফিরিক্কাদিগের হস্ত হইতে বিমুক্ত করিবেন। ফিরিক্কা সর্বত্র ধর্মনাশের জন্ত ময়দার সহিত শূকরের অস্থিচূর্ণ মিশাইয়া দিতেছে। অধিকন্তু সিপাহীরা সর্বদাই বলিত, অযোধ্যা অধিকার করাতেই কোম্পানির রাজত্বশেষ হইবে। কেবল এই একটি কার্য্যই যে, কোম্পানিকে বিপদগ্রস্ত হইতে হইয়াছে, সিপাহীরা কথোপকথনসময়ে সর্বদা তাহার উল্লেখ করিত। স্মৃচতুর আর্জি-মুল্লার কথায় অদূরদর্শী সিপাহীরা কিরূপ উদ্ভ্রান্ত হইয়াছিল, ফ্রিমিয়ার যুদ্ধক্ষেত্রে রুঘদিগের পরাক্রম দেখিয়া নানা সাহেবের এই মুসলমান সচিব উত্তেজিত সিপাহীদিগকে রুঘিয়ার কিরূপ পরকপাতী করিয়া তুলিয়াছিলেন, আর লর্ড ডালহৌসী, অযোধ্যা ব্রিটিশ কোম্পানির অধিকারভুক্ত করিয়া আপনাকে ওয়াটলুঞ্জয়ী বলিয়া যে গৌরবপ্রকাশ করিয়াছিলেন, সেই আত্মগৌরবপ্রকাশক কার্য্য হইতে পরিণামে কিরূপ ঘোরতর বিপদের আবির্ভাব হইয়াছিল, তাহা এই সকল অনভিজ্ঞ ও নিত্যসন্দিগ্ধ সিপাহীদিগের কথাতে প্রতিপন্ন হইতেছে।

বিপন্ন সিপাহীরা দুর্গমধ্যে প্রবেশ করিয়া, কাপ্তেন টমসন্ প্রভৃতির সহিত সর্বদা সাক্ষাৎ করিলেও তাহাদের কোনরূপ অনিষ্টসাধনে উদ্যত হয় নাই। টমসন্ প্রভৃতি ইউরোপীয়গণ যতদিন রাজা দিগ্বিজয় সিংহের আশ্রয়ে ছিলেন, ততদিন নিরাপদে ও নিশ্চিতমনে কালাতিবাহিত করিয়াছিলেন। ইহার পর আশ্রয়দাতা তাহাদিগকে স্বপক্ষের অগ্র এক ভূস্বামীর নিকটে পাঠাইয়া দেন। এই ভূস্বামীও তাহাদের প্রতি সৌজন্যপ্রকাশে বিমুখ হইলেন। এই স্থান হইতে তাহারা নিরাপদে সেনাপতি হাবেলকের সৈন্যদলের সহিত সম্মিলিত হইলেন। এইরূপে এতদেশীয়দিগের অসামান্য করুণায় চারি জন ইউরোপীয় সৈনিকপুরুষের জীবন রক্ষা হয়। এই দুঃসময়ে অনেকে আপনাদের দয়ালুতার পরিচয় দিয়াছিল। ময়ূর তেওয়ারি নামক একজন সিপাহী ডনকাননামক একজন সাহেবের প্রার্থনাকারী করে। কতিপয় ব্যক্তি আপনাদের জীবন সঙ্কটাপন্ন করিয়াও দুইটি কুমারীকে আসন্ন বিপদ

হইতে বিমুক্ত করে। সিপাহীযুদ্ধের ইতিহাসে এইরূপ এক স্থলে যেমন রৌদ্রভাবের বিবরণ আছে, সেইরূপ স্থানান্তরে করুণার প্রশান্তভাবের বিকাশ রহিয়াছে। নরশোণিতলোলুপ ঘাতকের হস্তে যেমন অনেকে দেহত্যাগ করিয়াছে, পরহিতৈষী ও পরহুঃখকাতর এতদেশীয়গণও সেইরূপ অনেকের জীবনরক্ষায় অগ্রসর হইয়াছে, এবং কোন কোন স্থলে এই উদ্দেশ্যে অকাতরে ও ধীরভাবে আত্মজীবনও উৎসর্গ করিয়াছে। ফলতঃ, এতদেশীয়েরা সহায় না হইলে ইংরেজ এই ভয়ঙ্কর বিপদ হইতে সর্বাংশে মুক্তিলাভে সমর্থ হইতেন না।

নৌকা হইতে তীরে উত্তীর্ণ হইয়া, চারি জন সাহসী পুরুষ যেরূপে আপনাদের জীবনরক্ষা করিয়াছিলেন, তাহা উল্লিখিত হইল। নৌকায় তাঁহাদের যে সকল সহযোগী ছিলেন, তাঁহারা এইরূপ সৌভাগ্যের অধিকারী হইতে পারিলেন না। তাঁহাদের নৌকা শীঘ্রই ধৃত ও অপরুদ্ধ হইল। নৌকায় সর্বমমেত ৮০ জন আরোহী ছিলেন, সকলেই বন্দিভাবে তীরে উঠিলেন এবং পূর্ববৎ বন্দিভাবে গরুর গাড়িতে উঠিয়া কাণপুরে যাত্রা করিলেন। বন্দকেরা এইরূপে ৩০ জুন ৮০ জন ইউরোপীয়কে অপরুদ্ধ করিয়া কাণপুরে আনিল*। তাহারা এই স্থানে পুরুষদিগকে মহিলাগণ হইতে বিচ্ছিন্ন করিল। কৃষকেরা সর্ব প্রথম প্রাণদণ্ডার বলিয়া বিবেচিত হইলেন। কিন্তু সিপাহীদিগের নামে ইহাদিগের হত্যায় অসম্মতিপ্রকাশ করিল। কথিত আছে, অযোধ্যার সিপাহীরা ইহাদিগকে কারারুদ্ধ করিয়া রাখিতেও সম্মত হইল না†। ইহাদের

* *Kaye, Sepoy War. Vol. II. p. 348, note.*

† কথিত আছে, সেনাপতি হইলার ইহাদের মধ্যে ছিলেন। প্রথম পদাতিদলের সিপাহীরা ইহাকে গুলি করিতে আদিষ্ট হইলে, তাহারা ঐ আদেশপালনে সম্মত হয় নাই। এই হেতু, বৃদ্ধ সেনাপতি তাহাদের দলের গৌরববৃদ্ধি করিয়াছিলেন। পরে অশ্বদলের সিপাহীরা ইহাদিগকে গুলি করে।—*Trevelyan, Cawnpur, p. 278. Comp. Martin, Indian Empire. Vol. II. p. 262.* কিন্তু বৃদ্ধ সেনাপতি যে, নদীতটে নিহত হইয়াছিলেন, তাহা পূর্বে উল্লিখিত হইয়াছে।

কথিত আছে, বৃদ্ধ সেনাপতির কনিষ্ঠ কন্যা একজন সওয়ারের হস্তগত হয়। কেহ কেহ লিখিয়াছেন, উক্ত কন্যা স্বহস্তে সওয়ার ও তৎপরিবারবর্গের শিরশ্ছেদ করিয়া কূপে পতিত হইয়া আত্মহত্যা করিয়াছিল। কিন্তু এই ঘটনার পরিপোষক প্রমাণ প্রাপ্ত হওয়া যায় নাই। লক্ষণা, সেনাপতির কন্যা সওয়ারের সহিত অনেক দিন ছিল। পরিশেষে তাহার কি দশা

হস্ত পৃষ্ঠদেশে আবদ্ধ ছিল। ইহারা এই অবস্থায় বিপদের গুলির আঘাতে দেহত্যাগ করিলেন। একটি পতিপরায়ণা অবলা কিছুতেই প্রাণাধিক পত্তিকে ছাড়িয়া দিল না। মৃত্যুসময়েও অবলা আপনার প্রাণের অধিক ধনকে আলিঙ্গন করিয়া রহিল। সেই অবস্থায় গুলির আঘাতে উভয়েরই প্রাণবিয়োগ হইল। অবশিষ্ট মহিলা ও বালকবালিকারা অবরুদ্ধ অবস্থায় রহিল। গঙ্গার ঘাটে যে সকল হতাবশিষ্ট স্ত্রীলোক ও শিশু সন্তানকে সবেদা কুটীতে নিরুদ্ধ করিয়া রাখা হইয়াছিল, ইহারাও সেই স্থানে যাইয়া তাহাদের দলপুষ্টি করিল।

এ দিকে ধুমুপন্থ নানা সাহেব বিঠুরে যাইয়া ১ লা জুলাই পেশবার সম্মানিত পদে অধিষ্ঠিত হইলেন। এই উপলক্ষে মহাসমারোহে বিবিধ ক্রিয়াকলাপের অনুষ্ঠান হইল। কামানের ধ্বনিতে চারি দিক প্রকম্পিত হইতে লাগিল। নানা সাহেব এইরূপ মহোৎসবসহকারে পুরোহিতের মন্ত্রপূত সলিলে অভিষিক্ত হইয়া ললাটদেশে যথানিয়মে রাজ-ভিলকধারণ করিলেন। রাত্রিকালে কাণপুর আলোকমালায় সজ্জিত হইল। স্বদূর গগনতলে বিবিধ বাজী বিভিন্ন রশ্মিতরঙ্গবিকাশপূৰ্বক দর্শকবৃন্দকে প্রতিমুহূর্তে চমকিত করিয়া তুলিতে লাগিল। কিন্তু এইরূপ বিজয়োৎসবেও অভিনব পেশবার মনে শান্তির আবির্ভাব হইল না। বিঠুরে কামানধ্বনিতে যাহার প্রাধান্য ঘোষিত হইল, পুরোহিত যাহার অভিষেকের জন্ত সংঘতচিত্তে মন্ত্রপাঠ করিলেন, অনুচরেরা যাহাকে পেশবার সিংহাসনে অধিষ্ঠিত দেখিয়া কোম্পানির মুল্লুক নষ্ট হইল বলিয়া মনে করিতে লাগিল, তিনি সন্নাশে অপরের ক্রীড়াপুতুলস্বরূপ ছিলেন। আজিমুল্লা খাঁ তাঁহাকে যে পথপ্রদর্শন করিতেন, তিনি সেই পথেই চলিতেন। তাঁহার প্রাধান্যপ্রতিষ্ঠার জন্ত যে সকল অদ্ভুত ঘটনা উল্লিখিত হইত, তিনি তৎসমুদয়েই বিশ্বাসস্থাপনে অগ্রসর হইতেন। তাঁহার নামে সকল কার্যের অনুষ্ঠান হইলেও কোন বিষয়ে তাঁহার প্রভুত্ব ছিল না। ছুরাচার মন্ত্রিগণ তাঁহার নামে অসঙ্খচিতচিত্তে ভীষণ কার্যের অনুষ্ঠান করিতেন। কথিত আছে,

ঘটয়াছিল, জানা যায় নাই। কেহ কেহ লিখিয়াছেন, নেপালের প্রান্তে তাহার দেহত্যাগ ঘটয়াছিল।—*Martin, Indian Empire. Vol. II. p. 262-263. Trevelyan, Cawnpur. p. 254-255.*

২৮ শে জুন নানা সাহেব কাণপুরের কাওরাজের ক্ষেত্রে উপনীত হইলেন, সিপাহীরা জয়োল্লাসে তাঁহার সম্মুখে উপস্থিত হয়। তাঁহার ও তদীয় সেনাপতিবর্গের সম্মান জন্ত মুহুমূহঃ কামানধ্বনি হইতে থাকে। তিনি সিপাহীদিগকে পারিতোষিক স্বরূপ এক লক্ষ টাকা দিতে প্রতিশ্রুত হইলেন। সিপাহীরা ইহাতে পূর্ক্কাপেক্ষা অধিকতর আনন্দিত হইয়া বারংবার কামানধ্বনি করিতে থাকে। কিন্তু এরূপ স্থলেও নানা সাহেবের কর্তৃত্ব ছিল না। তাঁহাকে অনিবার্য ঘটনায় বাধ্য হইয়াই, উদ্বেজিত সিপাহীদিগকে সন্তুষ্ট রাখিতে হইয়াছিল। সিপাহীরা পরিতুষ্ট না থাকিলে—পারিষদবর্গের ইচ্ছানুরূপ কার্য না হইলে তাঁহার জীবন ও সম্পত্তি কিছুই নিরাপদে থাকিবার সম্ভাবনা ছিল না। তিনি যখন বিঠুরে পেশবাপদগ্রহণের আমোদ করিতেছিলেন, তখন কাণপুরে তাঁহার ক্ষমতা ও প্রভুত্ব সঙ্কুচিত হয় এবং মুসলমানেরা স্বপ্রধান হইয়া উঠে। ননী নবাব কাণপুরের শাসনকর্তার পদগ্রহণ করেন। ইনি ক্ষমতায় ও প্রাধান্তে পার্শ্ববর্তী মুসলমানদিগের মধ্যে প্রসিদ্ধ ছিলেন। মুসলমানেরা ইহার সম্মান করিত। ইহার বহুসংখ্যক অনুচর ছিল, সকল অনুচরই ইহার আদেশপালনে প্রস্তুত থাকিত।

এইরূপে মুসলমানদিগের বাসনা পূর্ণ হইল। তাহাদের প্রধান ব্যক্তি একটি প্রধান কার্যের ভার গ্রহণ করিলেন। এ সময়ে মুসলমানেরা কোন অংশে বিরক্ত বা কোন বিষয়ে বীতশ্রদ্ধ হইলে, বিপদ অনিবার্য হইয়া উঠিবার সম্ভাবনা ছিল। হিন্দু ও মুসলমানেরা পরস্পর বিবাদে প্রবৃত্ত হইলে, তাহাদের একতাবন্ধন বিছিন্ন হইয়া যাইত। সুতরাং তাহাদের বলহাস ও ইঙ্গরেজের বলবৃদ্ধি হইত। পূর্বে উক্ত হইয়াছে, নানা সাহেব পেশবা বলিয়া সম্মানিত হইলেও কোন বিষয়ে কর্তৃত্বপ্রকাশে সমর্থ ছিলেন না। ইঙ্গরেজদিগের অনেককে নিহত হইয়াছিলেন, অনেকে স্থানান্তরে আশ্রয়গোপন করিয়াছিলেন, কাণপুরে তাঁহাদের প্রাধান্ত বিলুপ্ত হইয়াছিল। নানা সাহেব পেশবার সম্মানিত পদে অধিষ্ঠিত হইয়াছিলেন, তথাপি এখন তাঁহার অবস্থা পূর্ক্কাপেক্ষা অধিকতর শোচনীয় হইল। তিনি মুসলমানদিগের প্রাধান্তসঙ্কোচে সমর্থ হইলেন না। আজিম উল্লার মতের বিক্রমে কোন কার্য করিতে সাহস পাইবেন না, বা তাঁহার ভ্রাতা ও

পারিষদগণের সম্মুখে কোন বিষয়ে প্রাধান্যস্থাপন করিতে পারিলেন না। তিনি কাণপুরের সর্বময় কর্তা ও মহিমাবিত পেশবা হইলেও শীতসঙ্কচিত বৃদ্ধের জ্ঞান আপনাতেই আপনি সঙ্কচিত হইলেন। এখন পূর্বের জ্ঞান তাঁহার নামেই সকল কার্যের অমুষ্ঠান হইতে লাগিল। এসময়ে ইঙ্গরেজ সৈন্তের আগমন সংবাদে অনেকেই ভীত হইয়াছিল, অনেকেই আপনাদের গৃহ পরিত্যাগ পূর্বক স্থানান্তরে পলায়ন করিয়াছিল। জুন মাসে ভারতবাসীদিগকে উৎসাহিত করিবার নিমিত্ত দিল্লী হইতে যেরূপ ঘোষণাপত্র প্রকাশিত হইয়াছিল, জুলাই মাসে জনসাধারণকে আশ্বস্ত করিবার জন্ত কাণপুর হইতে পেশবার নামে সেইরূপ ঘোষণাপত্রসমূহ প্রচারিত হইল *। উপযুক্ত পারিতোষিক না দেওয়াতে সিপাহীরা, উচ্ছৃঙ্খল ও অসন্তুষ্ট হইয়াছিল। তাহাদিগকে শৃঙ্খলাবদ্ধ ও সন্তুষ্ট করিবার জন্ত, অভিনব পেশবা পারিতোষিক দিবার বন্দোবস্ত করিলেন।

কাণপুরের একজন ধনী মুসলমানের নির্মিত একটি হোটেল ছিল। নানা সাহেব এই বিস্তৃত প্রাসাদে আসিয়া বাস করেন। প্রাসাদের প্রবেশপথে দুইটি কামান স্থাপিত হয়, এবং উহার দ্বারদেশে সশস্ত্র সাক্ষিগণ দিবারাত্র পাহারা দিতে থাকে। অনিবার্য ঘটনায় বাধ্য হইয়া ও উপায়ান্তর না দেখিয়া, নানা সাহেব ইঙ্গরেজের বিরুদ্ধপক্ষ অবলম্বন করিয়াছিলেন। এখন ইঙ্গরেজের আক্রমণে আত্মরক্ষার জন্ত সেনাপতিদিগের সহিত যুদ্ধের যথাযোগ্য আয়োজনে তৎপর হইলেন। তিনি যখন আজিমউল্লার পরামর্শে ইঙ্গরেজের বিরুদ্ধে দণ্ডায়মান হইয়াছিলেন, তখন আত্মরক্ষার জন্ত ইঙ্গরেজের আক্রমণনিবারণ করা ভিন্ন তাঁহার আর কোন উপায় ছিল না। অভিনব পেশবা ইঙ্গরেজসৈন্তের আগমন সংবাদ শুনিয়া, এখন এই উপায়ের অবলম্বনেই কৃতনিশ্চয় হইলেন।

নানা সাহেব যে প্রাসাদে অবস্থিত করিতেছিলেন, তাহার অদূরে গঙ্গার ধালের উত্তরদিকে একটি সঙ্কীর্ণ গৃহ ছিল। একজন ইঙ্গরেজ কর্মচারী আপনার রক্ষিতা প্রণয়িনীর জন্ত উক্ত গৃহ নির্মিত করিয়াছিলেন। এজন্ত

* পরিশিষ্টে কতিপয় ঘোষণাপত্রের অমুবাদ দেওয়া হইল।

উহা বিবিধরনামে প্রসিদ্ধ. য়। কিয়ৎকাল পূর্বে বিবিধরে একজন সামান্ত অবস্থাপন্ন ফিরিঙ্গী কেরাণী বাস করিত। বিবিধরে বাস করিবার জন্ত ২০ ফিট্ লম্বা, ১০ ফিট্ প্রশস্ত দুইটি মাত্র প্রধান গৃহ ছিল। প্রাচীন-ভূমির পরিমাণ এক এক দিকে ১৫ হস্তের অধিক ছিল না। যে সকল ইউরোপীয় মহিলা ও বালকবালিকা সবেদা কুঠীতে অবরুদ্ধ ছিল, তাহারা জুলাই মাসের প্রারম্ভে, এই সঙ্কীর্ণ বিবিধরে আনীত হইল। ইহাদের সংখ্যা দুই শতেরও অধিক ছিল। ইহারা এই সঙ্কীর্ণ গৃহে অবরুদ্ধ হইয়া, কষ্টের একশেষ ভোগ করিতে লাগিল, এদিকে আবার ইহাদের সংখ্যাবৃদ্ধি হইল। কাণপুরের ইউরোপীয়েরা যখন প্রাচীরবেষ্টিত স্থানে থাকিয়া, প্রতিদিনই দুঃসহ যাতনায় অবসন্ন হইতেছিলেন, তখন তাঁহাদের অনতিদূরবর্তী একটি স্থানের ইউরোপীয়েরাও তাঁহাদের ঞ্চায় দুর্দশাগ্রস্ত হইল। এই স্থানের নাম ফতেগড়। ইহা ফরক্কাবাদ বিভাগের অন্তর্গত এবং কাণপুরের ৮০ মাইল দূরে গঙ্গার দক্ষিণতটে অবস্থিত। ফতেগড়ের কথা উপস্থিত ইতিহাসের স্থানান্তরে লিখিত হইবে। এস্থলে ইহা বলি-লেই পর্যাপ্ত হইবে যে, জুন মাসের প্রথম সপ্তাহে ফতেগড়ের ইউরোপীয়েরা আপনাদিগকে নিরতিশয় বিপন্ন মনে করিয়াছিলেন। তাঁহারা অধিক দিন ঐ স্থানে অবস্থিতি না করিয়া, অনেকে নৌকারোহণে কাণপুরের অভিমুখে আসিতে থাকেন। এ সময়ে কাণপুরের অবস্থা তাঁহাদের বিদিত ছিল না। তাঁহাদের কাণপুরবাসী সমধর্ম্মারা কিরূপ শোচনীয়ভাবে কালাতিবাহিত করিতেছিলেন, তাঁহাদের জীবন প্রতিমূহূর্ত্তেই কিরূপ সংশয়দোলায় অধি-রুদ্ধ হইতেছিল, উত্তেজিত সিপাহীদিগের আক্রমণে প্রতিদিনই তাঁহারা কিরূপে আত্মীয়স্বজন হইতে বিচ্যুত হইতেছিলেন, ফতেগড়ের ইউরোপীয়েরা ইহার কিছুই জানিতেন না। তাঁহাদের কেহ কেহ আশ্চস্ত-হৃদয়ে আশ্রয় পাইবার জন্ত একখানি নৌকায় কাণপুরে আসিতে লাগিলেন। নবাবগঞ্জের নিকটে তাঁহাদের নৌকা অবরুদ্ধ হইল। তাঁহারা বন্দি-ভাবে কাণপুরে নানা সাহেবের শিবিরে আনীত হইলেন। তাঁহাদের দুইটি আয়া প্রাণের মমতা পরিত্যাগ করিয়া, এ সময়ে তাঁহাদের সঙ্গে রহিল। আর অবরুদ্ধদিগের নিষ্কৃতিলাভ হইল না। পুরুষেরা তিন

জন ব্যতীত সকলেই নিহত হইলেন। মহিলা ও বালক বালিকারা বিবিধেরে যাইয়া, তথাকার শোচনীয়দশাগ্রস্ত অবরুদ্ধদিগের সংখ্যাবৃদ্ধি করিল *।

হতভাগ্য কয়েদীরা বিবিধেরে আবদ্ধ হইয়া, যারপর নাই কষ্টভোগ করিতে লাগিল। ডাইল চপাটিপ্রভৃতি খাদ্য ও দুগ্ধ দেওয়া হইত বটে, কিন্তু উহাতে অবরুদ্ধদিগের পরিতোষ হইত না। এক জন ইঙ্গরেজ সৈনিকপুরুষের একটি কন্যা এই গৃহে অবরুদ্ধ ছিল। উক্ত সৈনিক পুরুষের বিশ্বস্ত ভৃত্য প্রভুর কন্যাকে দেখিবার জন্ত সেই স্থানে উপনীত হইল। এই সময়ে কয়েদীদিগের মধ্যে খাদ্য সামগ্রী বিতরিত হইতেছিল, উক্ত খাদ্য দ্রব্য ভাল নয় দেখিয়া, সমাগত ভৃত্য, সমীপবর্তী একজন সিপাহীকে তিরস্কার করিয়া, ভাল খাদ্য দ্রব্য দিতে বলিল। এই সিপাহীও এক সময়ে তাহার প্রভুর অধীন ছিল। সিপাহী তিরস্কৃত হইয়া, ভৃত্যকে মিঠাই কিনিবার জন্ত আট আনা দিল। ভৃত্য ঐ পয়সায় বাজার হইতে মিঠাই কিনিয়া আনিয়া গৃহস্থিত কয়েক জনের হস্তে দিল, কিন্তু ঐ বিশ্বস্ত ভৃত্য তথায় অধিকক্ষণ থাকিতে পারিল না। কারাগাররক্ষকেরা তাহাকে সে স্থান হইতে বহিস্কৃত করিয়া দিল। এই ঘটনায় ভৃত্যের যেরূপ বিশ্বস্ততা ও প্রভুপরায়ণতা পরিস্ফুট হইতেছে, ইঙ্গরেজের বিপক্ষ সিপাহীরও সেইরূপ অনুশোচনা ও সদয়ভাবে নিদর্শন প্রদর্শিত হইতেছে। সত্বে পদে পরিচালিত ও ধীরতাসহকারে সংবর্দ্ধিত হইলে এই উত্তেজিত,

* * ফতেগড় হইতে ১৯ জন সাহেব, ২০ টি বিবি ও ২৬ টি শিশু সন্তান কাণপুরের অভিমুখে গিয়াছিল।—*Trevelyan, Cawnpur, p. 283.* ট্রটার সাহেব লিখিয়াছেন, নৌকায় সর্ব-সমেত প্রায় ১৩০ জন আরোহী ছিল।—*Trotter, British Empire in India. Vol. II. p. 143.*

যাহা হউক, অবরুদ্ধ ইউরোপীয়েরা গরুর গাড়িতে নানা সাহেবের শিবিরে উপস্থিত হইলে নানা ইহাদের প্রতি দয়াপ্রদর্শনে উদ্যত হইয়াছিলেন। কিন্তু তাহার ভ্রাতা এবিষয়ে অসম্মতি-প্রকাশ করেন। নানা সাহেব, ভ্রাতৃবিরোধের আশঙ্কায় কোন কথা বলিতে সাহসী হন নাই।—*Trevelyan, Cawnpur, p. 284.*

কে সাহেব লিখিয়াছেন, নানা সাহেবের সাক্ষাতে পুরুষেরা নিহত হইলেন।—*Kaye, Sepoy War. Vol. II. p. 353.* কিন্তু একটি আরা ঘটনায় উপস্থিত ছিল। সে স্বচক্ষে দেখিয়া বলিয়াছে, নানা সাহেব উপস্থিত ছিলেন না।—*Trevelyan, Cawnpur, p. 285.*

† *Trevelyan, Cawnpur, 299.*

ব্রাহ্ম জীবেরা তাদৃশ নিষ্ঠুরাচরণে নিঃসন্দেহ নিরস্ত থাকিত। কেহ কেহ উল্লেখ করিয়াছেন, হোসেনি খানুমনামে একটি মুসলমান পরিচারিকা কয়েদীদিগের তত্ত্বাবধানকার্যে নিয়োজিতা ছিল। এই পরিচারিকা সচরাচর বেগম নামে অভিহিত হইত। হতভাগ্য অবরুদ্ধদিগের প্রতি পরিচারিকার তাদৃশ যত্ন বা সৌজন্ম ছিল না। কথিত আছে, বেগম ঝাড়ুদার দ্বারা তাহাদিগকে খাদ্য সামগ্রী দিত। তাহার আদেশে অবরুদ্ধা মহিলারা সময়ে সময়ে নানার পরিবারবর্গের জন্ত যব ভানিত। তাহাদিগকে পারিশ্রমিক স্বরূপ নিস্তব যবের কিয়দংশ দেওয়া হইত। এই রূপ শোচনীয় অবস্থায় এইরূপ শোচনীয় নিকৃষ্ট কার্যে নিযুক্ত হওয়াতে, তাহাদের কষ্টের অবধি ছিল না। এদিকে অপকৃষ্ট খাদ্যভোজন ও অপকৃষ্ট স্কীর্ণ স্থানে অবস্থান-প্রযুক্ত তাহাদের মধ্যে অতিসার রোগের আবির্ভাব হইল। অনেকে ঐ রোগে প্রাণত্যাগ করিল। যাহারা জীবিত রহিল, তাহারাও তাদৃশ শোচনীয় অবস্থা অপেক্ষা মৃত্যুকে শ্রেয়স্কর মনে করিতে লাগিল।

নানা সাহেব পারিষদবর্গের সহিত যখন বিস্তৃত প্রাসাদে অবস্থিতি করিতেছিলেন, তখন তাঁহার সম্মুখে অসহায় কুলকামিনী ও শিশু সন্তানেরা অসহনীয় কষ্টে প্রতিদিনই নিপীড়িত হইতেছিল। মদ্রিগণের ভয়েই হউক, বা অল্প কারণেই হউক, নানা সাহেব ইহাদের কষ্টমোচনে উদ্যত হইতেন নাই। অভিনব পেশবার অমাত্যেরা যখন এই সকল নিঃসহায়, নির্দোষ ও নিরীহ জীবের উপর প্রভুত্ব স্থাপিত করিয়া, ফিরিঙ্গীর ক্রমতানাশ হইল বলিয়া আপনাদিগকে গৌরবান্বিত মনে করিতেছিলেন, তখন স্থানান্তর হইতে তাঁহাদের ক্রমতা ও গৌরবনাশের জন্ত ব্রিটিশ সৈন্য আসিতে ছিল। অনতিবিলম্বে এক জন ব্রিটিশ বীরপুরুষ বিপুলোৎসাহে ও অদম্য-ভেজস্বিতাসহকারে বলবতী প্রতিহিংসার তৃপ্তিসাধন জন্ত অভিনব পেশবার সৈনিকদলের সম্মুখে উপনীত হইলেন।

পঞ্চম অধ্যায়।

সেনাপতি হাবেলকের কাণপুরে যাত্রা—সেনানায়ক রেণ্ডের সহিত হাবেলকের সম্মিলন—
ফতেহপুরের যুদ্ধ—ফতেহপুরের অধিবাসীদের উত্তেজনা—ইন্ডরেজসৈন্যের প্রতিহিংসা—
আওঙ্গগ্রামের যুদ্ধ—বিবিঘ্নে হত্যা—কাণপুরের যুদ্ধ—কাণপুরে হাবেলকের আগমন—
নানা সাহেবের পলায়ন—ইন্ডরেজ সৈন্যের অত্যাচার—বিঠুরে নানা সাহেবের প্রাসাদধ্বংস—
সেনাপতি নীলের কাণপুরে উপস্থিতি—নীলের প্রতিহিংসা—কাণপুররক্ষার উপায়বিধান—
হাবেলকের লক্ষ্যযাত্রা।

কাণপুরের পতন ও তদ্রত্য ইউরোপীয়দিগের নিধনের সংবাদ পাইয়া, সেনাপতি হাবেলক, অগ্রগামী সৈনিকদলের অধ্যক্ষ রেনডকে অগ্রসর হইতে নিষেধ করিয়া পাঠাইয়াছিলেন। তদনুসারে রেণড্ লোহঙ্গনামক স্থানে অবস্থিতি করেন। এদিকে হাবেলক রেনডের সহিত সম্মিলিত হইবার জন্ত সত্বরতাসহকারে এলাহাবাদ হইতে যাত্রা করিবার ইচ্ছা করিলেন। তিনি কলিকাতায় প্রধান সেনাপতির নিকটে তাহা এই সংবাদ পাঠাইলেন, “কাণপুর আমাদের হস্তচ্যুত হইয়াছে, কেবল ঐ স্থান হইতেই লক্ষ্যরক্ষা করা যাইতে পারে * * এজন্য আমি ঐ স্থান হস্তগত করিবার চেষ্টা করিতেছি, * ১৪,০০ ব্রিটিশ পদাতিক ও ৬টি কামান সংগৃহীত হইলেই, আমি বড় রাস্তা দিয়া অগ্রসর হইব। আর একদল সৈন্য সংগৃহীত হইলেই কর্ণেল নীল আমার অনুগমন করিবেন। এলাহাবাদের দুর্গ উপযুক্ত ব্যক্তির হস্তে সমর্পিত হইয়াছে।” সেনাপতি হাবেলক এইরূপ সংবাদ পাঠাইয়া কাণপুরে যাত্রা করিবার বন্দোবস্ত করিতে লাগিলেন। তিনি ঠঠা জুলাই যাত্রা করিবার ইচ্ছা করিয়াছিলেন। কিন্তু দ্রব্যাদি সংগৃহীত না হওয়াতে ঐ দিন যাত্রা করিতে পারিলেন না। যে সকল অন্তরায়প্রযুক্ত সেনানায়ক রেণড শীঘ্র শীঘ্র এলাহাবাদপরিত্যাগ করিতে পারেন নাই, সেনাপতি হাবেলকের সম্মুখেও সেই সকল অন্তরায় উপস্থিত হইল। এতদ্ব্যতীত অভিযানের উপযোগী দ্রব্যাদির সংগ্রহে আরও কয়েকদিন বিলম্ব

ঘটিল । অনন্তর ৭ই জুলাইর অপরাহ্নে অভিযানের সঙ্কেত হইল । সেনাপতি হাবেলক ১০০০ ইউরোপীয় পদাতিক, ১৩০ জন শিখ, কতিপয় স্বেচ্ছাপ্রবৃত্ত অশ্বারোহী সৈনিক ও ৬টি কামান লইয়া, এলাহাবাদ হইতে যাত্রা করিলেন । যে সকল আফিসরের সৈনিকদল তাঁহাদের বিপক্ষে দণ্ডায়মান হইয়াছিল, সেই সকল আফিসর এই কাণপুরগামী সৈন্যদলে ছিলেন । যে সকল সিবিল কর্মচারীর কাছারি বন্ধ হইয়াছিল, তাঁহারাও স্বেচ্ছাপ্রবৃত্ত অশ্বারোহী সৈনিকদলে প্রবিষ্ট হইয়া, হাবেলকের বলবৃদ্ধি করিয়াছিলেন । হাবেলক কাণপুরের উদ্ধার ও লক্ষ্যরক্ষার জন্ত, এই সৈনিকদলের উপর নির্ভর করিয়া, এলাহাবাদ পরিত্যাগ করিলেন ।

সেনাপতি যখন কাণপুরে যাত্রা করেন, তখন আকাশমণ্ডল মেঘে আচ্ছন্ন ছিল । অবিলম্বে প্রবলবেগে বৃষ্টি হইতে লাগিল । এই জন্ত সে দিন বা তৎপর দিন হাবেলকের সৈনিকদল অধিক দূর অগ্রসর হইতে পারিল না । অনেকে পশ্চাতে পড়িয়া রহিল । অবিরাম গতিতে অনেকের পদদেশ ক্ষীত ও যন্ত্রণাদায়ক হইয়া উঠিল । হাবেলক এজন্ত চিন্তিত হইলেন, কিন্তু এখন হুশিচিন্তায় অভিযান বন্ধ রাখিবার সময় ছিল না । হাবেলক কোনরূপ বাধা না মানিয়া, কাণপুরের দিকে ক্রমাগত অগ্রসর হইতে লাগিলেন । তিনি ১০ই জুলাই সংবাদ পাইলেন, বহুসংখ্য বিপক্ষসৈন্য তাঁহার অভিমুখে আসিতেছে । কাণপুরের পতনসংবাদে তাঁহার বিশ্বাস জন্মিয়াছিল । এখন বিপক্ষদিগের আগমনসংবাদে সেই বিশ্বাস পূর্বাপেক্ষা দৃঢ়তর হইল ।

এদিকে ইঙ্গরেজ সৈন্যকে বাধা দিবার জন্ত, নানা সাহেব মন্ত্রিগণের পরামর্শে সমস্ত বিষয়ের আয়োজনে তৎপর হইয়াছিলেন । সেনাপতি টীকাসিংহ সিপাহীসৈন্য সজ্জিত করিতেছিলেন । বাবাভট্ট খাদ্যদ্রব্য ও বারুদ প্রভৃতি লইয়া যাইবার জন্ত, গাড়িসংগ্রহ করিবার ভারগ্রহণ করিয়াছিলেন । বিপক্ষদিগের প্রতি তাষু ও জলনিবারক পরিচ্ছদসংগ্রহের আদেশ প্রচারিত হইয়াছিল । এইরূপে সমুদয় সংগৃহীত হইলে, জোয়ালা প্রসাদ ৯ই জুলাই, ১,৫০০ পদাতিক ও গোলন্দাজ, ৫০০ অশ্বারোহী, ১,৫০০ সশস্ত্র সাধারণলোক সহ এলাহাবাদের অভিমুখে যাত্রা করিলেন । ইহাদের সহিত ১২টি কামান

ছিল। টাকাসিংহও সৈনিকদলের পরিচালনভারগ্রহণ করিয়াছিলেন। ইঞ্জরেজসৈন্য কাণপুরের অভিমুখে আসিতেছে শুনিয়া, জোয়ালাপ্রসাদ সম্বর ফতেহপুর নগরে যাইয়া শিবিরসন্নিবেশ করিলেন।

সেনাপতি নীল কাণপুরের পতনসংবাদে বিশ্বাসস্থাপন না করিয়া, রেগড়কে সৈনিকদলসহ অগ্রসর হইতে আদেশ দিবার জন্ত প্রধান সেনাপতিকে তারে জানাইয়াছিলেন। সেনানায়ক রেগড় এজন্ত অগ্রসর হইতে লাগিলেন। এদিকে হাবেলক রেগড়ের সহিত সন্মিলিত হইতে যার পর নাই চেষ্টা করিতে লাগিলেন। তিনি বুঝিয়াছিলেন, রেগড় একাকী অগ্রসর হইলে, তদীয় সৈন্য বিপক্ষের আক্রমণে নিশ্চল হইবে। এজন্ত তাঁহার আশঙ্কা বলবতী হইল। তিনি কোন বিষয়ে কিছুমাত্র কালবিলম্ব করিলেন না। রেগড়ের সহিত মিলিত হইবার জন্ত অশ্রান্তভাবে অগ্রসর হইতে লাগিলেন। অনন্তর ১১ই জুলাই নিশীথকালে হাবেলকের সৈনিকদলের সহিত রেগড়ের দলের সাক্ষাৎ হইল। এই সময়ে আকাশ মেঘশূন্য ছিল। চন্দ্রালোকে চারি দিক উদ্ভাসিত হইয়াছিল। সেই নিশ্চল আকাশতলে চন্দ্রমার স্নিগ্ধ কিরণজালের মধ্যে উভয় দল আনন্দধ্বনি করিতে করিতে উভয়ের সহিত সন্মিলিত হইতে লাগিল। প্রভাতের পূর্বেই সকলে একত্র হইল, এবং সকলেই বাদ্যকরের আনন্দজনক বাদ্যধ্বনিতে প্রফুল্ল হইয়া, অগ্রসর হইতে লাগিল। হাবেলক এই সন্মিলিত ও উৎসাহিত সৈনিকদলসহ, ১২ই জুলাই বেলা ৭ ঘটিকার সময়ে, ফতেহপুরের ৪ মাইল দূরে বেলিন্দানামক স্থানে উপনীত হইলেন। যদি সেনাপতি হাবেলক স্বরিতগতিতে অগ্রগামী সৈনিকদলের সহিত মিলিত না হইতেন, তাহা হইলে নানা সাহেবের প্রেরিত সৈন্যের সম্মুখে ঐ সৈনিকদল আত্মরক্ষা করিতে পারিত না। সেনানায়ক রেগড় হাবেলকের উপস্থিতির পূর্বেই, ফতেহপুর অধিকার করিবার ইচ্ছা করিয়াছিলেন। তাঁহার নিকট সংবাদ আসিয়াছিল যে, ফতেহপুরে অতি অল্পমাত্র বন্দুকধারী লোক রহিয়াছে। কিন্তু ইহার পরেই অভিনব পেশবার বহুসংখ্য সৈন্য ঐ স্থানে আসিতে থাকে। যদি রেগড় অগ্রসর হইতেন, তাহা হইলে, তদীয় সৈন্য নিঃসন্দেহ নিশ্চল হইত। সাংঘাতিক সংবাদ জানাইবার জন্ত কোন

ব্যক্তি জীবিত থাকিত না* । কেবল সেনাপতি হাবেলকের স্মরণশীলতা ও অপরিমিত চেষ্ঠায়, এই বিপদের গতিরোধ হয় । রেগডের সহিত হাবেলকের সৈন্য সম্মিলিত হইলে ইঙ্গরেজপক্ষে ১,৪০০ ব্রিটিশ সৈন্য, ৬০০ এতদেশীয় সহকারী সৈনিকপুরুষ ও ৮টি কামান হয় । এই সৈনিকদলকে একান্ত পরিশ্রান্ত দেখিয়া, হাবেলক তাহাদিগকে বিশ্রাম ও ভোজন করিবার আদেশ দিলেন । সেনাপতির আদেশে সৈনিকেরা অস্ত্রসমূহ এক স্থানে স্তূপীকৃত করিয়া, আহারীয়ের আয়োজন করিতে লাগিল । এমন সময়ে সহসা কামানের একটি গোলা সেনাপতির সম্মুখে আসিয়া পড়িল । এদিকে গুপ্তচরেরা আসিয়া সংবাদ দিল যে, উত্তেজিত সিপাহীসৈন্য ফতেহপুরে অবস্থিতি করিতেছে । সুতরাং হাবেলকের সৈন্যের আর ভোজনের সুবিধা ঘটিল না । তাহারা ভোজ্যসামগ্রীপরিত্যাগপূর্বক যুদ্ধের জন্ত সজ্জিত হইল । এইরূপে ১২ই জুলাই ফতেহপুরে হাবেলক, জোয়ালা প্রসাদের সৈন্যের সম্মুখীন হইলেন । কাণপুরের সিপাহীরা ভাবিয়াছিল যে, কেবল সেনানায়ক রেগডের পরিচালিত সৈনিকদলই তাহাদের সম্মুখে রহিয়াছে । ইহাতে তাহাদের দৃঢ়-বিশ্বাস জন্মিয়াছিল যে, এই যুদ্ধে তাহাদের নিশ্চিতই জয় হইবে । তাহাদের বলাধিক্যে রেগডের সৈন্য নিঃসন্দেহ বিচ্ছিন্ন হইয়া যাইবে । এই আশায় তাহারা উৎসাহসহকারে যুদ্ধে অগ্রসর হইল, কিন্তু রেগডের সহিত হাবেলকের সৈন্য সম্মিলিত হইয়াছে, এই বিষয় যখন তাহাদের গোচর হইল, তখন তাহারা চিন্তিত ও কিয়দংশে হতাশ্বাস হইয়া পড়িল । কিন্তু ইহাতে তাহারা সামরিক ধর্ম্মে জলাঞ্জলি দিল না । অবিলম্বে তাহাদের কামান হইতে গোলার পর গোলা নিক্ষিপ্ত হইতে লাগিল । এ যুদ্ধ পিস্তলে পিস্তলে বা সঙ্গীনে সঙ্গীনে হইল না । রাইফল বন্দুকে ও কামানে ইহার প্রারম্ভ, এবং রাইফল বন্দুকে ও কামানেই ইহার পরিসমাপ্তি হইল । ইঙ্গরেজের রাইফল বন্দুকের গুলি ৩০০ গজ দূর হইতে বিপক্ষদলে আসিয়া পড়িতে লাগিল । কিন্তু কাণপুরের সিপাহীদিগের একপ উৎকৃষ্ট বন্দুক ছিল না । সুতরাং জোয়ালা প্রসাদের সৈনিকদল ব্রিটিশ বন্দুক ও কামানের

* *Havelock's Indian Campaign : Calcutta Review, Vol. XXXII. p., 27.*

সম্মুখে স্থির থাকিতে পারিল না। তাহাদের কামান হইতে মুহূর্মুহঃ গোলাবৃষ্টি হইলেও এ সময়ে ইঙ্গরেজপক্ষের কামানই অধিকতর কার্যকর হইয়া উঠিল। জোয়ালাপ্রসাদের অশ্বারোহীরা সবেগে অগ্রসর হইল। উপস্থিত যুদ্ধে এই অশ্বারোহী সৈনিকেরাই সর্বাপেক্ষা সাহস ও পরাক্রম প্রদর্শন করিয়াছিল। তাহাদের একদল, সেনাপতি হাবেলকের সন্নিকটবর্তী হইয়াছিল। এই সময়ে সেনাপতি আপনার অশ্বারোহীদিগকে অগ্রসর হইতে আদেশ দিলেন। সেনানায়ক পলিসর অশ্বারোহীদিগকে তাঁহার পশ্চাদ্বর্তী হইতে কহিয়া, সবেগে স্বীয় অধিষ্ঠিত অশ্ব বিপক্ষের দিকে পরিচালিত করিলেন। তিন জন স্বেচ্ছা প্রবৃত্ত সৈনিকদলের অশ্বারোহী ও প্রায় ১২জন সওয়ার (প্রধানতঃ এতদেশীয় আফিসর) তাঁহার পশ্চাদ্বর্তী হইলেন। কিন্তু অবশিষ্ট সওয়ারেরা ধীরে ধীরে যাইতে লাগিল। ইহাতে ইঙ্গরেজদিগের বোধ হইল, এই সকল সওয়ার বিপক্ষদিগের সহিত মিলিত হইবে। সেনানায়ক পলিসর সহসা অশ্ব হইতে পতনোন্মুখ হইলেন। অমনি একদল বিপক্ষ অশ্বারোহী তাঁহার দিকে আসিতে লাগিল। এতদেশীয় আফিসরেরা অধিনায়কের জীবন সঙ্কটাপন্ন দেখিয়া, তাঁহার চতুর্দিকে দণ্ডায়মান হইয়া, পরাক্রম ও বিশ্বস্ততাসহকারে যুদ্ধ করিতে লাগিলেন। এই সময়ে কাণপুরের অশ্বারোহীদিগের প্রধান দল আপনাদের অগ্রবর্তী দলের সাহায্যার্থ ধাবিত হইল। এজন্ত ইঙ্গরেজের অশ্বারোহী সৈন্ত তীরবেগে হঠিয়া গেল। যুদ্ধে নজীব খাঁ নামক একজন রেসেলদার অপর ছয় জন সওয়ারের সহিত দেহত্যাগ করিলেন, তথাপি ইঙ্গরেজের বিপক্ষ স্বদেশবাসী অশ্বারোহীদিগের সন্মিলিত হইলেন না। কিন্তু অশ্বারোহীদিগের একরূপ পরাক্রমেও জোয়ালাপ্রসাদ বিজয়ী হইতে পারিলেন না। কথিত আছে, এলাহাবাদের মৌলবী লিকায়ৎ আলি যুদ্ধস্থলে উপস্থিত ছিলেন, তাঁহার উপস্থিতিতে বা তদীয় উৎসাহবাক্যে, মুসলমান সৈনিক পুরুষেরা, রণস্থলে অধিকক্ষণ আপনাদের রণকৌশল প্রদর্শনে সমর্থ হইল না। ইঙ্গরেজের কামানের গোলা সম্মুখে থাকিতে না পারিয়া, কাণপুরের সৈন্ত আপনাদের কামান ফেলিয়া, যুদ্ধস্থল হইতে পলায়ন করিল। তাহাদের প্রায় ১৫০ জন হত ও আহত হইল। সেনাপতি হাবেলক ফতেহপুরের যুদ্ধে জয়শ্রীর অধিকারী হইলেন। তাঁহার দলের এতদেশীয় অশ্বারোহীরা

কাণপুরের অশ্বারোহীদিগের সহিত সন্মিলনের চেষ্টা করিয়াছিল, এই সম্মেছে ১৫ই জুলাই তাহারা নিরস্ত্রীকৃত ও তাহাদের অশ্ব অধিকৃত হইল* ।

কয়েক সপ্তাহ পূর্বে, ফতেহপুরে ইঙ্গরেজের প্রাধান্য অন্তর্হিত হইয়াছিল । ফতেহপুর কাণপুরের ৪০ মাইল উত্তরপশ্চিমে এবং কাণপুর ও এলাহাবাদের মধ্যভাগে অবস্থিত । ইঙ্গরেজেরা ১৮০১ খৃঃ অব্দে এই বিভাগ অযোধ্যার নবাবের নিকট হইতে গ্রহণ করেন । উপস্থিত সময়ে ফতেহপুর নগরে ১৫।১৬ হাজার লোকের বসতি ছিল । ইহাদের অধিকাংশ মুসলমান । এই বিভাগের অনেকে অশ্বারোহী সৈনিক দলভুক্ত ছিল । শাসনসংক্রান্ত কর্মচারীর মধ্যে ফতেহপুর নগরে একজন জজ, একজন মাজিষ্ট্রেট্ কলেক্টর ও একজন সহকারী মাজিষ্ট্রেট ছিলেন । এতদ্ব্যতীত একজন মুসলমান ডেপুটি মাজিষ্ট্রেট্ এইস্থানের রাজকীয় কার্যানির্বাহ করিতেন । ইহার নাম হিকমৎ উল্লা খাঁ । স্বধর্ম্মে হিকমৎ উল্লা খাঁর পর নাই আস্থা ছিল । ফতেহপুরে খ্রীষ্টধর্ম্ম-প্রচারকদিগের কার্যালয় ছিল । প্রচারকেরা পল্লীবাসীদিগের অনেককে খ্রীষ্টীয়ধর্ম্মে দীক্ষিত করিয়াছিলেন । হিকমৎ উল্লা খাঁ খ্রীষ্টীয় ধর্ম্মপ্রচারের বিরোধী ছিলেন । স্বধর্ম্মে ফতেহপুরের ডেপুটি মাজিষ্ট্রেটের যেকপ আস্থা ছিল, ফতেহপুরের জজও সেইরূপ আপনার ধর্ম্মে আস্থাবান ছিলেন । বারাণসীর কমিসনর হেনরি টুকর সাহেবের ভ্রাতা, টিউডর টুকর সাহেব এই সময়ে, ফতেহপুরের প্রধান বিচারপতির পদে অধিষ্ঠিত ছিলেন । তিনি ফতেহপুরের প্রবেশপথে চারিটি প্রস্তরস্তম্ভস্থাপন করিয়াছিলেন । দুইটিতে পারসী ও হিন্দীভাষায় খ্রীষ্টীয় ধর্ম্মের দশবিধ অনুশাসন অঙ্কিত ছিল । অবশিষ্ট দুইটিতে উক্ত দুই ভাষায় খ্রীষ্টীয় ধর্ম্মগ্রন্থ হইতে, ধর্ম্মতত্ত্ব সকল বিবৃত করা হইয়াছিল । কিন্তু স্বধর্ম্মে আস্থাবান হইলেও টুকর সাহেব কাহাকেও বলপূর্ব্বক, আপনার ধর্ম্মে দীক্ষিত করেন নাই । তিনি উদারহৃদয়, দয়াশীল ও পরোপকারপরায়ণ ছিলেন । যে স্থানে ছুঃখী ও নিরন্নলোক তাঁহার দৃষ্টিপথবর্ত্তী হইত, সেই স্থানেই তিনি তাহাদের অভাবমোচনে অগ্রসর হইতেন । প্রগাঢ় ধর্ম্মজ্ঞানের সহিত দয়া ও দানশীলতার সংযোগ হওয়াতে, তিনি সর্ব্বজাতির ও সর্ব্বশ্রেণীরই অধিগম্য ছিলেন । রোগার্জ ও ছুঃখার্জ লোকে

* *Havelock's Indian Campaign: Calcutta Review. Vol. XXXII p. 29.*

তাঁহার পুত্রস্থানীয় ছিল, এজন্য অনেকেই ফতেহপুরের টুকরের প্রতি শ্রদ্ধা-প্রদর্শন করিত। খ্রীষ্টীয় ধর্মের বিস্তারে যত্নশীল হইলেও টুকর অনেকেই যথোচিত সম্মানের পাত্র ছিলেন।

এলাহাবাদে ষষ্ঠ পদাতিদলের প্রায় ৭০ জন সিপাহী ফতেহপুরের ধনাগার-রক্ষা করিতেছিল। মে মাসের শেষভাগে ষটপঞ্চাশ পদাতিদলের কতক-গুলি সিপাহী ও দ্বিতীয় অশ্বারোহিদলের কতিপয় সওয়ার কোম্পানির টাকা লইয়া ফতেহপুরে উপস্থিত হয়। এই দুই দলের লোক শেষে কাণপুরে ব্রিটিশ কোম্পানির বিরুদ্ধে সমুথিত হইয়াছিল। ইহাদের সহিত ফতেহ-পুরবাসী ষষ্ঠ দলের সিপাহীদিগের কোনকপ বড়যন্ত্র হইয়াছিল কিনা, জানা যায় নাই। যাহা হউক, ইহারা কোম্পানির টাকা লইয়া বিনা উত্তেজনায় এলাহাবাদে চলিয়া যায়। এই সময়ে ফতেহপুরের অধিবাসীরা নানাবিধ জনশ্রুতিতে ক্রমে উত্তেজিত হইয়া উঠে। তাহাদের মধ্যে প্রচারিত হয় যে, খ্রীষ্টধর্মাবলম্বীরা নগরের সমগ্র অধিবাসীর ধর্মনাশে কৃতনিশ্চয় হইয়া, গাড়ি বোঝাই শূকর ও গাভীর অস্থি আনিয়া, সমুদয় কূপে নিক্ষেপ করিয়াছে। কতিপয় রাজকীয় কর্মচারী এই জনরবের বিষয় মাজিষ্ট্রেটের গোচর করেন। মাজিষ্ট্রেট্ উহাতে উপহাস করিয়া কহেন, খ্রীষ্টধর্মে কাহাকেও বলপূর্বক দীক্ষিত করিবার উপদেশ নাই। সুতরাং উক্ত ধর্মাবলম্বীরা এ বিষয়ে অপরাধী হইতে পারে না। কিন্তু মাজিষ্ট্রেটের এইরূপ কথায় উত্তেজনার গতি নিরুদ্ধ হইল না। মিরাতের সংবাদ পাইয়া, ফতেহপুরবাসীরা অধিকতর উত্তেজিত হইয়া উঠিল, এজন্য ফতেহপুরের ইঙ্গরেজেরা শঙ্কিত হইলেন। তাঁহারা আপনাদের পরিবারবর্গকে এলাহাবাদে পাঠাইয়া দিলেন। এত-দেশীয় খ্রীষ্টধর্মাবলম্বীদিগের পরিবারবর্গকেও কোন নিরাপদ স্থানে পাঠাইয়া দিতে বলা হইল। ফতেহপুরের ইউরোপীয়েরা এই জুন কাণপুরের দিকে কামানের শব্দ শুনিয়া, ভীত হইলেন, এবং কালবিলম্ব না করিয়া, সকলে মাজিষ্ট্রেটের গৃহে আশ্রয়গ্রহণ করিলেন। যেহেতু তাঁহারা শুনিতে পাইয়াছিলেন যে, দ্বিতীয় অশ্বারোহিদল ও ষটপঞ্চাশদলের কতকগুলি সিপাহী এলাহাবাদ হইতে কাণপুরের অভিমুখে আসিতেছে। ইহারা ফতেহপুরে আসিয়া, তাঁহাদিগকে আক্রমণ করিবে। ঐ সকল

সিপাহী ফতেহপুরে আসিয়া, ধনাগার লুণ্ঠনের চেষ্টা করিল, কিন্তু ধনাগার রক্ষক ৬ষ্ঠ দলের সিপাহীরা এ পর্য্যন্ত বিশ্বস্তভাবে ছিল, তাহারা আক্রমণ-কারীদিগকে তাড়াইয়া দিল। ৭ই জুন এলাহাবাদের সংবাদ ফতেহপুরে উপস্থিত হইল। এই সংবাদে ধনাগাররক্ষক সিপাহীরা আর ফতেহপুরে থাকিল না। তাহারা যখন শুনিল, তাহাদের এলাহাবাদস্থিত দলের লোক কোম্পানির বিপক্ষ হইয়াছে, তখন তাহারা বিশিষ্ট শৃঙ্খলার সহিত কাণপুরের দিকে চলিয়া গেল। এ সময়ে ফিরিঙ্গীর শোণিতপাতে তাহাদের আগ্রহ হইল না। ফিরিঙ্গীর সম্মুখে কালান্তকের ঞায় বিকটভাবে দণ্ডায়মান হইতেও তাহাদের প্রবৃত্তি জন্মিল না। তাহারা ফতেহপুরবাসী ইউরোপীয়দিগের কাহারও কোনরূপ অনিষ্ট না করিয়া, ধনাগার পরিত্যাগ করিল।

অনন্তর ৯ই জুন সহসা প্রবল ঝটিকার আরম্ভ হইল। এক দিকে এলাহাবাদ, অপর দিকে কাণপুর, দুই দিকের ভীষণ বিপ্লবসাগরের ছুইটি প্রচণ্ড তরঙ্গ আসিয়া ফতেহপুর ভাসাইয়া দিল। ফতেহপুরের হিন্দু ও মুসলমানদিগের অনেকে, উত্তেজিত সিপাহীদিগের সহিত মিশিল। মুসলমানেরা খ্রীষ্টধর্মের প্রচারে সাতিশয় বিরক্ত হইয়াছিল, তাহারা এখন স্বেয়োগ বুঝিয়া, দলে দলে খ্রীষ্টধর্মাবলম্বীদিগের বিরুদ্ধে আসিতে লাগিল। উত্তেজিত সিপাহীরা কারাগারের দ্বার উন্মোচিত করিল। কয়েদীরা চারি দিকে বাইয়া, অরাজকতাবৃদ্ধি করিতে লাগিল। ধনাগার বিলুপ্ত হইল। কাছারিগৃহ সমুদয় কাগজপত্রের সহিত ভস্মীভূত হইয়া গেল। খ্রীষ্টধর্মপ্রচারের কার্যালয় আক্রান্ত হইল। ইউরোপীয়েরা যখন দেখিলেন, যে তাহাদের প্রাধান্য অন্তর্হিত হইয়াছে, নগরের উন্নত লোকে প্রতিমুহূর্তে তরঙ্গর কার্যসাধনের নিমিত্ত দলবদ্ধ হইতেছে, তখন তাহারা হতাশ হইয়া, আত্মরক্ষার জন্য স্থানান্তরে বাইতে উদ্যত হইলেন। এই সময়ে ফতেহপুরে ১০ জন ইউরোপীয় অবস্থিতি করিতেছিলেন। ইহাদের নয় জন ৯ই জুন অপরাহ্নে অখারোহণে ফতেহপুর হইতে যাত্রা করিলেন। চারি জন বিশ্বস্ত সওয়ার ইহাদের সঙ্গী হইল। ইহারা বাঁদা, কালিঞ্জর প্রভৃতি ভিন্ন ভিন্ন স্থান দিয়া, বাইশ দিনে এলাহাবাদে উপনীত হইলেন।

কেবল এক জন মাত্র ইঙ্গরেজ রাজপুরুষ আপনার স্থানে অটল রহিলেন।

এক জন ইংরেজ রাজপুরুষ আপনার রক্ষণীয় স্থান পরিত্যাগ করিলেন না। বিচারপতি রবর্ট টুকর প্রাণপণে ফতেহপুররক্ষায় দৃঢ়প্রতিজ্ঞ হইলেন। তিনি অবিলম্বে অশ্বপৃষ্ঠে আরোহণ করিলেন, এবং কতিপয় পুলিশসৈন্য সঙ্গে লইয়া, উদ্ভেজিত লোকদিগকে নিরাকৃত করিতে উদ্যত হইলেন। তাঁহার সাহস, উদ্যম, সর্বোপরি তাঁহার কর্তব্যনিষ্ঠা, কিছুতেই দূরীভূত হইল না। তিনি সৈনিকবিভাগে নিযুক্ত না থাকিলেও, অস্ত্রপরিগ্রহ-পূর্বক, যুদ্ধবীর সেনাপতির পদে অধিষ্ঠিত হইলেন। তাঁহার পরাক্রমে কতিপয় বিপক্ষ নিহত হইল, তিনি নিজেও আহত হইলেন। তাঁহার সহযোগীরা যখন ফতেহপুর হইতে যাত্রা করেন, তখন তিনি কাছারিগৃহে ছিলেন। তিনি এইস্থানে থাকিয়াই উদ্ভেজন্য গতিরোধ অথবা গবর্ণমেন্টের কার্যসাধন জন্ত দেহত্যাগে কৃতসঙ্কল্প হইলেন।

কিন্তু তেজস্বী বিচারপতির উদ্দেশ্য সিদ্ধ হইল না। রবর্ট টুকর যে গবর্ণমেন্টের কার্যসাধনে নিয়োজিত হইয়াছিলেন, সেই গবর্ণমেন্টের জন্তই অম্লানভাবে আত্মবিসর্জন করিলেন। তিনি কিরূপে দেহত্যাগ করেন, তৎসম্বন্ধে অনেকেই অনেক মত প্রকাশ করিয়াছেন। ফতেহপুরের মাজিষ্ট্রেট সেরার সাহেব উল্লেখ করিয়াছেন, ডেপুটি মাজিষ্ট্রেট হিকমৎ উল্লাহ আদেশে বিচারপতি টুকরকে গুলিকরা হয়। ঐ সময়ে হিকমৎ উল্লাহ সেই স্থলে কোরাণপাঠ করিতেছিলেন। কিন্তু এ বিষয় সম্পূর্ণরূপে বিশ্বাসযোগ্য বলিয়া প্রতিপন্ন হয় নাই। কেহ কেহ নির্দেশ করিয়াছেন, বিচারপতি টুকর মুসলমান ডেপুটি মাজিষ্ট্রেটকে আপনার নিকটে আসিতে আদেশ করেন। হিকমৎ উল্লাহ মুসলমানদিগের সবুজ বর্ণের পতাকা উড়াইয়া, পুলিশসৈন্য সমভিব্যাহারে কাছারিগৃহে উপনীত হইলেন। মুসলমানেরা বিচারপতিকে আপনাদের ধর্মগ্রহণ করিতে অমুরোধ করে। বিচারপতি অসম্মত হইলেন। এজন্য উদ্ভেজিত মুসলমানগণ অগ্রসর হইয়া, তাঁহাকে মৃত্যুমুখে পাতিত করে। অন্য মতানুসারে ১০ই জুলাই বেলা ৯ ঘটিকার সময়ে ধনাগার বিলুপ্তি হয়, অপরাহ্নে সৈয়দ মহম্মদ হোসেননামক এক ব্যক্তি এক দল উদ্ভেজিত মুসলমানের অধিনায়ক হইয়া, টুকর সাহেবকে আক্রমণ করে। টুকর কাছারির ছাদে আশ্রয়গ্রহণপূর্বক কিয়ৎক্ষণ আত্মরক্ষা করেন।

শেষে আক্রমণকারীরা তাঁহার আশ্রয়গৃহে আগুন দেয়। দেখিতে দেখিতে ধূমরাশিতে চারিদিক পরিব্যাপ্ত হয়। তাহারা, ধূমের সাহায্যে আত্মগোপন-পূর্বক ছাদে উঠিয়া, বিচারপতিকে নিহত করে। উপস্থিত বিষয়ে বিভিন্ন জনে এইরূপ বিভিন্ন কথার উল্লেখ করিয়াছেন। যাহা হউক, বিচারপতি টুকর যে, কাছারিগৃহে প্রাণত্যাগ করিয়াছিলেন, তদ্বিষয়ে বোধ হয়, মতদ্বৈধ নাই। তিনি সাহস ও পরাক্রমসহকারে ঐ স্থলে আত্মরক্ষা করিতেছিলেন। বিপক্ষের নিক্শিপ্ত গুলিতে পতিত ও গতাস্থ না হওয়া পর্য্যন্ত, তিনি একাকী বিপক্ষের সন্মুখে অবিচলিতভাবে দণ্ডায়মান থাকিয়া, বন্দুক ভরিতেছিলেন ও ছুড়িতেছিলেন। শেষে তাঁহার ক্ষমতা অন্তর্হিত হয়। বহুসংখ্য মুসলমানের আক্রমণে তিনি সেই কাছারিগৃহেই প্রাণত্যাগ করেন। উত্তেজিত মুসলমানগণ যখন আপনাদের এই কার্য্যে আপনারাই আমোদপ্রকাশ করিতেছিল, তখন দুইজন হিন্দুর সহিত তাহাদের সাক্ষাৎ হয়। হিন্দুদ্বয় টুকরের স্ত্রী, স্ত্রীপুত্র ও দয়ালু ব্যক্তির হত্যার জ্ঞাত অকুতোভয়ে মুসলমানদিগকে তিরস্কার করে। এইরূপ তিরস্কারে উত্তেজিত দলের ক্রোধ বর্দ্ধিত হয়। তাহারা পূর্বাপেক্ষা অধিকতর উত্তেজিত হইয়া, তিরস্কারকারী হিন্দুদ্বয়কে নিহত করে*।

ফতেহপুর পাঁচ সপ্তাহকাল অরাজক অবস্থায় থাকে। লোকে নানা সাহেবের প্রাধিকার স্বীকার করিলেও, যথেষ্টাচারে নিরস্ত হয় নাই। সকলেই স্বপ্রধান হইয়া, আপনাদের ইচ্ছানুসারে কার্য্য করিতে থাকে। হাবেলক ফতেহপুরে উপস্থিত হইলে, অধিবাসীরা প্রাণভয়ে পলায়ন করে। এ সময়ে ইঙ্গরেজ প্রতিহিংসার তৃপ্তিসাধনে বিমুগ্ধ হইয়া নাই। পূর্বে উক্ত হইয়াছে, ফতেহপুরের মাজিষ্ট্রেট সেরার সাহেব এলাহাবাদে উপনীত হইয়াছিলেন। তিনি এলাহাবাদ হইতে আবার সেনাপতি হাবেলকের দলে প্রবিষ্ট হইয়াছেন। সেরার সাহেব এ সময়ে যাহা যাহা দেখিয়া ছিলেন, তৎসমুদয়ের বিশদ বর্ণনা করিয়া গিয়াছেন। তিনি ফতেহপুরে প্রত্যাগমন সময়ে যাহা লিখিয়াছেন, তাহার ভাবার্থ এই—“আমাদের

* *Kaye, Sepoy War. Vol. II. p.367.*

পথবর্তী অনেক পল্লীই বিদগ্ধ হইয়াছিল। কোথাও একটি মানুষও পরিদৃষ্ট হয় নাই। * * * কুটারের পরিবর্তে কেবল কুম্ববর্ণ ভগ্নস্তূপ রহিয়াছিল। মানুষের অস্তিত্বপ্রাপক কোনরূপ শব্দ কোথাও শ্রুতিগোচর হয় নাই। মানবের কণ্ঠস্বর বা তাহাদের অবলম্বিত বিবিধ কার্যের পরিচয়সূচক শব্দের পরিবর্তে সকল স্থল ভেকের ধ্বনিতে, ঝিল্লীরবে ও সহস্র সহস্র উদ্ভীর্ণমান পতঙ্গের শব্দে পরিপূর্ণ হইয়াছিল। * * * সময়ে সময়ে বায়ুপ্রবাহে বৃক্ষশাখা-বিলম্বিত শব্দসমূহের ছুর্গন্ধ অনুভূত হইতেছিল। এই সকল ভীষণ দৃশ্য এবং এইরূপ জনশূন্যতা ও সর্ববিধবৎস, তাহারা প্রত্যক্ষ করিয়াছেন, আমার বোধ হয়, তাহারা কখনও উহা ভুলিতে পারিবেন না।” ইঙ্গরেজ প্রতিহিংসায় অধীর হইয়া, কিরূপ সর্ববিধবৎসের রাজ্যবিস্তার করিয়াছিলেন, তাহা এই বর্ণনায় পরিস্ফুট হইতেছে*। এখন ফতেহপুর নগর প্রায় জনশূন্য হইয়াছিল। কয়েক সপ্তাহ পূর্বে যে স্থল, উত্তেজিত লোকের কোলাহলে পরিপূর্ণ ছিল, তাহা এখন নীরবে আপনার অশ্রুর্দ প্রশান্তভাবে পরিচয় দিতে ছিল। রাজপথে কাহাকেও দেখা যাইত না। দোকানে কেহ ক্রয়বিক্রয়ে ব্যাপ্ত থাকিত না। অনেক দোকান ও অনেক গৃহ বিবিধ দ্রব্যে পরিপূর্ণ ছিল। অধিস্বামীরা উহা লইয়া যাইবার সুযোগ প্রাপ্ত হয় নাই। সমাগত ইউরোপীয় ও শিখমৈনিকেরা ক্রমসমুদয় বিলুপ্তি করিল। বৃহৎ বৃহৎ অট্টালিকা তোপে বিধ্বস্ত ও তৃণাচ্ছাদিত গৃহসমূহ অগ্নিতে ভস্মীভূত হইল।

ইঙ্গরেজ যেমন প্রতিহিংসায় পরিচালিত হইয়া, সংহারকার্য সম্পন্ন করিয়াছেন, এতদেশীয় উত্তেজিত লোকেও সেইরূপ ইঙ্গরেজের প্রতি গভীর বিদ্বেষপ্রযুক্ত, ইঙ্গরেজের অধ্যুসিত বা ইঙ্গরেজের নিশ্চিত গৃহ ও ইঙ্গরেজের প্রবর্তিত সভ্যতার চিহ্ন বিনষ্ট করিবার চেষ্টা করিয়াছে। হাবেলকের দলভুক্ত আর এক ব্যক্তি এবিষয়ের এইরূপ বর্ণনা করিয়াছেন—
“তাহারা (এতদেশীয় : উত্তেজিত লোকে) আমাদের বাঙ্গলা দগ্ধ করিয়াছে, আমাদের ধর্মমন্দির অপবিত্র করিয়া ফেলিয়াছে। * * * যাহা

* *Kaye, Sepoy War. Vol. II. p. 368.*

† *Martin, Indian Empire. Vol. II. p. 376.*

ইংলণ্ডজাত বা যাহার সহিত ইঙ্গরেজী সভ্যতার সংশ্রব আছে, বিপ্লবকারীরা তৎসমুদয়ই বিনষ্ট করিয়াছে। টেলিগ্রাফের তার বিচ্ছিন্ন ও তারের স্তম্ভসমূহ উৎখাত হইয়াছে। বাঙ্গলাসমূহ ভস্মীভূত হইয়া গিয়াছে। পথের দূরত্বজ্ঞাপক প্রোথিত প্রস্তরকীলক (মাইল ষ্টোন) যদিও বিপ্লবকারীদিগের নিরতিশয় প্রয়োজনীয়, তথাপি উহা ইঙ্গরেজের প্রবর্তিত বলিয়া, বিনষ্ট হইয়াছে*।” সেরার সাহেব বিদগ্ধ ও পরিত্যক্ত পল্লীসমূহের শোচনীয়ভাবে বর্ণনা করিয়াছেন। আর হাবেলকের দলস্থিত এই লেখক, এতদ্দেশীয় উত্তেজিত লোকের ফিরিঙ্গীনিদেষের এইরূপ পরিচয় দিয়াছেন। জনসাধারণ যখন ইঙ্গরেজের বিরুদ্ধে উত্তেজিত হইয়াছিল, তখন স্বদেশ হইতে ইঙ্গরেজের সহিত ইঙ্গরেজের ধর্ম, ইঙ্গরেজের রীতিনীতি ও ইঙ্গরেজের সভ্যতার সমুদয় চিহ্নের বিলোপে দৃঢ়প্রতিজ্ঞা করিয়াছিল। আর ইঙ্গরেজ যখন প্রতিহিংসায় অধীর হইয়া, কার্যক্ষেত্রে প্রবেশ করিয়াছিলেন, তখন তাঁহারা জনসাধারণের সংশ্লিষ্ট সমুদয় বিষয়ই সমূলে, বিনষ্ট করিয়া ফেলিয়া ছিলেন। ভয়াবহ বিপ্লবে ছুই দিকেই লোকাকীর্ণ সমৃদ্ধ জনপদ মহাশ্মশানে পরিণত হইয়াছিল।

ফতেহপুরের যুদ্ধের সংবাদ কাণপুরে পঁহছিল। বালরাও ইঙ্গরেজ সেনাপতির গতিরোধের জন্ত প্রেরিত হইলেন। তিনি কাণপুরের বাইশ মাইল দক্ষিণে আওঙ্গনামক পল্লীতে শিবিরসন্নিবেশ করিলেন। ফতেহপুরের যুদ্ধে সেনাপতি হাবেলক বিপক্ষদিগের বারটি কাগান হস্তগত করিয়াছিলেন। এখন এই সকল কামান বিপক্ষদিগের বিরুদ্ধে পরিচালিত হইল। ১৪ই জুলাই অপরাহ্নে ইঙ্গরেজের শিবিরে সংবাদ আসিল যে, বালরাও সৈন্যসহ ছয় মাইল দূরবর্তী আওঙ্গ পল্লীতে রহিয়াছেন। হাবেলক সংবাদ পাইয়া, তাঁহার অভিমুখে অগ্রসর হইতে লাগিলেন। ১৫ই জুলাই বেলা নয় ঘটিকার সময়ে উভয় দলে যুদ্ধ উপস্থিত হইল। এই যুদ্ধে ইঙ্গরেজের কামান পূর্বাপেক্ষা অধিকতর কার্যকর হইয়া উঠিল। ইঙ্গরেজের রাইফল বন্দুক ও বিপক্ষের বন্দুকের ক্ষমতা নষ্ট করিয়া ফেলিল। বালরাওর অশ্বারোহিদল প্রবলবেগে অগ্রসর হইল। কিন্তু রাইফল বন্দুকের অবিচ্ছিন্ন

* *Calcutta Review Vol. XXXII. p 27-28.*

গুলিবৃষ্টিতে তাহাদের গতিরোধ হইয়া গেল। তাহারা ঘুরিয়া ইঙ্গরেজ সৈন্যদলের পশ্চাদ্ভাগ আক্রমণ করিল। এখানেও তাহাদের প্রাধান্ত বন্ধমূল হইল না। এই যুদ্ধে বালরাওর সৈনিকদল সাতিশয় পরাক্রমপ্রকাশ করিয়াছিল। দুই ঘণ্টা কাল বোরতর যুদ্ধের পর ইঙ্গরেজের কামানে ও বন্দুকে তাহাদের পরাজয় হইল*।

আওঙ্গ্‌গ্রামের কয়েক মাইল অন্তরে একটি ক্ষুদ্র নদী আছে। এই নদী পাণ্ডু নামে কথিত হইয়া থাকে। পার হইবার জন্ত নদীর উপর একটি সেতু ছিল। পাণ্ডু নদী যদিও সঙ্কীর্ণ, তথাপি বর্ষার জলে পরিপূর্ণ হওয়াতে ঐ সেতুভিন্ন পার হইবার অন্য উপায় ছিল না। বালরাও পশ্চাদ্ভাগে গমন পূর্বক নদীর অপর তটে উত্তীর্ণ হইয়া, উক্ত সেতু তোপে উড়াইয়া দিবার চেষ্টা করিতে লাগিলেন। সেনাপতি হাবেলক এই সংবাদপ্রাপ্তি-মাত্র সেতুর দিকে অগ্রসর হইলেন। প্রচণ্ড সূর্যের প্রখর উত্তাপের মধ্যে দুই ঘণ্টা কাল গমন করিয়া, ইঙ্গরেজসৈন্য সেতুর সম্মুখবর্তী হইল। বালরাও সেতুর নিকটে দুইটি বৃহৎ কামান স্থাপিত করিয়াছিলেন। বিপক্ষ সৈনিকদল তাঁহার দৃষ্টিপথবর্তী হইবামাত্র ঐ কামানদ্বয় হইতে গোলাবৃষ্টি হইতে লাগিল। ইঙ্গরেজদিগের কামান বড় ছিল না; সুতরাং উহার দ্বারা দূর হইতে গোলানিক্ষেপের সুবিধা হইল না। এজন্য ইঙ্গরেজসৈন্য প্রবলবেগে কিয়দূর অগ্রসর হইয়া কামান ছুড়িতে লাগিল। সত্বে বালরাওর তোপ হইতে গোলানিক্ষেপ বন্ধ হইল। ইঙ্গরেজের তোপে সিপাহীদিগের কামান ভরিবার উপযুক্ত যষ্টিসমূহ নষ্ট হইয়া গিয়াছিল। উহার অভাবে সিপাহীরা আর কামান ভরিতে পারিল না। বিপক্ষদিগের তোপ বন্ধ দেখিয়া, সেনাপতি হাবেলক সেনানায়ক রেগডকে ইউরোপীয় পদাতিদলসহ অগ্রসর হইতে আদেশ দিলেন। রেগড তীব্রবেগে অগ্রসর হইলেন। এদিকে তাহাদের কামান বালরাওর অশ্বারোহিদলের গতিরোধ করিল। সেতু ইঙ্গরেজের অধিকৃত হইল। বালরাও স্বক্ৰমে আহত হইয়া রণস্থল পরিত্যাগ করিলেন। তাঁহার পাঁচটি কামান ইঙ্গরেজসৈন্যের অধিকৃত হইল। এই যুদ্ধে ইঙ্গরেজপক্ষের বিশিষ্ট ক্ষতি হইয়াছিল। সেনানায়ক রেগড যখন

* *The Mutiny of the Bengal Army. p 150.*

আপনার সৈনিকদল সেতুর সম্মুখে পরিচালিত করিতেছিলেম, তখন উরুদেশে সাংঘাতিকরূপে আহত হইলেন। এই আঘাতে দুই দিনের মধ্যে তাহার প্রাণবিয়োগ হয়*। সিপাহীরা পাণ্ডু নদীর তটে ইঙ্গরেজ সৈনিকদলের সন্নিকটবর্তী হইয়া, অসামান্য তেজস্বিতা ও পরাক্রমের সহিত যুদ্ধ করিয়াছিল। উপযুক্ত সেনাপতিকর্তৃক পরিচালিত হইলে তাহারা বিপক্ষদিগের গতিরোধে অসমর্থ হইত না†। সিপাহীযুদ্ধের সকল স্থলেই এইরূপ উপযুক্ত সেনাপতির একান্ত অভাব লক্ষিত হইয়াছিল।

বালরাও আহত হইয়া, কাণপুরে গমন করিলেন। ১৫ই জুলাই অপরাহ্নে অভিনব পেশবার সত্ৰামণ্ডপে আবার পরাজয়ের সংবাদ প্রচারিত হইল। এই সংবাদে আমোদ ও উৎসবের শ্রোত মন্দীভূত হইল। ক্রুরপ্রকৃতি মন্ত্রিগণ এই সংবাদে আরও চিন্তিত হইলেন। বিষাদের কালিমা আবার তাঁহাদের মুখমণ্ডলে বিকাশ পাইল। কার্যপটুতা ও সূক্ষ্মদর্শিতা থাকিলে, বালরাও, ইঙ্গরেজ সেনাপতির উপস্থিতির পূর্বেই পাণ্ডু নদীর সেতু বিনষ্ট করিতে পারিতেন। কিন্তু কার্যক্ষেত্রে ঈদৃশী পটুতা বা সমীক্ষ্য-করিতা পরিদৃষ্ট না হইলেও, তদীয় পৃষ্ঠদেশের ক্ষত স্থান পেশবার পারিষদ-বর্গের নিকটে তাঁহার রণকুশলতার পরিচয় দিতে লাগিল। সেনাপতি হাবেলক পাণ্ডুনদী উত্তীর্ণ হইয়া, কাণপুরের অভিমুখে আসিতেছেন, এখন কি কর্তব্য, তাহার নির্ধারণজন্য মন্ত্রিগণ অবিলম্বে সমবেত হইলেন। কিন্তু তাঁহারা একমত হইতে পারিলেন না। কেহ বিচূরে যাইয়া আশ্চর্যকার উপায় করিতে বলিলেন, কেহ ফতেগড়ের উদ্ভেজিত সিপাহীদিগের সহিত সন্মিলিত হইতে পরামর্শ দিলেন, কেহ বা কাণপুরের পথে দণ্ডায়মান হইয়া, বিপক্ষদিগের গতিরোধ করিতে কহিলেন। অনেক বিচারবিতর্কের পর, এই শেষোক্ত মতই পরিগৃহীত হইল। তদনুসারে যুদ্ধের আয়োজন

* কে সাহেব লিখিয়াছেন, মেজর রেগড আওঙ্গ্ গ্রামের যুদ্ধে আহত হইলেন—*Kaye, Sepoy War. Vol. II. p. 369.* কিন্তু অল্প মতে সেনানায়ক রেগড পাণ্ডু নদীর সেতু অধিকার করিবার সময়ে আহত হইয়াছিলেন।—*Mutiny of the Bengal Army, p. 150. Martin, Indian Empire. Vol. II. p. 376.*

† *Martin, Indian Empire. Vol. II. 376.*

হইতে লাগিল। এই সময়ে কুম্ভী আবার কুম্ভনার পরাকাষ্ঠা দেখাইতে উদ্যত হইলেন। ফিরিঙ্গীবিদ্বেষে তাঁহার হৃদয় কলুষিত হইয়াছিল। দয়াশীলতা, স্নেহপরতা পরহুঃখকাতরতা প্রভৃতি প্রকৃত মনুষ্যোচিত গুণ সমূলে বিনষ্ট হইয়া গিয়াছিল। তিনি প্রায়কালীন কালান্তকের ঞায় কাণপুরে কেবল সংহার-কার্যের অনুষ্ঠানেই ব্যাপ্ত ছিলেন; এখন এই শেষ বার সেই ভীষণ কার্যের শেষাংশ সম্পাদনে অগ্রসর হইলেন।

ক্রুরপ্রকৃতি মুসলমান সচিব আজিমুল্লা বিবিঘরের হতভাগ্য কয়েদী-দিগের সম্বন্ধে উদাসীন ছিলেন না। তিনি নানা সাহেবকে কহিলেন, ইঙ্গরেজ সেনাপতি তাঁহাদের কুলকামিনী ও বালকবালিকাদিগের বিমুক্তির জ্ঞা আসিতেছেন, যদি এই সময়ে উহাদের হত্যা করা হয়, তাহা হইলে সেনাপতি বিফলমনোরথ হইয়া, সৈন্তসহ আপনা হইতেই ফিরিয়া যাইবেন। ব্রিটিশসৈন্ত ক্রমে ভারতবর্ষ পরিত্যাগ করিবে *। নানা সাহেব নামে মহাপরাক্রান্ত ও মহামহিমাম্বিত পেশবা ছিলেন, কিন্তু কার্যে আজিমুল্লাই সর্বাধিপতি ও সর্বময় প্রভু হইয়া উঠিয়াছিলেন। সুতরাং তাঁহার অভিপ্রায়সিদ্ধির কোন বিঘ্ন উপস্থিত হইল না। কথিত আছে, পুনঃ পুনঃ নরনারী ও শিশুসন্তানের হত্যার সংবাদে নানা সাহেবের মাতৃ-দেবীরা নিরতিশয় ব্যথিতহৃদয় হইয়াছিলেন। তাঁহারা এই বলিয়া ভয় দেখাইয়াছিলেন যে, যদি আবার হত্যা কাণ্ড অনুষ্ঠিত হয়, তাহা হইলে তাঁহারা, সন্তানগণের সহিত প্রাসাদের গবাক্ষদেশ হইতে ভূপতিত হইয়া, প্রাণত্যাগ করিবেন। এই বলিয়া তাঁহারা কিয়ৎকাল আহারপানপরিত্যাগ করেন। কিন্তু তাঁহাদের এইরূপ কাতরতাতেও আজিমউল্লা নিরস্ত হইলেন না। বিবিঘরের হতভাগ্য অবরুদ্ধদিগের অদৃষ্টচক্র পূর্বাপেক্ষা অধিকতর নিম্নগামী হইল।

এই শোচনীয় ঘটনার কথা সংক্ষেপে বর্ণনীয়। অবরুদ্ধদিগের মধ্যে ৪।৫ জন পুরুষ ছিলেন। ইহারা ১৫ই জুলাই অপরাহ্নে কারাগার হইতে বহির্দেশে আনীত ও নিহত হইলেন। আজিম উল্লা প্রথমতঃ অনেক চেষ্টা করিয়াও মহিলা ও বালকবালিকাদিগের হত্যার জ্ঞা লোকসংগ্রহ করিতে

* Thomson, *Story of Cawnpur*, p. 212-213. Comp. Russell, *Diary in India*, Vol. II., p. 167.

পারিলেন না*। অথারোহী সিপাহীরা আর আপনাদের হস্ত কলুয়িত্ত করিতে সন্মত হইল না। পদাতিরাও অসম্মতিপ্রকাশ করিল। অবশেষে কারাগাররক্ষক ৬ষ্ঠ পদাতিদলের সিপাহীরা ভয়ঙ্করকার্যসাধনে আদিষ্ট হইল। তাহারা গবাক্দেশ দিয়া গুলি করিতে লাগিল। কিন্তু শেষে তাহাদেরও এই নৃশংস কার্যসাধনে প্রবৃত্তি হইল না। তাহারা নিরস্ত থাকিল। তাহাদিগকে কামানের মুখে উড়াইয়া দিবার ভয় প্রদর্শিত হইল, তথাপি তাহারা নিরীহ জীবের শোণিতপাতে আর অগ্রসর হইল না†। অনন্তর কারাগারের তত্ত্বারধায়িকা বেগম, কয়েক জন কসাই ও অন্ত নরঘাতক লোক, সন্মত পাঁচ জনকে লইয়া আসিল। ইহারা সন্ধ্যাকালে তরবারির আঘাতে হতভাগ্য জীবদিগের প্রাণসংহার করিতে লাগিল। অনেকে নির্দয় নরঘাতকদিগের অস্ত্রঘাতে অবিলম্বে দেহত্যাগ করিল। কেহ কেহ অর্দ্ধমৃত্যবস্থায় পড়িয়া রহিল। রাত্ৰিকালে ভীতিব্যঞ্জক চীৎকারের বিরাম হইল বটে, কিন্তু মর্মান্তিক কাতরতাপ্রকাশক ধ্বনির বিরাম হইল না। ১৬ই জুলাই প্রাতঃকালে নিহত ও আসন্নমৃত্যুদিগের দেহ, নিকটবর্তী কূপে নিক্ষিপ্ত হইল। কথিত আছে, আহত মহিলাদিগের কাহারও কাহারও কথা কহিবার সামর্থ্য ছিল। তাহারা কাতরস্বরে আপনাদের যন্ত্রণার অবসান করিবার প্রার্থনা করিতে লাগিল। কয়েকটি বালক অক্ষতশরীরে ছিল। শরীরের ঋক্ষতা ও ঘনসন্নিবিষ্ট মহিলাদিগের মধ্যে অবস্থিতিপ্রযুক্ত ইহাদের দেহে অঙ্গস্পর্শ হয় নাই। ইহারা এখন সবিস্ময়ে ও সভয়ে কূপের পাশ্বে দৌড়িতে লাগিল। ঘটনাস্থলে কতিপয় ব্যক্তি উপস্থিত ছিল, কিন্তু হতভাগ্য শিশুদিগের প্রাণরক্ষা করিতে কেহই সাহসী হইল না। হত, আহত ও অস্ত্রঘাতশূন্য, সকলেই সেই কূপে সেই সাধারণ সমাধিতে সমাহিত হইল‡। আজিম উল্লার যন্ত্রণায় ও আজিম উল্লার চেষ্টায়, এইরূপে কাণপুরের শেষ হত্যাকাণ্ড সম্পন্ন হইল। নিহত ইউরোপীয় কুলকামিনীদিগের কাহারও

* *Martin, Indian Empire. Vol. II., p. 381.*

† *Ibid, pp. 381, 382.*

‡ ষষ্ঠ পদাতিদলে ফিচেনামে একজন ফিরিন্দী বাদ্যকর ছিল। উক্তজিত মুসলমান সিপাহীরা তাহাকে মুসলমানধর্মপরিগ্রহ করিতে বলে। ফিচেন্টও তাহাতে সন্মত হয়।

করান বিনষ্ট হয় নাই। কেহই পরপুরুষের সংস্পর্শে কলঙ্কিত হইয়া নাই। কাহারও হৃদয়নিহিত জীবনাধিক অমূল্য রত্ন অপহৃত হয় নাই, বা কেহই বিকৃতদেহ ও গোরবদ্রষ্ট হইয়া অবস্থিতি করেন নাই*। বিপক্ষেয়া, কেবল তাহাদের শোণিতপাতের জন্ত আগ্রহপ্রকাশ করিয়াছিল, সুতরাং কেবল শোণিতপাত করিয়াই নিরস্ত হইয়াছিল। কিন্তু গভীর উত্তেজনায় অধীর ও ঘোরতর বিদ্বেষে পরিচালিত হইলেও, তাহারা এই সকল নিঃসহায় ও নির্দোষ জীবের শোণিতপাতপূর্বক নিঃসন্দেহ অপকর্মের একশেষ করিয়াছে। ভারতবর্ষীয়েরা চিরদিনই অনুদ্রত, চিরদিনই স্নিগ্ধপ্রকৃতির জন্ত প্রসিদ্ধ। এই শান্ত ও স্নিগ্ধস্বভাব ভারতবর্ষীয়েরাই একসময়ে উত্তেজনার আবেগে কোমলাঙ্গী মহিলা ও কোমলপ্রাণ শিশুদিগকেও তরবারির আঘাতে ছিন্ন বিচ্ছিন্ন করিয়াছে। পৃথিবীর যে যে স্থলে ভীষণ বিপ্লবের পূর্ণবিকাশ হইয়াছে, সেই সেই স্থলেই এইরূপ লোমহর্ষণ ঘটনার আবির্ভাব দেখা গিয়াছে। ভারতবর্ষের ঞ্চায় নিরীহজীবপ্রধান ভূখণ্ডে মহাবিপ্লবে

একজন্ত তাহার প্রাণবিনষ্ট হয় নাই। সে কাণপুরের এই দ্বিতীয় হত্যাকাণ্ড দর্শন করে। ফিচট্ কহিয়াছে :—“পরদিন (১৬ই জুলাই) বেলা ৮ ঘটিকার সময় ঝাড়ুদারেরা হৃতদেহ নিকটবর্তী কূপে নিক্ষেপ করিতে আদিষ্ট হয়। তাহারা শবগুলি চূলে ধরিয়া টানিয়া বাহির করে। স্ত্রীলোকদিগের মধ্যে কেহ কেহ জীবিত ছিল। * * * তিনটি শিশুও জীবিত ছিল। আমি একটি শিশুকে জীবিতাবস্থায় কূপে নিক্ষেপ করিতে দেখিয়াছি। * * * আমার বিশ্বাস, অসংখ্য জীবিত শিশু ও স্ত্রীলোক এইরূপে নিক্ষিপ্ত হইয়াছে।”—*Martin, Indian Empire. Vol. II., p. p. 362, 382.*

বিবিঘ্নে ২১০ জন অবরুদ্ধ ছিল। ইহাদের মধ্যে হত্যার পূর্বে ১২ জনের মৃত্যু হয়। হত্যার সময়ে ১৯৮ জন অবরুদ্ধ ছিল।—*Kaye, Sepoy War. Vol. II., p. 356, note.*

* *Kaye, Sepoy War. Vol. II. p. 373.* কে সাহেব যখন স্বীয় সিপাহীযুদ্ধের ইতিহাসে উপস্থিত বিষয় লিখেন, তখন আয়লওঁর অসচ্ছন্দনসংক্রান্ত বিষয় তাহার গোচর হয়। কতিপয় উচ্চতত্ত্বাব আয়লওঁবাসী ওকনর নামক একব্যক্তির গৃহে গমন করে। যাহার উপর উহাদের বিদ্বেষ ছিল, তাহাকে না পাওয়াতে উহারা ওকনরের নাসিকাচ্ছেদ করে (*Ibid, p. 374, note*)। উচ্চত ও উত্তেজিত সিপাহীরা এরূপ কার্য করে নাই।

উকন সাহেব লিখিয়াছেন, “যখন প্রাচীরবেষ্টিত স্থানের অবরোধকার্য শেষ হয়, তখন আমাদের সুলতানী ও যুবতী কামিনীরা দীর্ঘকাল অনাবৃত স্থানে ও নিরতিশয় চরবস্থায় থাকতে এরূপ অপরিষ্কৃত হইয়াছিলেন যে, কোনও সিপাহী তাহাদিগকে স্পর্শ করিয়া অপবিত্র হইতে ইচ্ছা করে নাই” (*Story of Cawnpur, p. 212*)। কিন্তু বিপক্ষেয়া যখন জিলাঙ্গার পরিচালিত হইয়াছিল, তখন তাহাদের মনে অসংখ্য কোন ভাবের উদ্বোধন হওয়া সম্ভবপর নহে।

কোমলতার স্থলে কিরূপ কঠোরতা ও নিরীহভাবের স্থলে কিরূপ জিঘাংসার আবির্ভাব হইয়াছিল, তাহা উপস্থিত ঘটনাতেই প্রতিপন্ন হইতেছে।

নানা সাহেব ১৬ই জুলাই অশ্বারোহী, পদাতি, ও গোলন্দাজে প্রায় পাঁচ হাজার সৈন্য লইয়া, ইঙ্গরেজ সেনাপতির গতিরোধে অগ্রসর হইলেন। তিনি কাণপুরের প্রায় ৪ মাইল দক্ষিণে, অহরানাংক পল্লীতে উপনীত হইয়া, সেনাসন্নিবেশ করিতে লাগিলেন। এই স্থানের দুইটি প্রধান পথ দুই দিকে গিয়াছিল। দক্ষিণ দিকে একটি পথ, কাণপুরের সৈনিক নিবাসের দিকে প্রসারিত ছিল। বাম দিকে দিল্লীর দিকে বড় রাস্তা গিয়াছিল। বামে জাহ্নবী প্রবাহিত হইতেছিল, দক্ষিণে একটি প্রাচীরবেষ্টিত পল্লী ও বিস্তৃত আম্রকানন ছিল। বামে গঙ্গার দিকে ঢালু স্থানে বৃহৎ বৃহৎ কামান স্থাপিত হইল। দক্ষিণে আম্রকানন ও পল্লীর দিকেও কামানসমূহ সন্নিবেশিত হইল। পথের সন্ধিস্থলে ও উহার উভয়পার্শ্বে পদাতিগণ— পদাতিদিগের পশ্চাতে অশ্বারোহিদল অর্ধচন্দ্রাকারে স্থানপরিগ্রহ করিল। উভয় পথের সন্ধিস্থলের দক্ষিণে বহুসংখ্য অশ্বারোহী অবস্থিতি করিতে লাগিল, যে হেতু তাহারা ভাবিয়াছিল যে, ইঙ্গরেজসেনাপতি দিল্লীগামী প্রশস্ত পথ দিয়াই অগ্রসর হইবেন। নানা সাহেব যে, স্বয়ং যুদ্ধের জন্ত প্রস্তুত হইয়াছেন, সে সংবাদ ইঙ্গরেজের শিবিরে ১৫ই জুলাই রাত্ৰিতে উপস্থিত হইয়াছিল। কাণপুর, ইঙ্গরেজসৈনিকদের আরও ২২ মাইল দূরে ছিল। সেই রাত্ৰি ও পরদিন প্রাতঃকালে ১৪ মাইল পথ অতিক্রান্ত হইল। ইঙ্গরেজ সৈন্য পথবর্তী আম্রকাননে, আহারীয় দ্রব্য প্রস্তুত করিল। তাহারা আহারপানে শ্রান্তিবিনোদন করিলে বেলা ২ ঘটিকার সময় আবার অভিযানের মন্বন্ত হইল। দুই মাইল পথ অতিক্রান্ত হইলে, বিপক্ষসৈন্য তাহাদের দৃষ্টপথবর্তী হইল। সেনাপতি হাবেলক, নানা সাহেবের বলবহুলতা ও সৈন্য-সন্নিবেশপারিপাট্য দেখিয়া, বিস্মিত হইলেন। তিনি সমরনীতিবিশারদ বীর-পুরুষ ছিলেন, ভূমিষ্ঠ হইয়া, যুদ্ধবিদ্যার আলোচনাতেই কালাতিপাত করিতে-ছিলেন, এখন বিপক্ষের ব্যুহভেদ জন্ত তাঁহাকে, অনেক প্রয়াসস্বীকার করিতে হইল। তাঁহার মনোমধ্যে নানা চিন্তা উদ্ভিত হইতে লাগিল। অবশেষে তিনি বিপক্ষদিগকে সৈন্যদলসহ একবারে আক্রমণ না করিয়া, অত্যাধ

সমরচাতুরীর পরিচয় দিতে উদ্যত হইলেন। তাঁহার ১০০০ ইউরোপীয় সৈন্য ও ৩০০ শিখ সৈনিকপুরুষ ছিল। ইহারা একবারে বিপক্ষদিগকে আক্রমণ করিলে সম্ভবতঃ সমূলে বিনষ্ট হইয়া যাইত। সুতরাং সেনাপতি এপ্রণালী পরিত্যাগ করিলেন। তাঁহার আদেশে সর্বপ্রথম স্বেচ্ছাপ্রবৃত্ত সৈন্যদলভুক্ত অশ্বাবোহীরা যাইতে লাগিল। তাহাদের পশ্চাতে কামান পরিচালিত হইল, কামানের পার্শ্বে পার্শ্বে পদাতির গমন করিতে লাগিল। তাহাদের মস্তকের উপর প্রচণ্ড মার্ত্তও নিরন্তর অনলকুণা-নিষ্ক্ষেপ করিতে লাগিল। অনেকে আতপতাপে অবসন্ন ও ভূপতিত হইল, তথাপি হাবেলকের সৈন্যদল নিরস্ত থাকিল না। তাহারা মদিরাপানে প্রমত্ত হইয়া, উৎসাহিতচিত্তে অগ্রসর হইতে লাগিল। নানা সাহেবের সৈন্য যখন বিপক্ষের অগ্রগামী অশ্বাবোহীদিগকে বৃক্ষতল হইতে নিষ্ক্রান্ত দেখিল, তখনই তাহারা, তাহাদের দিকে গোলায় পর গোলাবৃষ্টি করিতে লাগিল। কিন্তু এই গোলা সর্বপ্রথম তাদৃশ কার্যকর হইল না। পশ্চাদ্বর্তী সৈনিকেরা অক্ষত রহিল। হাবেলক, দূর হইতে সমভিব্যাহারী সেনানায়কদিগকে উৎক্লিষ্ট ধূলিরাশির মধ্যে, আপনার হস্তস্থিত তরবারির অগ্রভাগ দ্বারা, বিপক্ষের ব্যুহসন্নিবেশপ্রণালী বুঝাইয়া দিয়াছিলেন। এখন সেনানায়কেরাও সেনাপতির নির্দিষ্ট প্রণালী অনুসারে অগ্রসর হইতে লাগিলেন। ইঞ্জরেজ সৈন্য অর্ধ মাইল অগ্রসর হইলে, কাণপুরের সৈন্য, সর্বপ্রথম যে দিকে গোলাবৃষ্টি করিতেছিল, সে দিকের পরিবর্তে বিপক্ষের অন্তর্দিকে গোলাবৃষ্টি করিতে লাগিল। হাবেলক এ পর্য্যন্ত আপনাদের কামান সজ্জিত করিয়া গোলানিষ্ক্ষেপে উদ্যত হইলেন না। তিনি এবিষয়ে সূক্ষ্মতার প্রতীক্ষা করিতে লাগিলেন। তাঁহার সৈন্যদল কর্ষিত ক্ষেত্র দিয়া যাইতে লাগিল, তাঁহার কামানসমূহও ঐ স্থান দিয়া, অতিকষ্টে পরিচালিত হইতে লাগিল। এই সময়ে, কাণপুরের সিপাহীরা উপযু্যপরি গোলাবৃষ্টি করিতেছিল। তাহাদের গোলা একরূপ তীব্রবেগে আসিয়া পড়িতে লাগিল যে, ইঞ্জরেজসৈন্য আর অগ্রসর হইতে পারিল না। আপনাদের কামান দ্বারা, বিপক্ষের কামানের ক্ষমতা যাবৎ তিরোহিত না হয়, তাবৎ তাহারা, গমনে নিরস্ত থাকিল।

কিন্তু সিপাহীদিগের তোপ বন্ধ করা ইঙ্গরেজসৈন্যের অসাধ্য হইল। ইঙ্গরেজ, বিপক্ষদিগের তোপের সম্মুখে আপনাদের তোপস্থাপনে সাহসী হইলেন না। এ দিকে সিপাহীদিগের তোপ হইতে পুনঃ পুনঃ গোলাবৃষ্টি হইতেছিল। তাহাদের বাদ্যকরেরা উৎসাহসূচক বাদ্যধ্বনি করিয়া, তাহাদিগকে অধিকতর উৎসাহিত করিতেছিল। বাদ্যকরণ ইঙ্গরেজের নিকটে যে সমরবাদ্যশিক্ষা করিয়াছিল, এখন তাহারা সেই সমরবাদ্যেই সিপাহীদিগকে ইঙ্গরেজের পরাজয়সাধনে উৎসাহিত করিতে লাগিল। সেনাপতি হাবেলক অতঃপর সঙ্গীনের সাহায্যে বিপক্ষের তোপ অধিকার করিতে ইচ্ছা করিয়া, ইউরোপীয় পদাতিদিগকে অগ্রসর হইতে কহিলেন। তাঁহার স্কটলণ্ডবাসী পদাতিসৈন্য অরিচ্ছিন্ন গুলিবৃষ্টি করিতে অগ্রসর হইল। কিছুতেই তাহাদের গতিরোধ হইল না। তাহারা বিপক্ষের প্রায় একশত গজ অন্তরে আসিলে, সেনাপতি আক্রমণের আদেশ দিলেন। অমনি উন্নত পদাতিগণ সঙ্গীন দ্বারা সিপাহীদিগের ব্যুহভেদে প্রবৃত্ত হইল। তাহারা আর একবারও বন্দুকধ্বনি করিল না। কেবল সঙ্গীনে সঙ্গীনে বিপক্ষদিগকে বিতাড়িত করিতে লাগিল। সেনাপতি হাবেলক সঙ্গে থাকিয়া তাহাদিগকে উৎসাহিত করিতে লাগিলেন। কামান অধিকৃত হইল। সিপাহীরা পার্শ্ববর্তী পল্লী হইতে হটিয়া গেল। তাহারা বামদিকে বিতাড়িত হইলে তাহাদের অঝারোহী সহযোগীরা অগ্রসর হইল। তাহারা অর্ধচন্দ্রাকারে বিপক্ষদিগের পার্শ্বদেশ পরিবেষ্টিত করিল। যদি এই সময়ে কোন অভিজ্ঞ বীরপুরুষ তাহাদের পরিচালনভার গ্রহণ করিতেন, তাহা হইলে ইঙ্গরেজসৈন্যের জীবন সঙ্কটাপন্ন হইয়া উঠিত *। কিন্তু সুদক্ষ পরিচালকের অভাবে তাহারা ক্রমে স্বীয় দল হইতে বিচ্ছিন্ন হইতে লাগিল। যদিও তাহাদের এক দলের পর আর এক দল হটিতে লাগিল, তথাপি তাহারা গুলিবর্ষণে নিরস্ত হইল না। ইঙ্গরেজ সেনানায়কদিগের একজন কোনরূপ অসমীক্ষ্যকারিতা দেখাইলে, অমনি আর একজন

* *Martin, Indian Empire. Vol. II. p. 377.*

বিজ্ঞানবোধে আসিয়া তাঁহার সহায় ও সংপথপরিচালক হইতে লাগিলেন * ; কিন্তু সিপাহীদিগের মধ্যে এরূপ দূরদর্শী পরামর্শদাতা ছিল না ; সুতরাং তাহারা অনেক সময়ে গোলযোগে উদ্ভ্রান্ত হইতে লাগিল। এদিকে তেজস্বী শিখেরা যুদ্ধস্থলে ইউরোপীয় সৈনিকপুরুষের ত্রায় পরাক্রমপ্রকাশ করিতে লাগিল। সিপাহীরা পরিচালকবিহীন হইয়া ইহাদের সম্মুখে স্থির থাকিতে পারিল না। ক্রমে তাহারা দক্ষিণ দিকের দল হইতেও বিচ্ছিন্ন হইতে লাগিল। কামানের পর কামান তাহাদের অধিকারচ্যুত হইল। নানা সাহেব কাণপুরের সৈনিকনিবাসের পথে একটি বৃহৎ কামান স্থাপিত করিয়া ছিলেন। শেষে সিপাহীরা এই কামান হইতে গোলাবৃষ্টি করিতে লাগিল। কিন্তু সেনাপতি হাবেলক পদাতিদিগের সঙ্গীনে ঐ কামান ও উহার পার্শ্ববর্তী পল্লী অধিকার করিলেন। সমস্ত প্রয়াস ব্যর্থ হইল দেখিয়া, নানা সাহেব যুদ্ধস্থল পরিত্যাগ করিলেন। প্রায় আড়াই ঘণ্টাকাল যুদ্ধ করিয়া, সিপাহীরা নানাদিকে ধাবিত হইল। সেনাপতি হাবেলক কাণপুরের যুদ্ধে বিজয়ী হইলেন। এই যুদ্ধে ইঞ্জরেজের পক্ষে ১০৮ জন এবং সিপাহীদিগের ২৫০ জন হত ও আহত হইয়াছিল। সিপাহীরা যুদ্ধে বিলক্ষণ পরাক্রমপ্রকাশ করিয়াছিল। সঙ্গীনে সঙ্গীনে যুদ্ধের সময়ে তাহারা যথোচিত দৃঢ়তার পরিচয় দিয়াছিল। তাহারা কামানের পার্শ্বে স্থিরভাবে দণ্ডায়মান থাকিয়া, গোলানিক্ষেপ করিয়াছিল †। এই যুদ্ধে সেনাপতি হাবেলক অস্বারোহী সৈনিকে বলীয়ান ছিলেন না। তাঁহার কামানও এ যুদ্ধে কার্যকর হয় নাই। তিনি কেবল পদাতিদিগের সঙ্গীনের বলে এই যুদ্ধে বিজয়শ্রীর অধিকারী হইয়াছিলেন। তাঁহার পদাতিদল বহুবিস্তৃত স্থানে পরস্পর বিচ্ছিন্ন হইয়া পড়িয়াছিল। যদি সিপাহীরা শৃঙ্খলাভ্রষ্ট না হইত, তাহা হইলে,

* মেজর টিফেনসন্ আপনার সৈন্যদল লইয়া বিপক্ষের মধ্যে এরূপ স্থানে উপস্থিত হইয়াছিলেন যে, একটি গোলাতেই তাঁহার দল নিশ্চল হইত। অমনি মেজর নর্থ তাঁহার পার্শ্বে আসিয়া তাঁহাকে সাবধান করেন। মেজর নর্থের পরামর্শে টিফেনসন্ সৈনিকদল সহ অপেক্ষাকৃত ভাল স্থানে উপনীত হইলেন।—*Indian Empire, Vol. II, p., 377.*

† *Mutiny of the Bengal Army, p., 153.*

তাহারা বিপক্ষদিগকে নিশ্চূল করিতে পারিত * । কিন্তু পরাজিত হইলেও সিপাহীরা, সাহস ও পরাক্রমের জ্ঞাত অতীতদর্শী ঐতিহাসিকের নিকটে প্রশংসালভ করিবে । কাণপুরের যুদ্ধ পঞ্চনদের চিরপ্রসিদ্ধ ফিরোজ-সহরের যুদ্ধের শ্রেণীতে সমাবেশিত হইয়াছে † । সিপাহীরা যাহাদের নিকটে সমরকৌশল অভ্যাস করিয়াছিল, ঘটনাক্রমে উত্তেজিত হইয়া, আপনাদের স্বাধীনতারক্ষার জ্ঞাত তাহাদেরই বিধ্বংসে অগ্রসর হয় । তাহাদের প্রভু-ভক্তির অসম্মান হইতে পারে ; কিন্তু তাহাদের পরাক্রম, তাহাদের সাহস ও তাহাদের রণকৌশলের কখনও অনাদর হইবে না ।

হাবেলকের সৈন্য ক্ষুৎপিপাসায় নিরতিশয় কাতর হইয়াছিল । রজনীসমাগমে তাহারা কাণপুরের সৈনিকনিবাসের ২ মাইল অন্তরে বিশ্রাম করিতে লাগিল । ১৭ই জুলাই প্রাতঃকালে, সেনাপতি সৈনিকদলসহ কাণপুর অধিকার করিতে যাত্রা করিলেন । পথে তিনি কাণপুরের শোচনীয় ঘটনার বিবরণ জানিতে পারিলেন । চরেরা তাঁহার সৈনিকদলে আসিয়া সংবাদ দিল যে, তিনি যাহাদের উদ্ধারের আশায় অগ্রসর হইতেছেন, তাহারা মানবের সমস্ত ক্ষমতার বহির্ভূত হইয়াছে । বিবিঘরের মহিলা ও শিশুসন্তানেরা ঘাতকের হস্তে আত্মবিসর্জন করিয়াছে । এই শোচনীয় সংবাদ অবিলম্বে সমগ্র সৈনিকদলে প্রচারিত হইল । তাহাদের জয়োল্লাস এই সংবাদে অন্তর্হিত হইয়া গেল । সেনাপতি হাবেলক দুঃখিতহৃদয়ে সৈনিকদলসহ কাণপুরের অভিমুখে যাইতে লাগিলেন । অগ্রগামী দল যখন সৈনিকনিবাসের নিকটবর্তী হইল, তখন দূরে ধূমস্তূপদর্শনে তাহাদের বোধ হইল, যেন মেঘরাশি ব্যোমযানের আকারে ভূগর্ভ হইতে উথিত হইতেছে । মুহূর্তমধ্যে প্রচণ্ড শব্দ তাহাদের শ্রুতিগোচর হইল, তৎসঙ্গে তাহাদের পদতলস্থিত ভূমি কম্পিত হইতে লাগিল । তাহারা স্পষ্ট বুঝিতে পারিল, বিপক্ষেরা অস্ত্রাগারে অগ্নিসংযোগ করিয়া পলায়ন করিয়াছে ।

* *Calcutta Review. Vol. XXXII. p. 30.*

† *Ibid. p. 30.*

ইঙ্গরেজের যে অস্ত্রাগার সিপাহীদিগের বলবৃদ্ধি করিয়াছিল, যাহার বৃহৎ বৃহৎ কামানের গোলায় ইঙ্গরেজ সৈন্য অনন্ত নিদ্রায় অভিভূত হইয়াছিল, তাহা এইরূপে বিধ্বস্ত হইল।

১৭ই জুলাই কাণপুরে আবার ব্রিটিশ পতাকা উড্ডীন হইল। হাবেলক কাণপুর অধিকার করিয়া, উদ্দীপনাময়ী ভাষায় আপনার সৈন্যের রণদক্ষতা ও কষ্টসহিষ্ণুতার প্রশংসা করিলেন। তাঁহার সৈনিকদলে অতিসার রোগের প্রাদুর্ভাব হওয়াতে, কেহ কেহ প্রাণত্যাগ করিল। যুদ্ধে অনেকেই আহত হইয়াছিল, এখন আবার রোগে অনেকে অবসন্ন হইয়া পড়িল। এই সময়ে হাবেলক সংবাদ পাইলেন যে, নানা সাহেব বিঠুরে সৈন্যসংগ্রহ করিতেছেন। এই সংবাদে তিনি চিন্তিত হইলেন। হুশিচস্তায় তাঁহার প্রশস্ত ললাটফলক আকৃষ্ট ও মুখমণ্ডল পরিম্লান হইল। কিন্তু শেষে ইহা অমূলক বলিয়া প্রতিপন্ন হইল। সেনাপতি আশ্বস্ত হইলেন। তদীয় পরাক্রান্ত বিপক্ষ জয়াশায় বিসর্জন দিয়া, আত্মগোপন করিলেন।

নানা সাহেব যুদ্ধস্থল হইতে কতিপয় সওয়ায়ের সহিত বিঠুরে গমন করিয়াছিলেন। এই স্থলে অনুচরেরা তাঁহাকে পরিত্যাগ করিতে লাগিল। তাঁহার সর্ববিষয়ে প্রধান মন্ত্রণাদাতা মুসলমান সচিব পলায়নে উদ্যত হইলেন। নানা আর বিঠুরের প্রাসাদে থাকিতে সাহসী হইলেন না। তিনি অস্ত্রপুৰ্চারিণী মহিলাদিগের সহিত গঙ্গাপার হইয়া, পলায়নের আয়োজন করিতে লাগিলেন। কথিত আছে, এই সময়ে সাধারণ্যে প্রচারিত হইয়াছিল যে, নানা সাহেব জাহ্নবীগর্ভে আত্মবিসর্জন করিয়াছেন। বোধ হয়, নানা সাহেব তীরবর্তী উদাসীন গঙ্গাপুত্রদিগকে কহিয়াছিলেন, আমার নৌকা গঙ্গার মধ্যভাগে আসিলে যখন নৌকাস্থিত দীপ নির্কাপিত হইবে, তখনই আমি গঙ্গার গর্ভে আত্মবিসর্জন করিব। এই বলিয়া তিনি নৌকায় আরোহণ করিয়াছিলেন। নির্দিষ্ট স্থলে উপস্থিত হইলে, নৌকাস্থিত দীপনির্কাপ হইল। তীরবর্তী লোকে ভাবিল, গঙ্গার গর্ভে তাঁহার প্রাণবায়ুর অবসান হইয়াছে। কিন্তু নানা সাহেব অন্ধকারের মধ্যে অপরের অলক্ষিতভাবে গঙ্গা উত্তীর্ণ হইয়া, পলায়ন করিলেন। কাণপুর ইঙ্গরেজের অধিকৃত হইল।

নানা সাহেব বিঠুরের প্রাসাদ পরিত্যাগ করিলেন *। এখন ইঞ্জরেজের বলবতী প্রতিহিংসার তৃপ্তিসাধনের সুযোগ উপস্থিত হইল।

ব্রিটিশ সৈনিকপুরুষেরা সহিষ্ণুতা ও ধীরতার জন্ত প্রসিদ্ধ নহে। যখন তীব্র মদিরা তাহাদের উদরস্থ হয়, ধমনীমধ্যে শোণিতপ্রবাহ উষ্ণ হইয়া উঠে, তখন তাহারা ভীষণ দানবের স্থায় ইতস্ততঃ পরিভ্রমণ করিতে থাকে। নিরীহ পথিক তাহাদিগকে দেখিয়া ভীত হয়, নির্দোষ গৃহবাসী তাহাদের আগমনে গৃহদ্বার রুদ্ধ করে। নিঃসহায় পণ্যজীবী তাহাদের জন্ত সর্বদা সন্ত্রস্ত হইয়া থাকে। তাহারা স্বধর্মান্বলম্বী বিপক্ষের সহিত ঞ্চায়ানুসারে যুদ্ধে প্রবৃত্ত হইলেও, দানবপ্রকৃতির পরিচয় দিতে বিমুখ হয় না। কেহ আপনার সম্পত্তি, আপনার গৃহ বা আপনার স্বাধীনতারক্ষার জন্ত, তাহাদের বিরুদ্ধে দণ্ডায়মান হইলেই, তাহারা অত্যাচারের পরাকাষ্ঠা দেখাইয়া থাকে। তাহারা এ সময়ে দয়াধর্ম বিসর্জন দেয়। কোনও পাপকার্য্য তাহাদের সমক্ষে অসম্পন্ন থাকে না। স্ত্রী, পুরুষ কেহই তাহাদের নিকটে নিষ্কৃতিলাভ করে না। সেনাপতি হাবেলকের ইউরোপীয় সৈনিকেরাও এইরূপ কঠোর পাশবপ্রকৃতির বশীভূত হইয়াছিল। এ সময় কাণপুরে তাহাদের গভীর উত্তেজনাজনক বিষয়সমূহ নবীনভাবে রহিয়াছিল। তাহাদের স্বপক্ষীয়দিগের অবরোধস্থানের অনূচ্চ মৃৎপ্রাচীর বর্তমান ছিল। তাহাদের বিদগ্ধ সৈনিকনিবাসের ভয়ঙ্কর রহিয়াছিল। তাহাদের ইষ্টক-নির্মিত গৃহপ্রাচীরে প্রচণ্ড গোলার আঘাতচিহ্ন সুস্পষ্ট ছিল। তাহাদের মহিলা ও বালকবালিকাদিগের শোণিতপ্রবাহে বিবিধের গৃহতল কর্দমিত হইয়াছিল। উহার স্থানে স্থানে কুলকামিনীদিগের কেশগুচ্ছসমূহ বিক্ষিপ্ত রহিয়াছিল, শিশুদিগের খেলনা, জুতা, টুপিপ্রভৃতি শোণিতস্রোতে রঞ্জিত ছিল। এক পার্শ্বে প্রাত্যহিক উপাসনার একখানি ক্ষুদ্র গ্রন্থ হতভাগ্য অবরুদ্ধদিগের অস্তিত্বে অন্তর্যামী ভগবানের নিকটে কাতরতাপ্রকাশের পরিচয় দিতেছিল। সমাগত সৈনিকেরা অবরোধস্থানে গমন করিল, তথায় তাহারা বিষ্ময়ে অভিভূত ও অনুশোচনায় অধীর হইয়া উঠিল; তাহারা

* কাণপুরের মাজিষ্ট্রেট সেরার সাহেব এই বিষয়ের উল্লেখ করিয়াছেন।—*Kaye, Sepoy War, Vol. II, p. 390, note.*

বিবিধরে উপনীত হইল, তথায় তীব্র যাতনানলে তাহাদের হৃদয়ের প্রতি স্তর দক্ষীভূত হইল, প্রতিশিরায় শোণিতপ্রবাহ খরবেগে প্রবাহিত হইতে লাগিল এবং প্রতিহিংসাবহির জ্বালাময়ী শিখায় সমগ্র দেহ পরিব্যাপ্ত হইল। তাহারা একেই মদিরাপানে উন্মত্ত ও বিবেচনাশূন্য ছিল, এখন এইরূপ উদ্ভেজনাজনক বিষয়ে অধিকতর উত্তেজিত হইয়া, কাণপুরে কৃষ্ণবর্ণের অস্তিত্ববিলোপে উদ্যত হইল।

উন্মত্ত ইউরোপীয় সৈনিকগণ এই সময়ে কাণপুরে যেরূপ বিধ্বংসব্যাপার-সম্পাদন করিয়াছে, তাহাদের দল আর কোন স্থলে, কোন সময়ে তাদৃশ ভীষণ কার্যসাধন করে নাই। ইতিহাসে তাহাদের যে সমস্ত অমানুষিক কার্যের বর্ণনা রহিয়াছে, কাণপুরের ঘটনা তৎসমুদয়কেই অতিক্রম করিয়াছে। এ সময়ে সৈনিকনিবাসে বা সহরে তাহাদের কোনও শত্রু ছিল না। নানা সাহেবের সৈন্য পরস্পর বিচ্ছিন্ন হইয়া, ইতস্ততঃ পলায়ন করিয়া ছিল। তাহারা কোন্ দিকে কোন্ স্থানে গিয়াছিল, তাহা কেহই জানিত না। কিন্তু নির্দয়প্রকৃতি ইউরোপীয় সৈনিকেরা উপস্থিত সময়ে ভারতবর্ষের সকলেই আপনাদের শত্রুর শ্রেণীতে নিবিষ্ট ও ভারতের সমগ্র নগরকেই কাণপুরের গ্রাম আপনাদের স্বদেশীয়দিগের শোণিতে রঞ্জিত মনে করিয়াছিল। তাহারা কাণপুরে বা উহার পার্শ্ববর্তী স্থানে যাহাকে দেখিতে পাইল, তাহাকেই নানা সাহেবের অনুচর বলিয়া মনে করিতে লাগিল। কোনও বিষয়ের সত্যতানিরূপণে তাহাদের প্রবৃত্তি রহিল না; কাহারও নির্দোষত্ব বা অপরাধের নির্ণয়ে তাহাদের মনোযোগ থাকিল না। তাহারা যাহাকে দেখিতে পাইল, অবলীলাক্রমে তাহারই শোণিতপাত করিতে লাগিল। স্ত্রী পুরুষ, বালকবালিকা, কেহই তাহাদের কঠোর হস্ত হইতে নিষ্কৃতিলাভ করিল না। এই সময়ে বিভিন্ন স্থানের সংবাদপত্রে প্রকাশিত হইয়াছিল যে, উত্তেজিত ইউরোপীয় সৈনিকেরা কাণপুরে দশ হাজার অধিবাসিহত্যা করিয়াছিল*। এক জন ঈঙ্গরেজ ঐতিহাসিক ইহা অতিশয়োক্তিদূষিত

* *Martin, Indian Empire. Vol. II. p., 384.*

বলিয়াছেন *। স্ত্রীপুরুষ বালকবালিকা সমেত দশহাজার অধিবাসিহত্যা অতিশয়োক্তিদূষিত হইতে পারে, কিন্তু হাবেলকের প্রমত্তসৈন্য যে, অবাধে সংহারকার্য্যসম্পাদন করিয়াছিল, তদ্বিষয়ে সন্দেহ নাই। এই সময়ে ইঙ্গরেজের শিবিরে কাণপুরের অতি অল্প লোকেই খাদ্য দ্রব্য লইয়া আসিত। অধিকাংশ অধিবাসীই ইঙ্গরেজ সৈনিকদিগের ভয়ে নিকটবর্তী পল্লীসমূহে আশ্রয়গোপন করিয়াছিল, অনেকে গঙ্গা উত্তীর্ণ হইয়া, অযোধ্যার দিকে গিয়াছিল। এক জনের অপরাধে তদ্দেশীয় সমুদয় ব্যক্তির দণ্ডবিধান অবশ্য গ্রাহ্যসম্ভব নহে। পশু প্রকৃতির বিনিময়ে, পশু প্রকৃতির পরিচয় দিলে, মনুষ্যত্ব রক্ষিত হয় না। ইঙ্গরেজ সৈন্য নিঃসন্দেহ গভীর উত্তেজনায় অধীর হইয়াছিল, যে হেতু তাহারা তাহাদের স্বদেশের কুলকামিনী ও শিশু সন্তানগণের শোণিতপ্রবাহ দেখিয়াছিল। তাহারা তাহাদের রক্ষার জন্ত, অসহনীয় কষ্টভোগ করিয়া আসিয়াছিল, তাহারা নিষ্ঠুরপ্রকৃতি লোকের হস্তে নিহত হইয়াছিল। যে দেশের লোকের হস্তে তাহাদের নিরীহ কুলকন্যা ও বালকবালিকাদিগের এইরূপ শোচনীয় পরিণাম ঘটয়াছিল, জাতিবর্ণনির্কিশেবে সেই দেশের সকলেরই শোণিতপাত করা তাহারা পরম পুরুষার্থ বলিয়া মনে করিয়াছিল। দয়াধর্ম্মে তাহাদের প্রকৃতি উন্নত হয় নাই। গ্রায়পরতা তাহাদিগকে সংপথ দেখাইয়া দেয় নাই। স্মরণ্য এইরূপ সর্বসংহারকার্য্যে তাহারা লজ্জিত হয় নাই। কিন্তু যে সেনাপতি তাহাদের পরিচালনভারগ্রহণ করিয়াছিলেন, অধীন সৈনিকদলের ঈদৃশ পাশব ব্যবহার, ইতিহাসে অবশ্য তাহার লজ্জার কারণ বলিয়া পরিগণিত হইবে। তিনি সর্বপ্রথম সুনিয়ম ও স্মৃশ্চলার মর্যাদারক্ষার জন্ত কঠোর আদেশপ্রচার করিলে, তদীয় সৈন্য উন্নতভাবে সকলের প্রাণনাশ করিতে পারিত না। হাবেলক শেষে সৈনিকপুরুষদিগকে স্মৃশ্চলভাবে রাখিতে সচেষ্ট হইয়াছিলেন। সৈনিকেরা সর্ববিধবংসের গ্রায় সর্বস্ববিলুপ্তন করিতেছিল। কাণপুরে কাহারও জীবন ও সম্পত্তি নিরাপদ ছিল না। যেখানে যাহা পরিদৃষ্ট হইত, উন্নত সৈনিকেরা তাহাই লুপ্তিমা লইত। এদিকে তাহারা নিরন্তর মদ্যপানে আসক্ত হইয়াছিল। উগ্র

* Kaye, Sepoy War. Vol. II. p., 388, note.

মদিরায় তাহাদের সমস্ত কুপ্রবৃত্তি অধিকতর তেজস্বিনী হইয়া উঠিয়াছিল। সেনাপতি হাবেলক সৈনিকদিগের পানদোষনিবারণ জন্ত কাণপুরের সমস্ত মদ্য রসদবিভাগের জন্ত ক্রয় করিতে আদেশ দিলেন। আর তাহাদের উচ্ছৃঙ্খলতানিবারণ জন্ত এক জন সামরিক বিচারক নিযুক্ত করিলেন। বিচারকের প্রতি এই আদেশ থাকিল যে, ব্রিটিশ সৈন্যের যে কেহ, লুণ্ঠরাজ করিবে, তাহাকেই সামরিক পরিচ্ছদসহ ফাঁসিকাঠে বিলম্বিত করিতে হইবে। ভিন্ন ভিন্ন দলের সেনানায়কেরাও স্ব স্ব দলের সৈনিকদিগের ঔদ্ধত্য ও নিষ্ঠুরতার নিবারণ জন্ত মনোযোগী হইলেন।

সেনাপতি হাবেলক অতঃপর সৈনিকনিবাসের উত্তরপশ্চিমদিকে, নবাবগঞ্জের নিকটে, দিল্লীগামী প্রশস্ত রাজপথরক্ষার জন্ত, একদল সৈন্য-সন্নিবেশ করিলেন। তিনি ভাবিয়াছিলেন যে, বিপক্ষেরা দলবদ্ধ হইয়া ঐ পথে তাঁহার বিরুদ্ধে উপস্থিত হইবে, কিন্তু সে সময়ে বিপক্ষসৈন্য উপস্থিত হয় নাই। যাহা হউক, তাঁহার সৈন্য স্থানান্তরে অপসারিত হওয়াতে অণু বিষয়ে সফল হইয়াছিল। এ স্থান হইতে তাহাদের মদের দোকানে মদ্যপানের সুবিধা ছিল না। এজন্ত তাহারা পূর্কপেক্ষা স্খৃঙ্খলভাবে অবস্থিতি করিতেছিল। সেনাপতি হাবেলক যখন সৈনিকদলের শৃঙ্খলাবিধান করিতেছিলেন, তখন সেরার সাহেব কাণপুরের মাজিষ্ট্রেটের কার্যভারগ্রহণ পূর্কক সাধারণের মধ্যে শান্তিরক্ষায় মনোযোগী হইলেন। ১৮ই জুলাই মাজিষ্ট্রেট সাহেব কাণপুরে ইঙ্গরেজের আধিপত্য পুনঃস্থাপিত ও ইঙ্গরেজের আইন পুনঃপ্রতিষ্ঠিত হইল বলিয়া ঘোষণা করিলেন। কোতোয়ালীতে আবার অনেকে মাজিষ্ট্রেট সেরার সাহেবের নিকটে উপস্থিত হইয়া, তাঁহার আদেশানুসারে কার্য করিতে লাগিল।

পরদিন বিঠুরে একদল সৈন্য প্রেরিত হইল। হাবেলক ইতঃপূর্ক চরমুখে যে সংবাদ শুনিয়াছিলেন, তাহাতে তিনি অধিক সৈন্য প্রেরণ আবশ্যক বোধ করিলেন না। নানা সাহেব পলায়ন করিয়াছিলেন, তাঁহার অনুচরেরা আত্মগোপন করিয়াছিল। কেবল সুবাদার রামচন্দ্রপন্থের পুত্র নানা নারায়ণরাও বিঠুরে অবস্থিতি করিতেছিলেন। নানা ধন্দুপন্থের এই অনুচর স্বীয় প্রভুর প্রিয়পাত্র ছিলেন না। ধন্দুপন্থ ইহাকে অবরুদ্ধ করিয়া রাখিয়াছিলেন। শেষে নানা সাহেব পলায়ন করিলে নানা নারায়ণরাও

ব্রিটিশ সেনাপতির অনেক সাহায্য করেন।* হাবেলক, নানা সাহেব ও তদীয় অহুচরবর্গের পলায়নসংবাদ ইহার নিকট হইতেই প্রাপ্ত হইল। যাহা হউক, বিঠুরের প্রাসাদ ও নানা সাহেবের ঐশ্বর্য এখন ব্রিটিশ সৈন্তের পদানত হইল। সৈনিকেরা বিঠুরের বহুমূল্য সম্পত্তিবিলুপ্তন করিল। প্রাসাদের নিকটবর্তী কূপসমূহে নানা সাহেবের স্বর্ণ বাসন, রৌপ্য ঘড়া প্রভৃতি পাওয়া গেল। শিখেরা পেশবা বাজীরার তিন লক্ষ টাকা মূল্যের মণিমুক্তাখচিত তরবারি প্রাপ্ত হইল।† নানা সাহেবের বিস্তৃত প্রাসাদ বিধ্বস্ত হইয়া গেল। এইরূপে কাণপুরের পেশবার প্রাধাত্যের পরিসমাপ্তির সহিত তাঁহার সমস্ত আশার অবসান হইল। ইঙ্গরেজ আবার কাণপুরে আধিপত্য প্রতিষ্ঠিত করিলেন। তাঁহাদের উচ্ছৃঙ্খল সৈন্তের হস্তে কাণপুর-বাসিগণ দলে দলে নিহত হইল। এই সময়ে আর একজন কঠোরহৃদয় ব্রিটিশ বীরপুরুষ পূর্বাপেক্ষা অধিকতর কঠোরতা দেখাইবার জন্ত, ঘটনাস্থলে আবিভূত হইলেন।

সেনাপতি নীল হাবেলকের গমনের পর, এলাহাবাদরক্ষার বন্দোবস্ত ও কাণপুরে যাইবার জন্ত সৈন্তসংগ্রহ করিতে প্রবৃত্ত হইলেন। তিনি বারাণসী হইতে কোনও সৈন্ত প্রাপ্ত হইলেন নাই। যে হেতু, তত্রত্য সৈনিক কর্মচারী স্বীয় বলের অল্পতাপ্রযুক্ত, কাহাকেও পাঠাইতে পারেন নাই। যাহা হউক, নীল এলাহাবাদরক্ষার জন্ত যাহা যাহা করিতে হইবে, তৎসমুদয় লিপিবদ্ধ করেন, এবং ঐ উপদেশলিপি, তাহার পরবর্তী পদাধিকারীকে দিবার জন্ত

* নানকচাঁদ নানা নারায়ণরাওকে ব্রিটিশ গবর্নমেন্টের বিপক্ষে বলিয়া প্রতিপন্ন করিতে অনেক চেষ্টা করিয়াছেন। তিনি লিখিয়াছেন নানা নারায়ণ রাও নানা ধন্দুপত্নকে গঙ্গার জপর তটে লইয়া গিয়াছিলেন। শেষে তিনি বিঠুরে প্রত্যাগত হইলেন। * * * লোকে কহিয়াছে, নারায়ণরাও যদি প্রকৃত পক্ষে ব্রিটিশ গবর্নমেন্টের অনুরক্ত থাকিতেন, তাহা হইলে তিনি অনায়াসে নানা ধন্দুপত্নকে ধরিতে পারিতেন।" এইরূপ নারায়ণরাওর বিপক্ষে আরও অনেক কথা লিখিত হইয়াছে। কিন্তু নানক চাঁদের কথা সকল স্থলে বিশ্বাসযোগ্য নহে। নানক চাঁদ লিখিয়াছেন, তিনি ১৭ই জুলাই কাণপুরের কোতোয়ালীর নিকটে সেনাপতি হাবেলক ও সেনাপতি নীলকে দেখিয়াছেন। কিন্তু সেনাপতি নীল ইহার তিন দিন পরে কাণপুরে উপনীত হইলেন।—*Kaye, Sepoy War. Vol. II. p. 393, note.*

† *Martin, Indian Empire. Vol. II., p. 384.* কথিত আছে, নানা সাহেব আত্মহত্যার জন্ত একটি বৃহৎ "রবি" লইয়া পলায়ন করেন। পরে তিনি উহা দশ হাজার টাকায় বিক্রয় করিয়াছিলেন।—*Story of Cawnpur, pp. 49, 50.*

কাপ্তেন হে সাহেবের নিকটে রাখেন। ১৫ই জুলাই প্রধান সেনাপতি তাঁহার নিকট তারে এইরূপ আদেশ প্রেরণ করেন “হাবেলকের শরীর তাঁদূশ স্বেচ্ছ নহে। * * যদি হাবেলক কার্যে অসমর্থ হইলেন, তাহা হইলে আপনি ঐ কার্যভার গ্রহণ করিবেন। আপনাকে ঐ স্থলে নিযুক্ত করা হইল। অতএব আপনি আপনার পরবর্তী সৈনিক কর্মচারীর হস্তে এলাহাবাদরক্ষার ভারসমর্পণ করিয়া, অবিলম্বে হাবেলকের সহিত মিলিত হইবেন।” প্রধান সেনাপতির এইরূপ আদেশ প্রাপ্ত হইয়া, নীল ঐ দিন অপরাহ্নে কাণপুরে যাত্রা করেন। তিনি ২০শে জুলাই প্রাতঃকালে কাণপুরে হাবেলকের সহিত সম্মিলিত হইলেন।

সেনাপতি হাবেলক নীলের উর্দ্ধতন কর্মচারী ছিলেন। এই সময়ে, লক্ষ্মী উবেজিত সিপাহীদলে পরিবৃত হইয়াছিল; আগ্রা অবরুদ্ধ হইয়াছিল; দিল্লী সিপাহীদিগের প্রধান আশ্রয়স্থান হইয়া উঠিয়াছিল। হাবেলক কালবিলম্ব না করিয়া লক্ষ্মী যাইতে উদ্যত হইলেন। তিনি যখন গঙ্গা পার হইবার বন্দোবস্ত করিতে লাগিলেন, তখন নীল কাণপুরের কার্যভার গ্রহণ করিলেন।

কাণপুরের হত্যাকাণ্ডে অপরাধীদিগের অনুসন্ধান ও তাহাদের সমুচিত দণ্ডবিধান এখন নীলের সর্বপ্রধান ও সর্বপ্রথম কার্য হইল। তিনি এলাহাবাদের অধিবাসিদিগকে কেবল ফাঁসিকাঠে বিলম্বিত করিয়াই নিরস্ত হইয়াছিলেন। কাণপুরে ফাঁসির সহিত আর এক অভিনব কঠোর দণ্ড সংযোজিত হইল। বিবিঘরের নিকটবর্তী যে কূপে শবরাশি নিষ্কিপ্ত হইয়াছিল, নীলের আদেশে সৈনিকেরা তাহা মাটিতে পূর্ণ করিয়া, সমাধিস্থানের ন্যায় করিল। কিন্তু নীল বিবিঘর পরিষ্কৃত করিবার আদেশ দিলেন না। বিবিঘরের শোণিতপরিষ্কারের ভার অপরাধীদিগের প্রতি সমর্পিত হইল। নীল শোণিতময় গৃহতল ভিন্ন ভিন্ন অংশে বিভক্ত করিয়া দিলেন। ফাঁসির পূর্বে হতভাগ্য অপরাধীরা নির্দিষ্ট অংশ পরিষ্কৃত করিতে আদিষ্ট হইল। নীল এবিষয়ে জাতিবর্ণবিচার করিলেন না। সর্বপ্রথম ষষ্ঠ-পদাতিদলের একজন সূলাবয়ব সুবাদারের হস্তে সম্মার্জনী দেওয়া হইল। সুবাদার উচ্চ শ্রেণীর ব্রাহ্মণ ছিল; সুতরাং ফিরিঙ্গীর শোণিতপরিষ্কারে

সহজে সম্মত হইল না, অমনি তাহার পৃষ্ঠে পুনঃ পুনঃ ব্রত্যাঘাত হইতে লাগিল। সুবাদার যাতনায় চীৎকার করিতে করিতে স্বহস্তে নির্দিষ্ট অংশ পরিকৃত করিল। অনন্তর তাহার ফাঁসির পর, তদীয় শব প্রকাশ্য পথের পার্শ্বে প্রোথিত হইল। কয়েক দিবস পরে আর কতিপয় ব্যক্তি অপরাধী বলিয়া আনীত হইল। ইহাদের মধ্যে ইঙ্গরেজের দেওয়ানী আদালতের একজন মুসলমান কর্মচারী ছিল। এ ব্যক্তিও আপত্তি প্রকাশ করিল। পুনঃ পুনঃ কশাঘাতে শেষে এই হতভাগ্য মুসলমান জিহ্বাদ্বারা নির্দিষ্ট অংশের রক্ত চাটিয়া ফেলিল।

কঠোরহৃদয় ইঙ্গরেজ বীরপুরুষ এইরূপ কঠোরতার পরিচয় দিয়াছিলেন। তিনি এ সম্বন্ধে এই ভাবে আপনার অভিপ্রায়প্রকাশ করিয়াছিলেন—
“দুই শতের অধিক কুলকন্যা ও শিশুসন্তান এই গৃহে (বিবিঘ্নে) আনীত হইয়াছিল। অনেকে নৌকায় নিহত হইয়াছিল। অনেকে অবরোধ-সময়ে প্রাণত্যাগ করিয়াছিল। যাহারা জ্বর, আমাশয় ও অতিসার হইতে বিমুক্ত ছিল, তাহারা এই স্থানে নিহত হয়। * * তাহাদিগকে প্রথমে অপকৃষ্ট খাদ্য দেওয়া হইত, এবং তাহাদের সহিত নিকৃষ্টভাবে ব্যবহার করা হইত। শেষে তাহাদিগকে পরিকৃত পরিচ্ছদ দেওয়া হইত। তাহাদের কার্যের জন্ত ভৃত্যগণও নিযুক্ত হইয়াছিল। শেষ দিন সন্ধ্যার প্রাক্কালে তাহাদিগকে খাদ্যদ্রব্য দেওয়া হইয়াছিল, পরক্ষণে ছুরাচার দানবেরা তাহাদের দেহ ছিন্নবিচ্ছিন্ন করে। যাহারা ঐ স্থানে রোগে দেহত্যাগ করিয়াছিল, তাহাদের দেহ নিকটবর্তী কূপে নিক্ষিপ্ত হইয়াছিল। ছুরাচারেরা যাহাদের হত্যা করিয়াছিল, তাহাদের শবও ঐ কূপে নিক্ষেপ করে। আমি এই স্থানে আসিয়াই উক্ত গৃহ দেখিয়াছি। উহার স্থানে স্থানে মহিলা ও বালকবালিকাদিগের শোণিতরঞ্জিত ছিন্ন পরিচ্ছদ ও পাছকা রহিয়াছে। মস্তকের বিচ্ছিন্ন কেশগুচ্ছ সমূহ ইতস্ততঃ বিক্ষিপ্ত আছে। যে গৃহে তাহাদিগকে টানিয়া আনিয়া, হত্যা করা হইয়াছিল, তাহার মেজে শোণিতে পরিলিপ্ত হইয়াছে*। ইহাতে কেহই আপনার হৃদয়গত বেদনা সংযত

* সেনাপতি হাবেলকের সমভিব্যাহারী মেজর নর্থও উক্ত স্থানের এইরূপ বর্ণনা করিয়াছেন।

করিতে পারে না। যাহারা এরূপ কার্য্য করিয়াছে, কেইবা তাহাদের প্রতি দয়াপ্রদর্শন করিতে পারে? * * * যে দণ্ডে ভারতবর্ষীয়দিগের হৃদয়ে নিরতিশয় বেদনা অনুভূত হয়, আমি এই কার্য্যে তাহাদের সমক্ষে সেইরূপ দণ্ডবিধান করিতে ইচ্ছা করি *। এই দণ্ড হিন্দুধর্মাবলম্বীদিগের আপত্তিজনক হইলেও বর্তমান বিপদাপন্ন সময়ের সবিশেষ উপযোগী” *।

নীল যখন কাণপুরে উপনীত হইলেন, তখন উত্তেজিত শিখ ও ইউরোপীয় সৈনিকেরা অবাধে অপরের সম্পত্তিলুণ্ঠন করে। তাঁহার কঠোর আদেশে সৈনিকেরা শেষে ইহাতে নিবৃত্ত হয়। তিনি এই সময়ে, বিলুণ্ঠন ও পূর্বোক্ত দণ্ডবিধান সম্বন্ধে তাঁহার একজন আত্মীয়কে লিখিয়াছিলেন, “এই স্থানে যে দিন আসিয়াছি, সেই দিন হইতেই আমাকে শান্তি ও শৃঙ্খলার স্থাপন জ্ঞাত গুরুতর পরিশ্রম করিতে হইতেছে। আমার উপস্থিতি-সময়ে সর্ব্বত্র বিলুণ্ঠিত হইতেছিল, আমি শান্তিরক্ষক নিযুক্ত করিয়া উহা নিবারিত করিয়াছি। * * * সৈনিক কর্মচারীদিগের ভৃত্যেরা সাতিশয় নির্লজ্জভাবে ব্যবহার করিয়াছে। তাহারা এই ষড়যন্ত্রের মধ্যে ছিল। তাহাদের সকলেই নিম্নজাতির লোক। তাহারা আপনাদের প্রভুদিগকে পরিত্যাগ করিয়া, তাঁহাদের সম্পত্তিলুণ্ঠন করিয়াছে। যখনই কোন বিদ্রোহী ধৃত হইয়াছে, তখনই তাহার বিচার হইয়াছে। সে আত্মরক্ষার জ্ঞাত কোন প্রমাণ দিতে না পারিলে, অমনি তাহাকে ফাঁসি দেওয়া হইয়াছে। যে গৃহে কুলকামিনী ও শিশুসন্তানেরা নিহত হইয়াছিল, সেই গৃহের রক্ত এখনও দুই ইঞ্চি গভীর রহিয়াছে। আমি এই রক্তময় স্থানের নির্দিষ্ট অংশ প্রধান বিদ্রোহীদিগের দ্বারা পরিকৃত করাইয়াছি। রক্তস্পর্শ করা উচ্চশ্রেণীর ভারতবর্ষীয়দিগের পক্ষে সাতিশয় জুগুপ্সিত কার্য্য। তাহাদের মতে এ কার্য্যে তাহাদের আত্মা অনন্তকাল কষ্টভোগ করিয়া থাকে। তাহারা যাহাই

তাঁহারা যে প্রতিহিংসায় উন্মত্ত হইয়াছিলেন, তাহা এই বর্ণনায় পরিস্ফুট হয়।—*Kaye, Sepoy War. Vol. II. p., 398., note,*

* *Ibid, p. 398,-399*

মনে করুক, এরূপ অপকার্যে এইরূপ শাস্তি দিয়া, ঐ বিদ্রোহীদিগকে আশঙ্কাগ্রস্ত করাই আমার উদ্দেশ্য”। * * * *

সেনাপতি নীল এতদেশীয় ভৃত্যদিগের বিশ্বাসঘাতকতাসম্বন্ধে যাহা লিখিয়াছেন, তাহার প্রমাণ কোথা হইতে সংগৃহীত হইয়াছে, জানা যায় নাই। এই সকল ভৃত্য অবরোধের স্থানে আপনাদের প্রভূদিগের পার্শ্বে থাকিয়া কষ্টের একশেষ ভোগ করিয়াছিল। তাহারা সেই স্থানে অকাতরে দেহত্যাগ করিয়াছে, তথাপি প্রভূদিগকে পরিত্যাগ করে নাই। বিশ্বস্ত আয়ারা আপনাদের জীবন সঙ্কটাপন্ন করিয়াও শিশুদিগের পালন জ্ঞাত প্রভুপত্নীর পার্শ্বে অবস্থিতি করিয়াছে। অনেকের বিশ্বাস যে, তাহারাও ঐ সকল হতভাগ্য নিহত জীবের সহিত পুনোক্ত কূপে নিক্ষিপ্ত হইয়াছে *। ফলতঃ, সেনাপতি নীল সবিশেষ না জানিয়া, এই সকল বিশ্বস্ত পরিচারকদিগকে অবিশ্বস্ত বলিয়া নির্দেশ করিয়াছেন। যাহারা ষৎসামাত্র বেতনের বিনিময়ে প্রভুর জ্ঞাত অকাতরে আত্মবিসর্জনে উদ্যত হয়, তাহাদের তুল্য হিতৈষী ও বিশ্বস্ত ব্যক্তি আর নাই। ভারতবর্ষীয় ভৃত্যেরা উপস্থিত সময়ে এরূপ হিতৈষিতা ও বিশ্বস্ততার পরিচয় দিয়াছিল। ইঙ্গরেজ সেনাপতি এ সময়ে গভীর উত্তেজনায় অধীর হইয়াছিলেন, উত্তেজনার আবেগে তিনি হিন্দু ও মুসলমান, উভয়ের হৃদয়েই নিদারুণ আঘাত দিতেও ক্রটি করেন নাই। স্বহস্তে বিধর্মীর শোণিতপরিমার্জন ও শোণিতপরিলেহন নিরতিশয় বীভৎস ব্যাপার। সুসভ্য দেশের সুসভ্য সেনাপতি এই বীভৎস ব্যাপারের অমুষ্ঠানপূর্বক নিঃসন্দেহ হিন্দু ও মুসলমানের ধর্ম্মানুগত সংস্কারের বিরুদ্ধে কার্য্য করিয়াছিলেন। তিনি যাহাদিগকে বিপক্ষ বলিয়া মনে করিয়াছিলেন, তাহাদের ফাঁসিতেও তাঁহার হৃদয় শাস্ত হয় নাই। তিনি তাহাদিগকে নিরতিশয় নিন্দনীয়কার্য্যে প্রবর্তিত করিয়া, দুর্দমনীয় প্রতিহিংসার পরিচয় দিয়াছিলেন। উপস্থিত সময়ে লোকে জাতিনাশ ও ধর্ম্মনাশের আশঙ্কাতেই বিচলিত হইয়াছিল। সেনাপতি নীল এই আশঙ্কা দূরীভূত না করিয়া বর্দ্ধিত

* *Martin, Indian Empire. Vol. II. p., 385.*

করিতেই সচেষ্ট হইয়াছিলেন। সবিশেষ বিচারবিতর্ক না করিয়া, তিনি সমগ্র ভারতবাসীকে উৎসন্ন করিতে প্রতিজ্ঞাবদ্ধ হইয়াছিলেন। তিনি আপনার এই কার্য্য বর্তমান সময়ের উপযোগী বলিয়া মনে করিয়াছিলেন। ইহাতে কোন সময়ে, তাঁহার হৃদয় বিচলিত হয় নাই। কোনরূপে তাঁহার সঙ্কল্প বিফল হয় নাই, বা কোন অংশে তাঁহার জিঘাংসা, ত্রায়পরতা ও ধীরতায় সংযত হইয়া উঠে নাই।

এদিকে নীলের উপস্থিতির পূর্বেই কাণপুরের সৈন্তসম্মিলনের স্থান সুরক্ষিত করিবার আয়োজন হইয়াছিল। খেয়াঘাটের অনতিদূরে, প্রায় ২০০ গজ দীর্ঘ ও প্রায় ১০০ গজ বিস্তৃত একটি উন্নত ভূখণ্ড মৃত্ত প্রাচীরে পরিবেষ্টিত হইতেছিল। সেনাপতি নীল উপস্থিত হইয়া দেখিলেন, বহুসংখ্য শ্রমজীবী প্রাচীরনির্মাণকার্য্যে নিয়োজিত রহিয়াছে। স্ত্রী, পুরুষ, বালক, বালিকা, সকলেই আপনাদের সামর্থ্যানুসারে কার্য্য করিতেছে। হাবেলকের নিরক্ষীকৃত অস্বারোহী সৈনিকেরাও এই কার্য্যে নিযুক্ত রহিয়াছে। নীল হাবেলকের নির্দিষ্ট স্থান উৎকৃষ্ট ও আত্মরক্ষার সবিশেষ উপযোগী বোধ করিলেন। প্রাচীরনির্মাণে কোনরূপ বিলম্ব ঘটিল না। শ্রমজীবীরা প্রতিদিন সূর্যোদয় হইতে সূর্যাস্ত পর্যন্ত কার্য্য করিতে লাগিল। প্রতিদিনই প্রত্যেকের নির্দিষ্ট পারিশ্রমিক প্রদত্ত হইতে লাগিল। ইহারা এইরূপে এক মাসেরও কম সময়ে, সাত ফীট উচ্চ, আঠার ফীট বেধবিশিষ্ট ও অর্দ্ধ মাইল বিস্তৃত প্রাচীর প্রস্তুত করিল। এই অভিনব প্রাচীরের যথাযোগ্য স্থানে কামানসমূহ স্থাপিত হইল। সেনাপতি হাবেলকের সৈন্ত অধিক ছিল না। তিনি কাণপুরের জন্ত আপনার দল হইতে কোন সৈনিক পুরুষ রাখিয়া যাইতে অসম্মত হইলেন। শেষে আকস্মিক বিপদের নিবারণের জন্ত অনিচ্ছাসহকারে আপন দলের তিন শত সৈন্ত রাখিয়া লক্ষ্মীর অভিমুখে প্রস্থান করিলেন।

এইরূপে ইঙ্গরেজের বলবতী প্রতিহিংসার তৃপ্তিসাধন ও শোণিতরঞ্জিত কাণপুরের রক্ষার উপায়বিধান হইল। ইঙ্গরেজ দীর্ঘকাল কাণপুরের নামে বিচলিত হইবেন। দীর্ঘকাল কাণপুর ইঙ্গরেজের হৃদয়ে ভয় ও ক্রোধ, অনুশোচনা ও বিদ্বেষের বিকাশ করিবে। কিন্তু পৃথিবীর ইতিহাসে কেবল কাণপুরই হত্যাকাণ্ডের জন্ত চিরপ্রসিদ্ধিলাভ করিবে না। যাহাদের

স্বদেশীয়েরা কাণপুরে নিহত হইয়াছে, তাঁহারা মনে করিতে পারেন যে, পৃথিবীতে এরূপ ভয়াবহ পাপকাৰ্য্য কখনও অনুষ্ঠিত হয় নাই। কিন্তু ইতিহাস অন্তরূপ নির্দেশ করিবে। পূর্বেও অসহায় সৈনিকদল আত্মসমর্পণ করিয়া, বিপক্ষের হস্তে নিহত হইয়াছে। স্ত্রী, পুরুষ, বালক বালিকারা পূর্বেও তাহাদের শত্রুগণের তরবারির আঘাতে প্রাণত্যাগ করিয়াছে*। যেখানে বিপ্লবের আবির্ভাব হইয়াছে, সেই খানেই এইরূপ নিদারুণ ব্যাপার ঘটিয়াছে। ১৬৪১ খ্রীঃ অব্দে আয়র্লণ্ডে প্রোটেস্ট্যান্ট ধর্মাবলম্বী অধিবাসীরা, ক্যাথলিক ধর্মাবলম্বীদিগের হস্তে এইরূপ নিহত হইয়াছিল। ফ্রান্সে সেন্টবার্থলমিউ পর্কে লগুইনট নামক প্রসিদ্ধ ধর্মসম্প্রদায়ের ব্যক্তির বিপক্ষদিগের হস্তে এইরূপে প্রাণত্যাগ করিয়াছিল। মিসিলিব রাজধানীতে মায়ন্তন উপাসনাসময়ে বঙ্গসংঘা ফরাসী স্ত্রীপুরুষ, বালকবালিকাও উভেজিত লোকের তরবারির আঘাতে এইরূপে ছিন্নবিচ্ছিন্ন হইয়া গিয়াছিল।† মধ্যযুগে ইউরোপের ইতিহাসে এইরূপ অনেক ঘটনার বিবরণ রহিয়াছে। বর্তমান সময়ে সুসভ্য জাতিব ইতিহাসেও এরূপ ঘটনা বিরল নহে ‡। ইংরেজ যাহাদের

*Russell. Diary in India. Vol. II p, 163-164.

† খ্রীঃ সপ্তদশ শতাব্দীতে ফ্রান্সের অনেকে প্রচলিত ক্যাথলিক ধর্মমত পরিত্যাগপূর্বক সংস্কৃতধর্মাবলম্বীদিগের হস্তে নিহত হইয়াছিল। ইহারা ১৫৭২ খ্রীঃ অব্দের আগষ্টমাসে প্রোটেস্ট্যান্ট ধর্মাবলম্বীদিগের অধিনায়ক হেনরির বিবাহ উপলক্ষে ফ্রান্সের রাজধানী প্যারী নগরীতে উপনীত হইলেন। ফ্রান্সের ভূপতি, তাহার মাতা ও ভ্রাতার উভেজনায ২৩ শে আগষ্ট ইহাদের হত্যায় সম্মতিপ্রকাশ করিলেন। ২৪ শে ও ২৫ শে আগষ্ট বঙ্গসংঘা লগুইনট নিহত হইলেন। এইরূপে ছয় সপ্তাহে অল্পমান ৫০০০ লগুইনট ফ্রান্সে নিহত হইয়াছিলেন।

‡ ফ্রান্সের অন্তর্গত আন্দোমানক জনপদবাসী চার্লস ১২৬৬ খ্রীঃ অব্দে মিসিলিব শাসনভার গ্রহণ করেন। ইহার আধিপত্যসময়ে মিসিলিব অধিবাসীরা নিরতিশয় অসন্তুষ্ট হইল। স্পেনের অন্তর্গত প্যারী আরাগণ নামক স্থানবাসী পিত্রোকে রাজা করিবার জন্ত মিসিলিব অধিবাসীরা চার্লসের বিপক্ষে ষড়্‌যন্ত্র করিল। একদা একজন ফরাসী সৈনিক মিসিলিবের একট বধূকে, অপমানিত করিতে অধিবাসীরা প্রকাশ্যভাবে তত্রত্য ফরাসীদিগের বিরুদ্ধে সম্মুখিত হইল। ১২৮২ অব্দের ৩০ শে মার্চ মিসিলিব রাজধানী পলবমোতে যখন মায়ন্তন উপাসনাকালীন দণ্ডাধ্বনি হয়, তখন উন্নত মিসিলিবাসীদিগের তরবারির আঘাতে ৮০০০ ফরাসী স্ত্রীপুরুষ ও বালকবালিকা প্রাণত্যাগ করে।

‡ Russell, Diary in India. Vol. II p, 164

উপর আধিপত্যস্থাপন করিয়াছিলেন, তাহারা ইঙ্গরেজের সর্বনাশে উদ্যত হইয়াছিল। পরাধীন, পরধর্মাক্রান্ত, কৃষ্ণবর্ণ জাতির হস্তে, আপনাদের কুলকণ্ঠা শিশুসন্তানপ্রভৃতি নিপীড়িত, নিগৃহীত ও নিহত হওয়াতেই ইঙ্গরেজের মর্মান্তিক ক্রোধের সঞ্চার হইয়াছিল। তাহারা নিগর বলিয়া যাহাদের প্রতি অবজ্ঞাপ্রদর্শন করিতেন, তাহারা যে, তাহাদের স্বদেশীয়-গণের শোণিতপাতে অগ্রসর হইবে, ইহা তাহারা স্বপ্নেও ভাবেন নাই। কিন্তু শেষে এই অবজ্ঞার পাত্রেরাই দলে দলে অসি হস্তে করিয়া, তাহাদের বিপক্ষে দণ্ডায়মান হইয়াছিল। এই অচিন্তনীয় ব্যাপারের জন্ত ইঙ্গরেজ কাণপুরকে অসাধারণ ঘটনার রঙ্গভূমি বলিয়া নির্দেশ করিতে পারেন। কিন্তু এক সময়ে এই নিগরদিগের সাহায্যেই ইঙ্গরেজ ভারতের রত্নসিংহাসন অধিকার করিয়াছিলেন। ইতিহাস দেখাইয়া দিতেছে যে, তাহাদের অবজ্ঞার পাত্র নিগরেরা সহায় না হইলে, তাহারা সহজে এই বহুসম্পত্তিপূর্ণ, বহুলোকাকীর্ণ ও বহুবিস্তৃত ভূখণ্ডের সর্বাধিপতি বলিয়া সম্পূজিত হইতে পারিতেন না। যাহারা এইরূপ সর্বাধিপত্যস্থাপনে ইঙ্গরেজের সহায় হইয়াছিল, তাহাদের চিরপ্রচলিত অনুশাসন, চিরন্তন রীতিনীতি ও চিরাগত স্বভের মর্যাদারক্ষা হইলে ইঙ্গরেজ বোধ হয়, কাণপুরেও অক্ষত-শরীরে থাকিতেন।

আর নানা সাহেব? ইঙ্গরেজ হয়ত চিরকাল নানা সাহেবকে নরাকারে ভীষণ স্বাপদ বা ক্রুরপ্রকৃতি নরদানব বলিয়া নির্দেশ করিবেন। কিন্তু এই নরস্বাপদ বা নরদানবই অনেক সময়ে তাহাদের স্বদেশীয়দিগের প্রতি যথোচিত সৌজন্তপ্রদর্শন ও করুণাপ্রকাশে উদ্যত হইয়াছিলেন। আজিম উল্লা প্রভৃতি বিরোধী না হইলে কাণপুরের ইউরোপীয়েরা নিরাপদে ও অক্ষতদেহে এলাহাবাদে যাইতে পারিতেন। উত্তেজিত সিপাহীরা যখন ইউরোপীয় সৈনিকদিগের কোন অনিষ্ট না করিয়া, দিল্লীর অভিমুখে ধাবিত হয়, তখন আজিমউল্লার মন্ত্রণায় তাহারা কাণপুরে প্রত্যাবর্তন করে। আজিমউল্লা সতীচোর ঘাটে হত্যার উপায় উদ্ভাবিত করেন*। এবিষয়ে নানা সাহেবের

* *Trevelian, Cawnpur. p. 226.*

সম্মতি ছিল না। স্বীয় প্রতিশ্রুতি ভঙ্গ হইল বলিয়া, তিনি সাতিশয় হুঃখ প্রকাশ করিয়াছিলেন। কিন্তু আজিমউল্লা প্রভৃতি তাঁহার কথায় কর্ণপাত করেন নাই, বা তাঁহার হৃদয়গত বেদনায় বিচলিত হইেন নাই*। আজিমুল্লা, কাণপুরের সমুদয় কার্যের অনুষ্ঠাতা। আজিমুল্লার মন্ত্রণায় পবিত্রসলিলা জাহ্নবী ইউরোপীয়দিগের শোণিতে রঞ্জিত এবং বিবিঘ্নর অসহায় কুলকামিনী ও শিশুসম্মানের বিচ্ছিন্ন দেহনিঃসৃত রক্তধারায় পরিলিপ্ত হয়। নানা সাহেব পারিষদবর্গের একান্ত বশীভূত ছিলেন। এক দিকে উত্তেজিত সিপাহীরা, আপনাদের অভিপ্রায়ানুরূপ কার্য না হইলে, তাঁহার শোণিতপাত করিবে বলিয়া ভয়প্রদর্শন করিতেছিল, অপর দিকে পারিষদেরা তাঁহার কোনও কথা না শুনিয়া, তাঁহার নামে আপনাই ভয়ঙ্কর কার্যের অনুষ্ঠান করিতেছিলেন। নানা সাহেব, দুই দিকে দুইটি প্রবলদলের মধ্যে পড়িয়া, সর্বাংশে ক্ষমতাশূন্য হইয়াছিলেন। যে স্থানে তিনি কাহারও প্রতি দয়াপ্রদর্শনে উন্মুখ হইতেন, সেই স্থানেই তাঁহার কোন পারিষদ আসিয়া বাধা দিতেন। যে স্থানে কেহ কোন ইউরোপীয়কে অবরুদ্ধ করিয়া, তাঁহার শিবিরে লইয়া আসিত, সেই স্থানেই তাঁহার পরিবর্তে তদীয় কোন সভাসদ আসিয়া, অবরুদ্ধ হতভাগ্যের হত্যার বন্দোবস্ত করিতেন। এইরূপে কাণপুরে

* যখন ঘাটে হত্যাকাণ্ড সম্পাদিত হয়, তখন নানা সাহেব আপনাব শিবিরে ছিলেন। তিনি এই কার্যের অনুমোদন করেন নাই, বরং বলিয়াছিলেন “আমি ইঙ্গবেজদিগকে নিবাপদে এস্থান হইতে পাঠাইয়া দিতে ধর্ম্মতঃ প্রতিজ্ঞা করিয়াছি। সুতরাং তাহাদের হত্যায় কখনও সম্মত হইতে পারি না।” কিন্তু বাল সাহেব, আজিমুল্লা গাঁ ও দ্বিতীয় অখারোহীদলের মুসলমানেরা তাঁহার মতের বিবন্ধে কার্য্য কবে। তাহারা বলিয়াছিল, “আমরা কোনরূপ প্রতিশ্রুতিতে আবদ্ধ হই নাই, সুতরাং আমাদের ইচ্ছানুসারে কার্য্য করিব।—*Shepherd, Cawnpur, Massacre, p. 107.*

† *Thomson, Story of Cawnpur, p. 213. Comp. Russell, Diary in India Vol. II. p. 167.*

‡ উপস্থিত গ্রন্থের ২২২ পৃষ্ঠা দেখ।—২৯ শে জুন প্রাতঃকালে কয়েকটি বালক কাণপুরের গঙ্গার অপর তটে ক্রীড়া করিতেছিল। সহসা তাহারা একটি ইউরোপীয় কৰ্মচারীকে নিকটবর্তী গর্ভে লুকায়িত দেখে। বালকেরা তাঁহাকে নিকটবর্তী পল্লীর কৃষকদিগের নিকটে লইয়া যায়। কৃষকেরা আবার তাঁহাকে সঙ্গে করিয়া গ্রামেব প্রধানের নিকটে গমন করে। তিনি ভারতবর্ষের কোন ভাষা জানিতেন না; এজন্য কেবল লঙ্কৌব দিকে অঙ্গুলিপ্রদর্শন করিয়া,

ইউরোপীয়দিগের শোণিতস্রোত প্রবাহিত হইয়াছিল। কথিত আছে, নানা সাহেব কোন কোন সময়ে হত্যাশূলে উপস্থিত ছিলেন এবং কোন কোন স্থলে স্বয়ং হত্যার আদেশ দিয়াছিলেন*। কিন্তু যে স্থলে তাঁহার উপস্থিতির বিষয় উল্লিখিত হইয়াছে, সেই স্থলে ঘটনার দর্শক, তাঁহার অনুপস্থিতির উল্লেখ করিয়াছেন। তিনি কোন হত্যাশূলে উপস্থিত থাকিলে বা কোন সময়ে হত্যার আদেশ দিলেও তাঁহার তদানীন্তন অবস্থার বিষয় ভাবিয়া দেখা উচিত। মানুষ যখন অবস্থাচক্রে আবর্তনে বিপক্ষের সম্মুখে সর্বাংশে অসহায় ও অরক্ষণীয় হইয়া উঠে এবং যখন বিপক্ষের আক্রমণে তাহার সর্বনাশের সূত্রপাত হয়, তখন সে উত্তেজনায় অধীর ও নৈরাশ্রে উদ্ভূত হইয়া, বিপক্ষসংক্রান্ত সকলকেই সম্মুখে উৎসন্ন করিতে উদ্যত হইয়া থাকে। হতভাগ্য নানা সাহেবেরও শেষে এই অবস্থা ঘটিয়াছিল। ইতিহাসেও হত্যাশূলে এইরূপ গভীর উত্তেজনার নিদর্শন বিরল নহে। যাহাহউক, নানা সাহেব,

আপনার গন্তব্য স্থান জ্ঞাপন করেন। পল্লীসাসীরা তাহাকে চিনি খাইতে দেয়। সাতিশয় ক্ষুধার্ত হওয়াতে তিনি উহা দুই হস্তে ভোজন করেন। সদাশয়্যারূপকেরা তাঁহার দুর্বলস্থায় ছুঃখিত হইয়া, তদীয় জীবনরক্ষার চেষ্টা করে। কিন্তু এই সময়ে নিকটবর্তী স্থানেব কতিপয় ভূস্বামীব অনেকগুলি সশস্ত্র অশুচর আসিয়া উক্ত ইউরোপীয়কে অবরুদ্ধ করে। তাহারা ইউরোপীয়কে লইয়া কাণপুরে উপস্থিত হয়। তাহাদের কতিপয় ব্যক্তি নানা সাহেবকে আনিতে গমন করে। কিন্তু নানা সাহেবের পরিবর্তে বাবাভট্ট আসিয়া নানা সাহেবের নামে ঐ সকল সশস্ত্র ব্যক্তিকে অবরুদ্ধ ইউরোপীয়ের প্রাণসংহাৰ করিতে বলেন। তাহারা কহে—“এই ব্যক্তিব হস্তে অস্ত্রসমর্পণ করুন, এবং ইহাকে আমাদের প্রতি অস্বাধাত করিতে বলুন; তাহা হইলেই আমরা আধাতের বিনিময়ে ইহাকে আধাত করিব। এ ভাবে হত্যা করিতে পারিব না।” এই সময়ে দ্বিতীয় অশ্বারোহিদলের কতিপয় সিপাহী ঘটনা-ক্রমে এই স্থলে আসিয়া বাবাভট্টের আদেশপালন করে।—*Trevelian, Cawnpur, p. 276-277.*

* কথিত আছে, নানা সাহেবের বিঠুরের প্রাসাদে বিবি কার্টার নামে একটি গর্ভবতী ইউরোপীয় মহিলা অবরুদ্ধ ছিল। উক্ত মহিলা ঐ স্থানে একটি সন্তানপ্রসব করে। পেশবা বাজী রাওয় বিধবা পত্নীগণ ইহার সহিত সদয়ব্যবহার করিতে ক্রটি করেন নাই। নানা সাহেব যখন বিঠুর হইতে পলায়ন করেন, তখন এই মহিলা ও তদীয় শিশুসন্তানের প্রাণসংহারের আদেশ দিয়াছিলেন। প্রাসাদরক্ষকেরা এই আদেশপালনে পরাধুখ হয় নাই।—*Kaye, Sepoy War. Vol. II. p., 391, note.*

† উপস্থিত গণ্ডেব ২২২ পৃষ্ঠা দেখ।

তঁাহার মুসলমান সচিবের মন্ত্রণায় পরিচালিত ও অনিবার্য ঘটনায় বাধ্য হইয়া আপনাদের প্রনষ্ট গৌরবের পুনঃপ্রতিষ্ঠার আশায়, ইঙ্গরেজের বিপক্ষদিগের সহিত সম্মিলিত হইয়াছিলেন। ইঙ্গরেজ ইহা গুরুতর অপরাধ বলিয়া নির্দেশ করিতে পারেন। কিন্তু অপরাধ গুরুতর হইলেও অপরাধীর শাস্তি লঘুতর হয় নাই। হতভাগ্য নানা সাহেব কঠোরতম শাস্তিই ভোগ করিয়াছেন। তঁাহার বহুমূল্য সম্পত্তি পরহস্তগত হইয়াছে, তঁাহার বিস্তৃত প্রাসাদ বিচূর্ণিত ও বিধ্বস্ত হইয়া গিয়াছে, তঁাহার সম্মান ও ক্ষমতা, এই বিনশ্বর জগতে নলিনীদলগত জলবিন্দুর ত্রায় চঞ্চলভাবে পরিচয় দিয়াছে; আর তিনি সর্বক্ষমতা হইতে পরিভ্রষ্ট, সর্বসম্পত্তি হইতে বিচ্যুত ও আত্মীয়স্বজন হইতে বিচ্ছিন্ন হইয়া, হয ত, স্বাপদসঙ্কুল বিজন বিপিনে বা বিপত্তিময় ছুরারোহ পর্বতে দেহত্যাগ করিয়াছেন। তঁাহার প্রতি এখন শান্তিসলিল প্রক্ষিপ্ত হউক ; তিনি এখন কঠোরহৃদয় ঐতিহাসিকের কঠোর আক্রমণ হইতে নিষ্কৃতিলাভ করুন। তঁাহার শোচনীয় অবস্থা—তঁাহার জীবনের শোচনীয় পরিণামচিন্তাপূর্বক এখন বিরুদ্ধবাদিগণ সমদর্শিতা ও উদারতারপরিচয় দিয়া, সহৃদয়দিগের বরণীয় হউন।



পরিশিষ্ট ।

[ধিকৃপস্থ নানা সাহেবের নামে ইংরেজদিগের প্রতি জনসাধারণের বিদ্বেষ ও তাহাদের সাহস বর্দ্ধিত করিবার জন্ত, যে সকল ঘোষণাপত্র ও আদেশপত্র প্রচারিত হয়, নানা নারায়ণ রাও তৎসমুদয় সেনাপতি নীলেশ হস্তে সমর্পণ করেন। কে সাহেব স্বপ্রণীত ইতিহাসে ঘোষণাপত্র ও আদেশপত্রগুলি প্রকাশ করিয়াছেন। উহাব ভাবমাত্র এই স্থলে সঙ্কলিত হইল।]

৬ই জুলাই তারিখের ঘোষণাপত্র ।

“কলিকাতা হইতে কাণপুরে এই মাত্র একজন পথিক উপস্থিত হইয়াছে। সে শুনিয়াছে, টোটাবিতরণের পূর্বে হিন্দুস্থানীদিগের ধর্ম্মনাশের জন্ত একটি সমিতির অধিবেশন হইয়াছিল। সমিতিতে এই প্রস্তাব নির্দ্ধারিত হইয়াছে যে, সাত আট হাজার ইউরোপীয় সৈন্য দ্বারা পঞ্চাশ হাজার হিন্দুস্থানী বিনাশ করা হইবে, এবং অবশিষ্ট খ্রীষ্টীয়ধর্ম্মে দীক্ষিত হইবে। এই প্রস্তাব মহারাণী বিক্টোরিয়ার নিকটে প্রেরিত হইয়াছে। মহারাণীও ইহার অনুমোদন করিয়াছেন। পুনর্বার আর এক সভার অধিবেশন হইয়াছে। ইংরেজ বণিকেরা এবিষয়ে সাহায্য করিয়াছে। সভায় স্থির হইয়াছে যে, হিন্দুস্থানী ও ইউরোপীয় সৈন্তের সংখ্যা সমান করিতে হইবে। ইহাতে যুদ্ধ উপস্থিত হইলে কোনরূপ আশঙ্কা থাকিবে না। ইংলণ্ডের লোকে এই মত জানিয়া, তাড়াতাড়ি ৩৫ হাজার সৈন্য ভারতবর্ষে পাঠাইয়া দিয়াছে। তাহাদের যাত্রার সংবাদ কলিকাতায় পহঁছিয়াছে। এতদেশের সৈনিকদিগকে খ্রীষ্টীয়ধর্ম্মে প্রবর্তিত করিবার জন্ত, কলিকাতার সাহেবেরা টোটাবিতরণের আদেশ দিয়াছে। সৈনিকগণ খ্রীষ্টীয়ধর্ম্মে দীক্ষিত হইলে, রাইয়তদিগকে উক্ত ধর্ম্মে প্রবর্তিত করিতে বিলম্ব হইবে না। ঐ সকল টোটার শূকর ও গাভীর বসা মিশ্রিত রহিয়াছে। যে কারখানায় উক্ত টোটা প্রস্তুত হয়, তথাকার বাঙ্গালীরা ইহা অবগত আছে। তাহাদের মধ্যে যাহারা এবিষয় প্রকাশ করিয়াছে, তাহাদের এক জনের ফাঁসী হইয়াছে ও অবশিষ্ট কারাগারে অবরুদ্ধ রহিয়াছে। সাহেবেরা এখানকার আয়োজন করিয়াছে। ইউরোপের সংবাদ এই, তুরস্কের দূত লণ্ডন হইতে সুলতানকে লিখিয়া জানাইয়াছেন যে, পঁয়ত্রিশ হাজার লোক হিন্দুস্থানীদিগকে খ্রীষ্টীয়ধর্ম্মে প্রবর্তিত করিবার উদ্দেশ্যে হিন্দু-

স্থানে প্রেরিত হইয়াছে। কুমের সুলতান—ঈশ্বর তাঁহার রাজত্ব অক্ষয় করুন—মিশরের শাহের নিকটে এই মর্মে ফরমান পাঠাইয়াছেন, “আপনি মহারানী বিষ্টোরিয়ার মিত্র। কিন্তু এখন মিত্রতারক্ষার সময় নহে। আমার দূত লিখিয়াছেন যে, পঁয়ত্রিশ হাজার সৈন্ত হিন্দুস্থানের রাইয়ত ও সৈনিকদিগকে খ্রীষ্টীয়ধর্মে প্রবর্তিত করিবার উদ্দেশ্যে প্রেরিত হইয়াছে। অতএব এ সম্বন্ধে আমার যাহা কর্তব্য, তাহাতে উদাসীন হইলে আমি কি করিয়া, ঈশ্বরকে মুখ দেখাইব। আমাকেও হয়ত এক সময়ে এইরূপ দশাগ্রস্ত হইতে হইবে। কারণ ইঙ্গরেজেরা যখন হিন্দুস্থানীদিগকে খ্রীষ্টীয় ধর্মে প্রবর্তিত করিতেছে, তখন আমার রাজ্যেও ঐরূপ চেষ্টা করিবে।”

“মিশরের অধিপতি এই ফরমান পাইয়া ইঙ্গরেজসৈন্তের উপস্থিতির পূর্বেই ভারতবর্ষের পথে আলাক্জান্দ্রিয়া নগরীতে সৈন্তসন্নিবেশিত করিয়াছিলেন। ইঙ্গরেজসৈন্ত যে মুহূর্ত্তে দৃষ্টিগোচর হইয়াছে সেই মুহূর্ত্তেই শাহের সৈন্ত সকল দিক হইতেই কামানের গোলা চালাইয়া, তাহাদিগকে বিনষ্ট ও তাহাদের জাহাজ নিমজ্জিত করিয়াছে। তাহাদের এক জন সৈনিকও পলাইতে পারে নাই।

“কলিকাতায় ইঙ্গরেজেরা টোটাবিতরণের আদেশ প্রচার করাতে যখন গোলযোগ উপস্থিত হইয়াছে, তখন তাহারা লণ্ডন হইতে আগ্রহসহকারে আপনাদের সাহায্যকারী সৈন্তের আগমনপ্রতীক্ষা করিয়াছে, কিন্তু সর্বশক্তিমানের অনন্ত শক্তিতে তাহারা অগ্রেই বিধ্বস্ত হইয়াছে। ঐ সকল সৈন্তের বিনাশসংবাদ পাইয়া গবর্নর জেনেরল সাতিশয় ছুঃখিত হইয়াছেন, এবং হতাশ হৃদয়ে শিরে করাঘাত করিয়াছেন।

‘রজনীপ্রারম্ভে যেই ছিল অতিশয়
শক্তিমান্ ধনবান্ প্রভু সর্বময়।
প্রভাতে হইল তার শিরোহীন দেহ,
মস্তকে মুকুট তার না দেখিল কেহ।
তপনের আবর্তনে মাত্র একবার,
নাদির শা না রহিল কোন চিহ্ন তার।’

পেশবার রঞ্জিতোদ্যান হইতে প্রকাশিত।”

“কাণপুরের কোতোয়াল ছলাশ সিংহ সমীপে।

এতদ্বারা আপনার প্রতি এই আদেশ দেওয়া যাইতেছে যে, আপনি আপ-

নার বিভাগের অধিবাসীদেরকে এই বিষয় জানাইবেন যে, যদি কেহ ইঙ্গরেজ-দিগের চৌকি, টেবিল, টীন বা ধাতুময় বাসন, অস্ত্র, বগীচাড়া, ডাক্তারের সরঞ্জাম, ঘোড়া অথবা রেলওয়ে কর্মচারীদের লোহা, তার, কোট, জামা প্রভৃতি বিলুপ্তন করিয়া আপনার অধিকারে রাখে, তাহা হইলে সে, সেই সকল দ্রব্য বাহির করিয়া দিবে। যদি কেহ এই সকল দ্রব্য গোপন করে, এবং পরে তাহার বাটীতে অনুসন্ধান করিলে উহা প্রাপ্ত হওয়া যায়, তাহা হইলে তাহার যথোচিত শাস্তি হইবে। কাহারও গৃহে কোন ইঙ্গবেজ বা তাহাদের শিশুসন্তান থাকিলে সে ব্যক্তি বিনা জিজ্ঞাসায় তাহাদিগকে আনিয়া দিবে। যদি কেহ এ বিষয় গোপনে রাখে, তাহা হইলে তাহাকে তোপে উড়াইয়া দেওয়া হইবে।

৪ঠা জিকদ, অথবা ২৪শে জুন, ১৮৫৭ খ্রীঃ অঃ।”

“রঘুনাথ সিংহ, ভবানী সিংহ প্রভৃতি সমীপে।

সীতাপুরের সৈনিকদলের (একচত্ব্বিংশ পদাতিকদল) অধিনায়কগণ এবং সেকন্ডার প্রথম অধিরোহীদের নামেব রেসেলদাব ওয়াজিদ আলিখা।

সাদর সম্ভাষণ—আপনারা মীর পুনা আলির সঙ্গে যে আবেদনপত্র পাঠাইয়াছেন, তাহা পছন্দ হইয়াছে। আবেদনপত্রের বিষয় আমার গোচর হইয়াছে। আপনাদের সাহস ও পরাক্রমের সংবাদে আমি সাতিশয় সন্তুষ্ট হইয়াছি। আপনারা নিরতিশয় প্রশংসার পাত্র। আপনারা এইরূপ কার্য করুন। লোকেও এইরূপ করিতে থাকুক। এখানে অদ্য (২৭শে জুন) শ্বেতপুরুষেরা আমাদের সহিত যুদ্ধ করিয়াছে। ঈশ্বরের অনুগ্রহে এবং সর্কসংহারকের সংহারিণী শক্তিতে তাহারা সকলেই নরকে প্রবেশ করিয়াছে। এই ঘটনার সম্মান জ্ঞাত তোপধ্বনি হইয়াছে। আপনারাও এই বিজয় ব্যাপারে তোপধ্বনি করিয়া আফ্লাদপ্রকাশ করিবেন। অধিকন্তু, আপনারা অধিবাসীদের সহিত যুদ্ধ করিবার জ্ঞাত আমার অনুমতি প্রার্থনা করিতে আমি সাতিশয় সন্তুষ্ট হইয়াছি। কয়েক দিনের মধ্যে যখন এই বিভাগে শান্তি স্থাপিত হইবে, তখন যে সকল বিজয়ী সৈন্য এখন একটি বৃহৎ সৈনিকদলে পরিণত হইতেছে, এবং প্রত্যহ যাহাদের দলবৃদ্ধি হইতেছে, তাহারা গঙ্গাপার হইয়া, যাবৎ আমি উপস্থিত না হইব, তাবৎ ঐসকল অধিবাসীকে নিরুদ্ধ করিয়া রাখিবে। শীঘ্রই এইরূপ ঘটবে। আপনারা ঐসময়ে সাহস-প্রদর্শন করিবেন। মনে রাখিবেন, লোকের উভয় ধর্ম্মই শ্রদ্ধা আছে।

ইহাদের যেন কখনও কোনরূপে ক্ষতি ও অনিষ্ট না হয়। ইহাদের রক্ষার জন্ত যত্নশীল হইবেন এবং অভিযানের দ্রব্যাদি সংগ্রহ করিয়া রাখিবেন।

৪ঠা জিকদ, ২৭শে জুন, ১৮৫৭।”

“কোতোয়াল হুলাশ সিংহ সমীপে।

“ঈশ্বরের প্রসাদে এবং মহারাজের সৌভাগ্যে পুনা ও পান্নার সমস্ত ইঙ্গরেজ নিহত ও নরকে প্রেরিত হইয়াছে। দিল্লীর পাঁচ হাজার ইঙ্গরেজ, সত্রাটের সৈন্তের তরবারির আঘাতে দেহত্যাগ করিয়াছে। মহারাজ এখন সর্বত্রই জয়ী হইতেছেন। অতএব আপনাকে আদেশ দেওয়া যাইতেছে যে, আপনি এই আনন্দসংবাদ সমস্ত সহরে সমস্ত পল্লীতে টেঁটরা পিটাইয়া ঘোষণা করিবেন, যেন সকলেই ইহা শুনিয়া আমোদ করিতে পারে। এখন আশঙ্কার সমস্ত কারণ তিরোহিত হইয়াছে।”

৮ই জিকদ, ১লা জুলাই ১৮৫৭।

“অযোধ্যার অন্তর্গত ধুন্দিয়াখেরার তালুকদার

বাবু রামবক্স সমীপে।

সাদর সম্ভাষণ—আপনার ৬ই জিকদ (২৯শে জুন) তারিখের আবেদন-পত্র পাঠ করিয়াছি। এইপত্রে ইঙ্গরেজদিগের হত্যা ও দুইজন কর্মচারীর সহিত আপনার ভ্রাতা সুধানন সিংহের মৃত্যুসংবাদ আছে, এবং আপনি আপনার প্রগাঢ় কার্যতৎপরতার পুরস্কার স্বরূপ আমার অনুগ্রহপ্রার্থনা করিয়াছেন। আপনাকে এতদ্বারা জানান যাইতেছে যে, আমি আপনার এই ক্ষতিতে দুঃখিত হইয়াছি। কিন্তু ঈশ্বরের ইচ্ছার নিকট মস্তক অবনত করা উচিত। অধিকন্তু, এই ঘটনা (আপনার ভ্রাতার মৃত্যু) আমার রাজত্বের কারণ সজ্জাটিত হইয়াছে। অতএব আপনি আমার চিরকাল রক্ষণীয় থাকিবেন। আপনার কোন বিষয়ে ভয় নাই। আমার রাজত্বে আপনি অবশুই বন্ধু বলিয়া পরিগণিত হইবেন।

১০ই জিকদ, ৩রা জুলাই, ১৮৫৭।”

“কোতোয়াল হুলাশ সিংহ সমীপে।

এলাহাবাদ হইতে ইউরোপীয় সৈন্ত আসিতেছে শুনিয়া, সহরের কতিপয় ব্যক্তি আপনাদের গৃহপরিত্যাগপূর্বক পল্লীসমূহে আশ্রয়স্থানের অনুসন্ধান

করিতেছে। আপনাকে আদেশ দেওয়া যাইতেছে, আপনি সহরে ঘোষণা করিবেন যে, ইঙ্গরেজদিগকে তাড়িত করিবার জন্ত পদাতি, অশ্বারোহী ও গোলন্দাজ সৈন্য অগ্রসর হইয়াছে। তাহারা ফতেহপুর, এলাহাবাদ যেখানেই হউক, ইঙ্গরেজসৈন্য দেখিলেই তাহাদিগকে সমুচিত শাস্তি দিবে। সকলেই যেন নিঃশঙ্কচিত্তে গৃহে থাকিয়া আপনাদের কার্য্য করে।

১২ই জিকদ, ৫ই জুলাই ১৮৫৭।”

“সৈনিকদের অধিনায়কগণ সমীপে।

আমি আপনাদের উৎসাহ, সাহস, ও রাজভক্তিতে সান্তিশয় সন্তুষ্ট হইয়াছি। আপনাদের পরিশ্রম নিরতিশয় প্রশংসার যোগ্য। এখানে বেতন ও পারিতোষিকের যে হার অবধারিত হইয়াছে, আপনাদের জন্তও সেই হার অবধারিত হইবে। আপনারা নিশ্চিত হউন। যেরূপ প্রতিশ্রুতি হইয়াছে, তাহা পূর্ণ হইবে। অদ্য সকল শ্রেণীর সৈন্য লক্ষ্মী যাইবার জন্ত গঙ্গা পার হইবে। কাফেরদিগের হত্যা ও তাহাদিগকে নরকে প্রেরণের জন্ত আপনাদিগকে সর্বপ্রকারে সাহায্য করা হইবে। জয়লাভের জন্ত আপনাদের উদ্যম ও সাহসের উপরই এখন সর্বতোভাবে নির্ভর করা যাইতেছে। এই আদেশপ্রাপ্তির পর আপনারা আপনাদের হস্তাক্ষর ও সিলমোহরযুক্ত পত্র দ্বারা আমাকে জানাইবেন যে, এই আদেশপত্রের সমস্ত বিষয় আপনাদের গোচর হইয়াছে, এবং আপনারা অবিশ্বাসীদিগের ধ্বংসসাধন জন্ত আমার সহকারী হইতে প্রস্তুত রহিয়াছেন। অস্ত্রাদিও জন্ত আপনাদের কোন ভয় নাই। গোলা, গুলি, বারুদ ও বৃহৎ বৃহৎ কামান, যাহা আবশ্যিক হইবে, পাওয়া যাইবে। লক্ষ্মীর কোতোয়াল সরফুউদ্দৌলা ও আলি বেগ এই সকল দ্রব্য যোগাইতে আদিষ্ট হইয়াছেন। তাঁহারা আদেশানুরূপে কার্য্য করিবেন। যদি তাঁহারা কর্তব্যসম্পাদন না করেন তবে আমায় জানাইবেন তাঁহাদের গুরুতর শাস্তিবিধান হইবে। আপনারা সকলেই সাহস ও দৃঢ়তার পরিচয় দিবেন। আপনাদের জয়লাভ হউক। আপনাদের বা আমার সন্দেহদোলায়মান হইবার কোন প্রয়োজন নাই। এইরূপে তাড়াতাড়ি জয়লাভের পর এলাহাবাদে যাইয়া জয়লাভ করিতে হইবে। ১৪ই জিকদ, ৭ই জুলাই, ১৮৫৭।”

“কাননগুই কল্কাপ্রসাদ সমীপে।

সাদর সম্ভাষণ—আপনার আবেদনপত্র পঁছিয়াছে। ইহাতে, আপনি

উল্লেখ করিয়াছেন যে, ইউরোপীয়দিগের সাতখানি নৌকা যখন কাণপুর হইতে যায়, তখন আপনার লোকে আমার সৈনিকদিগের সহিত সন্মিলিত হইয়া, আবল আজিজ গ্রাম পর্য্যন্ত সমস্ত পথে গুলিনিক্ষেপ করিয়া, নৌকারূঢ় ইউরোপীয়দিগের হত্যা করিয়াছে। এই স্থানে আপনি স্বয়ং অশ্চালিত তোপ লইয়া সৈন্তের সহিত সন্মিলিত হইয়াছেন, এবং ছয়খানি নৌকা ডুবাইয়া দিয়াছেন। একখানি বায়ুবেগে রক্ষা পাইয়াছে। আপনি মহৎ কার্য্যসম্পাদন করিয়াছেন। আপনার ব্যবহারে আমি পরম সুস্তুষ্ট হইয়াছি। আমার রাজত্বের জ্ঞাত এইরূপ একাগ্রতা ও যত্নাতিশয় প্রদর্শন করুন। এই অনুমতিপত্র আপনার প্রতি অনুগ্রহপ্রদর্শনের চিহ্ন স্বরূপ প্রেরিত হইল। আপনি একজন অবরুদ্ধ ইউরোপীয়ের সহিত যে আবেদন পত্র পাঠাইয়াছেন, তাহাও হস্তগত হইয়াছে। উক্ত ইউরোপীয় নরকে প্রেরিত হইয়াছে। ইহাতে আমি অধিকতর আনন্দিত হইয়াছি। ১৬ই জিকদ, ৯ই জুলাই, ১৮৫৭।”

“শিসূলের থানাদার সমীপে।

মহারাজ পেশবা বাহাদুরের বিজয়ী সৈন্ত ইউরোপীয়দিগকে বাধা দিবার জ্ঞাত এলাহাবাদের অভিমুখে গমন করিয়াছিল। এখন সংবাদ আসিয়াছে যে, ইউরোপীয়েরা পেশবা বাহাদুরের সৈনিকদিগকে প্রতারিত করিয়াছে, তাহাদিগকে আক্রমণ পূর্বক ইতস্ততঃ বিচ্ছিন্ন করিয়া ফেলিয়াছে। কতিপয় ইউরোপীয় সৈনিক নাকি তথায় অবস্থিত করিতেছে। অতএব আপনাকে আদেশ দেওয়া যাইতেছে, আপনি আপনার বিভাগের ও ফতেহপুরের ভূস্বামীদিগকে জানাইবেন যে, সকল সাহসী পুরুষই যেন আপনাদের ধর্ম্মরক্ষা এবং ইউরোপীয়দিগকে তরবারিমুখে সমর্পণ ও নরকে প্রেরণের জ্ঞাত হৃদয়ের সহিত কার্য্য করেন। আপনি প্রাচীনবংশীয় ও ক্ষমতাপন্ন ভূস্বামীকেই আপনার পক্ষে আনিবেন; তাঁহাদিগকে তাঁহাদের ধর্ম্মের জ্ঞাত একতাবদ্ধ হইতে এবং সমস্ত বিধর্ম্মীকে হত্যা ও নরকে প্রেরণ করিতে সম্মত করাইবেন। অধিকন্তু তাঁহাদিগকে জানাইবেন যে, মহারাজ প্রত্যেকেই তাঁহার প্রাপ্য বিষয় দিবেন এবং যাহারা সাহায্য করিবে, তাঁহাদিগকে পুরস্কৃত করিবেন। ২০ শে জিকদ, ১৩ই জুলাই, ১৮৫৭।”

“লক্ষ্মীস্থিত অখারোহী, গোলন্দাজ ও পদাতি সৈন্তের
বাহাদুরগণ এবং অধিনায়কগণ সমীপে।


সন্তাষণ—প্রায় এক হাজার ব্রিটিশ সৈন্ত কয়েকটি কামান লইয়া, এলাহাবাদ হইতে কাণপুরের অভিমুখে আসিতেছে। এই সৈন্তের গতিরোধ ও হত্যার জন্ত একদল সৈন্ত প্রেরিত হইয়াছে। ব্রিটিশ সৈন্ত ক্রতবেগে অগ্রসর হইতেছে। উভয় পক্ষেই অনেকে আহত ও নিহত হইতেছে। ইউরোপীয়েরা এখন কাণপুরের সাত ক্রোশ দূরে আছে। যুদ্ধ প্রবল পরাক্রমের সহিত হইতেছে, সংবাদ আসিয়াছে যে, ইউরোপীয়েরা জাহাজেও নদীপথে আসিতেছে। এজন্য কাণপুর সহরের বাহিরে সুদৃঢ়ভাবে সৈন্তসন্নিবেশস্থান প্রস্তুত হইতেছে। এখানে আমার সৈন্ত প্রস্তুত রহিয়াছে, দূরে সমরানল প্রজ্বলিত হইয়াছে। অতএব আপনাদিগকে জানান যাইতেছে যে, উক্ত ব্রিটিশ সৈন্ত নদীর এপারে বাইশবারা বিভাগের বিপরীত দিকে রহিয়াছে। সম্ভবতঃ তাহারা গঙ্গাপার হইবার চেষ্টা করিতে পারে। অতএব আপনারা বাইশবারায় তাহাদের গতিরোধের জন্ত কতিপয় সৈন্ত অবশ্য পাঠাইয়া দিবেন। আমার সৈন্ত এই দিক হইতে তাহাদিগকে আক্রমণ করিবে। এই উভয় সৈনিকদলের একতায় আমাদের সর্বাপেক্ষা বাঞ্ছনীয়—অবিখ্যাসীদিগের হত্যা সম্পন্ন হইতে পারে।

“যদি ইউরোপীয়েরা বিনষ্ট না হয়, তাহা হইলে তাহারা নিঃসন্দেহ দিল্লীর দিকে ধাবিত হইবে। কাণপুর ও দিল্লীর মধ্যে এমন কেহই নাই যে, তাহাদের বিরুদ্ধে দণ্ডায়মান হইতে পারে। তাহাদের সমূলে বিনাশের জন্ত আমাদের একতাবদ্ধ হওয়া, উচিত।


“এরূপ জনরব যে, ব্রিটিশ সৈন্ত গঙ্গা পার হইতে পারে। এখনও কতিপয় ইন্ডরেজ বেলিগার্ডে থাকিয়া যুদ্ধ করিতেছে। এখানে কোন ইন্ডরেজ জীবিত নাই। ইউরোপীয়দিগকে চারি দিকে পরিবেষ্টিত করিয়া, বিনষ্ট করিবার জন্ত নদীর এপারে শিবরাজপুরে অবিলম্বে সৈন্ত পাঠাইয়া দিবেন।

২৩শে জিকদ ১৬ই জুলাই, ১৮৫৭।”

[নানা সাহেবের নামে প্রচারিত আদেশপত্রসমূহের মধ্যে এইখানই শেষ আদেশপত্র। ১৬ই জুলাই হাবেলক কাণপুরের দিকে জয়ী হইলেন। নানা সাহেব পলায়ন করেন।]



954.05/GUP/R/4



22335

